

第二編

閩侯陳宗蕃編

燕

龍

鼓

考

張志潭題





A541 212 0017 4910B

燕都叢考

題詞

萬物至脆弱。人情喜變遷。故都如墜甌。未墜已非全。持較光宣時。寧只孺垣穿。華表與巷陌。觸眼皆海田。爲政愛粉飾。紛更徒改絃。狐埋而狐搢。作計尤可憐。陳侯錄夢餘。忍淚成茲編。委曲避時諱。稱都冠以燕。遼金三圖審。已足誇前賢。獨惜書早成。事變來聯翩。順承非舊觀。御河行就堙。君書所不及。續考當何年。

李景莖

員簫彌刺已年年。夢繞齊州九點煙。絕喜舊聞傳日下。儼同使者自天邊。漫隨毛穎宗明視。愧乏湖船逐計然。坦蕩陳侯吾所畏。一編相餉各華顛。


章士釗

華胥一碎微塵。鷓鴣驚秋局又新。廿九年間坊曲夢。百千劫底嘯歌人。舊聞秀水猶多闕。野史枝山可比珍。回首故園疲戰伐。乞屢同作朔方民。

黃濬

如畫西山送五朝。瓊華佳氣黯烟銷。武林舊事從頭寫。儻勝無懷記板橋。太平寰宇關形勢。洛下園林繫盛衰。誰同酒邊尋恨影。含元殿上立多時。

葉恭綽



206911

締造誰知物力殫。一篇苦爲補叢殘。潛夫無限傷心史。莫作尋常載筆看。論鄧世議
總紛紛。忍使河山兩戒分。舊侶慈恩零落盡。春明花發每思君。王揖唐

幾度滄桑感舊京。街衢宮苑總關情。君家本有陳驚座。大著編成四座驚。九陌淒涼
草不春。網羅散佚屬何人。御溝柳與金臺月。往事追尋淚滿巾。舊聞日下有專書。考
證零星付蠹魚。頗幸煌煌成巨製。才高百尺信非虛。迤邐燕城王氣銷。能談掌故太
寥寥。傷心漫灑銅駝淚。還向藤陰倒酒瓢。王蟬齋

曾揩淚眼記金臺。酒畔春心寸寸灰。解錄夢華溫舊夢。夜燈展讀見君才。

李宣侗

奉答題詞諸作

陳宗蕃

奕葉垂文獻。脩隨王道息。豎儒強解事。掇拾志都邑。禾黍託微吟。俗子已變色。愛憎見
世風。感茲涕霑臆。羣公惠好我。寄言勤拂拭。夢華若可溫。春明還相憶。默默含元情。寂
寂藤陰迹。慨念墮垣穿。灑淚銅駝棘。朔方同乞屢。語重心彌惻。微嗶引衆籟。會心各有
得。餽飭續殘編。補苴望羣力。斗杓今指南。鴻爪留餘墨。

燕都叢考

閩侯陳宗蕃純衷編

第二編

第一 內城總說

內城周四十里。門九。清時定制分五城。而兼轄於步軍統領。其後分爲八區。其街衢之大者。中曰棋盤街。南北曰崇文門街。宣武門街。大市街。王府街。地安門街。安定門街。德勝門街。南小街。北小街。錦什坊街。東西曰江米巷。長安街。丁字街。馬市街。朝陽門街。東直門街。阜城門街。西直門街。鼓樓東大街。鼓樓西斜街。民國十七年併內城八區爲五區。註一

註一 析津志街制自南至北謂之經。自東至西謂之緯。大街二十四步闊。小街十二步闊。三百八十四火巷。二十九街通。衢迪二字本方言。又長街下步廊丁字街鐘樓街半邊街棋盤街五門街三叉街。此二街在南城（案析津志所舉街名。今多仍舊。惟五門街。三叉街遺址不可考。）衢迪即胡同也。順天府志明代以前三門外爲南城。故內城祇分中東西北。我朝規制。內外城各分五城。其皇城內前明爲禁地者。今則悉隸中城。餘亦各有分并。惟正陽門爲嚮明出治之區。棋盤街在門內。地屬南城。

按前清時。內外城各街巷均係土路。故有無風三尺土。有雨一街泥之諺。宣武門大街崇文門大街暨地安門大


北

內三區界

內一區簡明圖

西

東



南

內二區界

第二 內一區各市街

正陽門之北。中華門之南。為棋盤街。註昔時四圍列肆。百貨雲集。又名千步廊。註朝會時為護衛駐足之地。註三。今則石闌周遭。空曠清廓。兩旁為入東西城孔道。中間僅為行人散步之所。

註一 舊聞考大清門外俗稱棋盤街。乾隆四十年修葺。周圍石闌。以崇體制。東華錄順治六年五月癸巳。欽

天監奏宸居九重。負陰抱陽。陰宜斂藏。陽宜開廣。棋盤街房屋蔽塞。宜禁。文德武功兩坊相配。今文德坊已火。即

宜修建。從之。宸垣識略棋盤街四圍列肆長廊。百貨雲集。又名千步廊。元歐陽原功詩麗正門當千步街。則千

步廊為闌圍之所。明矣。今大清門外居人猶仍此名。舊聞考以門內朝房當之。蓋據金志而言。長安客語棋盤

街府部對列。街之左右。天下士民工賈。各以牒至。雲集於斯。肩摩轂擊。竟日喧囂。此亦見國家豐豫之象。查浦

詩鈔雜詠詩棋盤街闐靜無塵。百貨初收百戲陳。向夜月明真似海。參差宮殿湧金銀。析津志崇文門正南出

周橋靈星三門外分三道。中千步廊街出麗正門。又菜市在麗正門三橋。窮漢市一在麗正門西。順天府志今

之正陽門元之麗正門也。明初築京城時。不聞有所更改。第証以元一統志析津志。則麗正門當與今長安街相

近。所謂千步廊者。未必即在今棋盤街之地。以他無可附麗。姑附此。燕都游覽志棋盤街直宮禁大明門之前。

每朝會諸大典。京營將先期領營軍護衛駐足其中。樹幟甚盛。若乃天街步月。雖城中多曠。觀乎此屬第一。桃

花聖盒日記。皇后匿具由大清門迎入大內。士女擁觀。棋盤街左右以填道。屏車騎。京官皆由宣武門出入矣。

皇城以內花鏡采棚直接乾清門。工部司官分日守視。直宿朝房。侍衛輪班掌燭去櫛。士夫皆花衣補服。交錯宮門。

按此係前清光緒十六年大婚時事。

按清光緒庚子前棋盤街東西商店林立。拳匪搆亂燬於火。今東面爲美國操場。西面亦僅商店數家。千步廊更無可考。惟周圍石闌尙存。井二。俗謂之龍眼者。軸轆依舊。石闌之內。雜植樹木。黃槐綠柳。夾道環列。天街步月。猶爲勝景。吾鄉沈文憲公瑜慶濤園集有棋盤街步月詩。

自棋盤街東面而北。爲公安局街。昔爲戶部街。亦稱富貴街。宗人府

註一 吏部

註二 戶部

註三 禮

部^{註四}均在街東。民國以後。宗人府遷於東安門大街之北。舊署南一部分爲警察廳。消防

隊駐所。其北夷爲平地。售歸民有。吏部改爲京師警察廳。藤花廳尙無恙。戶部改爲財政部。民國四年。財政部遷於西長安街。舊署改爲全國烟酒事務局公署。禮部改建郵政總局。高樓聳立。全易舊觀。十七年京師警察廳改稱公安局。戶部街之名。亦改爲公安街。街之北有匯昌大樓。頗足與郵政總局相頡頏。街中售醬羊肉之月盛齋最有名。公安局南面有橫胡同。仍曰富貴街。郵政總局之南有橫胡同。曰新大路。

註一 舊聞考宗人府在皇城東。西嚮。吏部公署之北。順治九年仍舊址而恢廓之。（明英宗實錄正統七年四

月建宗人府於大明門之東。左爲經歷司。迤南爲左司。迤北爲右司。又有黃櫨庫。黃櫨房。銀庫。玉牒庫。一統志宗人府設宗令及宗正宗人各一。親王郡王貝勒貝子宗室公將軍爲之。又設漢府丞一。理事官副理事官各四。及主事經歷等員。主事有漢缺二。都市叢考宗人府土地祠在宗人府北廊下。黃袍冠冕。儼然王者像。相傳昔年神甚著靈。署中侍吏事之惟謹。按嘯亭雜錄載宗室昇華云。高祖征尼堪外蘭時。與明議和。逸神以盟。明人畀以土地像。椰揄之。衆皆怒。上曰。此明人以土地付我之讖。可謹祀之。定鼎後移祀于宗人府。

註二。順天府志吏部在宗人府之南。明永樂十八年建。本朝仍其舊址。大堂西嚮。左司務廳。右土地祠。其南爲文選稽勳二司。北爲考功驗封二司。又稽俸廳。督催所皆在其左。一統志吏部設尙書滿漢各一。侍郎滿漢各二。文選考功驗封稽勳清吏四司。各設滿漢郎中員外郎主事等官。司務廳一。舊聞考吏部穿堂之右。屋三楹。曰藤花廳。乃吏部長官治事之所。藤卽吳寬手植也。惟寬詩自注云。朱藤一株。而今實二株。蓋後人補植也。又文選司有許公祠。燕都游覽志紫藤花二株。其一在少宰右署中。吳文定手植也。其一在司廳左署中。有甯田方與邦撰古藤記石刻尙存。明史列傳許直字若魯。如皋人。崇禎七年進士。除義烏知縣。徵授吏部文選主事。進考功員外郎。都城陷。賦絕命詩六章。闔戶自經。本朝順治九年賜諡忠愍。舊聞考文選司庫後有萬歷二十年兵部職方司員外郎宣化蔣行可跋。又吏部後堂有明碑二。一萬歷壬寅重建正堂火房記。禮部尙書馮琦撰。一爲衡嚮更語。萬歷己茂澤王國光書。文選司署內奎星像石刻一。又萬歷二十二年銓署公籍引石刻一。尙書陳有年載其所購官書部目。司務馬怡跋。勾容王君履康古雙藤記吏部廳中前有古藤花二株。蒼虬擎攬。南北

對峙。爲明吳文定公所植。托根畫省。稠以葦紫。起以蔥青。所謂記取匏庵手植時是也。王文恪張陸縉。文恪屬包山標格。明時。程雲唐家宰有石刻詠藤花詩六首。詠蔣額。質文家宰額曰藤華。聽時在乾隆二十年三月。將以司農兼署。蜚聲清代。種桃仙去。聽曾

雲而矐。矐。矐。人來。撫庭柯而涕霑。舊燬於火。蘇而復蔓。半焦之本。重調斷續之絃。垂死之螢。猶燭神仙之字。太清箱檜。致有左紐之殊。南國甘棠。不以一世而翦。明屋清遜。枯樹發春。塵塵不墜。有足異已。囊筆來此。正及花事。晚惟貧悴。復移人叢。循行舊地。瞻眺庭陰。九天瓔珞。離離而下垂。六曲屏風。隱隱而若蔽。風景不殊。河山變。易又况銅仙辭漢。翁淚如傾。玉璽移隋。紫泉永闕。江南春草。玉孫滯而未歸。日下遺聞。先民懷其不作。綴爲此記。旁涉掌故。兼以嗚哀。嗟乎。弔夢歌離。墮歡莫拾。由衰思盛。往事俄空。長安繁華。已易金張之主。江皋搖落。不無遲暮之悲。是又訴開元而醉心。過宗周而却步。收以宿雨。淒淒于風物。鞠以茂草。悵悵于舊京者也。匏廬詩存有詠吏部藤花詩。註藤花有兩處在。司廳者未獲視。吳文定所植在穿堂右偏。爲吏部各堂治事之所。據紀河間集文定舊植。已燬於火。乃後人補植者。辛亥春以會考揀選舉人至此。唐文簡太宰爲置酒其下。流連竟日。

註三 順天府志戶部在吏部南。西嚮。亦因明舊址建。大堂西嚮。司務廳在其左。諸司屬以次分列。江南貴州陝西湖廣浙江山東六司在左廊後。南夾道內。福建江西河南四川廣西六司在右廊後。北夾道內。山西廣東二司在二門外。南北向。又有南北檔房。飯銀處。俸餉處。現審處。督催所。軍需局。皆有公廡在署內。三庫大庫在署東北。緞匹庫在東安門內。顏料庫在西安門內。並屬戶部。又有火倉在署西。一統志戶部設尙書滿漢各一。侍郎滿漢各二。其十四清吏司。各設滿漢郎中員外郎主事等官。順天直隸及順天所屬州縣則以福建山東二司

分理之。司務廳一。按舊聞考云明代戶部置十三司。本朝增以江南爲十四司。諸司多有明季題名石刻。文已漫滅。惟萬曆十八年雲南司主事張向仁題名記碑尙完好。在今貴州司署內。蓋本雲南司舊署。而今則互易其地者也。天咫偶聞咸豐末戶部失慎。火三日不息。存案悉燬。故戶部無陳案可稽。先是董韞卿大司馬。初登第。觀政於戶曹。暇則檢其舊案之有關係者。抄節存於家。及官少司農。值修則例。吏以無從檢查。例不能具。公乃悉從節抄中補之。書賴以成。亦留心之效也。

註四 典故紀聞云。宣德五年二月北京五府六部皆未建。宣宗首建禮部。地位規制如南京。加宏壯焉。六年六月工成。劉忠愍集宣德六年行在禮部成。上命僚屬入蒞事。順天府志禮部在戶部南。西嚮。亦仍明舊址。建門左爲鑄印局。右爲韓昌黎祠。堂之南爲督催所（舊儒士廳）北爲司務廳。儀制主客二司。在左。祠祭精膳二司在右。一統志禮部設尙書滿漢各一。侍郎滿漢各二。儀制主客祠祭精膳清吏四司。各設滿漢郎中員外郎主事等官。司務廳鑄印局會同四譯館附焉。明典彙明宣德五年北京五府六部皆未建。上以禮部所典者天地祖宗社稷之重。及四方萬國朝覲會同皆有事于此。遂首建之。少室山房筆叢燕中書肆多在大明門右及禮部門外。拱宸門西。每會試舉子則書肆列於場前。歲朝後三日則移於燈市。朔望并下浣五日則徙於城隍廟中。順天府志拱宸門卽公生門。見菽園雜記。今內城書肆在隆福寺街。外城在琉璃廠。餘惟正陽門外西河沿間有之。天咫偶聞紀文達槐西雜志云。禮部署中有壽草。春開紅花。綴如火齊。秋結實如珠。羣芳譜野菜譜皆未之載。不知其名。或曰即田滕公道草。此草種兩家田滕之上。用識界限。犁不及則一莖不旁生。犁稍侵則蔓衍不止。

反過於所侵之數。故得此名。然余審諦署中之草葉作鉅齒。略相似。花則不似。其說非也。在穿堂之北。治事處階前甬道之西。相傳生自國初。歲久漸成藤本。今則分爲二岐。枝格杖極。槩然老木矣。曹地山先生名之曰長春草。余官禮部。特作木欄護之。門人陳約園漢時官員外郎。使爲之圖。署中又有連理槐。在齋戒處南。祭下。鄒小山先生官侍郎時。常圖繪題詩。今尙貯庫中。按梁崑林中丞。謂在部清理南庫時。與薩薊林迎阿注意檢尋。渺不可得。不知失於何時。而二卉本今皆無恙。至優鉢羅花。則久無存矣。鮑廬詩存有詠部禮壽草詩。注詳見紀文達筆記。梁退庵南省公餘錄。曹文恪長禮部時。改名長春草。並屬陳約齋員外爲圖。天澤堂榜額及楹聯亦文恪所書。禮部舊址。今改設郵政局。一切文物掃地盡矣。鮑廬詩存有典禮院移交事竣留別合署同僚詩。注春曹故事。同人有遷調者。留書一部爲別。相傳始漁洋先生。往時祠祭司廳事。度藏多至數千卷。庚子之亂。散失略盡。此舉亦廢。按宣統間。改禮部爲典禮院。仍禮部舊署。又按鮑廬詩存。禮部舊有韓文公祠。南來軍士借駐。毀爲馬廄。感賦詩中有句云。翰林土地祠已褻。劉井柯亭久酒廢。春曹祠宇肇何時。數典無徵亦其例。又有句云。去年橫槓再一新。廟壁貞珉待撰記。此詩作於壬子。韓祠辛亥尙重修也。

按民國以來。各署均多變更。所有題名碑記。皆磨泐遷移。古蹟既湮。不可復睹。書肆今惟琉璃廠隆福寺尙在。西河沿亦早無存。

此外順天府志所載。抬頭庵宗人府後胡同牛圈胡同史家胡同戶部北夾道韃子營。鷄館。藥庫諸名。今俱併入東交民巷使館界不可考。

公安局街之後身爲兵部街。前清時兵部註、工部註、鴻臚寺註、欽天監註、太醫院註、咸在是街之東。光緒庚子以後均併入東交民巷使館界爲俄國操場。無復餘迹。

註一 順天府志。兵部在宗人府後。亦仍明舊址建。大門嚮西。門內爲會同館。大堂五楹。武選職方二司在其南。車駕武庫二司在其北。又司務廳督催所稽俸廳皆在大堂左右。又二堂五楹。中有照壁。刊周禮大司馬法。一則猶明代物。又武選司設楊椒山祠。舊有兵部督捕公署。順治十一年特設一侍郎主之。佐以理事官及郎中員外主事司獄等官。專詰八旗逃丁與窩逃者。並查緝盜賊。康熙三十八年裁併兵部。一統志兵部尙書滿漢各一。侍郎滿漢各二。武選職方車駕武庫清吏四司各設滿漢郎中員外郎主事等官。司務廳一。其外有會同館附焉。

註二 順天府志。工部在戶部後。西嚮。仍明舊址建。大堂西嚮。營繕都水二司在左廊。虞衡屯田二司在右廊。司務廳在大堂之右。科估所在堂左。堂後爲督催所。其堂官視事之所。亦曰藤花廳。枝幹蝟蟻。與吏部相似。第不傳爲何人所植也。陳澤州午亭集稱冬官署中南亭張敦馥英所首。今工部廳事植藤。亦曰藤花廳。旁有齋戒房。節慎庫。捧日亭。相傳爲嚴世蕃書。今削其名。南亭疑即藤花廳。而人罕知。故記之。一統志工部設尙書滿漢各一。侍郎滿漢各二。營繕虞衡都水屯田四清吏司各設滿漢郎中員外郎主事等官。司務廳一。天咫偶聞工部大堂屏風之後。門限之間。有鐵磚方二尺許。色澤甚古。明人著鴻雪軒隨筆。謂是石季倫家物。未知何據。工部屯田司有文子乘郎中輅。聯粉署共宣猷。舊雨常懷杜工部。詞人能作吏。曉風爭唱柳屯田。爲一時絕唱。文爲丙辰進

士工詩。

註三 順天府志鴻臚寺在工部南。西嚮。舊隸禮部統轄。嗣經奏准與太常寺皆以禮部滿尙書兼管。一統志鴻臚寺卿滿漢各一。少卿滿漢各一。鳴贊序班主簿附焉。

註四 順天府志欽天監在禮部後。西嚮。明正統七年建。乾隆四十一年奉詔重修。門西嚮。堂前月臺設拜影一。座。堂左右碣一。恭紀雍正二年二月二日庚午日月合璧五星聯珠之瑞。堂後凡三重。其廡宇之數共百有十。會典欽天監兼管監事。大臣無定員。監正滿一。西洋一。監副滿漢各一。左右監副滿漢西洋各一。掌測候推步之法。占天象以授人時。所屬時憲科春夏秋冬五宮正。五官司天文科五官靈臺郎。五官監候滿刻科。挈壺正。五官司晨博士。天文生。陰陽生。主簿。筆帖式。

註五 順天府志太醫院亦在禮部後。西嚮。大堂外左南廳。右北廳。後爲先醫廟。外門曰櫺星門。內門曰成濟門。殿曰景惠殿。供三皇聖像。左右廡列勾芒風后至王沐配位。殿旁爲省牲房。先醫廟外北嚮者爲藥王廟。有銅人像。蓋卽明英宗時修者也。舊聞考藥王廟神像前銅人像始作於宋天聖時。元至元間修之。明英宗時又修之。三皇廟內有鍼灸經石刻。明時重摹上石者。會典大醫院使一。左右院判各一。掌醫之政令。率其屬以供醫事。掌九科之法。以治疾。掌灸製之法。以治藥。教習二。簡能者任之。

按兵部工部各地。今俱夷爲英俄二國操場。太醫院則今日之俄國兵營也。

兵部街之後。爲東西河沿。昔時有橋三。在城根者曰南玉河橋。在交民巷者曰中玉河橋。

在長安街者曰北玉河橋。^{註一}民國十四年砌爲暗溝。芳草時卉。雜植其上。昔日垂垂之柳。

久已無存。南玉河橋亦無餘迹。惟北玉河橋雖亦填塞。石欄猶在。舊日之詹事府。^{註二}肅王

府。^{註三}已爲日本正金銀行日本使館及日本兵營占用。惇王府。^{註四}已爲英國使館占用。故

今日東西兩岸。惟英國使館與日本使館日本正金銀行與英國麥加利銀行互相對峙

而已。昔有勾張胡同今無考。

註一 順天府志橋三在城根者曰南玉河橋。江米巷者曰中玉河橋。橋東路北有箇衢曰勾張胡同。在長安街

者曰北玉河橋詹事府在東。河旁舊有坊二。曰東西坊。又玉河新柳昔人題詠甚夥。今兩岸垂楊亦殆盡矣。肅親

王府在玉河橋東。

註二 詞林典故詹事府在玉河東。西嚮。明代所建。我朝仍其舊制。門內南偏爲土地祠。大堂之南應事左右春

坊官居之。北應事司經局官居之。堂之後爲穿堂。又後爲退堂。穿堂之南有廳事。爲府中官僚視事之所。退堂之

後。中爲先師祠。其旁爲齋房。有碑。鑄康熙十六年所賜御書存誠二字。舊聞考詹事府署明黃錦石刻尙存。又

近時修葺府署於主簿廳舊址得扁石曰一枝軒。明王百穀書也。明黃錦詹事府題名記略。明興建大本堂儲

經籍。召四方名儒教太子諸王。或於文華殿分直進講。洪武二十二年始置詹事院。後四年改名府。永樂二年給

印篆。今所循用者是也。正統七年改府署於玉河之東堤。一統志詹事府設詹事滿漢各一。少詹事滿漢各一。

主簿屬焉。堂之左爲春坊。設左右庶子掌坊事。滿漢各一。左右中允贊善滿漢各二。堂之右爲司經局。設洗馬掌局事。滿漢各一。

註三 順天府志肅王府在玉河橋東。王諱豪格。太宗長子。順治三年授靖遠大將軍。後爲睿王所陷。薨。世祖親政。復封。世襲。追諡武。 荃察余齋詩註。庚子和約。肅府圈入使館界。即今日本兵營。

註四 嘯亭雜錄。惇親王府在玉河橋西岸。順天府志。王諱允祐。聖祖七子。謚曰度。裔孫奕梁降襲。後俗稱梁公府。今廢爲英國使館。

日棋盤街而東。其最南者爲正陽門內東城根。昔日有怡賢親王祠。庶常館。註一 四譯館。註二 今已爲美國兵營。美國使館。荷蘭使館地。迤東過南玉河橋。爲昔日之太僕寺。註三 今爲六

國飯店。比國使館地。順天府志。尚有毘盧庵。松雪庵。元明寺。武郡會館等地。今俱無存。

註一 詞林典故。恩賜教習庶常館在正陽門內迤東。往時教習庶吉士未有專館。就院中間曠屋宇及大堂廊廡居之。爲肄業之所。雍正十一年特賜官房一區於正陽門內迤東。當翰林院之西。南面城門南嚮。堂西嚮。後有樓以貯賜書。中後堂爲教習庶吉士大臣講道之所。餘東西房皆庶吉士居之。乾隆三十三年重加修葺。會典教習庶吉士滿漢各一人。以堂院學士或內閣學士領其事。大學士尚書侍郎之不兼掌院事者亦得掌之。於侍讀侍講修撰編修檢討內擇學問優長者爲小教習。順天府志道光以前。每科館選後掌院學士擇庶吉士八

九員。分習國書。謂之清書翰林。自道光戊戌年裁。鮑廬詩存有詠庶常館老桑詩。註見身齋詩註。相傳洗眼最效。

註二 順天府志會同四譯館舊在正陽門外楊梅竹斜街。乾隆十三年歸併禮部會同館。以禮部郎中兼鴻臚寺少卿提督之。並典務廳正教協教序班隸於禮部。凡八館。曰西天。曰暹羅。曰回回。曰高昌。曰八百。曰西番。曰緬甸。曰百譯。並設譯字生。其外有朝貢使人之公館。一在宣武門內京畿道胡同。一在宣武門外橫街。一在東江米巷御河橋。舊設行人公署在西長安門外。燕都游覽志四譯館在御河橋西。永樂五年十一月始設。順天府志明四夷館隸翰林院。故其地與院相連。吳長元謂今庶常館東有高麗人所居館舍。殆即四夷館之別宇是也。註三 順天府志太僕寺署在中心臺。迤西。則會同四譯館。教習庶常館在焉。又有怡賢親王福昆廬。松雪庵元明寺。東有武郡會館。又太僕寺在正陽門內東中心臺。室三楹。東有當月印房土地祠文昌閣。西有主簿廳茶房。國初無專署。惟分兵部武庫司廡舍六間爲辦事之所。亦無兼管大臣。雍正三年始建官署。乾隆四十四年特命大臣總理署事。一統志太僕寺卿滿漢各一。少卿滿漢各一。員外郎主事各四。主簿廳附焉。舊聞考明太僕寺在皇城西。乃元兵部舊署。今兵部夾道稱太僕寺胡同。即舊署址也。

白棋盤街而東入敷文坊爲東交民巷舊曰東江米巷。註一 今日各國使館銀行商店林立。

爲使館界之總名稱。昔日之俄羅斯館上林苑諸地。註二 當已併入俄國使館。至明時之南

會同館。註三 吳襄故居。註四 及近時博貝子府第。註五 俱無可考。

註一 順天府志東江米巷亦稱交民巷。西有坊曰敷文。俄羅斯館明會同館故地也。今爲俄國使館。又有美國德國法國日國比國和國諸使館。東有武定會館。明李詡戒庵漫事嘉靖六年六月十九日夜京城雨雹交作。次早東江米巷南李學等家房上有錢八十四文。一壁立瓦桶中。御史張潘具奏錢進入庫。

註二 明一統志上林苑監在文德坊玉河橋西。典簿廳附焉。外有蕃育嘉蔬冰鑑川衡林衡良牧左典察右典察前典察後典察十署。春明夢餘錄上林苑監在東江米巷南嚮。永樂十四年諭凡牧養栽種地。東至白河。西至西山。南至武清。北至居庸。西南至渾河。禁不許圍獵。

註三 明兵例南會同館在東交民巷玉河橋西街北。正統六年蓋造。宏治五年改作。共房屋三百八十七間。

註四 甲申傳信錄吳三桂父襄居江米巷。闖賊自山海關敗回。襄妻及家屬三十餘人皆爲所殺。居民有譌傳

三桂挾故明太子回京者。資具輓斂之。

註五 嘯亭雜錄貝子博和託宅在東民交巷。順天府志博和託太祖孫饒餘郡王阿巴泰次子。諡溫良。

自北玉河橋而東。中有坊曰長安街。是爲東長安街。爲東西往來孔道。昔時堂子。註一 翰林

院。註二 理藩院三 在街北。鑾儀衛外駕庫均在街南。光緒庚子以後。南面劃歸使館界。北面

亦爲甌脫。現在街北之建築。迥非昔時之舊。在王府井大街南口以西者。有平漢鐵路局郵政總局北京飯店。係從前理藩院溫公府之地。在王府井大街南口以東者。有電報總

局。平安電影園及西式各旅館。係從前頭條胡同民居之地。西與北公安街連接處。爲皇城外牆。民國元年闢一門。有坊南嚮。曰履中。註四註五。

註一 順天府志堂子在長安左門外玉河橋東。凡國家有征討大事。必親祭告。每歲十二月二十六日內務府官詣坤寧宮請神送往堂子。元旦皇帝親詣行禮。正月初二日請神回宮。四月初八日浴佛。遣贊祀行禮。請神送神均內務府官司其事。歲以季春季秋月朔或二四八十月立杆於圓殿南正中石座。由大內恭請神位安奉於祭神殿內。皇帝親詣行禮致祭。或遣贊祀行禮。內務府請旨遵行。天咫偶聞堂子在東長安門外翰林院之東。即古之國社也。所以祀土穀而諸神附焉。中植神杆以爲社主。諸王亦皆有陪祭之位。神杆卽大社惟松東社惟柏之制。滿洲地近朝鮮。此實三代之遺禮。箕子之所傳也。俗人不知輒謂祀明堂。龍不知子龍蓋於太祖有舊相傳開國初太祖常微服至遼東。以覘其形勢。爲邏者所疑。子龍知非常人。陰送出境。太祖篤於舊。祀於社。亦崇德報功之令典。非專爲祀鄧而設也。堂子牆松柏成林。滿人欲請神杆者。具呈禮部。任擇其一。而仍以稚者補之。京塵雜綴據查氏人海記。直謂堂子爲鄧將軍廟。天咫偶聞則謂非專爲祀鄧而設。滿人請神杆者歲取於是。而補以稚木。按宮史典禮編云。每歲春秋之季。堂子恭立神杆。奉神位於堂子。所謂神位。卽坤寧宮之神位也。又云每歲十二月二十六日恭奉神位至堂子。四月八日佛誕祭祀。是日所司於堂子饗殿陳設如儀。是堂子所祀卽坤寧宮所鄧祀氏蓋以私縱太祖之故。而得配享也。按光緒庚子後堂子移於皇城內東南隅。今歐美同學會對過御河之東。紅牆繚繞者是也。

註二 春明夢餘錄翰林院在東長安門外北嚮。其西則鑾駕庫。東則玉河橋。元之鴻臚署也。正統七年始建爲院。順天府志翰林院在長安左門外玉河西岸。北嚮。國初併於內三院。詞臣皆值宿禁城。後仍明舊址重建。明廖道南殿閣詞林記國初建官以本院爲近侍衙門。故公署雖在外。而僚屬相聚恆在館閣。洪武初建翰林院於皇城內。學士而下。晚朝即宿其中。扁之曰詞林。永樂中行在本院官仍在禁內供奉。不別立公署。正統七年八月詔建於長安左門外玉河西岸。院門北嚮。第三重爲登瀛門。堂五楹。堂西偏爲誦講廳。東爲編檢廳。左廊圍門內爲狀元廳。右廊圍門內南向者爲昌黎祠。北嚮爲士毅祠。堂之後爲穿堂。左爲待詔廳。右爲典簿廳。後爲後堂。南嚮。高廟仁廟臨幸時御此。後堂東西屋二楹。爲藏書庫。院內東偏有井。覆以亭。曰劉井。明學士劉定之所浚。西偏爲柯亭。明學士柯濟所建。自後堂而南。爲敬一亭。明世宗實錄七年二月敬一亭成。自劉井而東爲清秘堂。堂前爲瀛洲亭。亭下方池爲鳳凰池。池南爲寶善堂。堂後爲陳樂軒。自柯亭而西爲先師祠。祠南爲西齋房。又南爲原心亭。清秘堂舊爲東齋房。乾隆九年重修。賜額集賢清秘。因易名。其西齋房舊爲皇清文穎館。又爲功臣館。乾隆三十八年於院置欽定四庫全書館。原心寶善二亭及西齋房皆爲校讎之所。遂移功臣館於狀元廳。舊聞考儀門左有掌院學士題名碑。壁間鑿石刻。高廟柏梁庶韻詩。及東壁圖書府四十字分韻詩。又左右碑亭各一。爲明嘉靖五年所頒敬一亭箴。范浚心箴。程子視聽言動四箴。會典翰林院掌院學士滿漢各一。侍讀侍講學士及侍讀侍講滿漢各三。修撰編修檢討無定員。典簿孔目待詔滿漢各一。筆帖式滿洲四十人。漢軍四人。俱掌繙譯。癸巳存稿孝陵碑言順治十七年於景運門內建直房。令翰林官入宿備顧問。康熙十六年十月始設

南書房。以侍讀學士張英序班高士奇。州同勵杜訥。入直。後高授侍讀。勵授編修。三十三年五月命翰林院詹事府國子監官。日以四人至南書房承值。其後專用翰林。朱彝尊瀛洲道古錄。孫承澤謂翰林院本元之鴻臚署。

焦氏玉堂叢語載。宣德七年。以故鴻臚寺爲翰林院。考元史百官志。止有侍儀使。無鴻臚寺。當是永樂間所建。

舊聞考。元侍儀司署在都省之東。水門之西。南倉之前。見析津志。都省即中書省。以尙書省改建。所謂南省也。南倉即太倉。亦見析津志。其跡雖皆不可考。而以金水河水門按之。元時署在西。今則在西北。蓋明時展築南城。水門遂徙而南。而署廡之縈帶玉河。則自元迄今未改也。閱徵草堂筆記。翰林院堂不啟中門。云啟則掌院不利。

癸巳開四庫全書館。賈郡王臨視。司事者啟之。俄而掌院劉文正公覺羅奉公相繼逝。又門前沙隄中有土。凝結成丸。儻或誤碎。必損翰林。癸未雨水衝激。露其一。爲兒童擲裂。吳雲巖前輩旋歿。又原新亭之西南隅。翰林有父母者不可設坐。坐則有刑剋。陸耳山時爲學士。毅然不信。竟丁外艱。至左角門久閉不啟。啟則司事者有譴誦。無人敢試。不知果驗否也。其餘部院亦各有所忌。如禮部甬道屏門舊不加搭渡。搭渡以夾木二方夾於門限。坡陀

以免於。錢鏗石前輩不聽。旋有天檀燈杆之事。亦往往有應。此必有理存焉。但莫詳其理安在耳。閱徵草堂筆

記。余在翰林日。侍讀索公爾遜同齋戒於待詔廳。應舊有何義門書衡山齋署一匾。又聯句一對。今聯尚存。匾則久忘矣。郎潛紀聞。朱竹垞官翰

林時。尋訪永樂大典不獲。每太息曰。被李自成褫馬蹶矣。不知三百餘年埋藏灰塵中。卷帙實裒然無恙。紀文達公在翰林院署齋戒。始于敬一亭上得之。按歸琦亭集。謝山先生嘗與臨川侍郎就翰林院同抄永樂大典。中秘

故文達以每直宿之暇。翻閱一過。已記誦大略。後纂輯四庫書。經文達一手裁定。宜其溯源徹委。抉奧提綱。如駕爲創獲耳。

輕車而就熟道也。見劉文恪公權之所作公遺集序。

註三 順天府志理藩院在玉河橋東長安街南嚮。本朝特設掌外藩蒙古及喇嘛事。西域平定。凡回部伯克訥皆隸之。其署舊在刑部北。後移今處。分典屬王會旗籍。柔遠徠遠。理刑六司。司務廳一。銀庫司庫附焉。自平定金川以來。凡各土司入覲之職。亦隸於理藩院。一統志理藩院設尙書一。侍郎三。及郎中員外郎主事筆帖式等員。皆用滿州并蒙古人。嘯亭續錄溫郡王府在理藩院大街。順天府志王諱猛峩。肅武親王支子。以恩推封。諡曰良。子延信襲貝勒。雍正中黨附阿其那黜屬籍。俗謂肅府爲前府。溫府爲後府。今後府盡圯。惟溫良郡王府僅存。

註四 池北偶談孫可望降後封義王世襲。賜第東長安門外。可望其子微瀨襲封。康熙十二年臺省以爲言。下諸王大臣九卿會議。降封義公。改慕義公。天咫偶聞湯文端金釗第在長安街中街。公浙江蕭山人。以進士官至協揆。公初以解元舉於鄉。計偕入都。和相聞其名欲見之。許以大魁。公即日出都。及和敗始應會試。嘉慶乙丑成進士。受知于朱文正公。爲理學名臣。其學以躬行爲主。不事虛聲。手抄十三經一部。書法端謹。望而知爲厚德君子。與先伯祖恭愼公同年。至契。居趾密邇。公退輒杖履相過。故余家公之筆札最多。而先伯先君皆承明訓。佩之終身。余幼嘗得鄭小樵梅花譜首有公序。適大伯父載堂公見之。曰文端公筆墨。更復有何說。大伯於兄弟中最號坦率者矣。尙奉如嚴師云。天咫偶聞蒙古博晰齋觀察明之居。當在玉河橋之左近。故翁覃溪題其西齋詩輯遺云。藝苑蜚聲四十年。淒涼廢草拾南天。玉河橋水柯亭綠。多少瓊瑤未得傳。但未知門卷在何許耳。

若缺居漫載大學士徐桐第亦在東交民巷左近。當時有楹聯曰：望洋興歎，與鬼爲隣。今亦無考。

註五 析津志省東市在檢校司門前墻下。文籍市在省前東街。紙劄市在省前。菽園雜記京師元日後。上自

朝官。下至庶人。往來交錯。道路者連口。謂之拜年。東西長安街朝官居住最多。至此者不問識與不識。望門投刺。

有不下馬。或不至其門。令人送名帖者。遇點僕應門。皆則卻而不納。或有門不納者。天恩偶聞玉河西岸儘

南名達子館。蒙古年例入都所居携土貨於此賣遷焉。賈肆櫛比。凡皮物裘褐。毳物毳毼。野物麋鹿。山物雉兔。菌

物茹菌。酪物乳餅。列于廣場之中。而博易焉。冬來春去。古之鴈臣也。北爲典館。更鉅於此。

入崇文門而西爲西城根。昔時有洪廠胡同水獺胡同台基廠等名。今惟台基廠尙存。有

頭條胡同二條胡同三條胡同。註一總稅務司署在焉。西人稱之爲馬可波羅路。裕親王府

安郡王府均在台基廠。今已廢。註二洪廠胡同改爲洪昌胡同。

註一 明水軒日記工部設五大廠。其一曰臺基廠。堆放柴薪及蘆葦。順天府志五大廠者神木廠。在崇文門

外。大木廠在朝陽門外。琉璃廠黑窯廠俱在外城。與臺基廠而五。萬歷沈志有臺基廠。草廠官一員。明世宗實

錄嘉靖元年御史鄭本公請賑濟京師窮民。戶部議朝廷舊設養濟院。窮民各有記籍。無籍者收養蠟燭旛竿二

寺。遣光祿寺及大宛二縣官以時更理其事。合用柴筋。令於臺基廠開支。明景帝實錄景泰中。欽天監奏觀星

臺在東城上。喧擾不便。而屋宇墻壁多壞。乞徙至東長安街臺基廠。則高與西長安街二塔相對。並爲青龍白虎

燕都叢考

之象。於堪輿家所言形勢相宜。帝允其請。六年三月造內觀象臺簡儀成。八月以勞費罷徙。

註二 順天府志裕王諱福全。世祖次子。康熙二十九年授撫遠大將軍。諱曰憲。今爲榮公府。安郡王諱岳。饒餘郡王四子。襲封後改號安。晉親王。諱曰和。後追降郡王。雍正時爵除。乾隆四十三年詔封輔國公。府今廢爲法國使館。其地猶存慶公府之名。

臺基廠以東。昔時尙有北夾道柴火闌薛家胡同三義庵君帶胡同白家柵欄註一 小頭條

二條胡同花枝營經板庫黃土坑舊衙門破府鐵門牛角灣賣羊肉胡同白家大門龍王廟四王柵欄註二 化成寺夾道中街諸名。今俱圈入使館地。惟台基廠東海關胡同仍有鐵

門之名。餘均無考。台基廠之東有昭忠祠。今亦爲奧國兵營地。

註一 天問閣集崇禎甲申三月十八日暮。愍帝帶親軍四百騎馳至正陽門。門者疑內變。反礮將擊之。帝震返騎不得上。從白家胡同繞出。乃得上。見守備單弱。下幸成國公朱純臣弟。純臣言燕飲他處。帝竟不得見。

註二 順天府志昭忠祠在四王柵欄北。嘯亭續錄饒餘親王廉親王府在王府大街。今皆爲昭忠祠。順天府志饒餘郡王諱阿巴泰。太祖七子。以功封郡王。復以子岳樂晉親王。贈如其爵。追諡敏。三傳無嗣。爵除。廉王諱允禩。聖祖八子。雍正四年黜屬籍。乾隆四十三年詔復之。今昭忠祠在臺基廠東少半里。臺基廠本王府街。明中葉後置廠於此故名。續錄所稱。從其祠也。

按前清光緒庚子以前。各國在華派使設館。即在東交民巷一帶。然仍與衙署民居。互相雜處。未常有一定之區域。光緒庚子拳匪倡亂。殺教民。戕德使。及日本書記官。董福祥率領甘軍圍攻使館。自五月中旬至七月下旬。凡數十日。迨八國聯軍入京。而後圍解。辛丑簽定和約。於是東交民巷左右之地。無論爲民居。爲衙署。爲祠宇。均圈入使館界。設鐵柵。築礮壘。四周並各留隙地數十丈。以備守望。界內且自置警設署。儼若異國。各使署分地而居。兵營亦各附於使署左右。(惟瑞典那威等國使署不在界內)其餘銀行商店。櫛比林立。電燈燦爛。道路平夷。在城市中特爲異觀。然實我外交史上之一大恥。比年以來。國際交涉。雖已移於南京。而使署之在北平。依然如故。廢除不平等條約之謂何也。噫亦異矣。

東長安街中。有自南而北幹路。爲王府井大街。亦曰王府大街。原又名丁字街。昔爲保大坊地。註一有會同館。註二府軍羽林諸衛。註三捨飯旛竿寺。武成王廟。註四今俱廢。前清宣統間。於

此建。東安市場。今極繁盛。王府井大街以西各胡同。在南者曰霞公府。註五稍北曰大小紗

帽胡同。又北曰梯子胡同。曰口袋胡同。曰康家胡同。又北曰小甜水井。曰大甜水井。註六又

北曰大小阮府胡同。又北曰菜廠胡同。註七曰南灣子。再北則爲東安門大街。此外舊有空

府夾道。理藩院東夾道諸名。今無考。各胡同之西爲東華門外南夾道。

註一 順天府志原名丁字街。見析津志。明建十王邸於此。稱王府街。兵部所屬會同館在東。掌驛政。明初燕臺。

驛故址也。明成祖實錄永樂十五年六月於東安門下東南建十王邸。通爲屋八千三百五十楹。宣宗實錄宣德三年四月新作公主府三所於諸王邸之南。

註二 舊聞考明代會同館之制。永樂初改燕臺驛烏蠻市之地爲之。其後又有北館南館之設。皆以處外藩貢使也。本朝於城內外建置賓館三所。秩宗掌之。又併四譯於禮部會同館。規制具備。至明之諸館已廢。惟大興縣東王府街會同館專屬兵部。猶永樂時舊館也。明會典北京會同館永樂三年設。並烏蠻驛入本館。正統六年定爲南北二館。北館六所。南館三所。北館在澄清坊大街東。南府在東江米巷御河橋西街北。燕都游覽志烏蠻市在王府街會同館。順天府志烏蠻市久廢。又金源之制。會同館奉寧館在宣陽門內。見周輝北轅錄。燕山館燕賓館見范成大石湖集。永平館在府南一里。一名碣石館。遼朝士女集之所。見明一統志。其遺址皆當在南城外。今不可考矣。

註三 析津志保大坊在樞府北。坊巷胡同集。保大坊四舖有府軍前衛羽林左衛。右衛。金吾左衛。前衛後衛。虎賁左衛。迎禧觀。拾飯旛竿寺。萬歷沈志有真武廟。順天府志羽林右衛明一統志云在明時坊。今諸衛及真武廟俱廢。迎禧觀在王府街。

註四 入海記李文達賢賜第在王府街。明北平圖經志書武成王廟在保大坊都指揮使司之西。元祭祀志武成王廟於樞密院公堂之西。以孫武張良管仲樂毅諸葛亮以下十人從祀。歲春秋仲月上戊樞密院遣官行禮。

註五 順天府志霞公府卽理藩院後胡同。節孝祠在焉。按今京漢鐵路局郵政局暨儒拉醫院等處。當卽理藩院故址。節孝祠今尙在。此爲左翼節孝祠。至右翼節孝祠則在西城按院胡同。

註六 順天府志溫郡王府俗稱空府。又倫貝子第在大甜水井北。貝子爲宣宗長子。隱志郡王諱奕緯之子。按貝子號叙齋。丙辰年卒。今府已舊諸金姓矣。

註七 嘯亭續錄公賴塞宅在菜廠胡同。順天府志賴塞太宗十子。初封鎮國將軍。康熙八年晉輔國公。燕史南海子總督太監一員。東安門外有菜廠。其在京之外署也。掌壽鹿獐兔菜蔬西瓜果子。凡收選內官於禮部大堂同司禮監監官選定。出部之後門到廠。次晨點入東安門赴內官監細選。無違碍者。方給烏木牌。候收畢詣萬歲山撥散。析津志菜市一在哈達門丁字街。順天府志今王府街旁有菜廠胡同。疑沿元舊稱也。

王府井大街而北。以達燈市口。爲八面槽。亦曰丁字街。其東甘雨胡同口有天主教福音堂一。又北爲馬市大街。路東有救世軍教堂一。俱極崇偉。其西則東廠胡同口。有黎總統府第。今已舊。諸日本文化委員會。自丁字街以西。東西幹路曰東安門大街。其南有眞光電影園。其北有東興樓食肆。均有名。自東安門外而北爲東安門外北夾道。今名東皇城根。註二 自東安門大街而北。界於八面槽與東安門外北夾道之間者。曰錫拉胡同。註三 再北曰韶九胡同。原名爲燒酒胡同。中間之南北小胡同曰扁担胡同。再北曰迺茲府。註四 原

名嬾子府。中間之南北小胡同曰官場胡同。再北曰大小草廠胡同。註五中間之南北胡同。

曰關東店。曰豐盛胡同。其西爲黃土坑。今改名爲黃圖坑。再北曰東廠胡同。註六再北爲翠

花胡同。中間之南北胡同曰太平胡同。東安門大街西頭路北。有西老胡同。韶九胡同東

頭之北。有梅竹胡同。迺茲府中間之南。有如意胡同。其西頭之北有庫司胡同關家大院。

黃土坑之西有草廠大院。均不通行。

註一順天府志東安門大街亦稱丁字街。旁有五聖庵官馬圈等名。北小胡同曰老虎洞。明史衍聖公傳仁

宗踐阼。孔彥縉來朝。賜宅東安門外。明宋端儀立齋開。錄永樂二十二年十一月賜衍聖公孔彥縉宅於京師。彥

縉數來朝。皆館於民家。上聞之。顧近臣曰。四夷朝貢之使。皆有公館。先聖子孫乃寓宿於民家。何以稱崇儒之意。

遂命工部賜宅。案今宅在太僕寺街。乃明英宗所賜。其仁宗所賜者據闕里文獻考云在東安門北。遺址無考。

明景帝實錄景泰三年八月改造四夷館。先是譯書子弟俱於東安門外廊房肄業。至是提督譯書郎中劉文等

請建館於廊房南隙地。從之。

註二順天府志東安門外北夾道內務府武備院所屬亮鏹作染氈作俱在東。按今俱無考

註三順天府志錫鑼胡同內務府武備院所屬帽作在南。壬癸詩存福山王文敏師懿榮故宅在錫拉胡同。

庚子年師官國子監祭酒。聯軍入京時。圍門殉難。按光宣之季。鹿文端尙書傳霖居錫拉胡同。其第今爲吾友

林君斐成得之。庭宇軒豁。花木清幽。頗稱清勝。林君又有別墅在西山。曰鷲峯。山莊另有記。幘作今無考。

註四 嘯亭續錄。公宏昇舊第。明宮史禮儀房署在都府草場之東嚮南。提督太監一員。掌印或秉筆。攝之。掌選婚吉禮。每年四仲月。選乳婦生男十口。生女十口。月給食料。在嬭子府居住。及報生皇子。則用生女嬭口。皇女則用生男嬭口。宛署雜記。嬭子府隸錦衣衛。其制每季精選各里良家婦年十五以上二十以下四十名。養之內。曰坐季嬭口。別選八十名籍於官。曰點卯嬭口。季終則更之。後來夙戒嬭口。多不稱旨。臨時多別選城市婦女。以應。有雇值之費。打點之費。上納之費。而嬭子遂爲奇貨。幸一見留。則終其身。事所乳。得沾恩澤。無復出理。其食報特隆云。

註五 順天府志。大小草場胡同。或作廠。明宮史中府草場。卽舊都府草場。在東安門外。嬭子府街。永樂初。撥收御馬草。傳云是勝國都督府。故名。天啟六年。舊都府草場火。魏忠賢督率內外官員軍士救援。三日乃熄。柯真賢鴻年澹園記。節略予挈家北居。買宅城東有園一畝。亭榭花石。頗足賞覽。因增新之。朝暉夕霞。徜徉於斯。雖不寬廣。亦聊可自怡。因名之曰澹園云。按澹園在小草廠。何君歷任京漢鐵路參贊。華比銀行經理。閩人之以才能名者也。順天府志。草場厓掠胡同。明一統志。崇真萬壽宮在府南蓬萊坊。元至正中。建翰林學士王構爲記。真人張留孫吳全節相繼居此。俗名天師庵。日下舊聞。天師庵據坊巷胡同。集在草場厓掠胡同。與惠民藥局連叙。今藥局遺址尙存。則天師庵疑與相近。明宮史御馬監所轄有天師庵草場。舊都府草場。天師庵草場在

皇城外東北角。正統間以張天師舊處改建。故名。有非甘冽。可用。不減十王府街之井也。析津志杜康廟在舊城光祿寺內西偏。內有天師宮。禮部標撥道士一人提點看經傳。專一焚修香火。蓋爲醞造御酒。每日於上位至押槽內支酒一瓶。以供杜康。提點者自行收貯。舊聞考元崇真萬壽宮俗名天師庵。亦曰天師宮。明圖經書志云在蓬萊坊。相傳今顯佑宮及步軍統領衙門即其地。此所稱光祿寺之杜康廟。天師宮。以析津志所載北城道里計之一。云樞密院西爲玉山館。館西北爲蓬萊坊。天師宮。又云樞密院南轉西爲宣徽院。院南轉西爲光祿寺酒坊。橋其方位似亦相合。案顯佑宮步軍統領衙門俱在帽兒胡同。去此稍遠。俗語流傳疑未足據。按草場厝掠胡同之名今不見。故附諸此。

註六 明宮史東廠。永樂十八年置。其外署在東安門外迤北。其內署在東上北門之北街東混堂之南。葭園雜記京師東廠者。掌巡邏兵校之地也。宏治癸丑五月忽風大作。地陷約深二三丈。廣亦如之。匏庵詩存有過故相榮文忠東廠舊第感賦詩。(榮榮文忠即榮祿。第在東廠胡同。民國後爲黃陂黎總統所有。民國十一年大事修葺。移大門於米市大街。未及移居。黎公出都。遂成廢置。十五年舊諸日本文化委員會。

王府井大街而東。以達東單牌樓之西。其間東西之胡同。曰頭條胡同。註光緒庚子燬於

兵。曰二條胡同。註其東口爲東單市場。曰三條胡同。註其間南北小胡同。曰小二條。曰神

路街。曰井兒胡同。曰牛角灣。曰牛毛大院。曰馬尾巴胡同。其間東西小胡同。曰東西官廠

胡同。亦稱東西灌腸胡同。自三條胡同以北。曰東西帥府胡同。亦曰帥府園。註四而協和醫

院（亦曰羅氏駐華醫院）間於中。其間之小胡同有李敬胡同。舊稱禮敬胡同。官房胡

同。椅子胡同。養老胡同。（今亦稱大紅樓）諸名。又北則爲北帥府胡同。煤渣胡同。註五軍

需學校在焉。中間之南北小胡同。曰馬家廟。又北而斜出者爲冰渣胡同。舊稱冰蓋胡同。

註六再北則爲金魚胡同。自三條胡同中間有直達於金魚胡同之南北小胡同。曰校尉營。

東爲陸軍將校所。今爲北平警衛司令部。門在西帥府胡同。

註一天恩偶聞怡親王舊邸。在頭條胡同。同治初載垣死。罄室爵歸寧王後人。此邸賜予郡王居之。載垣後人遷居二條胡同。其奕世收藏。俱攜出賣之。三十年始盡。書畫悉有明善堂印。四王吳揮有畫成未標。至今紙累如新者。

註二壬癸詩存翁松禪師住東城二條胡同。管集句榜門云。盡響喧騰馬。束帶聽鳴雞。庚子亂後。門巷不可復識矣。

註三順天府志。豫親王府在東單牌樓三條胡同。王諱多鐸。太祖十五子。順治時稱輔政叔德。豫親王。諱曰通。世襲。按今協和醫院即豫王府地。民國五年美國煤油大王捐貲購建。碧瓦朱甍。費銀幾及千萬。

註四天恩偶聞。且園在帥府園胡同。宜伯敦茂才所搆。有小樓二楹。可望西山。花畦竹徑。別饒逸趣。伯敦名屋。

滿州人生有雋才。寄懷山水。性復好事。風雅叢中。時出奇致。順天府志神機營所屬威遠營。捷字步隊。置廠於帥府園。按今衛戍司令部衙門。當卽其地。順天府志煤渣胡同。渣亦作炸。神機營衙門在焉。又神機營衙門。咸豐十一年建。特派親王佩帶印鑰。總理事務。署內分設文案。營務糧餉印務。彙案。覈對六處。派全營翼長三員。總司各處及馬步二十四隊練兵事宜。每年兩季撥隊前往南苑紮營操演。嘯亭續錄。怡親王舊府在煤炸胡同。今爲賢良寺。順天府志王諱允祥。聖祖十三子。雍正時任議政。諡曰賢。世襲。按今軍需學校。當卽神機營衙門舊址。賢良寺初在帥府胡同。後移冰盂胡同。云在煤渣胡同者。誤也。

註五 一統志賢良寺在帥府胡同。本怡賢親王故邸。雍正十二年建。世宗賜名賢良寺。御撰碑文。乾隆二十年移建冰盂胡同。高宗御書心經塔碑。勒石於寺。天咫偶聞。賢良寺在冰盂胡同。本怡賢親王捨宅爲之。在帥府胡同。後遷於此。以其地近東華。外省大吏入覲。輒喜駐此。而寺復層臺雲構。閣院花飛。粥鼓晨嚴。鱸燻甚靜。地無人跡。竟日苔封。洵精藍也。壬癸詩存。復辟之際。康南海與沈子培。王病山同寓賢良寺。

按賢良寺爲北京名刹之一。尤以近於禁城。昔時封疆大吏入覲。述職者恒居之。若曾文正李文忠。皆曾止於是。而庚子議和之役。亦以是爲辦公之所。歷史陳迹。足資垂念焉。

金魚胡同。

註一

今爲東西往來孔道。路南爲那琴軒。桐相國故宅。旁有園。俗名那家花園。再

北爲西堂子胡同。稅務處在焉。其東劉參議世珩居之。曾建小忽雷閣於是。註二 又北爲甘

雨胡同。三 順天府志作乾魚胡同。又北爲椿樹胡同。四 又北爲燈市口。椿樹胡同與燈市口之間有南北小胡同。曰馬尾巴胡同。

註一 順天府志金魚胡同魚或作銀。神機營所屬震字馬隊置廠于此。又有軍器庫。宸垣識略一等褒績公第在金銀胡同。順天府志康熙時都統平南大將軍賽塔封褒績公。諡襄毅。賽一作賴。

註二 畏廬文集枕雷圖記略云。袁珩生太史。以劉參議聚卿所藏唐建中小忽雷請予爲圖。圖成歸之。參議遂集飲於小忽雷閣。時庚戌九月九日也。逾兩月再見參議於忽雷閣。則大忽雷亦已歸參議處。遂豫更閣名曰雙忽雷。

註三 大清會典事例雍正四年撥乾魚胡同暨玉河橋官房各一所爲會同館舍。以備外國使臣居住。乾隆二年將乾魚胡同官房繳還工部。另撥安定門大街官房一所。以待朝鮮貢使。八年又將正陽門外橫街官房一所。撥交會同館。十三年因南掌暹羅入貢。復將安定門舊館收回。改撥地安門外原建正一真人公館。充設貢使館舍。二十一年復移地安門外貢使館於宣武門內瞻雲坊。坊巷胡同集澄清坊九鋪有元極觀。元極觀今在甘雨胡同。

註四 順天府志成壽寺明內監夏時所監也。在東安門外椿樹胡同。舊聞考明太監夏時所建。時有弟詔封黎教禪師。敕住此寺。成化元年建。有成化敕建碑。又萬曆癸丑重修碑。詹事葉雲舉記。

燈市口大街。在昔時爲內城繁盛處所。註 宣統間京師地方審判廳曾設於此。鹽務學校

在路北。其西均爲教會所有。育英中學小學在焉。路北有朝陽胡同。不通行。稍東有油房胡同。向北直達於大鵝鴿市小鵝鴿市。註二由小鵝鴿市達於報房胡同者曰官房子燈市。口大街之東有胡同曰佟府夾道。今改爲同福夾道。註三向北至箭廠胡同。再北爲報房胡同。佟府夾道之東有廣泰大院。不通行。報房胡同有法華寺。註四路南小胡同曰興隆大院。曰油勺胡同。路北小胡同曰無量庵。曰玉石胡同。順天府志稱玉石井胡同。曰信義大院。曰伏魔巷。曰毛廠。曰槐樹大院。曰貴人關。順天府志稱鬼門關。又有富貴大院。順天府志稱福家大院。均不通行。其由南而北直達于馬市大街者曰豆腐巷。自豆腐巷中間橫出而西者爲多福巷。自多福巷中間曲折以達于馬市大街者爲小羊市。自豆腐巷中間向東者爲狗尾巴胡同。不通行。馬市大街爲內二區與內三區分界地。註五其東頭路南小胡同曰喇叭胡同。不通行。再東曰弓箭大院。順天府志稱弓箭胡同。曲折向南達於東四牌樓大街。在多福巷之北者曰郎家大院。不通行。

註一宸垣識略張貝子府在燈市東。順天府志熙貝勒府在燈市口。相傳爲明相巖窩故宅。燕都遊覽志

燈市在東華門王府街東崇文門西亘二里許。南北兩廡。凡珠玉寶器以達日用微物。無不悉具。衢中列肆蕃置。

數行相望。俱高樓。樓設氈帳簾幕。爲宴飲地。一樓日賃值有至數百緡者。夜則然燈於上。望如星衢。市自正月初八日起。至十八日始罷。鬻燈在市西南。有冰燈。細剪百綵澆水成之。帝京景物略。永樂七年。令元宵節賜百官假十日。今市十日。賜百官假五日。內臣自秉筆篆近侍。朝臣自關部正。外臣自計吏。不得過市。猶存古制。鬻葦蓋帷意。其他例得與吏士軍民等過市。又內市者。東華門內月三日。市。今移燈市張矣。猶稱內市也。順天府志。明燈市最繁盛。范景文詩。所謂文具珊瑚看不盡。東華門外市三條也。今燈市內市俱廢。其地猶存燈市口之名。春明夢餘錄。燈市大街嘉靖二十九年。立戎政府。統以勳臣一員。曰總督京營戎政。佐以文臣一員。曰協理京營戎政。制有三。中曰五軍。東曰神樞。西曰神機。五軍營析爲營十六。神樞營析爲營十。神機營析爲營九。崇禎十六年八月。以襄城伯李國楨總督京營戎政。請上御書營額。上爲親書。其武堂賜之。舊聞考。燈市口大街東有二郎神廟。順天府志。國朝康熙三十五年重修。有倉場侍郎石文柱撰碑記。碑略云。據道書稱二郎神爲清源真君。唐貞觀二年創廟于此。宋元祐二年重修。按碑文稱廟創于唐。修于宋。不知所據。且宋哲宗元祐二年爲遼道宗大安三年。不曰遼修。而曰宋修。事恐未核。天恩偶閱鑿市在明代爲極盛之地。燕都游覽志所稱相對俱高樓。樓設氈帳簾幕。爲燕飲地。夜則然燈於上。望如星衢者。今則無是。憶余髫年。尙見路南樓六楹。巋然無恙。今不可闕矣。每上元五夕。西馬市之東。東四牌樓下有燈棚數架。又各店肆高懸五色燈球。如珠排。如霞標。或間以各色紗燈。由燈市以東至四牌樓以北。相銜不斷。每初月乍升。街塵不起。士女雲集。童稚歡呼。店肆鐃鼓之聲。如雷如霆。好事者然水澆蓮一文菊。各火花於路。觀者如雲。九軌之衢。竟夕不能舉步。香車寶馬。參錯其間。愈無出路。

而愈進不已。蓋舉國若狂者數日。亦不亞明代燈市也。此外地安門東安門外約略相同。六部皆有燈。惟工部最盛。頭門之內。燈彩四環。空其壁以燈填之。假其廊以燈幻之。且燈其門。燈其室。燈其陳設之物。是通一院皆爲燈也。此皆吏胥匠役輩爲之。游人闐咽。城內外士女畢集。限爲之穿。近日物力銷耗。漸不如前。燈景海塵。均已盡矣。

註二 順天府志元時鷓鴣市在喜樓下。樓今無考。

註三 順天府志佟府夾道順治時孝康章皇后之弟。安北將軍佟國綱。康熙時孝懿仁皇后之父內大臣佟國維。皆封一等承恩公。後并襲。其賜額在此。故名。傳云前明嚴世蕃故宅也。藤陰雜記弁少宗伯福第在燈市口。有野園。文端由敦有題野園詩。順天府志介爲佟氏後人。野園今尙存。燕史寶和等店管商販雜貨。歲徵銀數萬兩。除正項進御外。餘皆提督內臣公用。店有六曰寶和。和遠。順寧。福德。福吉。寶延。俱在戎府街。傳云起自嘉靖年間裕邸差官徵。神廟時屬慈寧宮李太后徵用。順天府志今佟府夾道有明碑一。列大璫劉瑾名。結銜欽差提督寶和店。則非始自嘉靖也。其地明稱戎府街。今鮮能舉其名矣。按曹潤田總長宅。在佟府夾道。頗爲宏壯。當即從前之野園。

註四 順天府志報房胡同報或作豹。萬歷沈志法華寺在明照坊。有勅建碑。順天府志寺在大報房胡同。明景泰中太監劉通弟順捨宅爲寺。山門左右鐘鼓樓。正殿額曰大雄殿。殿外寫碑二。皆明成化七年所立。一敕賜法華寺碑一。德聚和尚事實碑一。萬歷年間碑一。殿中重修碑一。又本朝乾隆四十三年德悟和尚事實碑一。又一碑未詳年月。其文略言寺建至今三百餘載。真如禪師梵修清靜。見寺近頽敝。苦心修葺。戊寅圓寂。立此貞

取述其功德。則亦爲乾隆年間立也。碑陰刊曹洞宗派四字。正殿後爲毘盧殿。殿宇軒敞。庭中雜蒔花木。天恩偶開法華寺在豹房胡同。明代建。喇亭雜錄記乾隆中法和尙居坂東菜寺。交結王公。淫縱不法。爲果毅公阿里袞所擒。立杖殺之。即此寺。其巨爲東城諸刹冠。咸豐庚申之役。王大臣於此設巡防處。總之者爲瑞文莊公。常文忠公。祥寶文靖公。鑿麟梅谷。魁凡數月。和議既定。諸大臣於此延見洋人。是爲京師交涉之始。

註五 順天府志東馬市街亦稱西大街。有馬市豬市羊市百鳥市。迤北有長和大院。鹽店大院。按今馬市街路北東首有懋益大院。或即長和大院所改稱歟。

入崇文門而北。爲崇文門大街。註其西僅有同仁醫院及利亞藥房。北面均係空地。各國

跑馬場在焉。其東則鋪肆林立。昔時吳三桂故居。註及吳匏園之海月庵。延玉亭諸勝。註

今俱無考。迤北以達於東單牌樓。昔有坊。民國十五年拆卸。路西有菜市。旁有藥言亭。註

路東有怡王府。註稍北曰米市大街。總布胡同。口光緒庚子後。德使克林德碑建於此。民

國八年碑遷於中山公園。改爲公理戰勝坊。註又北至金魚胡同。口青年會建築頗壯偉。

又北至東四牌樓。有坊四。民國十四年北坊拆卸。旋復修建。今四坊均尙存。註昔時之會

同館。柴草市二。郎神廟。註亦無考。

註一 順天府志崇文門俗沿元稱曰哈達門。或訛海岱。迤北有坊曰就日。化成寺在西。又有關帝廟。析津志

文明門卽哈達門。哈達大王府在門內。故名。人海記康熙甲子秋九月海岱門內地中忽作聲。有光如電。初以爲地震也。已知其地舊埋火藥。覆大石板上。土厚尺餘。不知何故忽發。飛石所中凡傷二百餘人。燕京訪古錄平城南面中正陽。左崇文。右宣武三門。東面朝陽東直二門。北面安定德勝二門。西面阜成西直二門。共爲九門。其八門城門啟閉時皆以典爲號。惟崇文門以鐘爲號。相傳崇文門地址。係一海眼。有巨龍覆其上。此門卽就龜背建立。龜示夢於司門者曰。吾負此重任。何時始去。門者語以汝聞典鳴則可去。故此門獨以鐘爲號云。

註二 甲申小紀吳三桂子應熊爲額駙。賜第海岱門內。應熊以康熙十三年伏誅。

註三 析津日記吳匏園居有海月庵。玉延亭。春草池。醉眠橋。冷澹泉。養鶴闌。今訪其迹已不可得。舊聞考河南彭氏所藏張建陽補畫玉延亭圖。有趙寬賦序云。春坊先生所居崇文街第。有園一區。名亦樂。中有亭曰玉延。賦首又云。並東郭之青陽。則斯亭應在東城。又毛澄重建玉延亭記云。園中別有庵曰海月。玉延爲庵之輔。則海月庵與玉延亭毗連也。吳寬匏翁家藏集有海月庵冬日賞菊圖序。

註四 順天府志東單牌樓大街。俗稱爲就日坊。北大街。南接崇文門街。迤北有米市。東小胡同曰七間樓。怡親王在在東單牌樓大街東。案怡邸舍爲賢良寺後。移朝陽門內北小街。咸豐十一年崩。怡王載垣獲罪。以寧王裔孫鎮國公寧某襲。故寧府今爲怡府。寧良郡王宏峻怡賢親王次子也。

註五 庚子雜記光緒庚子五月十三日日使署書記官杉山遇害于永定門。二十三日德使克林德遇害于東單牌樓總布胡同西口。兇手恩海係神機營靈字隊槍八隊章京。嗣後被捕毫無懼色。于十一月初十日被德使

署捕獲槍斃。按光緒庚子義和團之變。亂民殺德使克林德于東單牌樓大街石大人胡同之西口。和議成。乃建碑于其地以謝。民國十年歐戰解決。我國以加入聯軍故。對德爲戰勝國。於是折克林德碑之石材。移建於中央公園。以垂紀念。今門前赫然矗立之公理戰勝坊是也。順天府志東大街有坊四。東曰履仁。西曰行義。南曰大市街。俗稱東四牌樓。南接就日坊大街。迤北午達東直門者曰十字街。元舊稱也。見折津志。北有估衣市。西小胡同曰老虎洞。左翼宗學舊在街東。後移史家胡同。東有二郎廊。西有回人清真寺。嘯亭續錄。劉文正統勳賜弟東四牌樓。明兵例會同館在澄清坊大街東。正統六年建。宏治五年改作。凡屋三百七十六間。順天府志案館久廢。按東四牌樓路西回人清真寺今尚在。

註五 析津志雜貨市在十字口。北有柴草市。此地若集市。近年俱於此街西爲貿易所。灤陽續錄燈市口二郎神廟。其廟面西。而曉日初出。輒有金光射室中。似返照。或曰是廟基址與中和殿東西相值。殿上火珠映日回光耳。

入崇文門而東曰崇文門內東城根。有耶穌教堂婦嬰醫院。慕貞醫院。稍北曰孝順胡同。又北曰船板胡同。有匯文學校。占地極廣。註自船板胡同稍北而東曰鎮江胡同。又東曰鈞餌胡同。順天府志稱鈞兒胡同。鎮江胡同與船板胡同相連之南北小胡同曰丁香胡同。船板胡同之北曰小報房胡同。由小報房胡同斜折而南曰八寶胡同。由小報房胡同

折而東曰三元庵。再北曰蘇州胡同。註二蘇州胡同中間之北曰官房胡同。不通行。蘇州胡

同與鎮江胡同南北相連之小胡同曰鮮魚巷。蘇州胡同與范子平胡同南北相連者曰

後井胡同。鮮魚巷之西曰范子平胡同。順天府志稱飯瓶胡同。鮮魚巷之東。南曰江擦胡

同。北曰五老胡同。其中間南北相連者曰官帽胡同。曰四眼井胡同。其不相連者曰箭杆

白胡同。五老胡同之北曰鱸兒胡同。蘇州胡同迤北曰麻綾胡同。又東曰喜鵲胡同。註三麻

綾胡同之北曰襪褶胡同。註四有于忠肅公祠。註五又北曰羊肉胡同。又北曰官帽胡同。又北

曰觀音寺胡同。註六觀音寺胡同與官帽胡同襪褶胡同中間相連之南北胡同。曰北銀錠

南銀錠胡同。襪褶胡同與麻綾胡同中間相連之南北胡同。曰梯子胡同。麻綾胡同與蘇

州胡同中間相連之南北胡同。其在西者曰八寶樓。迤東曰延壽庵胡同。再東曰土地廟

曰下坡。再東曰芝蔴胡同。麻綾胡同與土地廟相連者曰侯位胡同。以上為崇文門至東

單牌樓以東至溝沿頭之各胡同。順天府志此處附近有神仙洞真武廟茄子胡同後坑

建昌胡同火神廟柳繡胡同銀絲胡同井兒胡同諸名。今俱無考。

註一 匯文學學校報告匯文中學肇造於前清同治十年。原始規模甚小。僅分上下二齋。即今之初高兩等小學。

並無正式名稱。光緒十一年。課程漸備。遂擴充大學。內括中學。小學。定校名爲懷理書院。十四年。改校名爲匯文書院。分設文理神醫藝術等科。院內添設印子館。翻印新書。迨庚子之變。本校所有。盡遭焚毀。後經重新建設。先築德本齋。繼而安德堂。德厚齋。高林齋等樓房。亦次第落成。自是來學者亦日形踴躍。甲辰歲。按學部定章。更名爲北京匯文大學堂。民國三年。各教會動議合組大學。至民七。遂產生燕京大學。本校祇留大學預科及中學二部。名爲匯文學校。民十改爲三三制中學。改校名爲北平特別市私立匯文中學校。現登籍學生八百有奇。

註二 七修類稿蘇州胡同有苦井。宏治間正月朔日晨。有術士汲其水注甜井中。易水而來。向井呪咀而下之。遂變爲甜水。舊聞考井在蘇州胡同內。蘇綫胡同三元庵。居民至今資以吸飲。查浦詩鈔雜詠詩亦紀其事。

註三 嘯亭續錄公宏驪宅在喜鵲胡同。

註四 順天府志總督倉場署在裱糊胡同路北。會典設侍郎滿漢各一員董其事。春明夢餘錄倉場公署在城東。舊稱胡同。設於正統三年。按前清時京倉十有五口。祿米倉南新倉舊太倉海運倉北祿倉富新倉興平倉太平倉恩豐倉內倉裕豐倉儲濟倉萬安倉本裕倉豐益倉。通倉二日中倉西倉。歲入額漕四百三十七萬餘石。百官俸祿八旗甲米均取給於斯焉。

註五 春明夢餘錄于少保祠額曰忠節。在崇文門內東裱糊巷。公故賜宅也。祠三楹。中塑公像。歲春秋遣太常官致祭。人海記崇文門內舊有于忠肅祠。萬曆乙未二月己未勅建。順治中公像被毀。吾邑人談孺木作弔于太傅詞文以憫之。今相傳爲京師城隍神。舊聞考謙本傳。謙自奉儉約。所居僅蔽風雨。帝賜第西華門。固辭。

夢餘錄言祠在崇文門內。其非西華賜第可知。今祠亦廢。襍稽胡同內有福德祠地甚狹。相傳即其舊址。順天府志祠今重修。旁爲杭郡試館。天恩偶聞于忠肅祠在襍稽胡同。蕪廢已久。近始重修。浙人逢春秋闈居爲試館。春明夢餘錄公被刑於天順元年。復官於成化二年。賜諡肅愍。於弘治三年。改諡忠肅於萬曆十八年。公被刑日。陰墜翳天。京師婦孺無不灑泣。夫人流山海關。夜夢公曰。吾形殊而魂不亂。獨兩目黯然。借汝眼光見形於皇帝。次日夫人目失明。會皇極門災。英宗臨視。公現形火光中。上悚然知公寃。詔放夫人歸。眼明如故。

註六 順天府志貢院西觀音寺胡同有靈藏觀音寺。明正統十一年重修。天順元年改名靈藏。有明碑一。編修陳文華撰文。舊聞考今名靈藏觀音寺。寺內有藤胎海潮觀音像一。相傳明時出之內府者。甲申傳信錄毛百戶遺其名。住觀音寺胡同。三月十九日賊入。舉家三十餘口悉入非死。按地以靈藏觀音寺得名。

自崇文門內東城根中間南北直達于觀音寺胡同之小街。在南曰溝沿頭。稍北曰鬧市

口。^{註一}自溝沿頭而東各胡同。在南者曰毛家灣。再東曰抽屜胡同。再東曰神路街。再東曰

東庫司胡同。再東曰大羊毛胡同。再東曰泡子河。^{註二}在抽屜胡同之南曰盔甲廠。^{註三}其北

曰馬匹廠。稍東有錢局空基。再東曰寬街。馬匹廠之西有梅竹胡同。由毛家灣而北曰一

眼井。曰紗帽翅。曰鈴鐺大院。鬧市口之東曰蘇州胡同下坡。曰箭杆胡同。其東曰鐵匠營。

曰豆腐巷。又北曰東襍稽胡同。其東有觀象台。^{註三}南曰小羊毛胡同。北曰水磨胡同。曰牛

角灣。又北卽東觀音寺胡同。意公府在焉。東褰裙胡同中間之南有黃土大院。其南亦曰牛角灣。又東有丁字胡同。是爲溝沿頭鬧市口。以東至於城根各區域。

按順天府志有後井兒胡同。林檀胡同。臊達子胡同。果公府馬圈。錢局後銅廠。金鈎胡同。礮廠。快子胡同。靈官廟。雙柵欄八根旗杆諸名。今皆不見。馬匹廠又作馬皮廠。東鞭子胡同。作庫司胡同。林檀胡同。或卽今之鈴鑼大院。註一。宸垣識略一等順義侯第在南關市口。順天府志順治時田雄以明福王降。封順義侯。今侯錫光官散秩大臣。

註二。順天府志坊巷胡同集作泡作河。迤西有呂公堂。明爲永安宮。今設電報局於此。南有太清宮。景物略之玉皇閣也。又南有華嚴禪林。明萬歷間重修。北有關帝廟。明碑二。皆磨泐。又慈雲寺在崇文門東城角泡子河西。寺明萬歷六年建。內有明建寺碑記。字已損缺。順治十年重修。俗稱爲十方院。今大殿已毀。其第四層爲藏經閣。寺距貢院不及一里。每逢鄉會試年。寺僧以第三層東西屋賃作考寓。寺之東有呂公祠。明成化初建。萬歷甲寅敕賜護國永安宮。相傳乞夢有驗。今祈仙方者香火不絕。住持卽於祠東小屋開設藥舖。祠之南爲太清宮。明建。今廢。明顧起元撰碑記尙存。祠北卽觀象台。台西北卽貢院。燕都遊覽志泡子河在崇文門東城角。前有長溪。後有廣浚。高環環其東。天台峙其北。兩岸多高槐垂柳。空水澄鮮。林木明秀。不獨秋冬之際難爲懷也。河上諸招提。苦無廣大者。水濱之頽園廢圃。多置不葺。城內自德勝河外。惟此二三里間無車塵市囂。惜命駕者少耳。舊聞考泡子河在今觀象台前。河身尙存。經呂公祠南石橋。出南水門入通惠河。帝京景物略泡子河南岸方

家園張家園房家園。以房園最。北岸張家園傅家東西園。以東園最。中呂公堂西楊氏泌園。東玉皇閣。北去貢院里許。查浦詩鈔雜詠詩。張園酒罷傳園詩。泡子河邊馬去遲。踏遍槐花黃滿路。秋來祈夢呂公祠。帝京景物略。祠後有物白氣竟丈。夜游水面。人或見之。則倒入水作鼓漿聲。或曰水掛也。藤陰雜記呂公祠祈夢頗靈。姜西溟宸英鄉會試寓祠。及第後有詩。天恩偶開呂公堂。在觀象台之南。泡子河東岸。自昔久著靈異。春秋闈士子祈夢者最多。今夢榻尙存。而祈者鮮矣。但祈方藥者甚多。門外賣藥人王姓。以此致富。壬辰春闈。余假館其家。每晨光未旭。步於河岸。見桃紅初沐。柳翠乍翦。高塘左環。春波右瀉。石橋宛轉。欲擬重虹。高台參差。半籠曉霧。河之西岸多園亭舊址。今無尺椽片瓦之存。然其景物澄灑。猶足流連忘返。此河來自城下。本無上源。余沿河細審之。見河從東北來。環呂公堂南渡石橋。折而西南。沿河向水關而去。始悟此河蓋本是元代通惠河故道。自明代築城。將河之半段截於城內。今東便門外之河。即此河之下流。其上源則與大內雨水河通。徐中山改小元都城。水樂又拓而大之。元之都城凡兩番改作。遺跡久不可問矣。又慈雲寺在河西岸。頗宏。後閣尤古。惜半已就頽。尙未全廢。若東岸之華嚴寺太清宮。皆成平地。太清宮顧起元碑尙在。文用駢儷。書法聖教。屹然於兔葵燕麥中。其西一帶炮廠盔甲廠之街衢。皆拆成自地。鐵梅菴先生故居卽在此。今亦不可問。大抵城隅之地。尤易荒廢。以去市遠。居者不便。故家不能保其室廬也。按梅菴先生名鐵保。滿洲董鄂氏。以進士官至總督。少時與百菊溪法石帆有三才子之目。後官江南。以罪遣戍。然嘯亭雜錄稱其頗作官。故多造蜚語上聞者。其得罪以此。公書法爲八旗第一名。亞石菴相國。用筆亦極相似也。公夫人名榮川。字如亭。亦善草書。工畫蘭。且能騎射舞劍。又工舉

子業。公門生以文請益。夫人代爲評。見或出公之上。

註二 大清會典事例。盜甲廠在崇文門內之東。今貯廢礮。燕史。盜甲廠即鞍轡局。掌廠太監一員。署建於都城東南隅。掌營造。盜甲銃砲弓矢火藥之類。萬歷年間。火藥忽然者再。崇禎甲戌九月初七日。又震。損人物甚多。將製火藥石。候遠拋於泡子河城牆下。

註三 一統志。觀象台在城東南隅。台上有渾天儀。簡儀。銅量天尺。諸器。康熙十二年。以舊儀年久多不可用。御製新儀。凡六。一天體儀。一黃道儀。一地平經儀。一地平緯儀。一紀限儀。陳於台上。至今遵用。其舊儀移藏台下。又五十四年。製地平經緯儀。皇朝禮器圖式。地平經緯儀。乃合地平象限二儀而爲一。舊聞考。乾隆九年。製璣衡撫辰儀。台中爲紫微殿。殿東小室曰壺房。即浮漏堂。又東廂爲測量所。別有室爲祥影堂。明世宗實錄。嘉靖二年九月。修觀象台。占風竿及渾天儀。簡儀。順天府志。占風竿。今仍其制。亦名順風旗。竿上有鐵箍。二十八道。以象二十八宿之數也。明一統志。欽天監設司天台於朝陽門城上。藤陰雜記。觀象台在城東南隅。登高俯視。通州城市。可接之眉睫間。日下舊聞。元都城在東北。白馬廟柴市。瓊華島。皆在南城。今之觀象台。則在南城外。讀吳師道城外紀。遊作可信也。析津志。明時坊在太史院東。坊巷胡同。集明時坊西。四牌十六鋪。東四牌。二十六鋪。有羽林右衛。武功中衛。右衛中衛。順天府志。坊沿元舊稱。蓋取治歷明時之義。今之觀象台。元之司天台也。太史院當與相近。明諸衛久廢。羽林大衛。又見保大坊。當是後來移置。明史外戚傳。與鞏永固射賊楊光陸者。駙馬都尉子也。被甲馳突。左右射。與永固相失。矢盡。投觀象台下井中死。按嵩柱胡同。今無考。

自西觀音寺胡同以北。曰棲鳳樓胡同。中間南北小胡同曰官房胡同。稍東曰火神廟胡同。又東曰方巾巷。與鬧市口相接。爲南北小街。棲鳳樓胡同向北之南北小胡同曰小頭條。稍東曰小二條胡同。再東曰小三條胡同。順天府志原名十八半截。其東西橫胡同。西曰娘娘廟。東曰口袋胡同。再北曰北極閣。註一曰小土地廟。又北曰黃獸醫胡同。又北曰大土地廟胡同。又北曰新開路胡同。註二又北曰總布胡同。火神廟胡同之東曰土地廟。曰象鼻子坑。分上中下三坑。曰衣袍胡同。順天府志稱爲衣包胡同。

註一 都市叢考北極閣在東單牌樓東。南至棲鳳樓。北至新開路。西至怡王府東牆。內有緣慶恒吉二廟。院中有殘碑。字迹模糊。稍可辨認。上刻緣慶恒吉二廟爲多羅貝勒綿譽于道光十七年重修云。或云此北極閣在道光時怡王府時遭火患。故在府東南建設小佛閣曰北極閣。取北極生水之義。今基地無存。已改建協和醫院宿舍矣。

註二 嘯亭續錄寧郡王府在新開路。順天府志王諱宏皎。諡曰良。

自方巾巷以東。南北相並之胡同。曰草廠胡同。其南之東西胡同。曰東觀音寺胡同。再北曰草廠大坑。再北曰中椅子胡同。又北曰後椅子胡同。再北曰頂銀胡同。再北曰總布胡同。註一頂銀胡同與總布胡同之間小胡同曰甘石橋。東觀音寺之東與總布胡同之東。南

北相連之胡同。曰草廠。曰井兒胡同。曰福建司營。又東即舊貢院。民國十年建爲模範商場。但至今仍多曠廢。^{註二}舊貢院以東曰大小牌坊胡同。其間之東西小胡同曰鯉魚胡同。曰茶食胡同。曰驢蹄胡同。順天府志此處附近有水磨胡同。^{註三}筆管胡同舉場東西轆門外諸名。今俱廢。

^{註一}燕都游覽志東院在總舖胡同東城畔。昔時歌舞地。今寥寥數家如村舍。兼之人掘土爲坯。滿目坑塹。從寒烟衰草中。想走馬章台之盛。邈不可復尋。猶記舊游有陳家園郝家亭子。樹石楚楚。並無存矣。順天府志鋪俗訛捕或訛布。按今總布胡同宅第崇闕。爲鼎鐘簪纓之地。較之昔日之荒烟衰草。又不相侔。惟其東貢院舊址。則以千人選佛之場。夷爲平地。今雖畫方分井。版築方興。然回想文光射斗之時。不免雅俗之殊矣。都市叢考克林德碑在總布胡同口。俗稱石頭牌樓。因其狀爲牌樓。俱用白石砌成。工程約三年之久。誠巨工也。上豎額曰克林德碑。并有清光緒上諭刻於其上。文曰德國公使克林德駐華以來。辦理交涉。朕深倚任。迺光緒二十六年六月拳匪作亂。該使臣於是月遇害。朕深悼焉。因於死事地方。敕建石坊。以彰令名。并以表朕旌善懲惡之意。凡我臣民。其各懲前毖後。毋忘朕命云。按刺殺該使。乃係神機營之官長恩光。至民國七年協約國戰勝。始將此坊拆卸。建於中央公園。改稱協約國戰勝紀念碑矣。

^{註二}春明夢餘錄貢院在城東隅。元禮部舊基也。永樂乙未改爲貢院。制甚偏隘。嘉靖中議改創西北隙地。卒

未果。至萬歷二年因故址拓旁近地益之。順天府志仍明舊址。明改元禮部爲貢院。據湧幢小品乃正統間事。與夢餘錄異。明武宗實錄正德六年四月改建工部文思院於東城明時坊。以舊置地卑沮洳不便作故也。

長安客話文思院在舉場胡同。屬工部屯田司。官有大使副使。宸垣識略貢院本朝屢加增葺。益爲宏備。乾隆九年皇上幸貢院。御製七言律勒石至公堂中。按乾隆甲子御製貢院詩。有從今不薄讀書人。言孔孟言大是難之句。一時士林傳誦。爲之感泣。詞臣張鵬獅和詩云。添得青袍多少淚。百年雨露萬年心。蓋紀實也。聚奎堂有明代王圖庚戊取士詩。天啟四年其子淑卞和之。刻石壁間。天恩偶聞貢院在城東南隅。明因元禮部基爲之。其制南嚮大門五楹。門外樹綽楔三。中曰天開文運。東曰明經取士。西曰爲國求賢。外又爲繚垣。開門四。謂之磚門。大門內爲二門。亦五楹。再內爲龍門。由甬道過明遠樓下。直達至公堂。然考之張居正重修貢院記。則三綽楔中曰天下文明。左曰虞門。右曰周俊。聚奎堂會經堂之外。又有燕喜堂。今諸榜不知何時所易。至公堂榜相傳爲明嚴分宜書。固完然無恙。國朝屢加修葺。光緒初因就試人多。號舍不敷用。乃大加展拓。明遠樓舊在中。瞭望亭居其四角。自增建後號舍益展而後。且拆卸頂銀胡同之東半人家以增益之。於是瞭望亭反居其南。乃更增二亭於北。凡六亭。而至公堂亦照料不及。乃添設新號監試御史以司之。然考其不敷之所由。則亦有故。聞之先輩言。道咸以前科場搜檢之法至嚴。甚至解衣脫履。故非腹笥淵深。輒畏難而止。鄉試歲止四五千人。會試兩千人。同治以後禁網漸寬。搜檢者不復深究。又有石印書以濟之。士子有恃不恐。熙攘而來。搜者益不能給。至壬午科入闈者至萬六千人。遂不得不議及添號矣。余初次入闈至貢院門。番役尙唱云搜過。及壬辰會試。則并此聲亦廢。

天咫偶聞貢院文昌槐在明遠樓前。始自前明。發根於東龍字號。蜿蜒而西。橫過甬道。覆及西號舍。天矯如龍。下僅過人。相傳此樹爲文運所關。士子有病禱於樹下。摘槐角服之輒愈。戊戌秋忽枯。有司遂伐而薪之。又明年貢院毀。及乙巳科舉遂停罷。天咫偶聞每春秋二試之年。去棘闈最近諸巷。西則觀音寺水磨胡同福建寺營頂銀胡同。南則裱糊胡同。東則牌坊胡同。北則總捕胡同。家家出賃考寓。謂之狀元官寓。每房三五金或十金。輒遣妻子歸寧以避之。東單牌樓左近百貨廡集。其直則昂於平日十之三。負戴往來者至夜不息。當此時人數驟增至數萬。市僧行商欣欣喜色。或有終年冷落。藉此數日補苴者。典故紀聞云北京試院乃舊禮部。正統時以今禮部成。始改舊署爲試院。初修時計屋八十二間。天咫偶聞近代恩竹樵方伯錫居第亦在貢院之西毛家灣。公滿洲瓜爾佳氏。以進士起家。官至江蘇布政使。在官有政聲。而尤崇獎風雅。工倚聲。刻有詞草。戊寅入覲。卒於途。後裔不振。此第竟無舊主。大半賃人矣。香雪巢詩鈔有春闈內場監試分咏舊蹟詩四首。一御製詩碑。原註貢院中堂列純廟御製七律詩四章。中有從今不薄讀書人之句。二至公堂。註至公堂額相傳爲前明嚴分宜書。三龍字號舍。註國朝蔡方三先生寅爲文壇老宿。某料會試沒於此號。後時見靈異。四龍門大黃。注龍門一帶。向出大黃。逢會試年聞尤盛云。壬癸詩存有詠貢院古槐詩。註李芝齡尙書道光元年辛巳監臨順天鄉試文闈。有詠古槐詩。都市叢考貢院又名舉場。在觀象台西北。周環數里。自清季廢料舉設學校。該處房舍已均傾圮。迄于民國僅存垣墉。嗣經市政公所按照整理市政計畫。將該處改建樓房。現已齊整可觀。形勢一變。不似昔時斷壁殘垣荒蕪冷落。按貢院在明朝爲順天法場。故貢院夾道。又有法場夾道之稱云。順天府志意公第在

舉場西水磨胡同。公爲太祖七子饒餘敏郡王諱阿巴泰之後。按雙欄欄八根旗杆之名今無考。

按有清之季科舉既廢。貢院鞠爲茂草。初擬即其舊址爲將來國會兩院建築之區。至民國九十年財政益艱。所屬官產均漸斥賣。貢院之地盡爲民居。年來鑼鼓間興。數角小樓。掩映夕陽。未達繁盛氣象。只足供人憑弔耳。而舉場東西磚門外之地名已隨而淹沒矣。

自東單牌樓以西。總布胡同以北。舊名石大人胡同。今日外交部街。註一有迎賓館極崇偉。

前清宣統間。外交部建以招待外賓者也。(爲舊寶源局地)其後外交部移於是。其東有

睿王府。又東爲協和胡同。原名蝸虎胡同。石大人胡同之北曰東堂子胡同。舊外交部在

焉。後爲外交部官舍。今社會局設于西偏。註二又北曰無量大人胡同。亦稱無量大胡同。註三

伶界名人梅蘭芳宅于是。其間有南北小胡同。在西曰井兒胡同。在東曰官房胡同。又北

曰遂安伯胡同。註四又北曰西石槽東石槽。又北曰乾麪胡同。註五鐵路大學在焉。又北曰史

家胡同。註六其南有官學大院。稍東有西羅圈東羅圈。又北曰內務部街。原名勾欄胡同。註七

內務部在焉。中間有八寶胡同。又北曰本司胡同。註八其東有西花廳東花廳。又北曰演樂

胡同。註九中間胡同曰下窪子。又北曰燈草胡同。註十又北曰禮士胡同。昔稱驢市胡同。註十一

九

十

十一

又北曰前炒麵胡同。其東曰前拐棒胡同。又北曰後炒麪胡同。其東曰後拐棒胡同。中間南北之胡同。在西曰大烟筒胡同。稍東曰小烟筒胡同。又東曰萬歷橋。再北爲朝陽門大街。

註一 順天府志石大人胡同東北第一小胡同曰大胡同。工部寶源局在北。雙忠祠亦在北。乾隆十六年建合祀。都統一等伯謙襄烈傳。清左都御史一等伯謙果壯。拉布敦。春秋致祭。按今雙忠祠已劃入外交部官署。春明夢餘錄寶源局在石大人胡同。石亨舊宅。亨誅宅歿入官。嘉靖中以賜仇鸞。鸞敗復沒入官。因改爲鼓鑄公署。蓋鼓鑄一事。其初惟屬工部。至天啟二年始添寶泉局。屬之戶部。而工部所鑄微矣。嘯亭續錄容親王新府在石大人胡同。宸垣識略有饒餘親王府。順天府志容邸舊在皇城內。王得罪後。嗣子多爾博歸本宗。府久廢。乾隆四十三年以多爾博六世孫淳頤嗣。世襲。即今府也。舊爲饒餘親王府。帝景景物略再駙馬宜園在石大人胡同。堂三楹。階墀朗朗。老樹森立。堂後有臺。臺前有池。山前有石。數百萬碎石結成也。園創自正德中。咸寧侯仇鸞後歸成國公朱庚。今歸冉。石有名曰萬年聚。燕都遊覽志園亭之在東城者曰梁氏園。曰楊舍人泌園。曰張氏陸舟。曰恭順侯吳國華園。曰英國公張園。成國公適景園。後歸武清侯李。曰萬駙馬曲水園。曰再駙馬宜園。天咫偶聞寶源局在石大人胡同。本明石亨宅。即在余居後。每天陰月晦。鼓鑄之光。上徹霄漢。此爲工部局。又有寶泉局在北新橋則。戶部局也。

註二 順天府志總理通商事務衙門在堂子胡同北。咸豐十一年十二月奏請設立。初定約時借宛平縣署東

之嘉興寺爲辦理交涉事務之所。至是就東堂子胡同鐵錢局公所改建。額曰總理各國事務衙門。咸豐十一年十二月初一日奏遞章程六條之一云。京師請設總理各國事務衙門。以專責成也。查各國事件向由外省督撫奏報。彙總於軍機處。近年各路軍報絡繹。外國事務頭緒紛繁。到京之後。若不悉心經理。專一事。必致辦理延緩。未能悉協機宜。請設總理各國事務衙門。以王大臣領之。軍機大臣承書諭旨。非兼領其事。恐有歧誤。請一併兼管。並請另給公所。以便辦公。兼備與各國接見。其應設司員。擬於閣部院軍機處各司員章京內滿漢各挑取八員。輪班入值。一切均做照軍機處辦理。以專責成。俟軍務肅清。外國事務較簡。即行裁撤。仍歸軍機處辦理。以符舊制。按初立衙門時所設司員如此。後則設滿漢章京。分掌各國交涉事務。由內閣中書及六部司員考充。一如軍機章京體制。其管理事務王大臣特派無定員。又十二月二十一日奏遞新設衙門章程十條之二云。擬建立衙署以資辦公也。查各衙門分司辦事。往往多者數百間。少者亦百餘間。方可敷用。房間既多。官役亦因之而增。此次總理衙門義取簡易。查東堂子胡同舊有鐵錢局公所。分設大堂滿漢司造科房等處。儘足敷用。無庸另構。惟大門尙係住宅舊式。外國人後來接見。若不改成衙門體制。恐不足壯觀。且啟輕視。擬僅將大門酌加修改。其餘則稍加整理。不必重行改修。又同文館挑選八旗子弟充學生學習外國語言文字。以備繙譯。即就鐵錢鑪房修葺。以作館舍。爲東所。光緒元年建造西院房屋。爲出使各國大臣留駐。並每歲新年各部院大臣接見各國使臣之所。爲西所。咸豐十年十二月初一日奏請於廣東上海挑選認識外國文字通解外國語言之人各派二人來京差委。又同治五年奏請招考天下算學。宸垣識略一等超武公第在東堂子胡同。天咫偶聞總

理各國事務衙門。在東堂子胡同。故大學士賽尙阿第也。匏庵詩存。有題許文肅遺集詩。註云。外交部新建四忠祠。祀徐許袁聯。而不及立山。以其未歷譯署也。立以恩倖起家。驟擢長戶部。自恐不孚衆望。略園相國勸其多讀名臣傳。卒以諫拳匪事罹禍。按光緒之末。改總理各國通商衙門爲外務部。民國初建。改稱外交部。地址均仍其舊。至同文館則早裁廢。近年外交部移入石大人胡同之迎賓館辦公。而以舊署爲總次長官舍。其昔年同文館舊址。則改同文學會。內有聯曰。有水有山有竹宜風宜雨宜晴。跋曰。該地爲崇文節綺故宅。聯亦文節所書。今已遺失。北平懋毓鼎補書云。

註三 說學集京師寅賓里有無量壽庵者。居士屠君所建也。君名文正。山陽人。事親至孝。至元元年大兵驅至開平。日夕思念其母。南望悲泣。因禮佛絕葷酒。十有一年還至大都。師事臺滿禪師於慶壽寺。滿號之曰居士。時宋已內附。疆宇混一。私喜可見其母。亟馳書候之。母已歿。居士躑躅號慟。若不欲生。二十一年出已資七百貫。買地十畝。於太廟之西作無量壽庵。皇慶二年遇災燬。子覺興裒金於好施者。復謀營建。舊聞考今無量大胡同相傳卽無量庵故址。而地界不合。以坊巷胡同集考之。蓋名吳良大人胡同。而後人附會之耳。按今名無量大人胡同。又與坊巷胡同集所名稱異。

註四 順天府志遂安伯胡同。或作歲柏胡同。明史功臣世表遂安伯陳志。永樂元年五月丁亥封。世襲。國亡酒絕。此或其故居也。宸垣識略一等延恩侯第在歲柏胡同。順天府志雍正二年以明太祖十三子代簡王之裔正定府知府朱之樾爲延恩侯。今侯誠端官散秩大臣。

註五 嘯亭雜錄貝子吳達海宅在乾麪胡同。順天府志吳達海或作務大海。顯祖孫。誠毅貝勒穆爾哈齊四子。以功封。追諡襄敏。又喀拉沁王府在乾麪胡同。非賜第也。不常居。菽園雜記天順間太監曹吉祥忠國公石亨用事。勢焰炙手可熱。乾麪胡同一賣餅小家女。美而豔。都督石彪欲娶爲妾。父母樂從之。女獨不肯。乃已。未幾石氏敗。彪棄市。

註六 藤陰雜記德定圃第在史家胡同。公自東京還京。歲集諸門生宴集樂賢堂。

註七 宸垣識略一等誠嘉毅勇公第在勾欄胡同。順天府志乾隆時定邊右副將軍明瑞封誠嘉毅勇公。今

公景壽尙宣宗六女壽恩公主。析津日記京師黃華坊有東院。有本司胡同。本司者教坊司也。又有勾欄胡同。

演樂胡同。相近復有馬姑娘胡同。宋姑娘胡同。粉子胡同。出城則有南院。皆舊日之北里也。順天府志馬姑娘

胡同。舊聞考云有之。今無是名。野獲編穆宗仁儉性成。嘗思食果餅。詢之近侍。俄頃尙膳監及甜食房各開

買辦松榛糗糧等物。值數十金以進。上笑曰。此餅只需銀五錢。便於東長安大街勾欄胡同買一大盒矣。何用多

金。內臣俱縮頸退。蓋上在潛邸久。稔知其價也。燕京訪古錄東四牌樓南勾欄胡同。爲元時之御勾欄處。中一

巨室廢。第花園內一小廟。廟內有一銅鑄女像。坐式。高四尺八寸。方面含笑。美姿容。頭向左偏。頂盤一髻。插花二

枝。身着短襖。盤右腰。露蓮鈎。右臂直舒作點手式。揚左轂。左手握蓮鈎。情態妖冶。楚楚動人。按此地應是勾欄故

址。此像當爲妓女崇奉之神矣。案今內務部衙門在此胡同。故更名爲內務部街。

註八 殺城山房筆塵正德中樂長賊賢甚被寵遇。嘗給一品服色。相傳教坊司門曾改方向。形家見之曰。此當

出玉帶數條。聞者笑之。未幾上有所幸伶兒入內不便。詔盡宮之。使入爲鐘鼓司官。後皆賜玉。骨董賈記本司胡同。本司者教坊司也。順治初沿明制。設教坊司。凡東朝行禮筵宴。用領樂官妻四名。領女樂二十四名。女樂由各省樂戶挑選入京充補。隨鐘鼓司引進。在宮內排列作樂。八年停止。教坊司婦女入宮承應。用太監四十八名。十二年仍用女樂。至十六年復改用太監。遂爲定制。雍正七年改教坊司爲和聲署。教坊之稱遂永從革除。後改昇平署。隸于內務府。皆中人也。道光時復革。

註九 順天府志演樂胡同俗訛眼藥。

註十 宸垣識略一等誠謀英勇公第在燈草胡同。順天府志乾隆時大學士定西將軍阿桂封誠謀英勇公。

謚文成。今公繼勳官散秩大臣。天咫偶聞阿文成公祠在鐘草胡同。今子孫尙居之。

註十一 順天府志驢市胡同亦稱騾市。又報恩寺在驢市胡同街北。不知何時創建。明天順元年更寺名曰

昭寧寺。大學士李賢撰碑。碑已無考。門內有大鐘。上鑄昭寧寺三字。其西廊今爲常寧寺。有小鐘一。上鑄報恩寺

三字。是始稱報恩。而後改名昭寧者。即其地也。薊邱雜鈔成化丙戌進士三百五十二人。永豐羅公倫以建言

出爲市舶提舉。蘭谿章公懋蒲田黃公仲昭江浦莊公昶以諫燈市獲罪。謫外。越十年在京師者百人。會於報恩

寺。華亭張公弼作同年會誠。載東海集中。寺于天順元年更名昭寧矣。而張公文猶循其舊稱也。今白華堂詩

錄詠懷海岱瞻門高。風塵苦身賤。自注海岱高門第。御賜劉文正句也。時寓驢市胡同劉氏之北宅。天咫偶聞

劉文清公故第在驢市胡同西頭。南北皆是。其街北一宅改爲食肆。余幼時屢過之。屋宇不甚深邃。正室五楹。階

下青桐一株。傳爲公手植。街南牆上橫石刻劉石菴先生故居七字。今屋皆易主。北宅久圻。橫石亦亡矣。公在日與瑛夢禪先生交最契。余嘗見公與夢禪手札凡二百通。由壯至老。體格皆備。夢禪裝爲冊自爲之序。又得公與夢禪餽物事目一冊。日用之物無所不具。殆亦無日不餽也。又見二冊則多邀飯之札。想見二公交誼。蓋瑛居勾欄胡同。與公隣巷也。

自總布胡同中間以達於朝陽門大街之南北直街。曰南小街。南小街以東。其南多曲折之小胡同。自方家胡同以北乃稍修直。東總布胡同之東有南北胡同。曰城隍廟大街。註又東曰宏通觀。又東曰大牌坊胡同。東總布胡同之北。曰大羊宜賓胡同。舊曰大羊儀賓胡同。儀賓者明代尙郡主之稱也。其東曰小羊宜賓胡同。又北曰羊尾巴胡同。其東曰趙家樓。又北曰趙堂子胡同。其東有寶蓋胡同。小椿樹胡同。又北曰什方院。又北曰松樹院。其南北之小胡同曰禮拜寺。夾道。曰禮拜寺街。曰扁擔胡同。曰羊圈。又東曰大雅寶胡同。其東有稅務學校。其南有雙松寺。有賢孝牌。又北曰小雅寶胡同。註中間之南北胡同曰西龍鳳口。中龍鳳口。東龍鳳口。又北曰祿米倉大街。

註一 都市叢考城隍廟街在崇文門內東單牌樓北東總布胡同東口。因街內有城隍廟故名。此城隍廟建於明萬曆十八年六月間。清光緒二十五年重修。彼時香火甚盛。嗣經二十六年拳匪事變。香火漸蕭條。民國八年

五月以此廟有碍交通。遂拆毀。但街名至今未改。

註二 順天府志雅寶本作醜肥大胡同。萬歷沈志清泰寺維摩庵俱在黃華坊。庵明成化四年勅建。有勅建

碑。順天府志寺久廢。維摩庵在小雅寶胡同。地以庵名。舊聞考維摩庵萬歷三十八年重修。碑左光斗撰。

按順天府志此地附近尚有牛角灣板橋等名。今無考。羊尾胡同今名羊尾巴胡同。宏道寺或即今之清真寺街。

其東尚有雙松寺。則不知何時所建。趙家樓前外交總長曹潤田住宅在是。民國十年間市民指曹爲賣國。于五

月三日之紀念日。羣衆包圍。毆司法總長章宗祥幾斃。並焚其宅即在此地。

祿米倉大街以祿米倉得名。清時爲倉儲之所。註一 民國以來改爲陸軍被服廠。其西有安

樂巷井兒胡同油房胡同。其東有倉夾道八寶胡同武學胡同。註二 小牌坊胡同。智化寺在

焉。註三 又北曰方家胡同。再北曰小方家胡同。註四 火神廟。又北曰官房大院。眞武廟。其西有

牌樓館。老虎洞。其東有西苦水井。東苦水井。其南有三聖廟。又北曰新鮮胡同。又北曰八

大人胡同。其東有林駙馬胡同。中間南北小胡同曰蔡家大院。又北曰竹竿巷。又北曰老

君堂。註五 中間南北小胡同曰扁擔胡同。曰井兒胡同。曰南釣魚台。又北即朝陽門大街。

註一 坊巷胡同集黃華坊四牌二十一鋪。有武學王府倉祿米倉武德衛興武衛豹韜衛神巢衛龍虎衛智化

寺二郎廟。順天府志諸衛久廢。忠貞軼紀甲申三月十九日城陷。布衣楊國震娶妻子積薪舉火。鄰人救止。震遂移居黃華坊。與妻鄭氏子德申自焚。其同居田氏三女一男亦同投火死。順天府志祿米倉計五十七廩。在朝陽門內南小街。

註二 匏翁家藏集。京師有武學。所以教諸衛武臣之子孫。將世其官者。始建於正統癸亥。制尙弗稱。後朝廷以城東舊第賜故太平侯張公辭焉。有詔改爲學。宛平縣志京衛武學。明時屬兵部考試。康熙三年四月改屬順天府。其殿廡銜舍鼎革。後圯壞不堪。唯存舊址。順天府志智化寺西有武學。久廢。存獅石二。云即武學遺址。

註三 順天府志智化寺在朝陽門內祿米倉東。正統間王振建。天順元年四月復王振官。并賜振碑文。立旌忠祠於寺內。塑像祠之。本朝乾隆八年毀像及碑。御史沈廷芳奏請也。骨董瑱記明英宗爲王振立祠。在崇文門內智化寺。李賢撰碑。稱其功德。乾隆中御史沈廷芳疏請仆像毀碑。從之。藤陰雜記智化寺近舉場。章湖莊銓有詩紀之。天咫偶聞智化寺在祿米倉胡同。爲明王振捨宅所建。極宏麗。今已半頽矣。殿宇極多。像塑尙出明代。西殿爲轉輪藏。別無佛像。亦它寺所無。萬佛閣規模巨麗。碑述振事極詳。蓋振自宣德時入宮用事。宣宗之末。三楊不能制之矣。舊有振祠。今毀。

註四 析津日記東院之東。舊有方家園。園廢。建淨業庵於其址。殿左廡有鎮陽林潮書許魯齋先生演千字文。以萬曆十一年八月刻石刊於壁。順天府志庵今廢。林書亦無考。荃察予齋詩存。清孝定景皇后輓詞注。后爲承恩公桂祥女。即孝欽之姪。一門兩世。正位中宮。都人榮之。稱大方家園。桂公府爲鳳凰窠。


註五 坊巷胡同集、思城坊五牌二十一。鋪有忠義前衛蕃牧所東城兵馬司百萬倉老君堂延福宮水月寺。
順天府志百萬倉水月寺見後。餘無考。按順天府志所列尙有二神廟土地廟等名。今無考。惟其地今有眞武
廟火神廟南釣魚台井兒胡同諸名。則爲順志所不載。

郎潛紀聞初筆京師正月朔日後遊白塔寺望西苑旃檀寺看跳喇嘛打莽式打鞦韆元宵節前門燈市琉璃廠燈市正陽門摸釘五龍亭看燈火唱秧歌跳鮑老買粉團十六夜女子出游謂之走百病燒金鑿玉棘石獅牙以療牙痛十九日集邱長春廟謂之燕九二十五日謂之填倉日大小之家俱治具飽食二三月高梁橋踏青萬柳堂聽鶯弄箜篌涿州嶽廟進香迎駕四月西山看李花海棠院看海棠豐臺看芍藥煮豆子結緣送春賽會五月游金魚池中頂進香藥王廟進香六月宣武門看洗象西湖賞荷七月中元夜街市放穰口點蒿子香燃荷葉燈八月中秋夜踏月買兔兒王九月登高花兒市訪菊城牆下觀八旗操演婦女簪掛金燈九月歸寧十月上墳燒紙弄叫由子十一月跳神十二月賣像生花供佛打太平鼓

郎潛紀聞初筆都門花事以極樂寺之海棠八十圍者有棗花寺之牡丹八十本豐台之芍藥十刹海之荷花寶藏寺之

桂花天寧寺之菊花爲最盛春秋佳日挈榼攜賓游騎不絕於道花之寺中海棠相傳爲董文恭公誥手植

內二區簡明圖



南

第三 內二區各街市

自中華門以西入振武坊（與東面東交民巷之數文坊相對）爲西交民巷。舊稱西江米巷。昔時巡視中城御史署在此。其後戶部銀行即設於是。嗣改爲大清銀行。民國元年又改爲中國銀行。其後大陸金城中國實業各銀行均先後設立於此。民國十年以前。各銀行競於是謀建築。頗有作成銀行街之想。嗣以市面衰落。遂一蹶而不復振。其南舊有京畿道胡同。今已廢。註一

註一 順天府志都察院河南道署。在西。舊爲京畿道。故俗猶沿舊稱。又有禮部所屬會同館。又舊制各道以河南道爲首。乾隆二十年改制首京畿道。與河南道互易其署。今京畿道署之在大堂右者。即故河南道也。河南道署則在刑部之南。本京畿道署。俗猶呼京畿道胡同。

西交民巷中間南北直達之大街舊曰刑部街。嗣改稱司法部街。民國十七年改稱省黨部街。街西舊有大理寺。註一 刑部。註二 都察院。註三 太常寺。註四 鑾儀衛。註五 諸署。宣統之末。以都察院改建大理院。崇樓偉然。今爲北平地方法院。民國以後。刑部改建司法部。今爲公用局暨省黨部。大理寺曾一度爲高等審判廳。嗣高等審判廳遷移於北。其舊址暨刑部舊監

地。並售諸中華懋業銀行。而舊日衙署俱盡。其中間有橫胡同曰雙溝沿。河北高等法院分院設于此。再北之橫胡同曰鑾輿衛夾道。註六再北有坊曰蹈和。與公安局街北頭之履中坊遙對。

註一 順天府志大理寺刑部都察院太常寺鑾儀衛俱在西。理藩院舊在刑部北。後移東長安街。舊聞考明大理寺署其地距舊刑部街當不遠。其蹟已湮廢無考。今著乃本朝移建。傳爲明南鎮撫司故址。明通政司署國朝改爲都察院。又鑾儀衛署明錦衣衛也。刑部署亦相傳爲錦衣衛故址。殆即其地。而分建二署歟。一統志大理寺卿滿漢各一。少卿滿漢各一。有左右寺丞評事諸職。司務廳附焉。燕京訪古錄正陽門內舊刑部南大理寺衙署解舍內設一碧綠菠菜色立石。高四尺六寸。兩峯角立一竅中。通錦紋繁。然碧綠青秀。上刻「大梁戊戌歲」五字。誠天壤奇石也。

註二 順天府志刑部在皇城西。即明錦衣衛故址移建。大明壁間舊有錦衣衛題名碑。後燬於火。大明東營直隸奉天二司在堂左右。左廊滿廣廣東陝西三司。右廊河南山西山東江西四司。及司務廳在二門外。江蘇安徽福建浙江四川廣西雲南貴州並督捕司凡九在南夾道內。督催所在江西司稍北。西南西北二隅各置獄曰南北所。北所圍垣東大榆樹一株。傳爲明楊繼盛手植云。又有職罰庫秋審處。一統志刑部設尙書滿漢各一。侍郎滿漢各二。直隸奉天江蘇安徽浙江江西福建湖廣山東山西河南陝西四川廣西廣東雲南貴州督捕凡十八清吏司。各設滿漢郎中員外主事等官。司務廳司獄司附焉。以主事提牢。明英宗實錄正統七年十一月建

刑部都察院大理寺於宣武街西。舊聞考明時刑部在宣武街西。今俗呼刑部街是也。白雲甘露諸遺迹均無存。今刑部治事之所。榜曰白雲。數典徵名也。天咫偶聞刑部地最窪下。長夏淫霖。大門以內水入車箱。各司皆以木牀爲甬路。而後可入。大理寺都察院亦然。相傳謂之水淹三法司。又刑部大門橫鐵索一條。惟官出入去之。餘則由索下入。意在戒人勿入。所以止好訟之意。郎潛紀聞初筆。刑部白雲亭。地形最低。夏秋雨後。輒排几案作橋。亭中水深至一二尺。阮吾山司寇有詩云。十八曹司水際浮者。今尙然也。然相傳以沙擁翰林院。水淹三法司爲吉。祥不解何義。骨董瑣記刑部北監。乃前明鎮撫司舊地。有老槐直幹。參天。相傳椒山先生手植。今已斫矣。香雪巢詩鈔刑部有雲樓露井。又有重栽北監阿公祠竹詩。注道光間合肥李封君著有貫垣紀事詩。有阿祠綠竹一首。阿公諱世圖。雍正時司獄。多惠政。值除夕。公遣死囚三十人回家度歲。皆如期歸獄。又注北監司獄名福廳南監司獄名祥廳。又有和沈子敦家本應李慕泉念茲招飲于淨業湖香遠益清之樹詩。郎潛紀聞初筆。甘露軒白雲樓云刑部福建司有甘露軒。配四川司之白雲樓。亦王李當年賦詩唱和地。查查浦嗣璫詩所謂甘露飛來綴柏枝是也。荃察予齋詩存有賦精忠柏斷片圖詩。有南北雙忠道不孤。椒山榆樹尙扶疏句。原注清刑部監即明錦衣衛獄有楊椒山手植榆樹。燕京訪古錄舊司法部藏有明代刑具甚多。其斬人之刀。有五柄。長闊略相等。端鑄鬼頭。狀極獍惡。見之令人毛髮皆豎。此外挖目剝皮抽筋斬腰摘心諸刀。奇形怪狀。製法不一。其上血量皆遍。前司法總長章宗祥曾將各刀建庫保存。今不知尙在否。往余在舊京曾游歷史博物館。卽陳有刑具。或卽此也。桃花聖解盒日記光緒元年五月十五日。刑部山東司科房不戒於火。延燒陝西廣東湖廣三

司共十餘間。刑部堂官及值宿主事筆帖式均交部議處。越縵堂日記同治十二年四月刑部火。

註三 順天府志都察院在刑部北。明都察院在長安街西之刑部署。今署乃本朝卽明通政司舊署改建。堂左有明通政司題名碑。字久剝落。會典都察院左都御史滿漢各一人。左副都御史滿漢各二人。監察御史京畿道河南道浙江道山西道陝西道湖廣道江西道福建道滿漢各三人。江南道滿漢各四人。山東道滿漢各三人。四川道廣東道廣西道雲南道貴州道滿漢各一人。經歷都事滿漢各一人。舊聞考都察院原設有左僉都御史一人。乾隆十年議裁。閱微草堂都察院蟒余載於溧陽消夏錄中。嘗兩見其蟒迹。非烏有子虛也。吏役畏之無敢至庫深處者。壬子二月奉旨修院署。余啟庫檢視。乃一無所睹。知帝命所臨。百靈潛伏矣。院長舒穆魯公因言內閣學士札公祖墓。亦有巨蟒。恒見其出入。曝鱗墓前。兩槐樹相距數丈。首尾各掛於一樹。其身如絛虻。橫亘也。後葬母卜壙。適當其地。祭而祝之。果率其族類二百蜿蜒去。葬畢乃歸。天咫偶聞倭文瀾公仁居前門城根西城都察院之左。子孫至今居之。

註四 順天府志太常寺在西長安門外都察院之北。仍明舊地建。堂左博士廳。其前有漂牲庫。科神祠。右典簿廳。其前有關帝廟及土地神祠。雍正元年命大臣總理寺事。嗣經奏准與鴻臚寺皆歸禮部。滿尙書兼管。一統志太常寺卿滿漢各一。少卿滿漢各一。寺丞滿漢共三。博士滿漢共三。讀祝贊禮郎典簿筆帖式庫使滿漢共五十餘人。順天府志鑾儀衛署在長安右門外。卽明錦衣衛舊署。順治二年改爲鑾儀衛。

註五 皇朝文獻通考鑾儀衛職掌乘輿供奉鹵簿之事。掌衛事內大臣一人。鑾儀使滿洲二人。漢軍一人所屬。

前後中左右所分掌鑾輿馴馬鑿蓋弓矢旌節旛幟扇手斧鉞戈戟班劍十司。馴象一所。分東西二司。旗守一衛。分左右二司。又鑾儀衛主事滿洲一人。經歷漢軍一人。筆帖式滿洲七人。漢軍三人。會典凡軍衛儀刀弓矢戈戟用親軍。豹尾槍使用護軍。蒙古盪角用蒙古鳴角軍。奉輦擊執各校尉。由內府選充者爲旗尉。五城選充者爲民尉。奉輦旗尉一百六十八人。民尉六十人。各執事旗尉二百四十六人。民尉三百二十二。左右中前後五所。民尉計千三百二十八人。馴象所民尉二百有六人。八旗及漢軍吏夫四十人。順天府志左右中前後五所及馴象所與旗守衛並設冠軍使雲歷便治儀正整儀衛等官。左所掌輦輅。右所掌繖蓋儀刀槍戈戟。中所掌鑿擊旛幟纛幟節鉞仗馬。前所掌扇拂爐盆盃盞几椅星御仗引仗機馬靜鞭品級山。後所掌旗瓜吾仗馴象所掌儀象寶瓶騎鶴鹵簿鏡歌鼓吹。旗手衛掌金鉦鼓角鏡歌大樂陪祀。冠軍使漢軍二人。贊馬鞭八人。明一統志錦衣衛在通政司南。經歷司上下鎮撫司并各所司附焉。舊聞考明設錦衣衛。其初但司輿衛而已。一自闡覽攬權。兵刑寄任。掌衛者咸得專恣。遂失建官初意。本朝革除明季弊政。順治二年改錦衣衛爲鑾儀衛。專司鑾輿儀仗。以內大臣掌其事。節制嚴名實稱矣。

註六 舊聞考律例館舊在西長安門外。歲久漸圯。乾隆三十七年移建於太常寺後。會典以滿漢員司提調纂修。五年一編輯。按舊聞考云鑾儀衛及刑部署俱爲明錦衣衛舊址。今考刑部故址在街之南。而鑾輿衛在街之北。其地不相毗連。想係舊聞考之誤。鑾儀改爲鑾輿。係在宣統元年。避宣統諱也。都察院太常寺鑾輿衛署。今爲大理院。司法部則舊日刑部之遺址也。

自西交民巷東口而北曰西皮市。一註銀行公會在焉。其西皮市與省黨部中間之各胡同。

最大者曰大四眼井。二註宣統間建地方審判廳於此。其南曰小四眼井。又南曰宋家胡同。

又南曰前府胡同。大四眼井之北曰黑皮大院。曰左府胡同。曰籐箒胡同。民國十七年改

爲桃竹胡同。曰大中府。曰小中府。曰吹竹胡同。亦作篋箒胡同。民國十七年改爲垂露胡

同。均爲明時五府軍營地。三註

註一 彭文敬自訂年譜。已卯住西皮市葦間公寓。寓中疊石爲山。頗多喬木。韓桂齡尙書顏曰疑野山房。

註二 順天府志工部所屬製造庫在四眼井。香祖筆記工部四清吏司外。今增製造庫。滿洲司官外惟設漢

郎中一人。即宋之文思院也。按今地方審檢廳在四眼井。當即製造庫地。其北尙有籐箒胡同。篋箒胡同。順天

府志作翠珠胡同。掃帚胡同。

註三 坊巷胡同集。大時雍坊十八舖有府軍衛羽林前衛。明英宗實錄正統七年建五府於大明門之右。遂

營武成王廟於後軍都督府。春明夢餘錄五軍都督府在闕西皆東嚮。初置統軍大元帥府。後改樞密院。又改

爲大都督府。洪武十三年始分中左右前後五軍都督府。永樂元年建行都督府於北京。後仍分五府稱行在某

都督府。十八年定都北京。除行在字。又五軍營即團營。景泰初年建立於安定德勝兩關外之中。嘉靖二十九年

罷團營。始更於此南面建閱武門。閱武門起至北上城止長一千七百四十二步。設將台一座。前設旗台二座。右

榜牌一座。鼓棚二座。石旗架二座。演武廳一座。按闈營係景泰間設置。五軍都督則自永樂即有之。似不得併而爲一。順天府志五軍營久廢。其地猶存舊名。館閣類錄宣德六年正月朔以纂修兩朝實錄成。賜監修總裁纂修等官太師英國公張輔等宴於行在中軍都督府。

省黨部街而西之南北胡同。在北曰旗守衛。註一在南曰司法部後身。其南有捨飯寺。

註一明一統志旗守衛在通政司後。順天府志手俗訛所。旗手衛屬錦衣衛。今廢。其地猶仍舊名。案手今又訛作守。

由正陽門順城根以達於宣武門爲正陽門西城根。註一其西有化石橋。原名花石橋。今於其中闢和平門。

註一順天府志正陽門內西城根西有花石橋。東溝水由此入護城河。有願學堂。有桐城試館。今白華堂詩鈔有移寓正陽門西城根詩。自注昔爲謝金圃少宰邸第。芸台師嘗居其門下。雷塘菴主弟子記丙午年公至京師。寓於前門內西城根。陳用光太乙舟詩集有和願晴芬泉移居西城根東偏詩。改蟲齋雜疏綠雨樓陸

文裕深舊邸也。在正陽宣武二門之間。其東曰素軒。其北曰潛室。其中爲書窟。文裕有記載集中。今已失其處。

詩史闈叢刊今年新闢和平門。九衢通達。極天門誅蕩之觀。而高宗御製之帝京篇石刻。舊立天橋右側者。已捶折橫臥於道旁矣。蓋建築學之不可曉如此。按化石橋之溝。今已湮塞。桐城試館前清宣統謀炸考察憲政

大臣吳樾即居於此。願學堂改爲國民大學。今已遷移。其西有自來水公司電燈公司。又按順天府志西城根附近尚有頭甲巷二甲巷三甲巷剪子巷取燈胡同財神廟高非諸名。今惟財神廟尚存。餘均無考。

正陽門內西城根與西交民巷之間。在東有估衣胡同。有小財神廟。又西曰碾兒胡同。註一

中間有小胡同曰喜通胡同。順天府志作喜春胡同。又西曰扁担胡同。民國十七年改稱

平安胡同。再西曰兵部窪。曰松樹胡同。曰兵部窪中街。有文文忠故宅。註二曰半壁街。

註一 曾文正年譜道光二十四年三月移寓碾兒胡同西。

註二 文祥費莫氏。字博川。滿洲正紅旗人。居奉天。道光乙巳進士。官太子太保武英殿大學士軍機大臣。光緒

二年卒。諡文忠。

自司法部後身而西。其在北者曰絨線胡同。原爲小胡同。民國元年闢爲東西大道。中間

有崇德學校。再西有成公府。註一霧公府。註二其西有小胡同曰宜家胡同。曰于撫院胡同。稍南

曰高碑胡同。註二再南曰後紅井前紅井。註三中間南北之胡同曰羊毛胡同。又西即兵部

窪。

註一 嘯亭雜錄貝勒杜度宅在絨線胡同。順天府志杜度太祖孫廣略貝勒褚英長子。今爲光公宅。又勳貝子

第在絨綫胡同北。貝子爲聖祖二十四子誠恪親王之後。案民國以來。絨綫胡同改爲東西孔道。馬路修轆。路

北有右一區警署。或即右翼宗學之遺址。審公府卽勳貝子第。審公名溥審。誠恪親王允祕之六世孫。光緒二十八年襲爵。封鎮國公。今府爲周君作民所有。壯麗崇闕。爲西城甲第。張棣生名孝移。廉卿先生之後。久官大理院。亦居絨綫胡同。陳師曾衡恪槐堂詩序云張棣生於其所居之東。尊堂一椽以居我。堂前有槐一株。因名之曰槐堂。

註二 順天府志巡視西城御史署在高碑胡同北。

註三 順天府志巡視北城御史署在紅井胡同北。甲申傳信錄北城察院皂隸亡其姓氏。三月十九日城陷。閩門悉焚死。

自兵部窪而西。絨線胡同以南。曰舊簾子胡同。新簾子胡同。曰後細瓦廠。前細瓦廠。再南卽爲半壁街。其間之小胡同。曰井樓胡同。曰八寶胡同。曰罈子胡同。又西爲北新華街。原名東溝沿。註一西有板橋。北與西長安街相接。南與和平門相接。爲民國二年間新闢之南北通衢。

註一 順天府志西城原有二大明溝。一在今之新華街。一在錦什坊街。蜿蜒數里。相地者謂爲雙龍。又東溝沿明之舊溝也。時雨積潦。溝水由花石橋出水關。入護城河。宛平王志北極寺在細瓦廠。按今東溝沿已不爲北新華街。板橋尙存其名。順天府志此處左近尙有崇興胡同。今無考。

自絨線胡同以北。其南北直達之小胡同。在東者曰草帽胡同。稍西曰麻線胡同。今改稱法憲胡同。註再西曰石碑胡同。其中間之小胡同。曰花園大院。曰燈草店。曰石頭門坎。曰花針胡同。

註一 長安客語胡忠安濼賜第在蘇線胡同。

自石碑胡同而西。其東西較大之胡同。曰安福胡同。其北為西長安街。其南曰後坑。民國八年改稱東文昌閣。曰馬神廟。曰文昌閣。又西曰銅井大院。曰宗學夾道。註一再西曰東拴馬椿。其北曰北小拴馬椿。曰東小拴馬椿。其西曰西小拴馬椿。註又西曰雙柵欄。其西有土坯廠。今改為圍壁廠。曰小土地廟。再西即北新華街。註

註一 順天府志右翼宗學在北。嘯亭雜錄謂在簾子胡同誤。有真武廟。

註二 骨董瑣記黃子壽先生彭年題明周順昌畫竹云。今寓拴馬椿。為前明朝天宮祝釐下馬處。當時朝天宮災。都民謂宜悔禍。

註三 帝京景物略。唐大士像。古銅身三尺。下刻大唐貞觀十四年尉遲敬德監造字。舊供宣武門外晉陽庵。廢。內侍朱移像受水塘。翻古佛庵俱之。庵今又廢。移置稽山會館。按順天府志此段左近。有扁擔胡同土地廟中。受水塘諸名。今均無考。又拴馬椿云。係朝天宮下馬處。則似不在此。今以無所附麗。姑記於此。

北新華街之西。在絨線胡同以南者。爲舊簾子胡同之西頭。又南東爲新簾子胡同。西爲箭杆胡同。其南北直達者。東爲翠花街。西爲未英胡同。亦稱未央胡同。註一又西爲西拴馬椿。又西爲油房胡同。再西爲嘎哩胡同。原稱噶禮兒胡同。註二其南爲安兒胡同。再南爲糖房胡同。又南爲象牙胡同。西拴馬椿之東與未英胡同之間。東西之小胡同。爲馬杆胡同。再南爲惜陰胡同。順天府志稱爲背陰胡同。再南爲剛家大院。再南爲高底胡同。註三亦稱高低胡同。再南卽爲宣武門內東城根。未英胡同之東。與翠花街之間。東西小胡同。爲口袋胡同。順天府志稱爲口條胡同。南爲棗樹胡同。再南爲太平胡同。再南爲什家戶。再南爲下窪子。翠花街之東與北新華街間之小胡同。爲翠花灣。爲真武廟。爲南所。爲西夾道。爲東夾道。爲小大院。爲橫街。

註一 順天府志緯繆胡同俗訛未央。宗稷辰躬恥齋詩鈔蒼英集引新居在會英巷之南。因顏姪姪讀書之室。曰蒼英書屋。戲占絕句。自注蒼英俗曰緯繆。余更之。按順天府志尙有頭髮胡同。石老娘胡同。扁擔胡同。燈籠胡同。均無可考。

註二 順天府志噶禮兒胡同。相傳康熙時江督噶禮居此。後以罪誅。地仍其名。

註三 燕京訪古錄西單牌樓南高低胡同井台之東壁。鑲漢白玉石一。上有婦女弓底印跡二。長五寸。其旁復

鑲有楠木弓底二。亦長五寸。傍刻聖夫人客氏木底樣九字。按此處乃明時御用木底局之遺址也。順天府志天主堂在宣武門左。明萬歷二十八年建。內設耶穌像。本朝順治十四年修。有世祖御製碑銘立堂內。又書門額曰通微佳境。春明夢餘錄天主堂在宣武門東。掃於西洋利瑪竇。康熙五十二年重修。自歐羅巴航海九萬里入中國。崇奉天主。所畫天主乃一小兒。婦人抱之曰天母。其手臂耳鼻皆隆起。儼然如生人。所印書冊皆以白紙一面反復印之。字皆旁行。其書裝法如宋版式。外以漆革護之。外用金銀屈戍鈎絡。所製有簡平儀龍尾車沙漏遠鏡候鐘天琴之屬。簪曝雜記天主堂在宣武門內。欽天監正西洋人劉松齡高慎思等所居也。堂之爲屋圓而穹如城門洞。而明爽異常。所供天主如美少年。名耶穌。彼中聖人也。像繪於壁。而突出。如離立不著壁者。堂之旁有觀星臺。列架以貯千里鏡。毛奇齡西教入中國錄。西教者大西洋國十字架耶穌教也。耶穌以設教爲仇者所殺。釘其首足兩手於十字架間。遂以此名。其徒利瑪竇於明萬歷間由廣東入中國。漸入留都。高論驚人。且出其自製自鳴鐘千里鏡諸品示人。則大驚。號爲西儒。留都禮部遂咨送北京。太宗伯馮琦亟稱之。乃言大統歷有差。作修歷局以居之。旣而建天主堂於宣武門內。設耶穌及聖母像於堂。耶穌手執渾天儀。聖母手抱一兒。即耶穌也。其曰天主者。謂耶穌能主天事也。嗣後外州縣亦多設天主堂。順天府志按自咸豐十一年通商以來天主堂之設。不止一處。或稱耶穌堂。並爲傳教之所。茲錄其最初者。順天府志明萬歷間借利瑪竇航海而來之湯若望習泰西之教。精於推步。順治年間受三品秩。并賜以通微教師之名。見御製碑文內。燕都游覽志首善書院在宣武門內左方對城。明葉向高蒼霞草書院在大時雍坊十四鋪。質自民間。爲金一百八十兩。皆五十

三道所輪經紀其事。司務呂克孝御史周宗建以天啓二年某日日開講。帝京景物略鄒元標馮從吾以泰昌初徵入京。尊總副臺憲公暇輒會講城隍廟百子堂。自紳衿氓隸聽者數百人。始議建書院宣武門內城下。講堂三楹。後堂三楹。供先聖。陳經史典籍。春明夢餘錄御史臺諸公講書院於宣武門內東牆下。南翠少墟兩先生朝退公餘不通賓客。不赴宴會。輒入書院講學。一時士風爲之稍變。未幾通璫用事。郭允厚朱童蒙輩相繼論劾。以講學爲門戶。及楊忠烈劾魏忠賢疏上。黨禍大作。善類一空。御史倪文煥遂奏請毀書院。葉先師本主於路。左右壁有記。爲葉公向高文。董公其昌書。並碎焉。一統志時憲書局在宣武門內天主堂西。即明之首善書院。後禮部尙書徐光啓借院修歷。名曰歷局。本朝仍令西洋人居此治理時憲書。會典凡時憲書歲以二月一日進來歲時憲書式。四月一日頒式直省刊刻。十月一日恭進御覽。并頒賜王公百官。按光緒庚子宣武門內之天主堂爲拳匪所燬。議和後乃重建。崇奐嵯峨。迴勝曩昔。時憲書局之地。亦併入其中。其東有法文學堂。亦天主堂之附屬物也。首善書院在宣武門內城下。當即其地。三朝紀事云在西長安街者誤也。

北新華街之西。在絨線胡同以北者。其南北較小之胡同。曰六部口。其東西較大之胡同。爲安福胡同。段合肥所組織之安福俱樂部在是。六部口之東爲小六部口。其北有小胡同。曰耳朶眼。六部口之西爲後水泡子。民國三年改爲新平路。前水泡子。再西爲成公府夾道。今改爲賢孝里。其北曰新開路。又西爲後牛肉灣。其南爲穿堂門。其北爲老爺廟夾

道再西爲前牛肉灣。安福胡同與西長安街相接者爲頭牛象。今訛爲頭牛肉。牛蹄胡同。三道街。昔有回回營。今已廢。自西長安門而西。出三座門。東西直達之大街。曰府前街。昔亦稱西長安街。^{註一}總統府之新華門在北。其南有工務局。昔之通政司署。^{註二}又東有河北礦政廳。庚子後之翰林院也。又東有首善醫院。方君石珊主之。北平私立之醫院。此爲稱首。新華門之西。有坊曰西長安街。其北爲昔之財政部。今爲河北財政特派員公署。又西爲昔之郵傳部。其後爲交通部。今爲北平市政府。當係舊日儀親王府第。^{註三}再西有雙塔

慶壽寺。^{註四}

註四

註一 順天府志西長安街中有坊曰長安街。街南河漕沿下有枯渠曰東溝。經大川淀受水塘西南。入護城河。明時亦稱舊溝。通政司署回人佐領事務處。俱在南。北有雙塔慶壽寺。南小胡同曰回子營夾道。曰頭牛象二牛象。順天府志護城河西南流。又折東過宣武門西橫橋溝注之。又東一溝自化石橋注之。橫橋遠在西直門內東里半俗呼臭溝。又南經馬市橋。又南巡宣武門西里許入於護城河。又宣武門東里許有溝自西長安街北段家坑東南流一里有奇。出化石橋。入護城河。二溝明時呼東西河。東亦曰舊溝。正統五年翰林院侍講劉球以二水泛濫。請作減水河。欽天監正皇甫仲和言西有涼水河。其東城河南岸亦有舊溝。擬以知橫橋溝即涼水河故道。化石橋下一溝即東溝也。朱彝尊曰下舊聞。迺謂劉忠愍所云涼水河及舊溝。不辨所在。何耶。坊巷胡同集

小時雍坊五舖有武功左衛右衛。順天府志二衛今無考。

註二 順天府志通政司署在西長安街路南。北嚮。明通政司署。本朝改爲都察院。乃移建於此。一統志通政使滿漢各一。副使滿漢各一。參議滿漢各一。經歷附焉。又登聞鼓院在長安右門外。舊設滿漢科道各一。掌之。雍正二年併於通政司。春明夢餘錄登聞鼓院在西長安門。小廳三間。東嚮。旁一小樓。懸鼓。俾冤民擊之。每日科道官各一員輪司其事。民有冤抑。有司不爲審理。具狀通政司。又不爲轉達。審實列其狀以聞。又行人司在西長安街朝房之西。順天府志明行人司署。順治間改建兵部督捕公署。康熙三十八年裁併刑部。藝苑卮言。崔子鍾好劇飲。嘗五鼓踏月長安街。席地坐。李文正時以元相朝。天偶過早。遙望之曰。非子鍾耶。崔便趨至輿傍。拱曰。吾師得少住乎。李曰。佳。便脫衣行。鶴火城漸繁。始分手別。明石瑤熊峯集翰林編修李鍾易建亭於時雍坊居第之後。名曰午風。南城羅侍讀景鴻隸書其上。順天府志奚亭今無考。

註三 嘯亭續錄儀親王府在長安街係耿仲明宅。順天府志王諱永璇。高宗八子。諱曰慎。今其孫貝勒奕細襲封。府在街北。院宇宏邃。林亭尤美。

註四 順天府志雙塔慶壽寺。本金大慶壽寺遺址也。在今西長安街。金大慶壽寺崩於金章宗時。元仍之。明初亦仍之。至正統中王振重修。易名大興隆寺。又曰慈恩寺。嘉靖間寺廢爲射所。名講武堂。又以爲演象所。後重建雙塔寺。其塔一九級者。額曰特贈光天普照佛日圓明海雲佑聖國師之塔。一七級者。額曰佛日圓照大禪師可庵之靈塔。今在寺西偏。又有元王萬慶撰海雲禪師碑。塔旁有井。明大學士范文忠景文殉節所也。乾隆二十九

年重修寺北稍偏有關帝廟。又東北半里許又有寺。亦名慶壽。有明崇禎間重修寺碑。金章宗紀明昌元年六月壬辰奉皇太后幸慶壽寺。王佐格古要論補北京慶壽寺碑。金黨懷英八分書最妙。正統中爲中人所燬。元世祖紀至元三年四月詔以僧機爲總統。居慶壽寺。文宗紀至順二年三月繪皇太子真容奉安慶壽寺之東鹿頂殿。明成祖實錄姚廣孝住北京慶壽寺。事上藩邸。舊聞考有元皇慶元年程鉅夫撰大慶壽寺大藏經碑。綱目三編大興隆寺。本名慶壽寺。正統十三年二月太監王振重修大興隆寺。役軍民萬餘人。糜帑數十萬。十月完工。壯麗甲京師。延崇國寺僧主之。帝親傳法稱弟子。公侯以下趨走如行童。改賜新額牌樓曰第一叢林。春明夢餘錄大興隆寺碑李安撰。燕都游覽志慶壽亦名大慈恩寺。在禁牆西。典故時有太學生西安姚顯疏言王振竭民生膏血修大興隆寺。車駕不時臨幸。請自今凡內臣修蓋寺院。悉行折毀。以備倉廩之用。時不能用。又嘉靖十五年五月諭改大興隆寺爲講武堂。湧幢小品嘉靖初廢大慈恩寺。從錦衣衛之請。卽其地改爲射所。後爲射所於宣武門外民兵教場。射所舊址改爲演象所。野獲編。今京城內西長安街射所。亦名演象所。故大慈恩寺也。會試放榜之次日。新郎君並集於其市官廳內。請見兩大座主。竊謂慈恩寺之名。正與唐曲江名暗合。何不卽以雁塔名事屬之。亦清朝盛事。而僅充芻牧決拾之塢耶。畿輔人物志。崇禎甲申三月十九日都城破。工部尙書兼東閣大學士吳橋范公景文先已絕粒不食。至是見賊騎縱橫。望闕哭於雙塔寺旁井中死之。順天府志按昭忠錄稱范死龍泉庵井中。明史與人物志同。舊聞考慶壽寺中有崇禎間重修寺碑記。敘寺名原委。與諸書相同。又稱射所中有殿宇祀北極關帝。西爲庫藏。歲戊寅修廢補缺。於庫中得石刻。上鐫帝君聖號。遂

捐資遷奉。乃建此寺。是慶壽寺地本宏敞。頽廢已久。今前後兩寺。皆非其舊。特以雙塔尙存。而地仍遺址。故兩寺雖後來重建。均得存慶壽之名耳。池北偶談京師雙塔。乃安祿山史思明所造。而劉侗景物略不載。元迺賢易之詩。安史開元日。千金構塔基。順天府志案迺賢詩。詳外城西城。其所詠者。憫忠寺之雙塔也。偶談似誤爲慶壽寺之雙塔。天恩偶聞雙塔寺之西頭條胡同西口外有井。上置碑二。一大書刻曰明大學士范文忠公殉節處。一書明史本傳額題爲碑陰。而實非陰。書法學六朝。有龍門造像筆意。乃如冠九按察山所書。蓋本之曰下舊聞。此爲吳橋范質公先生遺跡也。冠九先生滿洲赫舍里氏。書畫冠當代。書學北派而不獮。參南派而不怯。使包慎伯見之。定當把臂入林。德研香太守錫厚菴都護皆所不及。畫則張伯樞一派。未免小有跡象。然得意之作。亦勝羅兩峯。失偶遂不娶。無子。余曾謁公於長蘆都轉署。臥室之中。素帳蒲團。木魚梵筴。壁上自書一聯云。到甚麼地位說甚麼話。當一日和尚撞一日鐘。居然僧舍也。福雅堂詩鈔寶竹坡侍郎寓雙塔寺後。侍郎鄭親王裔也。案民國元年以西苑爲總統府。闢其南之寶月樓爲新華門。居西長安街之中。故街制日見宏敞。其南之舊溝。亦漚爲馬路。通政司署疑即今之市政公所地。陸軍軍法審判處即翰林院舊址。（翰林院本在東城庚子以後移於此。）疑即昔之行人司也。慶壽寺尙存。雙塔亦巋然無恙。惟寺門左右俱已夷爲民居。寺東有井。有碑曰范文貞公書節處。則從人物志與明史之說也。又按順天府志西長安街之南尙有囑禮兒胡同。永順胡同。大柵欄諸名。囑禮兒胡同尙即囑哩胡同。永順胡同今無考。大柵欄在西長安街之北。不在街南。北新華街於民國二年修展。貫絨絨胡同新齋簾子胡同半壁街松樹胡同而達化石橋城根。原擬與城外之南新華街相接。爲南北交通。

之孔道。徒以迷信堪輿。阻於浮論。因循未果。上年國民軍始力排衆議。興工開闢。名爲和平門。內外之交通益便矣。張作霖時改爲興華門。十七年仍復和平舊名。

自西長安街中間而北。南北直達者。爲府右街。舊名西皇城根。註一其西有交通博物館。今

已併入交通大學。其東有四存學校。東海總統所設。以推闡顏李之學術者也。中間東西

直達之胡同曰李閣老胡同。註二有交通大學。又西曰堂子胡同。其東有法政大學。光緒末

季進士館之舊址也。中間路北曹總統時代嬖人李彥青居於是。丹青未竟。已被誅夷。王

聘卿總理居於西。門庭寂然。歷久如故。由李閣老胡同之西頭。以達於西長安街之南北

胡同。曰三府胡同。曰大柵欄。註三自是而西曰興隆街。註四曰大秤勾。曰小秤勾。八旗通志作

正溝。曰二條胡同。曰頭條胡同。曰橫二條。又西曰石虎胡同。註五中有小胡同曰果匣胡同。

原名火匣子胡同。曰武功衛。舊作吳公衛。八旗通志作蜈蚣衛。其西有小胡同曰錫拉胡

同。以達於西單牌樓大街。

註一春明夢餘錄。古雲山房。米太僕萬鍾之居也。太僕好奇石。蓄置其中。令閩人吳文仲繪爲一卷。董思白李

本寧爲之跋尾。燕都游覽志。湛園在米仲詔宅左。其自叙曰。歲丁酉居長安之苑西。爲園曰湛。有石文齋石林

仙籟館茶寮書畫船繡佛居竹瀝敲雲亭。曲水繞亭。可以流觴。卽以灌竹。竹外轉而松關。又轉而花徑。則飲光樓

在望。衆香國蓋其下也。別徑十數級可以達臺。是爲倚臺。俯瞰疏圃。又袁伯修寓近西長安門。有小亭曰抱甃。伯修所自名也。亭外多花木隙地皆種蔬。宛似村莊。小奴負甃注水。日夜不休。順天府志淇園抱甃亭遺址今俱無考。

註二 長安客話李文正東陽賜第在灰廠小巷李閣老胡同。帝京景物略李文正祠近皇城迤西。孝宗賜第也。第久析爲民居。嘉靖乙酉麻城耿定向首議贖還爲公祠。傳雙履。履二寸許。絆繫之一粗紵小衫。公舉奇童著以見景帝者。耿爲具篋。撰文鏤篋蓋。藏之祠。舊聞考祠久廢。中有耿氏房園。雖傾圮。地甚寬敞。應即其遺址。順天府志法式善存素堂文集引彭文瑞之言謂李閣老胡同由李賢賜第得名。疑未足據。天咫偶聞。梧門先生西涯考。謂西涯之居在李廣橋。其在李閣老胡同者。乃李賢之賜第。斥錄水亭雜識爲誤。按李文正賜第爲耿定向贖還。改爲李公祠。見於帝京景物略。不得以爲無據。梧門急欲爲西涯作證。遂不復深考耳。今李閣老胡同祠尙在。按王府東夾道諸地名今俱無考。惟李閣老胡同尙存。交通大學在其東。法政大學在西。

註三 順天府志大柵欄有觀音寺圓通觀。迤西有鄭王府所置義塾。俗亦稱官學。

註四 嘯亭續錄公德普宅在興隆街。按順天府志興隆街左近有狗尾胡同。茶葉胡同。今不見。

註五 嘯亭續錄公德文宅貝子縣德宅俱在石虎胡同。順天府志縣德高宗孫定安親王諱永璜子。今爲毓公宅。又裘文達日修賜第在石虎胡同。錢大昕潛研堂集題裘漫士少宰苑東寓直園。趨臺西畔有新廬。履道坊南宅不如。應爲城居少花竹。天教銷夏此間居。自注公賜第在長安右門西。龔山畢公年譜甲申公寓石虎街裘

文達公第。宸垣識略二等敦惠伯第在石虎胡同。順天府志康熙時大學士馬齊封敦惠伯。閔徵草堂裘文達公賜第在宣武門內石虎胡同。文達之前爲右翼宗學。宗學之前爲吳額駙府。吳額駙之前爲前明大學士周延儒第。越年既久。又篠窳闕深。故不免時有變怪。然不爲人害也。廳事西小屋兩楹曰好春軒。爲文達燕見賓客地。北壁一門又橫過小屋兩楹。僅僕夜宿其中。睡後多爲魅昇出。不知是鬼是狐。故無敢下榻其中。燕京訪古錄舊都西單牌樓石虎胡同內蒙藏院吳三桂故宅。相傳爲四大凶宅之一。共和十一年有人於宅掘出蟋蟀盆。用青泥製成。狀極古雅。盆底有月如二字印章。即三桂之號也。按民國三年湯公濟武龍居石虎胡同。相傳所居爲凶宅。卒之友人田某在宅暴卒。未幾公亦在美湖被刺。其後改爲蒙藏學校。今爲松坡圖書館。

註五 竹葉亭雜記云宣武門內武公衛胡同。桂香農觀察宮下居焉。宅西有園。曲榭芳亭之前。鑿小池砌石爲小山。屹然蒼古。爲羣石冠。苔蘚蒙密。摩娑石陰。得萬曆三十年三月起堆疊山子高倪修造十六字。此又在張南垣之前矣。

大柵欄以西曰小東嶽廟。曰後王爺廟。曰前王爺廟。註一 南北小胡同曰轎子胡同。曰玉芝

胡同。曰前馬館。後馬館。註二 曰官馬司。註三

註一 順天府志大悲寺國初鄭親王建。俗稱王爺廟。有徐乾學碑。八旗通志誤作俗北寺。

註二 湧幢小品嘉靖初廢大慈恩寺。從錦衣衛之請。即其地改爲射所。上以金鼓聲徹大內。擬改建元明宮。則

以大興隆地爲射所。都督陸炳言大興隆地亦逼禁城。惟安定門外有廢官廳。宜將宣武門外民兵教場移此。而移射所於民兵教場。射所舊地改爲演象所。得旨允行。野獲篇今京城內西長安街射所亦名演象所。故大慈恩寺也。嘉靖間毀於火。後詔遂廢之。爲點視軍馬及演馬教射之地。象以非時來偶一演之耳。甲申傳信錄三月十九日城陷。內閣大學士范景文至演象所。聞賊已入宮。或言駕崩。或云南巡。歎曰不知聖駕所在。惟一死以報陛下耳。步至夾巷後投井死。井在龍泉庵之南。甲申小紀景文賦詩二章。潛赴龍泉庵古井死。按大慈恩寺即雙塔寺。演象所即在馬館附近。今已廢。故隸注於此。

註三 順天府志西夾道官馬市市或作司八旗通志作官磨房。

自李閣老胡同堂子胡同而北爲太僕寺街。註一衍聖公府在焉。其中間南北小胡同在東

者曰烟筒胡同。稍西曰東牛角胡同。又西曰川堂門。再西曰學校胡同。再西曰松竹胡同。

再西曰高義伯胡同。原名狗尾巴巴胡同。再西曰寬街。註二再西曰西牛角胡同。再西曰黃酒

胡同。自太僕寺街而西曰繖子胡同。註三

註一 順天府志鑲藍旗蒙古都統署在太僕寺街北。西有衍聖公第。明史衍聖公傳。英宗復辟。孔宏緒入賀。

朝見便殿。帝握其手置膝上語良久。宏緒纔十歲。進止有儀。帝甚悅。每歲入賀聖壽。帝聞其賜第濶隘。以大第易之。順天府志衍聖公第舊在東安門外。今第在太僕寺街者。卽明英宗所賜。擘經室四集。己未寓京師衍聖

公邸。曾栽竹三叢。藤花兩本。庚午再寓。添栽槐柳桃海棠藥枝丁香。並舊有古槐榆椿棗。共三十餘株。記以一律。授之館人。頤道堂詩集。有重至太僕寺街舊寓詩。明一統志太僕寺在萬寶坊。主簿廳附焉。春明夢餘錄

太僕寺乃元兵部舊署。楊士聰玉堂舊記。太僕寺石刻畫馬二。一史道碩畫。一趙孟頫畫。皆王世貞官太僕時

摹勒。道碩五代時人。舊聞考兵部夾道。今仍稱太僕寺胡同。卽舊署址也。順天府志萬寶坊元舊名。據元一統

志在大內前千步廊。坊門在西。明五軍都督府所屬彭城衛在萬寶坊。見明一統志。今太僕署雍正三年移建正

陽門東城根。查氏烈女編崇禎甲申三月十七日太僕寺街查氏一門九女子投繯死。十九日流賊破城入其

室。顏如生。賊曰僞死也。引刃試之。駭而去。是日繩絕。二女復蘇。一度爲尼。一壽終。子翺集。七烈者查氏三女子。

兩姊妹。一黃氏女子。一廉氏母。皆以明甲申三月城破之前一日致命於查氏之廬者也。順天府志姜宸英西

溟集亦有傳。杭世駿道古堂集有宛平查氏七烈詩。

註二 燕都游覽志朝爽樓在雙塔寺後。呂氏園中樓也。舊聞考今寺後有名菜園者。或卽呂氏園歟。按此

條順天府志列于寬街之下。朝爽樓當在今寬街左近。菜園之名今已無考。

註三 嘯亭續錄公巴圖堪宅在繖子胡同。按繖子胡同今作繖子胡同。宣統末年攝政王之弟宣統之叔父

海軍大臣洵貝勒建宅於此。又闢其北擬建爲海軍部。改革後以其西之隙地俾孔教會。今爲孔教大學。其東隙

地建審計院。今爲醫科大學。

太僕寺街而北。其南北之小胡同曰羅圈胡同。今改稱羅賢胡同。註一稍西曰新建胡同。

順天府志稱爲心尖胡同。又西曰背陰胡同。註二有張文襄祠。其西爲晉之審計院。又西曰
碗架胡同。又西曰擔杖胡同。其北爲皇城根。

註一春明夢餘錄初燕邸因元故宮。即今之西苑。開朝門於前。元人重佛。朝門外有大慈恩寺。即今之射所。東爲灰廠。中有夾道。故皇牆西南一角獨缺。至永樂十五年改建皇城於東。去舊宮可一里許。湧幢小品既遷大內。西華門之外。逼近民居。喧囂之聲。至徹禁籟。宣德七年始加恢擴。移東華門於河東。遷民居於灰廠西隙地。按灰廠之地。在羅圈胡同之東。府右街之北。今皇城所闢之門。俗猶呼曰灰廠豁子。即其地也。

註二嘯亭續錄貝子傅喇塔宅在背陰胡同。順天府志傅喇塔顯祖曾孫貝勒芬古四子。以功封。諡惠獻。乾隆間孫德甯襲簡親王。贈如其爵。今爲奎公宅。

按順天府志此地左近有口袋胡同。細米胡同。嘯亭續錄公門度宅在細米胡同。松樹胡同。新開路。秀女胡同。諸名。今無考。

順皇城根而西曰靈境。舊名靈清宮。註一靈境之間小胡同曰井兒胡同。吾師陳弢庵寶琛

太傅居於是。亦即吾師陳蘇版璧尚書之故居也。其西曰八寶坑。又西曰東斜街。註二其北

曰大醬房胡同。有崇慶寺。大醬房胡同中間之南。有小胡同。曰廣興里。稍東曰小醬房胡同。斜達于缸瓦市。甯公府在焉。其南爲甘石橋。東斜街之東。即西安門外南皇城根。亦名

西皇城根。蘇版尙書築宅於是。園林甚廣。

註一 明成祖實錄永樂十五年三月建洪恩靈濟宮。祀徐知證及其弟知諤。明鳴鶴晉安逸志男子曾甲。世居閩縣金龍峯下灌園。園中有破祠。其神嘗棲箕。自稱兄弟二人。南唐徐知誥之弟知證知諤也。晉開運二年。率師入閩。秋毫無犯。閩人祀我於此。自是書符療病。驗若影響。永樂間成祖北征。不豫。詔曾甲入侍。運箕有驗。遂封知證清微洞元真人。知諤宏靖高明真人。勅有司建廟。帝京景物略。文皇有疾。夢二真人授藥。疾頓瘳。乃勅建靈濟宮祀之。封玉闕金闕真人。配曰仙妃。十六年改封真君。成化二十二年改封上帝。歲元旦。日短至。及真人誕辰。遣太常寺堂上官行禮。萬歷二十二年大學士王錫爵病。上特發帑五十兩。命道士白昭忻建醮三日。夜病尋愈。春明夢餘錄。崇禎十五年給事中左懋第言二真人乃叛臣之子。不宜受朝廷拜跪。請以帳幕隔之。報可。順天府志。靈濟宮即靈濟宮。濟呼爲清。聲之轉也。明代凡大朝會百官習儀於此。宣德間移朝天宮。據懋第疏言。則明季猶有在此習儀者。又崇禎十四年正一真人張應京。應召至都。賜宴靈濟宮。事見明史。方技傳。明徐學謨。世廟識餘錄。靈濟宮講學。莫盛於癸丑甲寅間。是時大學士徐階。禮部尙書歐陽德。兵部尙書聶豹。吏部侍郎程文德。主會。皆有氣勢。搢紳可攀附。得顯官。故學徒雲集至千人。丙辰而後。諸公或歿或去。惟階尙在。而講堂一空矣。戊午歲。太僕少卿何遷自南京來。復推階爲主盟。仍爲靈濟宮之會。然遷名位未可恃。號召諸少年多無應者。明黃瑜。雙槐歲鈔。成化間山西妄男子侯得權。詭姓名李子龍。謀入內爲逆。伏誅。乃開西廠於靈濟宮前。詔

太監汪直領官校百餘人刺事。燕都游覽志宣城第園在靈濟宮前府第中。衆木參天。夾竹桃二大樹。層臺高館。不下數十。張席者日無虛地。按今靈濟宮已久廢。地亦改名靈境。宣城第園亦無存。惟善師陳太傅居第。藤蘿垂陰。雜花饒砌。尙繞幽勝。

註二 嘯亭雜錄恒親王府在東斜街。今爲惇親王府。順天府志恒王諱允祺。聖祖五子。諱曰溫。惇王諱綿愷。

仁宗三子諱曰恪。按今乾石橋作甘石橋。梁士詒燕孫宅在焉。光緒之末。長沙張文達公百熙之舊寓。亭臺花木備極幽勝。或即恒親王府之遺址。順天府志醬坊胡同有崇寧庵觀音寺。嘯亭雜錄貝勒尙善宅在醬家胡同。今廢爲木廠。順天府志禮親王府在東斜街醬房胡同。昔恩寺東。王諱代善。太祖次子。時稱大貝勒。追諡烈世。世。

按順天府志有南北中醬房胡同。今僅分大小醬房胡同。當以中醬房胡同之南北斜遠者爲中醬房胡同。又此地附近尙有宴樂胡同。八寶胡同板廠胡同背陰胡同廊房諸名。今俱不見。鄭親王府在大醬房胡同之北。今尙存。

人爲武門而北爲宣武門內大街。再北爲西單牌樓。有坊曰瞻雲。故亦稱瞻雲坊。北大街。近年市面日益繁盛。爲城西最大之通衢。再北曰甘石橋。舊名乾石橋。再北曰缸瓦市。

註一 天恩偶聞舊傳元巴顏太師第在西單牌樓路西。有慶元樓麗春樓等。此言雖不可考。然尙不相遠。以今

西城皆元之故也。嘯亭續錄巽親王府在缸瓦市。今爲定親王府。公屯齊宅在甘石橋。順天府志禮烈親王七子滿達海襲封。順治八年改號巽。諱曰簡。十六年以罪追削。定王諱永瓚。高宗長子。乾隆十五年追封。諱曰安。屯齊顯祖曾孫。貝勒圖倫次子。順治六年以功封貝勒。後削。十二年復封鎮國公。案前軍機大臣毓朗封貝勒。居定王府。係定王永瓚之五世孫。

自宣武門內大街而西。爲宣武門內西城根。註一東曰象房橋。註二衆議院參議院在焉。衆議

院今爲法學院。參議院今爲法政學院。衆議院之西。原爲大明濠。自宣武門外入水關南

北貫阜成門大街以達於西直門大橋之橫橋。今由城根至阜成門之一段已平爲馬路

曰溝沿大街。其東有安立甘教堂。象房橋之南曰抄手胡同曰小市。昔頗繁盛。今漸移於

宣武門大街之西。又北曰頭髮胡同。註三再北曰浸水河。註四再北曰石駙馬大街。註五中間有

克王府。註六及女子師範學校。浸水河與石駙馬大街之間南北小胡同曰小麻縷胡同。其

東西不通行之小胡同曰當鋪胡同。

註一順天府志宣武門俗沿元稱曰順承門。北有坊曰瞻雲。嘯亭續錄貝子穆爾禘宅在宣武門內。順天

府志穆爾禘太祖曾孫安平貝勒杜度次子。順治間以鎮國將軍累功晉貝子。後以罪除。子降襲。析津志窮漢

市一在順承門裏草塔兒。慶元樓在順承門內街西。麗春樓在順承門內。與慶元樓相對。乃巴延太師之府第也。

朝元樓在順承門內近石樓慶元樓北。順天府志案今均無考。元仁宗紀皇慶五年十月建帝師帕克斯巴殿於大興教寺。六年三月賜寺僧齋食鈔二萬錠。英宗紀至治二年十月建太祖神御殿於興教寺。成宗紀大德五年賜興教寺地百頃。舊聞考元大都圖冊云寺在順承門內街西。佛會甲於京師。明一統志已無此寺。殆久廢矣。坊巷胡同集阜財坊四牌二十鋪。過象坊橋。有王恭廠。燕山左衛真如寺承恩寺圓洪寺保安寺望鄉臺。順天府志望鄉臺今無考。萬歷沈志巡鹽察院在順城門西。案察院久廢。嘯亭續錄貝子準達宅在宣武門西城根。貝子蘇努宅在象房。嘯亭雜錄年大將軍賜第在宣武門右隅。其額書邦家之光。及年驕汰日甚。有譁之士過其第。晒曰。可改書敗家之光。蓋以字音相似也。未逾年。年果債事。郎潛紀開雍正三年八月有虎夜踰城入年大將軍宅。是月大將軍被逮。右二則亦見鮑氏稗勺。

註二 長安客話象房在宣武門西城牆北。每歲六月初伏。官校用旗鼓迎象出宣武門濼內洗濯。野獲編象初至京。先於射所演習。故謂之演象所。而錦衣衛自有馴象所。專管象奴及象隻。特命錦衣指揮一員提督之。凡大朝會役象甚多。常割則只用六隻。所受祿秩俱視武弁有等差。人人觀者。能以鼻作鑼栗銅鼓聲。觀者持錢畀象奴。如教戲技。又必斜睨象奴受錢滿數。而後仰鼻俯首。嗚嗚出聲。將病耳中先有油出。名曰山性發。則豫以巨繩縶其管象房。縱帥申報。兵部上疏。得旨始命再驗發光祿寺。順天府志象房今隸鑾儀衛。又馴象所。在宣武門內西城根。明工部志象房宏治八年修。姚旅露書今朝午門立仗及乘輿鹵簿皆用象。不獨取以壯觀。以其性亦馴警。不類他獸也。象以先後爲序。皆有位號。食糞品料。每朝則立午門之左右。鐘鳴鞭響。肅然翼

侍百官入畢。則以鼻相交。無一人敢越而入矣。天咫偶聞象房在宣武門內。明之舊也。咸豐以來。滇南久亂。朝班無象者十餘年。至同治戊辰雲南底定。緬甸始復貢象七隻。余庚辰入都。曾往觀之。至甲申春。一象忽瘋。擲玉輅於空中。碎之。遂逸出西長安門。物遭之碎。人遇之傷。擲奔人某於皇城壁上如植。西城人家閉戶。竟日。至晚始獲之。從此象不復入仗。而相繼斃矣。京師遂無象。

註三 順天府志真如寺古刹也。在頭髮胡同。寺北嚮。以其背象房而立也。建於遼保寧。蜀僧真如募化。故名。真如在元季爲定力院。正統十三年蜀僧常宗重修。萬歷三十年蜀僧明傳重修。有黃輝撰碑。乾隆四十年僧德如重修。諭德黃輝重修真如寺碑云。茲寺建於元保寧年間。峨眉僧真如募建。故卽以真如名之。明正統十三年蜀僧常宗修。今僧明傳復修。三僧皆蜀人。亦異事也。燕都游覽志真如寺在元季爲定力院。南嚮。今之象房。是其山門。蓋象房初設於鞏國古松之畔。以隔城致稽赴闕。乃判定力院爲馴象所。

註四 順天府志臭水河或作楸樹河。嘯亭續錄貝子特爾祐宅在臭水河。順天府志按特爾祐太祖曾孫貝勒杜度三子。諡恪僖。按臭水河今作浸水河。

註五 嘯亭續錄公諾尼宅在石駙馬大街。

註六 順天府志克勤郡王府在街北。案王諱岳託。太祖孫禮烈親王長子。崇德元年封成親王。屢以罪降至貝子。五年復封貝勒。追封克勤郡王。世襲。諾尼其分支。今慶公第是也。頤天臚筆王恭廠震日。石駙馬大街有石獅一重五千觔。飛出順承門外。寄園寄所寄。嘉靖中京師大盜朱國臣居堂子胡同。其黨數十人官莫敢詰。

日怒笞其妻。妻逸告夜巡把總擒獲十人下法司。俱服。國臣自言石駙馬街周皇親之殺乃我也。而坐使女荷花凌遲。家人斬。豈不冤乎。於是法司追向治荷花獄者。免侍郎翁大立爲民。謫郎中徐一忠於外。

按衆議院即前清宣統間資政院舊址。民國以來。兩院開會選舉總統。議制憲法。其於是院行之。民國元年。項城時代選舉之日。以公民萬人包圍該院者。經日。各黨議員。驚駭莫可名狀。投票以後。以電光拍照。驟然一震。場中不知其爲何。紛擾竄伏。至今傳爲笑談。亦足見當日威權之赫矣。其後雖屢次選舉。而闕說溝洫。不復從前之純以力濟矣。克王府今尙在。民國三年間。中華大學賃居於是。予在此任教務者。幾二年。嗣歸長沙。熊公秉三設礦物局。其後又改爲太平湖飯店。今已停閉。漸成荒廢。克王之後裔。聞已淪爲餽傭。可哀已。

自溝沿大街以西。象房橋以北。爲沈家街。順天府志稱爲溫家街。爲象來街。南北小胡同。

曰承恩寺。註一曰銅幌子胡同。曰光彩胡同。原名棺材胡同。曰智義伯胡同。原名猪尾巴大

坑。順天府志亦稱猪尾胡同。註二又北爲前王公廠。又北爲永寧胡同。爲後王公廠。順天府

志稱爲前後王公廠。註三爲圓宏寺。註四中間南北小胡同爲槓房胡同。爲天仙庵。註五又北爲

東太平街。又北卽石駙馬大街之西。范靜生先生故宅在焉。附設有靜生生物調查所。中

間南北小胡同爲扁担胡同。其西南北直達之大街曰南關市口。

註一順天府志德功橋亦稱承恩橋。燕都游覽志承恩寺寺址。即古雪堂。爲戒壇下院。明憲宗敕賜知幻禪

師以戒律開山。萬歷沈志巡倉察院在承恩寺前。(今廢) 寄園寄所寄王公廠災時。承恩寺街有女轎八乘經過。女子轎夫皆不見。有州吏目弟在街與相識。六人拜揖未完。頭忽飛去。其六人竟無恙。

註二 順天府志石鏡庵本唐寺。舊址在豬尾胡同。庵本唐吉祥寺故址。元泰定間修。明萬歷丙午重修。改名石鏡庵。蓋修時於地掘石鏡。上刻唐人所書心經。萬歷中翰林黃輝陶望齡集指紳於此放生。舊聞考石鏡庵今非其舊。寺中有石香爐一。云卽舊傳石鏡。然爐上亦無鐫刻心經。決非舊物。惟有碑一。漫漶不可讀。碑陰尙存吉祥寺三字。天咫偶聞。石鏡庵在象房西承恩寺街。元代爲吉祥庵。明易今名。國初諸老皆有題詠。湯西岩少宰詩所謂巋然削出此香台。恰在兼葭野水隈者也。今其地並無兼葭野水。信滄海桑田矣。然西旁官溝之上。窄港相連。石橋互接。或倚茂樹。或亘頽牆。金晃剝竿。最多蕭寺。花依鐘角。略辨人家。且城帶西山。離離瘦碧。塵飛夕日。點點疏紅。雖不能邊角勝江南。亦無復東草廡夢矣。

註三 順天府志德公第在後王恭廠北。蕪史王恭廠掌廠太監一員。管營造錢糧。與泰甲廠同署。在都城西南隅。天啓五年六月忽大震。拔大樹二十餘株。根在上而梢在下。近廠房屋傾倒。木在上而瓦在下。殺數千人。乃改下於西直街北建廠。賜名曰安民。其王恭廠舊址。兵部尙書馮嘉會改爲戎政署。明趙維寰雪廬焚餘稿。天啓丙寅五月六日王恭廠忽震裂。經若轟雷。平地陷二坑。約長三十步。闊三五步。深二丈許。明沈國元兩朝從信錄。時塌屋一萬九百三十間。壓死男女五百三十七人。綏寇紀略自順承門大街。北至刑部街。盡爲齏粉。

劉桐帝京景物略。北自阜城門。東至刑部街。長四里闊十三里。宇冊地塌。木石人禽。自天雨而下。明水軒日

記工部又有五小廠。曰營繕所。木工也。曰寶源局。金工也。曰文思院。曰王恭廠。俱絲工也。曰皮作局。革工也。天
問閣集。申佳允北直永平人。甲申三月十九日聞變。仰天號哭。謂僕曰。往吾拜客時。願得僻處。可隨行。至王恭廠。
見有井趨投之。倉卒僕挽袖。袖絕遂死。順天府志。圓洪寺久廢。其地今仍作圓宏寺。寄園寄所寄王恭廠災。
宣府楊總兵行至圓洪寺街。隨從共七人。連人馬俱陷入地。

註五 順天府志。天仙廟。明建。有隆慶二年銅鐘一。又明崇禎間重修碑。

宣武門西城根之西。與象房橋相接者。爲國會街。原名順城街。再西爲官草場。註其北爲

水月庵。又北爲月台大門。其西爲槐抱椿庵。註稍南爲五道廟。月台大門之北。曰小老萊

街。曰前老萊街。曰後老萊街。註再北曰西太平街。再北曰鮑家街。註與石駙馬大街之西

頭相接。其西有太平湖。註五 醇親王府在焉。

駐一 順天府志。戶部草廠在宣武門內。象房橋之西。太平湖。食象則取給焉。

駐二 順天府志。觀音庵在西南隅槐抱椿庵街。係舊刹。無碑碣可考。其南爲祇園禪林。前後相屬。

駐三 嘯亭續錄。貝子薩弼宅在老萊街。順天府志。薩弼太祖曾孫安平貝勒杜度七子。諡懷愍。

註四 順天府志。榮公第在鮑家街北。按貝勒費揚古顯祖孫莊親王八子。以功封。今公其後裔也。

駐五 頤道堂詩選。孫古雲雲繪園詩。爲同查伯揆作。自注園在宣武門內太平湖之西。時海昌查伯揆廣陵朱

素人丹徒嚴麗生同在賓館。順天府志城隅積潦瀦爲湖。由角樓北水關入護城河。橋二。一在湖北。一在西南隅。迤北曰龍王堂。嘯亭續錄貝勒喀爾楚璉宅在太平湖。今爲榮親王府。順天府志喀爾楚璉一作哈爾

出洪。太祖曾孫克勤郡王岳託三子。以功封。諡顯榮。榮王諱永琪。高宗五子。諡曰純。今爲醇親王府。王爲宣宗七

子世襲。天恩偶聞太平湖在內城西南隅角樓下。太平街之極西也。平流十頃。地疑興慶之宮。高柳數章。人誤

曲江之苑。當夕陽銜堞。水影涵樓。上下都作胭脂色。尤令過者流連不能去。其北即醇邸故府。已改爲祠。園亭尙

無恙。李文忠丁亥春日。醇邸召遊適園詩。京華盛冠蓋。車馬紛長衢。十日黃塵中。媿媿意不舒。何期朝事繁。忽

見林壑疎。朱邸開名園。別在城西隅。東風二三月。雜花千萬株。僑檐弄嘉禽。出沼窺文魚。追陪竟日夕。暫欲忘簪

裾。同游得汝陽。心泉貝子久擅萃公譽。擬句爭歐梅。貝子詩思敏捷。妙墨兼褚虞。凌雲標巨榜。一一皆染濡。園中匾額

筆。中開頤壽堂。獨表東平書。頤壽堂名宜贊高七德。宣贊七德。叙福祿應九如。東西列層樓。東樓雅稱仙人居。窗

前萬竿竹。林不羨洋州腴。流觴有曲水。修禊名蹟連秦吳。導來鳳尾泉。激河龍首渠。小試神禹功。即此見盤疏。會

看挽銀河。洗甲登昌閣。上探星宿源。潤源。萬派成東趨。風月更雙清。風月雙清樓。如水明階除。足佐今夕談。不待終古

儲。何事願長康。渣滓生太虛。落落撫長松。撫松草堂。凡卉皆芟鋤。但存正直意。自有神明扶。空山太古春。醞釀冰雪敷。

築館名寒香。寒香館。歲暮還相於。春秋佳日多。雲霞憑寫憶。綸春沁秋梯。雲攬。旁入罷畫軒。卷畫。花綺而石癯。別尋

小幽趣。小幽逸韻追髯蘇。入室得退庵。退靜坐萬緣祛。九州在一室。舒卷常有餘。時復喜晉人。壯語懷司徒。九思

夙懷恥效新亭泣。既擬逸少亭。更作淵明廬。陶二子皆人豪。何止達士模。豈曰尙清談。高論能噓枯。梁苑馳羽旄。

莫負。徒壯語留。

魯殿噴筆等。但誇池館富。或說文史娛。獨愛會稽王。手乘鄴廟談。蕭然念濠濮。神體固自殊。從知至人心。適意非軒朱。王今宰四海。元和持大鑪。豈惟適其適。百彙同感楡。(下略) 荃察子齋詩有。有王揖唐招集太平湖醇王舊邸看花詩。原注。揖唐曾借府第爲學校。玉照亭在府西園。按太平湖醇邸民國三四年間。王君揖唐賃爲中華大學。今爲民國大學。

自石駙馬大街以北。溝沿大街以東。爲教育部街。今改爲市黨部街。其西轉灣處曰參政胡同。王揖唐參政時之舊居也。又東爲東鐵匠胡同。註一其北曰手帕胡同。又北曰報子街。

順天府志報或作泡亦作豹。自溝沿大街以西。北曰後宅胡同。亦名後闌。註二又北曰中鐵

匠胡同。又北曰察院胡同。註三東頭有小胡同曰文聖橋。順天府志作文盛橋。亦作溫盛橋。

察院胡同與手帕胡同之間有南北小胡同曰姚斌廟。曰通條胡同。又北卽報子街之西頭。石駙馬大街之西頭。南北直達之胡同。在南曰羅圈胡同。民國十七年改樂全胡同。李石芝之適園在焉。其北曰半截碑。

註一 嘯亭續錄敬謹親王府在東鐵匠胡同。順天府志王諱尼堪。太祖孫廣略貝勒褚英三子。順治六年授定西大將軍。九年授定遠大將軍。征明桂王。戰歿於衡州。追諡莊。今爲桂公第。天恩偶聞姚伯昂總憲舊居在

東鐵匠胡同。其中聽秋館竹葉亭小紅鵝館諸名尙存。先生安徽桐城人。嘉慶乙丑進士。工書畫。其隸書學曹全

碑而參以史晨孔宙有台閣氣象。行書亦有風韻。畫則花并近白陽山人。人物似丁南羽。一時聲稱滿日下。其書室中樞扇心皆手摹古人名跡。徑用古人款。見者不能辨真贋。與先恭慎公交最契。予家公跡頗多。

註二 順天府志有武烈橋。按橋今已堙。其地今名後宅胡同。

註三 順天府志有文盛橋。文俗訛溫。萬歷沈志巡關察院在西城。或其遺址。

自鮑家街以西曰宗帽頭條二條三條四條。順天府志作櫻帽胡同。再北曰四眼井。再北曰炕眼井。順天府志作炕沿井。再北曰邱祖胡同。自鮑家街以北曰前百戶廟。曰後百戶廟。註一曰狗尾巴胡同。其南北小胡同曰取燈胡同。曰筆管胡同。順天府志作筆官胡同。又

北曰西鐵匠胡同。又西曰諳達宮。順天府志作安達宮街。註二其東曰保安寺。註三又北曰庫

資胡同。順天府志作獮子胡同。又北曰邱祖胡同。順天府志作邱子胡同。註四

註一 順天府志永泉寺俗稱百戶廟。復訛白虎井。

註二 順天府志安達公街亦作諳達。諳達蒙古語火伴也。按今作諳達宮。

註三 順天府志保安寺明正德間所立。在宣武門內象房橋。其地名保安寺街。明武宗實錄寺明正德間建。

正德八年四月令大典宛平二縣撥佃戶二十於護國保安寺。以供灑掃。是時上誦習番經。崇尚其教。被服如番僧。演法內廡。保安寺大德法王禪爾鄂特色爾出八豹房。與諸權貴雜處。明世宗實錄嘉靖二年五月以江彬

錢寧入官房及故保安寺改爲燕山軍等衛凡十五所。順天府志坊巷胡同集阜財坊有燕山左衛以實錄所言核之。其遺址當在今保安寺街。集又言燕山左衛在安富坊。蓋其始置之地也。嘉靖後移置於此。

註四 金陵對泣錄崇禎帝后移東華門席舍。武選主事大足劉養真日侍側。袞毀被執至李友家。友居邱字胡同許錦衣宅。順天府志案邱字疑卽邱字。

報子街以北。曰舊刑部街。註一有奉天會館。東頭路北有南北胡同。在南曰白廟橫胡同。在

北曰達智營。順天府志作臊達子營。自是而東之東西胡同曰白廟胡同。註二北曰捨飯寺。

註三又北曰皮庫胡同。註四又北曰大木倉。鄭王府在焉。今爲中國大學。註五又北曰口袋胡同。

又北曰關才胡同。自是而西之東西胡同曰磨盤院。曰京畿道。曰前京畿道。曰中京畿道。註六又北曰二龍坑。今爲二龍路。有習藝所。其東曰東夾道。舊刑部街西頭卽溝沿大街。其

東南爲下崗。北爲上崗。註七其西爲砂鍋琉璃井。又西爲溝頭。又西爲小砂鍋胡同。又西爲

北關市口。其南爲高井胡同。其北曰麻豆腐作坊。原作磨豆腐坊。曰小口袋胡同。小錢胡

同。又北曰寬街。又北曰王爺佛堂。其西曰大馬蜂。曰馬蜂橋。順天府志俗稱馬糞橋。今亦

併入太平橋。又北曰太平橋。又北卽關才胡同。順天府志作劈柴胡同。註八其南有女工廠。

有籌邊學校。今爲女子中學。其東有梯子胡同。其西有貴人關。原名鬼門關。有鐵香爐。有高義拉。今改稱高華里。其後有東岔。

註一 明英宗實錄正統七年十一月建刑部都察院大理寺於宣武門街西。彭惠安集國初比部之制。分爲十二。雲南隸陝西。部永樂間安南內屬。置交址司。析雲南四川之交爲貴州。置貴州司。方定都之初。庶務草創。率皆權寓滋事。今城隍廟西惜薪司俗訛舊刑部是也。陸啓宏客燕雜記。嘉靖間李攀龍王世貞徐中行輩俱官西曹。相聚論詩。建白雲樓於四川司中。榜諸君詩。李詩警句云。諸山城上出。落日署中寒。時人曰刑部爲外翰林。明王同軌耳談刑部福建司軒曰甘露。貴溪江以潮爲郎時。甘露降于軒。作記刻碑。順天府志三法司署國朝移建西長安門外白雲樓甘露軒久廢。明一統志謂刑部街在賞城坊。考明代坊名無賞城。疑金之訛也。

註二 畏廬文集宗室壽富公行狀。庚子七月二十三日外兵陷國門。公及二妹與婢咸歿。壽董一一昇置別樹。更結巨纆於門。從容而逝。小屋同時列尸五。敵騎充斥。不可得槥。鄰人傅蘭泰假百金購柳棺五具。瘞之後圃。按傅蘭泰號夢巖。蒙古人。進士。今尙寓白廟胡同。

註三 順天府志捨飯寺。今稱法光寺。舊聞考法光寺初名蠟燭寺。又名舍飯寺。唐時京城禁丐者。分置病坊於諸寺以廩之。亦謂之悲田院。卽今蠟燭寺與蟠竿寺。明亦爲收養窮民之所。順治十六年重修有碑。李光斗法光寺碑略。禁城之西里餘有古刹一。考其鐘銘。寺曰蠟燭。亦曰法光。明季常舍飯於此。故又謂之舍飯寺。坊巷胡同集舍飯蠟燭寺。日給貧人粟米。病者有醫。死者有棺。順天府志明制於蠟燭蟠竿二寺捨飯。蟠竿寺在雙碾

胡同。又天順元年五月令順天府於大宛二縣各設養濟院一所。事見實錄。今無考。

註四 順天府志皮庫胡同庫。或作禱。神機營所屬威遠營置廠於此。

註五 順天府志大木廠。俗訛倉。八旗通志作打磨廠。有真武廟。宛平王志有石佛寺。嘯亭續亭錄鄒親王府在西城大木廠。按王諱濟爾哈朗。顯祖孫莊親王舒爾哈齊六子。順治間與睿王同輔政。稱信義輔政叔王。授定遠大將軍。追諡獻世襲。天恩偶聞鄒親王邸在大木廠。按始封之王爲太祖派下開國元勳。武功卓著。載在國史。宗室王公傳其後裔出人最多。最著者簡獻親王德沛也。王未襲封日。曾官侍郎。開府兩江。以理學聞天下。與陳榕門先生並稱。榕門先生有致王書。傾倒甚至。袁隨園爲王表墓。詳其行實。見本集。燕京訪古錄明姚廣孝爲僧時所削之髮。在今鄭邸某殿樑上。用鐵匣封貯。今仍在云。按鄭王府在二龍坑。其大門在東夾道。與大木倉庇連。故諸書記載。均以屬諸大木倉。今鄭府實爲中國大學。民國十八年該校修掘地濠。得唐作君墓誌。石刻完好。茲錄時人記載暨銘文於後。亦足見今日二龍坑之地。卽唐時藩鎮故城東北五里之平原也。中國大學發見唐代墳墓記。如下。西城大木倉胡同西口中國大學校址。原爲清鄭王舊邸。近日該校修理房屋。於進大門之西院大操場中南端掘土。至平地下一丈五尺餘。有水湧出。發現唐代墳墓一座。墓上鋪長方形之磚。磚長一尺一寸。寬五寸。厚一寸餘。一面平淨。一面有直條紋。墓之位置。東西陳列。磚下無棺之形迹。想已腐朽成泥。惟未朽盡之白骨尙在土中。但排列頗長。可以推知其人生時軀幹甚偉也。墓之西端。有墓誌銘。見方裁衣尺一尺五寸。厚二寸。石甚完整。其蓋有篆文四方畧曰。「作君墓誌」。其銘文。共二十五行。每行二十八字。墓誌銘原文

照錄於後。唐故朝散大夫儀同三司上柱國右戎衛開福府振帥杵君墓誌并叙。粵若龍躍雲衢。南國肇基於義。叔鳳翔山路。東口狎業於尙公。理口齊登。六府之標。咸紀忠義兼舉。五雲之潤。方滋君諱欽字祖仁。本薊縣人也。自弔影吳江。駕英聲於身後。軍車鄭野。騰令望於名前。曾諱秦齊驃騎將軍雲州刺史襄陽公。內巡清微。肅蘭鑄而端威。出宰華蕃。扇梅霖而楊潤。祖諱禮。隋虎奔。郎將五枝分營。神鶴之儀。奮列八陣。齊起靈龜之勢。昭先考諱德。隋懷信府車騎。龍沙寫望。夜微沉虎落之蹤。馬塹馳光。朝廷發錦鱗之瑞。君搆緒貂門。詎靈龜寶。年方問道。時屬雲雷。雉驚颺而謁帝。候長星而擇主。武德五年。詔授朝散大夫儀同三司。仍令留守。公雄心貫日。爽氣浮天。聊申破竹之謀。遂受專城之任。太宗文皇帝。帝級地垂則。維天闡化。隴崑丘之不賓。弔東夷之多僻。長轂巨野。雷動玄兔之郊。高鋒鸞雲。電照狼河之曲。君履義爲基。資忠成行。精窮飲石。勇冠蒙輪。征旆纒臨。羣兇褫魄。貞觀二十三年。詔授上輕車都尉。君地居朔野。壤載燕郊。永徽五年。除開福府旅師。景操高列。威策駭於三韓。神王肅清。聲教霑於七澤。龍朔元年。湏江道敬奉天規。承威問罪。君沉戈畫鶴。嶠獨驚於星樓。水劍浮龍。競先鳴於月峽。有詔封君上柱國。餘勳十轉。是知流移自古。望京趣庭。泱日未登。生涯遽促。將使豫章脩史。取媿於前文。桂浦貞臣。多慙於往列。馴車瑞鴈。未展銜蘆之恩。陟岵風枝。遂動臯魚之疾。以總章元年五月三十日。終於家。權殯於私寢。春秋六十有七。惟君韶音振玉。秀氣韜霞。望千古而神郊。踰萬夫而翹首。皇穹恒化。委長策於龍其。日御頽輪。闕徂陣於狼谷。鳥呼哀哉。粵以咸亨元年太歲庚午十一月庚子朔三日壬寅。遷柩於城東北五里之平原也。夫人白水張氏疏。祥楚甸。降口洛濱。宿荷秦晉之歡。遠叶瑟琴之調。豈謂形異朝鸞。思假昭於塵境。居非霄鶴。倦單止於長

松哀子上護軍神獎次子騎都尉神通翊衛神昶等。殆切風林哀纏露節丹旒啓路。永惟萬古之悲。素慙戒塗。長結九泉之恨。靈宮變口。兌野山移。式贊玄猷。勒銘幽戶。其詞曰。列漢疏源。分巖構趾。雄神肇闢。茂功爰起。哲人梁垓。勦墜星亡。驚飈道截。閔水流長。哀風咽響。孤月澄明。嘶驂各影。祭鳥同聲。期碧滄兮無紀。庶翠琰兮騰名。

註六 順天府志明置京畿道署於此。今署廢而猶仍其名。有禮部會同館舊爲步軍統領衙門。乾隆間改設。萬歷沈志京畿察院在三法司門北。

註七 天恩偶聞。阮文達公蝶夢園在上岡。公有記云。辛未士申間。余在京師。賃屋於西城阜城門內之上岡。有通溝自北而南。至岡折而東。岡臨溝上。門多古槐。屋後小園不足十畝。而亭館花木之勝。在城中爲佳境矣。松柏桑榆。槐柳棠棣。桃杏棗柰。丁香茶蘼。藤蘿之屬。交柯接蔭。玲峯石井。欹崎其間。有一軒二亭一臺。花晨月夕。不知門外有繙廬也。余藏董思翁自書詩扇。有名園蝶夢散綺看花之句。常懸軒壁。雅與園合。辛未秋有異蝶來園中。識者知爲太常仙蝶。繼而復見之於瓜爾佳氏園中。客有呼之入匣。奉歸余園者。及至園啟之。則空匣也。壬申春蝶復見於余園。畫者祝曰。苟近我。我當圖之。蝶落其袖。審視良久。得其形色。乃從容鼓翅而去。園故無名也。於是始以思翁詩及蝶意名之。秋半余奉使出都。是園又屬他人。回憶芳叢。真如夢境矣。癸酉春吳門楊氏補颿爲畫園圖。卽以思翁詩繪裝冠卷首。以記春明游跡焉。此園今已改爲花廠。無復亭臺花木。祇石井存耳。士夫近多喜住東城。趨朝使也。西城舊屋。日見其少。真如呂黎所謂一過之再過之則爲墟矣者。故西城菜圃最多。菘韭連畦。固畫棟雕甍之變相也。按通溝卽大明濠。今已夷爲馬路。蝶夢園尤不可見矣。

註八 坊巷胡同集成宜坊二牌十鋪。有大小石佛寺能仁寺通妙宅顯靈宮。順天府志石佛寺在劈柴胡同。寺爲元安御容之所。有碑泐落不可讀。先寺僧掘地得石佛一。乃彌勒像也。寺蓋由此得名。元祭祀志至元十五年命承旨和爾果斯寫太祖御容。十六年命寫太上皇御容。俱置翰林院。春秋致祭。泰定四年造影堂於石佛寺。未及遷。後至元之六年翰林院言三朝御容祭所甚隘。於石佛寺新影堂奉安爲宜。中書省奏此世祖定制。當仍其舊。報可。又順帝紀元統元年正月立司禮監。奉太祖太宗睿宗三朝御容於石佛寺。順天府志元史祭禮志與元順帝紀所載甚歧。順帝年號初曰元統。元統止二年。仍改爲至元。即祭祀志所稱之後至元也。至元之六年實順帝之第八年。何以元統元年旣奉御容於石佛寺。而後至元六年又來翰林之言。且據中書省世祖定制等奏。則又未遷奉矣。惟司禮監旣立於元統元年。則其安御容於寺中。又似有據。萬歷沈志謂石佛寺能仁寺在鳴玉坊。餘無考。高麗史世家忠宣王五年九月王至大都。十月帝下王於刑部。旣而祝髮置之石佛寺。明一統志西城兵馬司府軍右衛。俱在咸宜坊。析津志崇文監在咸宜坊北一小巷內。順天府志崇文監。明司衛俱無考。天咫偶聞石佛寺在劈柴胡同。門榜曰大石佛寺。元剎也。石佛尙在。高逾尺。傳爲彌勒像。殊不類。乃一人坐而歛首作假寐狀。疑本非佛像。繇流附會爲之耳。元代供列朝御容於此。其巨可知。今則小殿兩層。地殊逼仄。不知何時所改。按吾友李君次貢在關才胡同築小園以奉母。滄趣師顏之曰榆園。

按順天府志此處左近尙有變驢胡同。棒子所亦作釘子所。胡家灣上坡下坡牛圈猪尾大坑堆子胡同菜幫胡同諸名。今俱不見。

自關才胡同而北爲紅廟。一 註其斜出者爲西斜街。二 註其東爲石崗胡同。亦作石缸胡同。不通行。又北爲前英子胡同。再北爲後英子胡同。順天府志作前後纓子胡同。再北爲粉子胡同。農商部在焉。後改稱農商部街。再北爲豐盛胡同。三 註錢幹臣總理居於是。清東三省總督錫清弼良之故居也。昔日平政院亦在其北。關才胡同紅廟西斜街之西。其間胡同最爲複雜。關才胡同西頭小胡同曰羅圈胡同。今改樂全胡同。稍西曰頭條胡同。曰二條胡同。曰三條胡同。曰四條胡同。曰五條胡同。曰六條胡同。紅廟之西曰椿樹胡同。稍西曰豆芽菜胡同。曰陰涼胡同。其北曰褲子胡同。今改稱古直胡同。再西曰花針胡同。順天府志作花枝胡同。曰南駱駝灣。北駱駝灣。再西曰南半壁街。中半壁街。北半壁街。再西曰南太常寺。北太常街。大枕頭胡同。再西曰南寬街。中寬街。北寬街。再西曰南千章胡同。中千章胡同。北千章胡同。順天府志作南北中千張胡同。再西曰南沈簞子胡同。中沈簞子胡同。北沈簞子胡同。再西曰榆錢胡同。南油房胡同。北油房胡同。再西曰跨車胡同。八旗通志作車子胡同。其東西之橫胡同。在南者曰十八半截。在北者曰前泥窪。又北曰後泥窪。又北即豐盛胡同之西頭。與溝沿大街相接。

註一 順天府志關帝廟俗稱紅廟。

註二 嘯亭雜錄公扎爾塔齊宅在西斜街。

註三 嘯亭續錄公宏眺宅在豐盛胡同。骨董蹟記今豐盛胡同。或謂即奉聖胡同。為客氏私第所在。據酌中

志則客居在正義街西。迤西席市街北。而逆賢亦一第在街南。斜對門不遠。說部橋杭間評則云在手帕胡同。按

奉聖之對。順康時尙沿此稱。或別一奉聖夫人耳。

按順天志此處左近尙有玉帶胡同玉皇閣椿樹胡同乾魚胡同牛角胡同賢孝牌諸名。今俱不見。

自邱祖胡同以北。為臥佛寺街。註一又北曰城隍廟街。都城隍廟在焉。註二中間有小胡同。在

南曰破大門。曰藤牌營。在北曰砲廠南口。曰城隍廟夾道。曰鐵匠營。再北曰花院宮。順天

府志作花園宮。其東曰礮廠。今改稱興盛胡同。註三有博濟工廠。又北曰按院胡同。註四又北

曰學院胡同。註五西有小胡同曰川店。又北曰屯絹胡同。中有小胡同曰棗林街。其西曰松

鶴庵。順天府志作松鶴胡同。曰狗尾巴胡同。曰雞毛胡同。今改稱錦帽胡同。又北曰廣寧

伯街。註六西曰真武廟。曰斑鳩胡同。曰二眼井。曰圓覺寺。東有扁方胡同。又東曰鴨子廟。註七

又北曰機織衛。今亦稱集祉街。東曰官房胡同。西曰烟筒胡同。中間南北小胡同曰後樓

胡同。西曰前樓胡同。又西曰西養馬營。順天府志作南北養馬營。俗亦作羊毛營。中間南

胡同。西曰前樓胡同。又西曰西養馬營。順天府志作南北養馬營。俗亦作羊毛營。中間南

北小胡同曰四眼井。^八再北曰雙柵欄。曰土坡廠。曰前撒袋。曰後撒袋。順天府志撒袋或

訛賽帶。其西曰達子廟。其東曰東養馬營。又北曰孟端胡同。^九其東曰轆轤把。^十其西有

閣公府。又北曰大盆胡同。小盆胡同。其南北之小胡同曰羊腸胡同。其東小胡同曰玉帶

胡同。曰堂子胡同。曰油簍胡同。又北即武定侯胡同。^{註十}其東曰扁担胡同。^{註十}武定侯

胡同扁擔胡同之間。南北直接之大街。曰錦什坊街。^{註十}南接溝沿大街。北達於阜城門

大街。

註一 順天府志鷲峯寺街俗亦稱臥佛寺街。寺有臥佛。故名。鷲峯寺唐之淤泥寺也。中有旃檀佛像。康熙四年

移奉宏仁寺。其東有圓通觀。明為水月庵。又鷲峯寺本唐刹。在宛平縣西城牆畔。唐淤泥寺即今鷲峯寺。鷲峯

者唐僧之號也。見唐人石刻心經中。寺內旃檀佛像高五尺許。色近沈碧。萬歷中慈聖太后始傳以金。康熙四十

年奉敕移奉宏仁寺。則以銅篋如來像。還供本寺。寺一名臥佛。以有臥佛得名也。乾隆二十六年重修。有御製碑

文。其寺東有圓通禪林。舊名圓通庵。殿中有崇禎甲戌吳士雲水塘庵記。寺北即都城隍廟。天咫偶聞鷲峰寺

俗稱臥佛寺。在臥佛寺街。舊址甚宏敞。今止殿二重。亦不甚深。正殿舊奉旃檀佛像。乾隆中移入宏仁寺。存臥佛

一軀。唐淤泥寺經幢最有名。亦失去。惟階下石鉢一甚光澤。疑是舊物。惜裂為二矣。

註二 順天府志都城隍廟在城隍廟街北。元遺址也。五月朔至望日有廟市。其西有關帝廟。又都城隍廟在

宣武門內西單牌樓西鬧市口城隍廟街。繚以周垣。廟門順德門闌威門凡三重。均三間。左右門各一。前殿五間。東西兩廡各三間。迴廊各二十二間。連檐通脊。前爲甬道。東御碑亭一。西燎爐一。後殿五間。闌威門外東爲治牲所。三間。井亭一。門南東西鐘鼓樓各一。凡殿宇門廡甃甃瓦。門楹丹雘。梁棟五采。廟建於元至元四年。天歷二年加封大都城隍神爲護國保寧王。夫人爲護國保寧王妃。明永樂中重建。中爲大威靈祠。後爲寢祠。左右爲齋。兩廡爲十八司。前爲闌威門。門外左右爲鐘鼓樓。宣德五年六月命行在工部修。正統十一年十一月重建。嘉靖二十七年正月廟災。詔工部重建。本朝雍正四年乾隆二十八年屢發帑興修。恢宏鉅麗。視昔有加。庭中有碑亭二。一爲世宗憲皇帝御製碑文。虞集大都城隍廟碑。世祖聖德神功文武皇帝。至元四年歲在丁卯。以正月丁未之吉。始城大都。立朝廷宗廟社稷官府庫庾。以居兆民。辦方正位。井井有序。以爲子孫萬世帝王之業。七年太保臣劉秉忠大都留守臣段真侍儀奉御臣和坦伊蘇禮部侍郎臣趙秉溫言大都城旣成。宜有明神主之。請立城隍神廟。上然之。命擇地建廟。如其言。得吉兆於城西南隅。建城隍之廟。設像而祠之。封曰佑聖王。以道士段志祥築宮其旁。世守護之。自內廷至於百官庶人。水旱疾疫之禱。莫不宗禮之。邇來六十有餘年。國家治平。民物繁阜。日盛一日。而神之所依益厚矣。祀典之載所謂有其舉之而莫之敢廢者歟。天歷二年二月庚子皇后遣內侍傳旨中政院臣使言於上曰。城隍廟世祖皇帝時所建。有禱必應。烜赫彰著。而廟久敝。弗葺。無以答神明之貺。以繼世祖之意。請出內帑寶鈔五萬緡以修。制曰可。命京尹臣賈某董之。太史以諷日弗諷。請俟其吉。九月參知政事臣趙世安等奉敕封神曰護國保寧佑聖王。其配曰護國保寧佑聖王妃。至順二年二月癸亥以前所賜爲未足。

用增賜寶鈔十萬緡。大修治之。平章政事臣阿爾哈雅工部尙書臣永和爾實奉詔領其事。且命之曰。庀工而有餘費。賜諸廟中給恒用。於是工部率其屬以即役。土木瓦石。金碧丹雘。既善既足。百工並作。無敢不度。未幾而告功。於是有勅。史臣集製文刻石以垂示無窮。（下略）明英宗碑城隍廟在都城西南隅。城完之日。今更造焉。中作正堂爲神寢。堂之前爲正門。自堂左右至門翼以周廊。如官司之職掌。以案名者十二。廊東西中特起如堂者二。名左右司。正堂以祀城隍之神。而旁以居其輔相者。各以序置。門之外爲重門。東西對置鐘鼓樓。其後各有舍。以棲其守護之人。蓋總爲屋以間計者一百九十。其地以丈計者深七十一。廣四十。有奇。材出於官之素具。工出於力之常供。一無所預於告成。不浹旬而功倍於累月。孟子所謂不日成之。或庶幾焉。清世宗憲皇帝御製碑文從略。清高宗重修都城隍廟碑記城隍之文。始著周易。其處於秩。蓋緣伊耆八蜡之水庸。至春秋傳鄭祈四鄗。宋用馬四鄗。而其說差備。自時厥後。歷代正史未有明文。歐陽修集古錄采李陽冰城隍神記。亦云祀典無之。間考王應麟困學紀聞引北齊慕容儼鎮郢城祀城隍祠。則唐以前廟食故有憑據。今天下自縣而州而府而省。莫不立廟。而都城隍廟尤天下所會歸。不與他等。往往以統獄殊制。即封號品數視之。然神之所爲禦災捍患。與國之所以崇德報功。其義等爾。乃聞里閭之毗。稽禳趾錯。稽禳然求神於人。尸祝告語曰。前攝者忠肅于氏。後代者忠愍楊氏也。彼言之近繫。政與鮑至甫雍州記以肅相國廟爲城隍神略同。抑不思于楊故明盡臣。茲廟創自金元時。果誰司之。且幽冀肇域以來。有城即當有神。更誰司之耶。（下略）燕都游覽志廟市者以市於城西都城隍廟而名也。西至廟。東至刑部街。互三里許。大略與燈市同。第每月初一十五二十五開市。較多燈市一日耳。

野獲編城隍廟市陳設甚夥。人生日用所需。精粗畢備。羈旅之客。但持阿堵入市。頃刻富有完美。以至書畫骨畫。真僞雜陳。剔紅填漆舊物。自內廷闈出者。尤精好。往時所索甚微。今其價十倍矣。析津志感聖廟在城隍廟。南泥像。石佛寺又西轉北則城隍廟。自廟前巷口轉北爲金城坊。內有楊國公寺。楊總統之父也。坊東爲玉府。內有琉璃碧瓦所蓋八座藏經。藏經版甚精。文宗敕印造三十六部。散施諸禪刹。江南亦有賜者。坊內有軍鐵庫。帝師有大佛殿在坊之東。翬飛棟宇。甲於他寺。順天府志感聖廟金玉府鐵庫大佛殿皆無考。據析津志言阜財坊在順承門內金玉局巷口。金玉局卽金玉府也。其地當在今城隍廟街之東南。天恩偶聞西城都城隍廟。在城隍廟街。元之舊也。勝國廟市最盛。五雜俎野獲編皆詳言之。然卽其所言亦不過今東西廟耳。第改市於兩廟者。不知始自何時。今城隍廟止五月上旬有市。亦不及兩廟之盛。自同治十年廟災。僅正殿及儀門修復。餘則一片瓦礫場而已。後殿基存元碑。或立或仆。換水碑則在左階下。惟北平府三字無存。廟前街道寬宏。想見昔日繁盛。廟西有地名花園宮。尙有陂塘遺址。疑古月張園所謂阜城門內傍城下是也。

註三 順天府志鑲紅鑲藍兩旗廠廠在廠廠胡同。

註四 萬歷沈志巡按察院在西河漕。法式善西涯考李文正東陽賜第在今按院胡同。順天府志案此條見藤陰雜記所引。今存素堂文集無之。疑未確。

註五 萬歷沈志提學察院在按院後。順天府志明按院學院皆久廢。其地猶仍舊稱。又萬歷沈志有屯馬察院。在學院北。其舊址疑當在屯絹胡同。絹蓋院之訛也。

註六 明史功臣世表廣寧伯劉榮永樂十九年七月封。追進侯。其故居當在此。

註七 順天府志關帝廟俗稱鴨子廟。天歷二年建。有明萬歷間碑廟。前有太平橋。按橋今已堙。

註八 坊巷胡同集金城坊五牌二十二鋪有普照寺鐵佛寺。明一統志有濟州衛萬。歷沈志有三元庵地藏庵。

順天府志案鐵佛寺在四眼井。

註九 順天府志卓公第在孟端胡同。聖祖十七子果毅親王無嗣。世宗以六子果恭郡王宏瞻繼之。卓公其後

人也。按今襲公名溥閣。宏瞻之五世孫。故今爲閭公府。吾友羅君雁峯購其西偏之花園爲宅。樹木深邃。頗極

清幽。

註十 嘯亭續錄貝子固爾瑪琿宅在轆轤把胡同。順天府志固爾瑪琿顯祖曾孫貝勒阿敏次子。以功封。謚

溫簡。固一作顧。又作姑。琿一作洪。

註十一 順天府志武定侯胡同。或作武安侯胡同。宛平王志有慶寧寺。明史功臣表武定侯郭英洪武十七

年封。傳爵至培民。崇禎甲申城陷死。其居第疑當在此。骨董瑣記周櫟園書影云。故老傳聞羅本字貫中爲水

滸傳一百回。各以其妖異語引其首。嘉靖時郭武定重刻其書。削其叙語。獨存本傳。金壇王氏小品中亦云此書

每回前各有楔子。今俱不傳。予見建陽書坊中所刻諸書。節縮紙板。求其易售。諸書多被刊削。此書亦建陽書坊

翻刻時刪落者。沈德符野獲編云武定侯郭勳在世宗朝號好文多藝。所刻水滸前有汪大函序。託名天都外臣。

按武定侯郭英開國侯也。郭勳最豪橫。後以罪庾死獄中。明末嗣侯培民甲申死于闖難。今有武定侯胡同。在錦

什坊街。聞繆藝風丈云。光緒初葉曾以白金八兩得郭本于廠肆。書本闊大至一尺五六寸。內赤髮鬼尙作尺八。腿。雙鎗將作一直撞云。

註十二 嘯亭續錄貝勒杜蘭宅在扁擔胡同。順天府志今爲文公宅。

註十三 順天府志普壽寺有勅建額。回人禮拜寺也。順天府志元於平則門置金城坊。明因之。今錦什坊街


南接鬧市口。北抵平則門。疑卽金城坊街之訛。明一統志元世祖廟在金城坊。洪武十年建。順天府志明代

歲以二仲遣順天府致祭。嘉靖二十四年給事中陳棐奏罷之。見明會典及春明夢餘錄。今遺址無考。

按順天府志此地左近尙有尤家寺胡同。今無此名。或卽圓覺寺之轉音。又有半箭胡同。或亦今之斑鳩胡同之轉音。又有游擊胡同。並載蔣祥墀散樗老人自訂年譜。辛巳寓內城游擊胡同云云。今此地亦無游擊胡同之名。餘若所載瓦岔胡同烙鐵胡同高方胡同唐帽胡同。今俱無考。

北

內三區簡明圖



內

五

區

界

內

六

區

界

西

東

界

區

一

內

南

第四 內三區各街市

自翠花胡同而北。爲雙輦胡同。註一中間斜出者爲花枝胡同。今改爲南花枝胡同。又北爲

弓弦胡同。註二

其南有大小口袋胡同。其北有褲司胡同。今改爲西庫司胡同。牛排子胡同。

註三

黃米胡同。瞿兌之之止園在焉。亦卽止園相國之舊居。其東有琦侯府。其西有曉教胡

同。達教胡同。原名大覺小覺胡同。均不通行。又北曰亮果廠。註四順天府志稱涼果廠。俗或

作亮殼廠。其東爲大佛寺大街。亦曰西大街。註五四存學校第二院在路東。昔日之將軍府

也。路西有大公主府。亮果廠中間之南北小胡同曰太平境。又北曰大。小取燈胡同。註六其

西曰八棵槐。蒙藏院在焉。北平研究院近亦建築於此。其東曰汪家大院。又北曰官房子。

又北爲多公府。又北曰興隆胡同。不通行。又北卽大公主府。門在西大街。清宣宗之長公

主府也。瑨珣二太妃出宮後亦居於是。又北曰小蘇州胡同。又北曰寬街。註七其東有寶公

府。其西有昭忠祠。

註一 順天府志雙碾胡同碾或作輦。八旗通志誤作塔。有捨飯旛竿寺興福禪林。殺城山房筆塵唐時禁京

城丐者。分置病坊子諸寺以糜之。亦謂之悲田院。卽今蠟燭旛竿二寺也。順天府志蠟燭寺見西城。元袁桷清

容居士集。興福院在都城保大坊北。今無考。順天府志興福禪林。舊爲捨飯旛竿寺。在正陽門內雙碾胡同。舊聞考元稱捨飯寺。建於至元間。在明稱旛竿寺。明武宗實錄旛竿寺本永樂年建。日給光祿寺粟米三石。後府屬衛月辦柴薪萬二千五百觔。煮飯施貧民。世宗實錄嘉靖元年御史鄭本公請出錢賑濟京師凍餓窮民。戶部議朝廷舊設養濟院。窮民各有記籍。無籍者收養蠟燭旛竿二寺。舊聞考本朝康熙三十二年重建。改今名。其北爲弓弦胡同。有延禧寺。有明萬曆三十八年重修碑。兵科給事中吳某撰。及康熙二十三年重修碑。又王府大街有迎禧觀。明天順四年勅建。

註二 順天府志萬曆沈志延禧寺迎禧觀俱有敕建碑。在明照坊。案寺在弓弦胡同。據坊巷胡同集弓弦胡同隸保大坊。萬曆沈志作明照坊。其後或有改并也。案李君釋戲。宣僊居弓弦胡同。有無邊華龕。

註三 麟慶鴻雪因緣圖說。半畝園在弓弦胡同內。本賈中丞漢復宅。李笠翁客賈幕時。爲葺新園。壘石成山。引水作沼。平臺曲室。奧如曠如。乾隆初楊韓養貞外得之。又歸春馥園觀察。道光辛丑始歸于余。天咫偶聞完顏氏半畝園。在弓弦胡同內。牛排子胡同。國初爲李笠翁所創。賈膠侯中丞居之。後改爲會館。又改爲戲園。道光初麟見亭河帥得之。大爲改葺。其名遂著。純以結構曲折鋪陳古雅見長。富麗而有書卷氣。故不易得。每處專陳一物。如永保尊彝之室。專弄鼎彝。瓊環妙境。專藏書。退思齋專收古琴。拜石軒專陳怪石。供大理石屏有極精者。端硯印章纍纍。甚至榼聯亦磨石爲之。佛寮所供亦唐銅魏石。正室爲雲蔭堂。中設流雲棧。爲康對山物。乃木根天然臥榻寬長皆及丈。儼然一朵紫雲垂地。左方有趙寒山草篆流雲二字。思翁眉公皆有題字。此物本在康山阮

文達以贈見亭先生者。信鴻寶也。雲蔭堂南大池盈畝。池中水亭雙橋通之。是名流波華館。又有近光樓曝書廊。先月榭。知止軒。水木清華之館。伽藍瓶室諸名。郎潛紀開初筆見亭河帥麟慶。官中書時。亦見仙螭於微垣。且至其第。又至河南開歸道署。又再至袁浦節署。時河帥適得金尙書光第仙螭圖。尙書見仙螭集於京寓馬櫻花下而作潭溪學士有詩。徧徵題詠。以識奇緣。案河帥公輔世家。風流儒雅。政績亦卓然有聲。宜螭之遠道依依。過從尤數云。按半畝園。民國十年時。郭筱麓曾一修葺之。假以宴客。亭池尙在。陳設已虛。今又數年。無董治者。益漸頽廢矣。

註四 蕪史天壽山守備太監一員。轄十二陵。歲進松花黃連茶核桃榛栗等。各陵皆有瞭果廠在京。

註五 嘯亭續錄。誠親王府在大佛寺。順天府志。芸公第在大佛寺北。又誠親王諱允祕。爲聖祖二十四子諱曰恪。芸公爲高宗五子榮純親王諱永琪之後。析津日記。普德寺俗呼大佛寺。建置歲月無碑記可考。天咫偶聞。大佛寺前有明新建伯王國棟修永濟橋碑。言去余第數十武。有永濟橋。今寺左近實無橋。寺前地極窪。遇霖雨輒不辨路徑。光緒甲午夏至前大雨。金吾無策。至奏請改期。

註六 順天府志。嘯亭續錄。貝子宏旰宅在取燈胡同。采訪冊。森公府在取燈胡同。謹按貝子善書畫。自署瑤華道。人其宅後爲恭勤貝勒宏明所居。貝勒聖祖孫。恂勤郡王允疆之子。今輔國公載森其後人也。按此府今爲顏駿人總長所有。修葺一新矣。

註七 宸垣識略。一等果毅繼勇公第在寬街。案宏毅公額亦都及其子果毅公圖爾格皆開國勳臣也。後併爲果毅繼勇公。其賜第相傳爲明璫杜衡宅。今公寶全前任散秩大臣。坊巷胡同集昭回坊靖恭坊在北安門東。其

十四鋪。有圓恩寺。福祥寺。裘衣寺。案圓恩寺見北城。萬歷沈志云。在昭回坊。福祥寺。裘衣寺俱見後。志又有慈善寺。今圮。

按順天府志。此地附近有喇叭營。小紅廟。諸名。今俱無考。

自馬市大街路北。有那王府及右翼官署。再北爲隆福寺街。註一其當隆福寺之南者曰神路街。今改爲隆福寺前街。其東有大溝巷。鹽店大院。懋益大院。隆福寺之西曰崔府夾道。曰烏榆胡同。均不通行。曰西廊下。中有銅鐘胡同。其北曰南花園。西花園。隆福寺之東曰東廊下。曰孫家坑。順天府志作孫家頭。有觀音寺。曰轎子胡同。又東有錢滿胡同。吉祥胡同。與東四牌樓相接。不通行。又北曰錢糧胡同。註二昔有寶泉局。今爲北平市政府衛生局。畫家金鞏伯紹城居於胡同之西。其西有北花園。不通行。又北曰馬大人胡同。中間南北小胡同曰八道灣。曰扁担胡同。註三又北曰什錦胡同。今日什錦花園。註四中間南北胡同直達於鐵獅子胡同者曰南剪子巷。在南剪子巷以西之東西胡同。曰缸套胡同。順天府志稱鋼叉胡同。今名剛察胡同。其西曰南兵馬司。註五順天府志作大佛寺後。曰羊尾巴胡同。今改西揚威胡同。曰山老胡同。曰利溥營。再北爲鐵獅子胡同西頭。

在南剪子巷以東者。南北小胡同曰黃土坑。今改爲南吉祥胡同。曰細管胡同。順天府志作戲館胡同。今改爲小細管胡同。又北曰魏家胡同。又北曰汪芝蕨胡同。又北曰嘎嘎胡同。又北爲鐵獅子胡同。^{註六}海軍部在其東。清末之貴胄學堂也。稍西爲陸軍部。民國初元袁項城暫設總統府於是。民國十四年。執政府亦在於是。今爲平津衛戍總司令公署。又西爲張宗昌宅。未落成而張已他適。又西爲顧維鈞總長宅。孫中山總理終於是。今爲中山先生紀念行館。

註一 順天府志隆福寺明景泰中所建也。在崇文門北大市街之西北。今其地稱隆福寺街。明景泰三年太監興安用事。佞佛甚於王振。請帝於大興縣東大市街之西北。建大隆福寺。費數十萬。以太監尙義陳祥陳謹工部左侍郎趙榮董之。四年三月功成。寺之嚴莊與興隆並。三世佛三大士殿處二層。三層左殿藏經。右殿轉輪。中經毘盧殿至五層。乃大法堂。(春明夢餘錄大法堂石欄。乃南內翔風殿物。撤用於此。)雍正元年重修。世宗御製碑文。又明碑一。爲景泰建寺記。逢月之九十日有廟市。至今爲諸市之冠。典彙隆福寺成。車駕擇日臨幸。有司已除道。大學生濟寧楊浩上疏言。陛下即位之初。首幸太學。海內之士。聞風快覩。今乃棄儒術而崇佛。豈可垂範後世耶。儀部郎中章綸亦言以萬乘之君。臨非聖之地。史官書之。傳之萬世。實累聖德。上覽疏即日罷行。野獲編大隆福寺爲景帝所建。至撤英宗南內木石助之。未幾又從山西巡撫都御史朱鑑言。謂風水當有所避忌。乃

命閉正門不開。禁鐘鼓聲。又折寺門牌坊。所謂第一叢林者。而無救於禍難。葭園雜記京師大興隆大隆福二寺爲朝廷香火院。餘皆中官所建。藤陰雜記廟市惟東城隆福西城護國二寺。百貨具陳。目迷五色。王公亦復步行評玩。鮑西岡詩云。三市金銀氣。五侯車馬塵。足括廟市之勝。查嗣璽詩云。興隆隆福兩蒼臺。南內移來土木饒。天子不開香火院。紛紛臺省愧楊姚。天咫偶聞隆福寺在東四牌樓北隆福寺胡同。月逢九十日廟市。門殿五重。正殿石欄。猶南內翔鳳殿中物。今則日供市人之摸撫。游女之依憑。且百貨支棚。繩索午貫。皆於是乎在。斯欄亦不幸而壽矣。廟市之物。昔爲諸市之最。今皆尋常日用。無復珍奇。余少時游之。尙多舊書。古拓字畫亦夥。價直不昂。今不復見。惟寺左右唐花局中日新月異。舊止春之海棠迎春碧桃。夏之荷榴夾竹桃。秋之菊。冬之牡丹水仙香椽佛手梅花之屬。南花則山茶臘梅亦屬寥寥。近則王蘭杜鵑天竹虎刺金絲桃繡球紫薇芙蓉枇杷紅蕉佛桑茉莉夜來香珠蘭建蘭到處皆是。且各洋花名目尤繁。此亦地氣爲之乎。此外西城之護國寺。外城之土地廟。與此略等。而士大夫所尤好尙者菊也。往往家自有種。分畦養之。名目多至三百餘種。每出一新種。索價數金。好事者爭以先得爲快。其精者於苗苗之始。即能指名何種。栽接家不敢相欺。購秧自養。至秋深。更勝於栽接家。故登巨室之堂。入幽人之宅。所見無非花者。春明士夫風趣。此爲首稱。天咫偶聞內城書肆均在隆福寺。舊有三槐堂向立堂寶書堂天繪閣四家。同治中同立堂歇業。光緒中天繪閣改聚珍堂。今止此三家。三槐向多舊書。舊主亦多。近則迴不如前。而寶書聚珍二家頗能爭勝。然邇來舊書有甘非先竭之歎。價日增而益無覓處。內外城所通行者新書而已。案坊巷胡同集仁壽坊八鋪有府軍後衛隆福寺仰山寺。明一統志中城兵馬司在

仁壽坊。又有金吾右衛。萬歷沈志云。有靈境寺。坊巷胡同集云。仰山寺有前後街。今俱無考。惟隆福寺尙存。每逢九十日廟市如故。民國十九年改用陽歷。又增一二兩日。每旬有四日之廟會矣。

註二 順天府志寶泉局南作廠在錢糧胡同北。俗稱錢糧局。嗣改爲內城官醫院。今爲北平市衛生局。又帛公第在錢糧胡同。帛公爲怡賢親王長子。寧良郡王諱宏峻之後。

註三 順天府志順天學政衙門在扁擔胡同之東。嘎嘎胡同。八旗通志作賈家胡同。宸垣識略一等襄勇伯第在嘎嘎胡同。順天府志嘉慶時大學士明亮對襄勇伯。後贈三等侯。又棍公第在中剪子巷。

註四 帝京景物略成國公園有三堂。皆陰高柳老榆。左堂盤松數十株。右堂池三四畝。堂後一槐四五百歲矣。樹旁有臺。臺東有閣。榆柳夾而營之。中可以射。園曰適景。都人呼十景園。又英國公張賜第之堂。前折東入。南臨街。北臨深樹。有亭立雜樹中。海棠族而居。二石奇質。元內府國鎮也。上刻元年月。下刻元璽。臺之望古柴市也。順天府志什景園久廢。其地猶沿舊稱。張園今無考。以地近柴市。故附此。天咫偶聞什景花園一宅子。粗有林

亭。舊祀蝶仙爲位二。蝶每歲一至。必於夏日雨後開霽時。所至恆在一石上。年年不爽。蝶黃白各一。純素無華。黃者鬚端有硃。蝶不大而神采異常。每來時棲鴉皆驚起避之。祝之則集于掌上。云是明季王某夫婦同時殉難者所化也。居是宅者曾見長髯紅袍者于亭中倚檻望月。惜不傳其名字。甲申傳信錄載都指揮王國興舉火自焚。不知即其人否。然不言夫婦同命也。按什景花園本成國公適景園舊址。

註五 天咫偶聞寶文靖公。第在於南兵馬司路西。其園在路東。

註六 嘯亭續錄恭親王府貝子允禧宅。俱在鐵獅子胡同。貝子宅今爲和親王府。順天府志恭王諱常穎。世祖五子。今爲永公第。貝子允禧聖祖九子。雍正四年黜屬籍。乾隆四十三年詔復之。和王諱宏畫。世宗五子諡曰恭。今爲廉公第。又那公第在鐵獅子胡同。科爾沁親王色布騰巴爾珠爾尙高宗三女和敬公主賜第在此。那公其後人也。按今海軍部署即昔之和親王府。天咫偶聞明嘉定伯周奎第。國朝三等伯穆赫林居之。子孫不能守。惟門堂僅存。聽事後雜樹扶疏。亂石簇擁。中間似有亭址。自此以後。皆別舊之於人矣。而其門前宏敞如故。石獅二尙存。今稱博家大門。天咫偶聞吳梅村有田家鐵獅歌。疑即鐵獅子胡同。雙獅在一狹巷中。已破碎。巷口另有二石臥獅。製作極工。梅村歌有鑄就銘詞鑄日月語。今獅半埋土中。銘詞有無不可知。巷北爲志尙書和第。屋宇深邃。院落寬宏。不似士夫之居。後有土山。山上樹數圍。後牆外即順天府學。帝京景物略謂英國公園北臨柴市。疑即此地。或英國後人又鬻之田氏耳。又明成國公適景園地在今十景花園。其巷至東半改而南折。今東邊祥氏之宅。占地獨寬。或即園基也。天咫偶聞順天府學在府學胡同。元之報恩寺也。增舊園記增舊園名天春園。在安定門街東鐵獅子胡同。乃康熙間靖逆侯張勇之故宅也。當明季之世。宅爲田貴妃母家。名姬陳圓圓者曾歌舞於此。道光末年先考竹溪公由鴨兒胡同祈居後。購以萬金。因其基而修葺之。故更名增舊園云。園有八景。其正廳東向者曰停琴館。取停琴佇月之意。對面有亭曰山色四圍亭。亭之北有臺曰舒嘯臺。蓋嘗登東臯以舒嘯焉。臺之西有廳南向者曰松岫廬。廬之南有修垣焉。長三十餘丈。蒼苔掩映。薜荔纏之。曰古莓塚。垣之曲折處有石洞。上鑄有凌雲志。可以暗通前宅者曰凌雲洞。停琴館之西有曲房曰井梧秋月軒。軒之北由長

廊而斜度者曰妙香閣。乃昔年拜佛處也。此增舊園之八景也。嗚呼客歲庚子之變。聯兵入京如西苑中之萬佛樓春藕齋等悉被焚燬。其餘前朝後市富麗繁華之壘。盡變爲荒涼瓦礫之場。間嘗觀之。直莫得其髣髴。是亦大可悲矣。斯園也。以彈丸之壘。居兵燹之中。雖獲瓦全。又安能長久哉。自今以往。或屬之他人。或鞠爲茂草。或踐成衢徑。或墾作田疇。是皆不可知矣。又何敢望如昔之歌舞哉。噫嘻歲月如流。滄桑屢易。關中洛下古之名都。秦有阿房。漢有未央。唐有清華。宋有艮嶽。轉瞬之際。已盡成荒烟蔓草。一片平原。而況此叢爾之地哉。其所以流傳後世者。亦惟有紙上文章耳。文章若在。則斯園爲不朽矣。此記之所由作也。光緒二十七年歲次辛丑春三月下浣增舊園主人醴丞氏自記。

按順天府志此地附近尙有牛角胡同箭杆胡同筆管胡同諸名。今俱不見。

自大佛寺大街而北。直達於安定門者。曰安定門大街。自鐵獅子胡同而北。安定門大街以東。曰府學胡同。文文山祠在其西。註一段合肥任總理時曾居於其東。其間南北小胡同

曰中剪子巷。其旁又有小胡同曰鈴鐺胡同。曰談字胡同。其西有小胡同曰口袋胡同。劉資穎冠雄總長曾卜宅於是。府學胡同而北曰梯子胡同。曰白米倉胡同。曰桃條胡同。又

北曰細管胡同。順天府志作油確胡同。永興胡同。東西馬將軍胡同。又北曰大興縣。註中

間南北直達之胡同。在東曰北剪子巷。在西曰巴兒胡同。其東有小胡同曰箭杆胡同。大

興縣而北有花針胡同。順天府志作花枝胡同。今改作北花枝胡同。其西有吉祥胡同。不通行。其東有新安胡同。其旁有錢局。順天府志作錢局坑。又北曰香餌胡同。順天府志作香兒胡同。^{註三}又北曰土兒胡同。又北曰交道口。中間之南北小胡同。曰扁担胡同。今改爲中扁担胡同。吉兆胡同。曰明堂大院。曰澡堂子胡同。曰喇嘛大院。

^{註一}順天府志府學胡同有坊曰育賢。順天府學在焉。萬歷沈志洪武初以元太和觀地爲大興縣學。國子監爲府學。永樂中以府學爲國子監。以大興縣學爲府學。春明夢餘錄順天府學故報恩寺也。元末有僧遊湘潭募造報恩寺。尙未安像。明師下燕。戒士卒毋得入孔聖廟。僧倉皇借宣聖木主置殿中。後不敢去。遂以爲學。其地元之柴市也。明一統志北城兵馬司在教忠坊。坊巷胡同集教忠坊十鋪元殺宋文丞相於此。故名。中堂事紀至元十六年帥臣張宏範執天文祥至大都。囚之。上屢欲赦出相之。不從。十九年十二月初九戮於燕南城柴市。帝京景物略江南十義士昇公蓋葬都城小南門五里道傍。大德二年繼子陞至都順城門內。見石橋織綾人婦。公舊婢綠荷也。爲陞語劉牢子。乃歸葬廬陵。順天府志府學旁有文丞相祠。明洪武九年按察司副使劉松建。其西爲江右懷忠會館。見春明夢餘錄。今館廢。祠存。道光八年重修。光緒九年府尹周家楣重修。甲乙彙略明崇禎十七年三月戊申左都御史李邦華縊於文丞相祠。青門旅稿李邦華傳。十八日賊破外城。公移宿吉安館文信公祠下。烹賜豕祀信公。徧餉所知。詰朝內城陷。公亟奔大內。闕門閉不得入。歸館沐浴整衣冠拜

信公曰。邦華鄉邦後學。當死國難。請從先生於九泉。取白纈書贊曰。堂堂丈夫。聖賢爲徒。忠孝大節。誓死靡渝。臨危授命。庶無愧吾君恩。莫報。鑒此癡愚。繚尾書人生自古誰無死。留取丹心照汗青句。持采帛繫文信公坐楣。投纈而絕。真珠船無錫。茹文中居京師之高坡胡同。百有十歲。英皇復辟之年。召見於便殿。予冠服帶履賜宴。順天府。又命公卿造其居賀之。順天府志。今府學胡同有地名高坡。疑卽所稱之高坡胡同也。燕京訪古錄。安定門大街東。育賢坊牌樓側。舊順天府學故址。中有文天祥祠。相傳卽文天祥先生成仁處也。先生宋季忠傑。以孤軍當國難。不敵。爲元兵繫之入燕。居一古剝樓上。元人逼其下樓。勸降不可。卽於剝內就義。先生既死。於衣帶中得先生遺言曰。孔子成仁。孟子取義。惟其義盡。所以仁至。讀聖賢書。所學何事。而今而後。庶幾無愧。讀此數言。不啻自傳。先生庶幾不死矣。或曰。其地爲元朝著名刑場。柴市口之舊址也。後改爲信國祠。階石上有血痕。天雨則見。士人以是卜陰晴焉。祠門內左有丞相楹。爲當年先生所最賞者。春明夢餘錄。永樂六年。太常博士劉履節請祠祀。從之。江右士大歲時集會於此。以祀公。宣德四年。保定李庸爲府尹。重拓其祠。信國所著有日錄。吟嘯集指南錄。集林二百首。并刊板祠中。趙弼作文山傳云。公既赴義。其日大風揚沙。天地晝晦。咫尺不辨。城盡閉。自此連日陰晦。宮中皆秉燭而行。羣臣入朝。亦執炬前導。世祖問張真人而悔之。贈公特進金紫光祿大夫。太保中書平章政事。廬陵郡公。諡忠武。命王積翁書神主。灑掃柴市。設壇以祀之。丞相孛羅行初奠祀。忽狂飈旋地而起。吹沙滾石。不能啓目。俄倦其神主於雲霄中。隱隱雷鳴如怨之聲。天色愈暗。乃改前少保右丞相信國公。天俄開霽。天咫偶聞文丞相祠在府學之左。地僅數弓。祠屋一楹。相傳府學卽元之柴市。丞相成仁地也。日下舊聞

謂旁有吉安會館。恐未確。今祠旁左爲文昌祠。右爲府學。餘地無多。難容會館。且會館皆在南城。北城無會館。藤陰雜記謂在打磨廠者。理或然也。

註二 帝京景物略駙馬萬公曲水家園。新寧伯之故園也。燕不饒水與竹。而園饒之。畿輔通志曲水園在大興縣東。明駙馬萬燁建。園中有松化石。順天府志園今無考。

註三 宸垣識略一等續順公第在香兒胡同。順天府志國初沈志詳封續順公。按順天府志花枝胡同北小胡同口花梗胡同。其名甚雅。今不著。此地又有寶泉局胡同。臊達子胡同諸名。今亦不見。又今其地有吉照胡同。澡堂子胡同。喇嘛大院。明堂大院。新安胡同。吉祥胡同諸名。則又順天府志所不載者也。澡堂子胡同。或即臊達子胡同之轉音。順天府志安定門大街有關帝廟俗稱紅廟。迤南午達東直門街者曰交道口。鑲黃旗滿洲都統署在焉。其北爲漢軍都統署。又誠親王府在安定門大街東。今爲榮壽公主府。案誠王諱允祕。聖祖二十四子諱曰恪。公主恭親王長女也。元史程鉅夫傳。賜地京師安貞門以築室。案安定門元曰安貞。其地當在今城東隅。析津志靈椿坊在都府北。丹桂坊在靈椿北。坊巷胡同集靈椿坊八舖。澡水亭雜識寶十郎故居。或云在城西。或云在昌平。或云在涿州。或云在薊州。當時馮瀛王贈詩有靈椿一株老之句。今北城有靈椿坊。疑是十郎舊里。蛻庵集買屋靈椿坊詩。五槐濃綠蔭門前。東宇西房十數椽。不是衰翁買屋住。歸時留作雇船錢。萬歷沈志八蠶廟在府治東北。順天府志案廟今無考。惟府治中有劉猛將軍祠。雍正二年敕建。傳言神主蝗蝻。甲申傳信錄李姓磨房住安定門內。忘其名。賊入云我薄治產業。皆明人物也。豈有留與逆賊乎。遂集大小男

女及牲畜資財焚滅無遺。

自交道口而北曰安定門大街。其東爲北新橋大街。一註路北有警官學校。又北爲頭條胡

同。今改稱大頭條胡同。又北爲二條胡同。今改稱大二條胡同。又北爲大小三條胡同。二註

中間南北小胡同曰梁家灣。曰范家大院。三註其在東者曰引鳳胡同。曰針鼻胡同。曰針尖

胡同。曰扁担胡同。今改稱北扁担胡同。再北曰方家胡同。四註再北曰成賢街。先師廟。五註國

子監在焉。六註中間小胡同曰公益巷。其在西者曰沙廠胡同。不通行。國子監以西曰箭樓。

南北直達者曰慈悲胡同。東西達於安定門大街者曰大格巷。順天府志作大溝巷。俗亦

稱打狗巷。曰極樂寺。七註曰前蕭家胡同。後蕭家胡同。在箭廠之北者曰牛角灣。五道營。小

二條。國子監以東曰磚兒胡同。曰官書院。曰湯家胡同。曰國學胡同。與五道營連接。再北

卽爲安定門東城根。

註一 順天府志東直門大街有關帝廟。俗稱白廟。舊聞考慈壽寺古刹也。在安定門新橋路北。初名開元。傳

云創自唐開元。宋元以來屢次修治。明宣德初再造。天順四年僧定慧請名。敕改惠明。有天順四年敕賜惠明寺

碑。趙昂撰。又有正統十年開元寺興造碑記。國子司業趙琬撰。乾隆元年敕修。改名慈壽寺。寺東有寶公寺。又東

爲東樂王廟。有明萬歷年間碑。又安定門街東有極樂寺。元至元間建。明嘉靖辛酉重修。行人司尹校撰碑。順天府志西直門外高梁橋西亦有極樂寺。通志亦稱元至元年建。是有兩極樂寺矣。宸垣識略和親王府在北新橋南。一等昭毅伯第在白廟前。順天府志和王府據嘯亭續錄云在鐵獅子胡同。巴都禮封昭毅伯。順天時報東直門內北新橋某廟有井。中鎖一龍。約以橋舊釋出。因名橋曰北新。取永年不舊之意。

註二 坊巷胡同集崇教坊十四舖有天聖寺淨居寺極樂寺崇興庵。順天府志天聖寺在小三條胡同。

註三 天咫偶聞交道口頭條胡同有地名范家大院。考其地爲范文肅公文程故居。開國元勳。功在社稷。子孫簪纓接武。今零替矣。公爲宋范文正公後裔。功名亦相似。聞其家向不用僧道。鑲黃旗漢軍世家頗有被其化者。至今守之。

註四 嘯亭續錄循郡王府在方家胡同。順天府志王諱永瑋。高宗三子。追封。今其後人鎮國公載遷居之。

天咫偶聞壁星泉制府昌居方家胡同。公常從軍西域。知兵最深。著有兵武見聞錄。皆布帛菽粟之言。咸豐初元奉詔進呈。又守邊輯要枚令要訣二書。亦皆有用之言也。順天府志八旗官學在八旗分地隸國子監。又欽賜學舍在國子監南方家胡同。雍正九年祭酒孫嘉淦奏准國子監門外方家胡同官房一所。舊有三百餘間。今存一百四十三間。與國子監相去數武。懇恩賞給國子監衙門。大門南嚮。額曰欽賜學舍。計一百九十間。分公所六堂。因在署南。亦稱南學。以衙署爲北學。中爲公所。東爲率性修道廣業。西爲誠心正義崇志。分門出入。又文公祠在國子監之東北隅。

註五 順天府志東西有坊曰成賢坊。文廟國子監在焉。俗稱國子監胡同。街南爲南學。雍正九年增建。又先師廟在安定門內太學左。南嚮。街門西爲持敬門。西嚮。大成門崇基石欄。前後三出陛。門左右列戟二十有四。石鼓十。右石鼓音訓碣一。左右各一門。門內東西列舍北嚮。大成殿崇基石欄三出陛。兩廡東西嚮。殿東西列舍南嚮。西廡南燎爐一。西北壓坎一。甬道左右御碑亭。大成門外東爲神廚宰牲亭。井亭各一。西爲神庫致齋所更衣亭。每科進士題名碑分列左右。元初廟燬於兵。王樞請以金樞密院地創之。於是置學南城并立廟。世祖至元二十四年遷都北城。以南城國子監爲大都路廟學。延議另建。久而未成。大德六年初建。十年廟成。明永樂九年依舊地重建。嘉靖九年改大成殿爲先師廟。大成門爲廟門。萬歷二十八年易琉璃瓦。國朝順治八年重修。乾隆二年改用黃瓦。三十二年重修。有高宗純皇帝御製碑文。殿中南嚮。安設至聖先師孔子神位。東旁西嚮復聖顏子述聖子思子位。西旁東嚮宗聖曾子亞聖孟子位。次東西嚮先賢閔子損冉子雍端木子賜仲子由卜子商有子若位。次西東嚮先賢冉子耕宰子予冉子求言子偃顓孫子師朱子熹位。東廡祀先賢公孫僑林放原憲南宮适商瞿漆雕開司馬耕梁鱸冉儒伯虔冉季漆雕徒父漆雕哆公西赤任不齊公良孺公肩定鄒單罕父黑榮蒯左人鄆鄭國原元廉潔叔仲會公西輿如邾巽陳元琴張步叔乘秦非顏噲顏何縣竄牧皮樂正克萬章周敦頤程灝邵雍先儒公羊高伏勝毛亨孔安國后蒼許慎鄭康成范寧陸贄范仲淹歐陽修司馬光謝良佐羅從彥李綱張栻陸九淵陳淳真德秀何基文天祥趙復金履祥陳澧方孝儒薛瑄胡居仁羅欽順呂柟劉宗周孫奇逢張履祥陸隴其張伯行。西廡祀先賢遠瓊濬臺臧明必不齊公冶長公皙哀高柴樊須商澤巫馬施顏辛曹卹公孫龍

秦商顏高壤駟赤石作蜀公夏首后處奚容蒧祖句并疆秦祖縣成公孫句茲燕飯樂欵狄黑孔忠公西蒧顏之僕施之常申根左邱明秦冉公明儀公都子公孫丑張載程頤先儒穀梁赤高堂生董仲舒劉德毛萇杜子春諸葛亮王通韓愈胡瑗韓琦楊時尹焞胡安國李侗呂祖謙袁燾黃榦輔廣蔡沈魏了翁王柏陸秀夫許衡曹端陳獻章蔡清王守仁呂坤黃道周陸世儀湯斌。崇聖祠在大成殿後。本名啓聖祠。明嘉靖九年建。國朝雍正元年加封先師五代並爲王爵。奉敕易名。正中南嚮肇聖王木金父。裕聖王祈父公。詔聖王防叔公。昌聖王伯夏公。啓聖王叔梁公。東旁西嚮先賢孔氏孟皮。顏氏無繇。孔氏鯉位。西旁東嚮先賢曾子皙。孟孫氏激位。東廡祀先儒周氏輔成。程氏瑀。蔡氏元定。西廡祀先儒張氏迪。朱氏松。乾隆三年易蓋琉璃瓦。三十二年重修土地祠在崇聖祠後。三朝野紀明天啓七年秋祭文廟。有旨遣寧國公魏良卿行禮。舊例必遣輔臣。至是因禮部尙書來宗道獻諛。題良卿往祭之頃。大風暴起。殿上燈燭盡滅。良卿驚悸伏地。久之始能出言。說者謂先聖有靈。不享非類之祀如此。燕京訪古錄國子監大成殿前階下。有古槐一株。一枝下垂向地。皇帝臨雍。不扶自上。人謂爲孔子筆架。郎潛紀聞初筆康熙朝以朱子昌明聖學。有益斯文。命禮臣升躋神位十哲之次。乾隆二年徐文定公元夢奏請以有子升堂配享。且以宰我再求一因短喪有不仁之責。一因聚斂有非徒之斥。謂宜移祀兩廡。其舊在兩廡之南宮。適不齊。俱以君子見稱於孔子。亦宜并予升配。疏下大學士九卿議。以有子升配子夏之下。移祀朱子於子張之下。餘悉仍舊。天咫偶聞國學在安定門成賢街。因明之舊。東爲聖廟。乾隆二年易黃瓦。又仿曲阜廟例。頒彝器十種。祭則共陳一案。案上懸樽函足。五器有欵。五器無欵。無欵者尤精。蒼翠欲滴。康熙中升配十二。

哲。陸續入祀者若干人。而本朝居其四。可云盛矣。大成門內列陳倉石鼓。門外列乾隆御製十鼓。元明及國朝進士題名碑林立。檜柏皆逾十圍。翠蓋撐空。蒼苔繡徑。庭階肅穆。風日幽閑。每一瞻仰。令人興敬止之思。信詩禮之宮牆。道德之淵囿也。辟雍亭在國子監彝倫堂下。壁水環周。簷楹壯麗。虹梁四達。碧坊高竦。按前清末年升孔子爲大祀。議增廟制。未及興作。附祀諸賢增入顏習齋李二曲二先生。革命以後。祭祀尙存。民國十七年後。遂漸廢弛。惟仍以國歷八月二十七日爲先聖生日。學校停課。尙稍存尊孔之微意。

註六 帝京景物略都城東北隅坊曰崇教。街曰成賢。國子監在焉。國初本北平府學。永樂二年改國子監。左廟右學。規制大備。彝倫堂之松。元許衡手植也。明宣宗實錄宣德四年四月國子監請以監之東金吾等三衛草場二所。爲諸生齋房舍。其地給木監種蔬。以供會饌。從之。明太學志櫺星門前舊有小巷。橫溝積穢。乃買劉福姚浩等地。東西闊七丈五尺。深入四丈。高築屏牆。又學舍之制。外東號在廟左。大東號在北居賢坊。賽百萬倉西門街。新南號在北城二條胡同東口。小北號在居賢坊胡同。交趾號在監南。西號在成賢街西北。去監五十步。舊雲間寺址也。長安客話國初高麗遣金壽四人來入太學。洪武四年壽登進士歸國。其後各國及土官亦皆遣子入監。監前別造房百間居之。名王子書房。明一統志崇文閣在國子監。元建。吳澄撰碑。今彝倫堂是也。查浦輯聞虞文靖謂許文正歿後。國子監始立官府。刻印章。蓋文正爲祭酒時。尙在舊學。所謂王宣撫宅也。今國學彝倫堂前樹。傳是文正手植。殆未必然。順天府志元初以金樞密院爲聖廟。至元二十四年既遷都燕京。乃改爲大都路學。而立國子監於城東。即今學也。事見元史王穉傳。又國子監在安定門內文廟西。元至元二十四年

設國子監。大德十年營國子監於文宣廟西。皇慶二年建崇文閣於國子監。明洪武間改爲北平郡學。至永樂仍爲國子學。又改爲國子監。彝倫堂卽元之崇文閣也。國朝因之。街曰成賢街。門曰集賢門。堂曰彝倫堂。聖祖仁皇帝御書。進士釋褐行禮於此。堂外露台爲入監諸生釋褐升拜之所。堂前東南房間爲暖閣。臨雍日於此更衣。用膳。後堂三間。左右東西講堂各三間。南嚮。西講堂外古槐一株。元許衡手植。幹不朽。乾隆十六年古槐重榮。東講堂之東轉西南廊房三間。屬於東序。西亦如之。東序近北爲繩愆廳。其南舊爲鼓房。次率性誠心崇志三堂。助教學正學錄蒞之。西序近北爲博士廳。與繩愆廳相對。其南舊爲鐘房。次修道正義廣業三堂。亦助教學正學錄蒞之。彝倫堂後堂之北中爲敬一亭。南嚮。繚以周垣。前爲門。題曰敬一之門。門東爲東廂。祭酒司業治事蒞焉。後軒曰敬思堂。東曰崇實。西曰振雅。署之東北隅建御書樓。敬一亭西爲射圃。大門外隙地平敞。設箭亭。大學門內葺倫堂之南爲辟雍。乾隆四十八年建。南嚮。池環如壁。徑十九丈深一丈。四達以橋。橋各長四丈。闊各二丈二尺。周池護以石欄。池岸設甃水龍口四以達水。水由大學門外東西井及六堂後檐外東西井暗溝分注之。池內爲殿。基方十一丈一尺。白石甃之以起殿。殿頂圓。冠以火珠。宇方檐重。覆黃琉璃瓦。殿方五丈三尺。面各三間。中央一間方一丈一尺。四正四間闊如之。深一丈六尺。四隅四間方如之。九間合爲一間。四面啓門。門四扉。左右窗各四。外周以廊。深六尺八寸。柱高一丈六尺。徑一尺八寸。廊外出檐四尺三寸。柱高一丈八尺八寸。方一尺。四出陛。舊聞考殿門外設琉璃坊座。南面額曰圓橋教澤。北面額曰學海節觀。御碑亭二。恭勒新建辟雍園水工成碑記。碑陰恭勒御製三老五更說。皆左清文右漢文。又御製題三老五更議。彝倫堂後爲敬一亭。恭勒康熙四十一年

御製訓飭士子碑。並御書四碑。一曰功存河洛。一曰嵩高峻極。一曰靈濟安瀾。一曰昌明仁義。外又有明嘉靖敬一箴碑。及宋儒范氏心箴。程子視聽言動箴各一。最後爲御書樓。內尊藏聖祖御製文集。世宗御製文集板。又乾隆御纂諸經並十三經二十二史各板本皆貯焉。又有蘭亭記樂教論。明王同祖及本朝謝履忠丁香花詩。石刻彝倫堂後穿堂內祭酒司業題名碑四。後堂恭懸上諭一道。又老彭觀井石刻一。東有崇實振雅二軒。記石刻。康熙五十七年祭酒李周望撰。穿堂內古文孝經。石刻二。又國子監署有明洪武學制五朝上諭。正統新建大學及廟學全圖四碑。皆摧蝕不可讀。會典兼管國子監事大臣無定員。祭酒滿漢各一。司業滿漢蒙古各一。掌成均之法以教國子及俊選之士。監丞掌學規以督教課。糾勤惰。均廩餼。博士掌闡明經說以助啓迪。典簿掌簿書以及文移之出入。均滿漢各一。典簿漢一人。掌經史以備諸生誦習。率性修道誠心正義四堂。漢助教學正各一。崇志廣業二堂。漢助教學錄各一。掌教直省俊選之士。雍正六年俄羅斯國遣陪臣子弟魯哈佛多德宜。曉喀喇西本米海拉等觀光國學。特命即舊會同館設俄羅斯館教之。典故紀聞景泰間御史程敬言國子監爲天下學校之首。偏在京城東北隅。請敕工部遷於東長安街之南。改創基圖。革胡元之舊址。增輝丹雘。立當代之新規。時議者以水旱相仍。役非其時。遂不果行。郎潛紀聞初筆每科臚唱後。新進士齊赴國子監釋奠。禮竣。大司成置酒堂東偏。各獻酬三爵。以堂中爲御駕臨幸地。故避就東偏也。郎潛紀聞初筆國子監彝倫堂西舊有古槐一本。爲元臣許衡手植。閱五百餘年。雨蝕霜侵。久成枯幹。乾隆辛未恭遇憲皇后六旬萬壽。靈物效祉。枯朽發祥。振葉鼓柯。踰歲益茂。蓋聖孝之格被神矣。當時詞臣文士咸有賦頌。嘯亭雜錄漢靈帝時立五經石碑於白虎觀。

蔡謩等爲之校勘。其碑經魏晉之亂。盡皆湮沒。唐開成中刻九經文於國學。至今傳千餘年。字皆漫漶失真。又間有明人補刊者。字體惡劣。實無足觀。雍正中有生員蔣衡字湘帆者。善書法。立志書十三經。十餘年乃成。於乾隆初上之。特賜國子監學正。藏其書於大內。乾隆庚戌上念衡寫經之功。未忍磨滅。乃命刊其書於太學中。乙卯春告成。筆力蒼勁。燦然兩廡間。士大夫過者。無不摩挲賞鑑焉。天恩偶聞國子監石刻。舊有蘭亭樂毅座位四百字丁香花詩。而蘭亭最有名。國初人皆有題跋。其石已佚。余舊識門斗張姓者。以拓碑爲業。嘗情其請拓石鼓。而蘭亭樂毅闕如也。一日春雪初霽。觀齋中所存舊刻。忽思訪國學蘭亭。亟走國子監。欲與張共事搜訪。甫入門。丁之響。清越異常。推戶視之。橫石一方。古光可鑑。則蘭亭也。余曰石固無恙乎。張曰前數日從敬一亭土中搜得石數塊。則蘭亭樂毅座位三帖。座位已闕。樂毅亦漫。惟蘭亭完好。出其拓本視之。與舊拓無大異。而石之大小亦與二帖不同。始知此殆宋刻。彼則元鑄耳。嗟乎數石沈埋殆百餘年矣。鑿家無復問者。鄙人適發鉤沈之想。石即應念而來。未可謂非翰墨緣也。天恩偶聞國學許文正柏。前人皆有詩。然元初國學非今之地。此因元史而誤。蓋未可信。廣雅堂詩有國子監拜熙文貞王文敏兩公祠。遂觀石鼓詩句云。人紀未淪文未喪。歸然十鼓兩司成。匏庵詩存有詠太學再生槐詩。註有刊壁圖及純廟御製詩。庚子聯軍入京。日本軍帥首先謁聖。並派兵守護。成均故物。賴以保存。而民國初建。東省軍隊。乃有議斫鬻孔林樹木者。可慨也。大清會典事例凡視學之禮。豫期行取衍聖公五經博士至聖裔五人。元聖周公裔四配十二哲裔各二人。乘傳赴京。暨各氏子孫列官於朝者。各官學師生。直省在京之進士舉人貢監生咸與觀禮。至日。皇帝禮服乘輿詣學。祭酒司業率所屬跪迎於成。

賢街道右聖。駕至廟門外降輿入詣大成殿釋奠於先師孔子禮畢出大成門更袞服至門外乘輿由太學中門入至彝倫堂降輿御講幄升座執事官舉御案至御座前滿漢祭酒以次講四子書司業講經亦如之講畢鳴贊宣制宣訖賜王公大臣茶跪受坐領禮成駕輿升輿出太學門還宮次日衍聖公暨祭酒司業各率所屬具表謝恩皇帝御中和殿行禮畢御太和殿行禮賜茶賜坐並賜衍聖公及各官燕越三日頒勅於太學案劄諸生宸垣誠略三等忠勤伯第在國子監成賢街順天府志乾隆時大學士陝甘總督黃廷桂封忠勤伯諡文襄今伯永安官散秩大臣。

註七 萬歷沈志極樂寺有勅建碑在崇教坊北又有天仙庵今無考。

自東四牌樓而北爲東四大街其東爲朝陽門大街註西頭路北有延福宮其西曰驢蹄胡同其東曰康熙橋又東爲北小街註有孚王府前年售諸楊字寔今爲女子大學其西爲怡王府又西曰鞭杆胡同曰鞭稍胡同又西曰頭條胡同曰二條胡同郭筱麓之鬻園在焉註又北曰三條胡同路北有海公府又北曰四條胡同註其中有小胡同曰橫胡同又北曰五條胡同註中間南北小胡同在西曰西水車胡同在東曰東水車胡同又北曰六條胡同註中間東西小胡同曰鐵匠營曰甜井沿南北小胡同在西者曰膾膾肘曰月牙胡同其西曰西月牙胡同在東者曰流水溝曰後坑又西曰班大人胡同註其間不通

行之小胡同曰湯黃大院。曰孫家坑。曰牛圈。曰寶慶寺。曰牛犄角。曰水月寺。自六條胡同

而北曰七條胡同。註八曰八條胡同。註九曰九條胡同。註十吉公府在路北。其東有觀音庵。中

間南北胡同。曰板橋胡同。曰娘娘廟胡同。曰八寶胡同。曰石橋。曰黃姑院。註十一其西有積

房胡同。不通行。又北曰十條胡同。註十二其東有五嶽廟。曰十一條胡同。曰十二條胡同。註十三

其東曰老君堂胡同。註十四又北曰新市胡同。亦稱辛寺胡同。其東曰門樓胡同。又北曰

汪家胡同。註十五其東曰慧照寺胡同。註十六又北曰船板胡同。肅王府在北。其東曰五顯廟

胡同。又北曰石雀胡同。其東曰瓦岔胡同。註十七中間南北直達之胡同。在西者曰財神廟。

其西小胡同曰駱駝胡同。曰板橋胡同。在東者曰新太倉。其西小胡同曰四眼井。曰八寶

坑。曰西倉門。曰石板房。曰九道灣。順天府志作九條灣。其東曰羅車坑。曰裕漣坑。又東曰

溝沿。曰井兒胡同。曰小菊兒胡同。又東即北小街。石雀胡同瓦岔胡同之北。為東直門大

街

註一順天府志朝陽門俗沿元稱曰齊化門。大慈延福宮在北。俗稱三官廟。又大慈延福宮在齊化門大街

北。明成化十七年敕建奉天地水府三元之神。有明成化御製碑。(按碑稱經始於成化辛丑。越明年而落成。)

又正德十一年封延福宮住持嚴大容真人制碑。又嘉靖四年重修碑。徐階撰。順治初聚滿漢子弟教學於斯。十年國子監祭酒單若魯勸碑紀之。乾隆三十六年奉勅重修。一稱三官神廟。有御製碑文。析津志車市在齊化門。順天府志案市今尙存。元一統志太廟在齊化門北。元祭祀志門外馳道抵齊化門之通衢。日下舊聞無量庵在太廟西。昔之寅賓里。當在今之思城坊也。元田忠良傅少府爲諸王昌迪建宅於太廟南。忠良往仆其柱。少府奏之。帝問忠良對曰。太廟前豈諸王建宅所耶。帝曰。卿言是也。元文宗紀天歷元年九月帝出齊化門。又列傳明兵入京師。大將召丁好禮不肯行。昇至齊化門。抗詞不屈而死。天間閣集王氏。市人吳信妻。信世居齊化門東偏。貨繒物張市。崇禎甲申賊至。縛信拷掠。王自經。賊釋信救之活。迫汚之。王氏切齒賊舌。舌斷。賊昏亂刺王裂腹死。羣賊至。賊狂叫噴血。問之。指願不能言。羣賊以爲信家有異也。棄去。信以是活。家且全焉。萬歷沈志大慈延福宮延壽觀。均在思城坊。有勅建碑。順天府志案觀今無考。湛然居士集遼重熙清寧間。築義井。精舍於開陽門之郭。傍有古井。清涼滑甘。因以名焉。金天德二年展築京城。仍開陽之名。爲其里。大定中僧善祖營寺。朝廷嘉之。賜額大覺。舊聞考寺額久廢。據析津志寺在思城坊洞陽觀前。今大覺寺既廢。義井亦不能確指其處矣。燕京訪古錄齊化門水關南二神廟。湖同東口外。偏南東城牆上。鎮連脊小廟三座。高二尺。長一尺五寸。春樑。樑長一尺二寸。此廟係白石修成。春樑鑿成圓形。與大廟無異。分闔爲三。中祀天皇伏羲氏。紅髮紅鬚。體紅面赤。身着紅圓樹葉。雙手合抱太極圖。左祀地皇神農氏。淺青身面。頭盤雙髻。身着綠長樹葉。右祀人皇軒轅氏。白面黑鬚。黃袍龍冠。三皇皆坐像。皆範銅而成。高六寸。石柱旁刻大明永樂三年修。牆下有二石碣。

均刻入身穴道。俗呼之曰一步三座廟。又齊化門城內之白玉石。曰將軍石。高二尺。方三尺。相傳與通州塔巖平。齊化門內對延福宮。有井一。傳云。此井分甘苦二味。甘者味甚清冽。苦者澁苦難食。故曰一井二水。

註二 順天府志朝陽門北小街舊有雲南會館。今廢。嘯亭續錄怡親王新府在朝陽門內北小街。順天府志樹貝勒府在北小街。案怡府今廢。貝勒爲宣宗孫孚敬郡王諱奕譞之子。舊爲誠貝勒允祁府。天恩偶聞愖親王邸在齊化門斜街。

註三 宸垣識略協辦大學士吏部尙書一等嘉勇公第在二條胡同。順天府志案乾隆時福康安封嘉勇公後晉忠銳嘉勇貝子。贈郡王。諡文襄。天恩偶聞松文清公筠第在二條胡同。今子孫仍居之。嘗聞其聽事中有巨椅一。公遺物也。人不敢坐。坐者往往致疾。案今二條胡同顏韻伯之宅。爲福康安大將軍家祠。郭小麓之宅爲福大將軍故宅。故小麓贈韻伯詩有故家祠第共分居之句。

註四 順天府志寶泉局東作廠在四條胡同。一統志寶泉局舊在東四牌樓街北。仍明舊址。別設四廠。建爐鼓鑄。會典侍郎滿漢各一員。以總之。滿漢司員各一員爲監督。其下有大使五員。四作廠。一在東四牌樓四條胡同。爲東作廠。一在錢糧胡同。爲南作廠。一在鑼鼓巷千佛寺胡同。爲西作廠。一在北新橋三條胡同。爲北作廠。俱隸戶部。春明夢餘錄國初錢法專屬工部寶源局。自天啓二年始設戶部錢局。以右侍郎督理之。名錢法堂。加爐製造。以濟軍興。

註五 順天府志麟公第在五條胡同。案公爲饒餘敏親王次子。溫良貝子博和託之後。舊聞考五條胡同有

水月寺舊碑剝落。惟篆額水月庵三字可辨。案前總督徐東海公宅在五條胡同。

註六 順天府志六條胡同有日本國使館。又元公第在六條胡同。案公爲聖祖三子誠隱郡王諱允祉之後。

宸垣識略與三等勇信公第在六條胡同。順天府志案雍正時振武將軍靖邊大將軍傅爾丹襲信勇公。其曾祖直義公費英東封爵也。今公定昌官散秩大臣。

註七 宸垣識略一等誠勇公第在六條胡同。順天府志案乾隆間定北將軍班第封誠勇公居此故名。天咫偶聞裕魯山制府第在班大人胡同。制府官江南有政聲。晚節殉難甚烈。今其子孫尙承襲世職。此巷本義烈公班第所居。公之祖也。

註八 順天府志燦公第在七條胡同。公爲聖祖十五子愉恪郡王諱允禔之後。宸垣識略一等超勇公第在七條胡同。案乾隆時領侍衛內大臣海蘭察封超勇公。諡武壯。

註九 順天府志八條胡同有承恩寺正覺寺。又正覺寺在崇文門北東四牌樓八條胡同。寺爲明正統十年建。有敕建碑。又相近有大覺寺。久廢。耶律楚材大覺寺碑。遼重熙清寧間。築義井。鑄合於開陽門之郭。傍有古井。清涼滑甘。因以名焉。金天德三年展築京城。仍開陽之名爲其里。大定中僧善祖營寺。朝廷嘉之。賜額大覺。貞祐初。天兵南伐。兵火之餘。寺舍悉爲居民有之。戊子春。宣差劉從立與其僚佐高從遇。請與公和尚爲國焚修。因草元爲禪。與公營常住之所有。續換僚舍瑞像。殿之前。無垢淨光佛舍利塔在焉。幾仆。提控李德至是。施財完葺。繼有提控管元者。施蔬圃一區于寺之內。以給衆用。庚寅冬。劉公以狀聞朝廷。請以招提院所貯餘經一藏遷於

本寺安置。許之。于是創建壁藏斗帳龍龕一週凡二十架。飾之以金。繡之以彩。計所費之彩白金百笏。既成。請湛然居士爲記。又承恩寺明太監馮保奉敕建也。亦在東四牌樓北八條胡同。司禮監太監馮保買地於都城巽隅居賢坊故太監王成住宅特建梵刹。外爲山門天王殿左右鐘鼓。中爲大雄寶殿兩廡爲伽藍祖師殿。後爲大士殿。左右庫房禪室方丈香積僧房凡九十五。寺成。官僧人志善爲僧錄司左善世以住持之。而賜名曰承恩。工始於萬曆甲戌。告成於乙亥。

註十 順天府志案王彥泓疑兩集省蕭疏客從纔三騎。曲折胡同到九條之句。蓋明時北里也。又謨貝子府在九條胡同。案貝子以端慧親王支子推封。宸垣識略雙一等昭信伯第在九條胡同。順天府志乾隆時大學士李侍堯襲昭信伯。其祖李永芳封爵也。

註十一 順天府志王姑園胡同亦作皇姑院。舊聞考聖姑寺見坊巷胡同集。今北小街有胡同名王姑園。或卽其地歟。案今作黃姑院。

註十二 順天府志十條胡同舊有五嶽庵。明宣德元年建。內供玉纒五嶽真形圖。故名。

註十三 順天府志舊志觀音寺在南居賢坊。案今名廣慈。又廣慈寺與慧照寺相近。本名觀音寺。明天順三年重建。有明敕賜觀音寺碑。乾隆元年奉敕重修。改今名。

註十四 坊巷胡同集南居賢坊有老君堂。云卽洞陽觀舊址也。元時觀前有義井。

註十五 藤陰雜記。汪文端由敦第在東城十三條胡同。今名汪家胡同。有齋齋宣勤六典持衡賜額。天咫偶

開汪文端公由敦第在十三條胡同。今名汪家胡同。其宅未知所在。或云今廷侯所居是也。

註十六 萬歷沈志慧照寺有勅建碑。順天府志案寺碑言成化間僧庭佑得永寧伯譚氏故宅。闢爲焚修之所。

註十七 順天府志瓦岔胡同俗作叉。有福安寺。舊聞考福安寺始於元至正間。厥後惟存大殿一區。明永樂中始構精舍數楹。宣德七年興修。至正統癸亥落成。奏賜今額。有碑一。明正統八年左通政陳恭撰。

案順天府志此地附近尙有石槽胡同東廠胡同後泥窪半道胡同太廟胡同太廟後身小局胡同羅刹坑諸名。今俱不見。

自北新橋以東。東直門大街而北。南北小胡同。爲金太監胡同。註一又北曰簾稍胡同。今亦

作簾簪胡同。註二其東曰駱駝臚胡同。註三又東曰草廠同胡。簾稍胡同之北曰報恩寺胡同。

註四又北曰王六人胡同。註五其東曰趙公府。其間南北相連者曰禮房胡同。又東曰醬房胡

同。又北曰觀音寺胡同。註六又北曰王大人坑胡同。今改稱北新開路。其西曰鞋舖胡同。其

東曰前永康胡同。又北曰永康胡同。亦作雍康胡同。張定武勳上將軍復辟失敗後。居於

是。又北曰礮局胡同。註七其間小胡同曰口袋胡同。曰三十間房。曰鞭稍胡同。曰達子營。曰

煤舖胡同。曰小椿樹胡同。曰礮局頭條。陸軍監獄在焉。曰礮局二條。曰礮局三條。王大人

胡同之北曰戲樓胡同。又北爲雍和宮（已見第一編）其東曰太保街。曰東花園。曰刺麻印務處。又東曰柏林寺。註八曰銅場。順天府志作銅廠。註九又北爲安定門東城根。有土地廟。

註一順天府志金太監寺寺今廢。其他猶仍舊名。坊巷胡同集北居賢坊五牌三十八鋪。有濟陽衛大寧衛

燕山右衛義勇左衛北新倉大軍倉五岳觀圓寧觀報恩寺柏林寺金太監寺。順天府志案諸衛今無考。燕山

右衛明一統志云在思誠坊。大寧衛義勇左衛一統志無之。蓋置自天順後也。大軍倉疑卽海運倉北新倉。按

今僅作金太監胡同。

註二順天府志鼓手胡同亦作鼓哨。俗訛作種籍。宸垣識略三等義烈公第在鼓手胡同。順天府志案乾

隆時靖逆將軍尙書那木札爾追封義烈公。今公德鑑前官副都統散秩大臣。

註三順天府志駱駝脖胡同或作背。按今作膊。

註四舊聞考報恩寺有明成化二年碑。修撰嚴安禮撰。寺內有井。元翰林侍制黃昇殉節所也。洪武八年八月

天兵定燕都。危學士素走報恩寺俯身入井。僧大梓挽出之。謂曰國史非公莫知。公死。是死國之史也。危由是不

死。翰林侍制黃殷士昇投居賢坊井中。從人張午負以出口。君小臣而死社稷耶。黃曰齊太史兄弟皆死小官。彼

何人哉。午使家人環守。至日晨。會大將軍徐達下令勝國之臣俱輸告身。黃給午取告身。午出。還求勿得。率往視

井。則黃已死。午買棺以斂。且營葬焉。

註五嘯亭續錄理郡王府在王大人胡同。順天府志梁公第在王大人胡同。案王諱宏鵬。聖祖孫廢太子理

密親王允初次子。諡曰恪。密王舊府在德勝門外鄭家莊。俗稱平西府。王得罪後。長子宏哲降。襲郡王。晉親王。仍居鄭家莊。乾隆四年。黜屬籍。以宏暉紹封。今爲豐公第。輔國公奕梁。淳度親王之後。舊府在玉河橋西。同治初遷此。按其地今有趙公府。

註六 順天府志。觀音寺。胡同寺。有石觀音像。明天順間。改名靈藏。乾隆間。敕改廣慈。

註七 會典事例。礮局在安定門條兒胡同。局收貯礮位及軍器。今皆貯廢礮。

註八 舊聞考。柏林寺。元剝也。在安定門內。國子監東。寺建於元至正七年。有殘經幢字。泐在佛閣西。明正統十二年。重建有碑。祭酒李時勉撰。其地傳近雍和宮。其寺西爲行宮。康熙五十二年。奉勅修。寺正殿內。聖祖御書萬古柏林四字。乾隆二十三年。重修。有御製碑二。一國書。一正書。天咫偶聞。柏林寺在雍和宮之東。亦巨剝也。相傳寺僧某道行高潔。世宗居潛邸。嘗往來。曾預示龍飛之讖。今寺西有行宮。梵宮余齋詩註。道藏板由柏林寺移自雲觀中。柏林寺在內城極東北隅。方丈昌雲。爲蜀嘉定人。燕京訪古錄。柏林寺有二。建築極古。一在城內。一在城外。相傳昔時北京城未建之先。寺已先建。故有先有柏林寺。後有北京城之諺語。

註九 天咫偶聞。鑲黃旗礮廠在城東北隅。卽所謂紅夷大礮者。其巨者有大將軍之號。按礮製本始於金元。至明而精。及國朝入關。得其製。又得明代司礮之軍。乃立八漢礮隊。以配八旗。故至今礮隊猶聚族居此。或云其先本亦由金元入明者也。又羊館胡同有前代廢銅廠。其鍛灰積過七八丈。裊延甚遠。歲久。以石風雨剝蝕。頗且巖嶮之致。坡陀迤邐。且起且伏。令觀者駭愕嶮崎之致。疑從天外飛來。每春。咄浮烟。秋林落葉。登茲遐眺。所

見自遠而城堞參差。正堪平視。屋宇遠近。都在指顧。西則宮闕重重。山嵐巖嶷。萬歲景山皆在禁中。我輩送日惟此而已。城隅隙地。半多野水。履親王邸山池。即因水爲之。今樓榭不存。而水局如故。數株楊柳。低欲拂波。其北有俄羅斯館。水所周也。閒嘗小步其間。景物全非。烟水自妙。留連久之。

按順天府志有頭條二條三條四條五條六條七條胡同。今其地僅有頭二三條之名。四條五條六條七條胡同均不見。又志載其地尙有賢孝牌後井兒胡同諸名。今亦不見。又鞭槽胡同三十間房口袋胡同達子營十八獄大卷子胡同新開路鞋舖胡同醬房胡同煤舖胡同諸名。俱爲順天府志所不載。

自朝陽門大街中間南北直達之街曰北小街。在北小街以東朝陽門大街以北曰燒酒胡同。註一曰弓箭營。順天府志作弓匠營。曰吉兆胡同。順天府志作雞爪胡同。段執政府在是。曰寶玉胡同。曰新開路。曰前井。曰後井。又東爲五爺府。爲空府大院。府之東曰羅家大院。曰府夾道。曰煤舖胡同。曰花園。又東曰豆瓣胡同。其南曰後石道。曰釣魚臺。又東曰南豆芽菜胡同。

註一 順天府志永豐禪林明太監阮通時奉勅建也。在燒酒胡同。舊聞考本名永豐觀。景泰五年太監阮通時奉勅建。明碑二。一成化年戶部尙書薛遠撰。一正德六年重修。禮部侍郎李遜學撰。宸垣譜略恆親王府在燒酒胡同。嘯亭續錄貝勒宏昌宅賴布宅俱在燒酒胡同。又悼親王府在燒酒胡同。案恆王諱允祺。聖祖五子。諱

二曰溫。宏昌聖祖孫。怡賢親王之子。乾隆間封貝勒。後以罪黜。復封悼王。諱綿愷。仁宗三子。諡曰恪。無嗣。宣宗以五子繼之。坊巷胡同集南居賢坊六牌三十六舖。有海運倉。永豐觀。洞陽觀。正覺寺。福安寺。聖姑寺。慧照寺。按悼王府今稱五爺府。尚在。燕京訪古錄。東直門內雙井之石馬槽。內有馬足迹一。其傍有鎗首跡一。俱甚顯然。相傳此二迹。爲唐貞觀北征時。尉遲敬德飲馬處。

按順天府志。此地附近。尚有官房大院。北水關諸名。今無考。

自空府大院而北。爲舊太倉。其西爲富新倉。其北爲興平倉。其東爲南新倉。今已俱廢。一註改爲陸軍醫院。陸軍軍醫學校。陸軍衛生材料廠。陸軍獸醫學校。病馬廠諸用。自倉以東。小胡同曰溝沿。曰軍鞦胡同。曰北豆芽胡同。曰中豆芽胡同。曰豆嘴胡同。曰南新倉胡同。曰椅子胡同。曰耳道眼。曰駱駝橋。曰甜水井。曰何家口。曰倉北夾道。

註一 順天府志。南新倉計七十六廩。在朝陽門北小街。豆芽菜胡同。舊太倉計八十三廩。在朝陽門北小街。燒酒胡同。富新倉計六十四廩。在東直門內四牌樓七條胡同。興平倉計八十一廩。在東直門內四牌樓十一條胡同。宸垣識略。多羅恭勤貝勒府在北小街。舊太倉南。順天府志。案貝勒諱允祜。聖祖二十二子。恭勤其諡也。今府移取燈胡同。天咫偶聞。京倉之在城內者。北曰北新。曰海運。南曰富新。曰南新。曰興平。曰舊太。皆在朝陽門北。曰祿米。則在朝陽門南。凡京官俸米。皆於此取給。又大清門東皇城夾牆內曰內倉。凡宮庭用米及奄寺精糧。

皆於此取給。然皆內新出陳。紅朽者多。京師貴人家以紫色米爲尙。無肯食白粒者。惟南人居京者始食白米。百官領俸米券入手。以賤價售之米肆。別糴肆米以給用。此固由不善治生。而京倉之花戶。巧於弄法。領官米者水土攪和。必使之不中食。米肆所私售。則上色米也。故凡得券者。亦不願自領。米肆遂得與花戶輩操其奇贏。共漁厚利。此固法之所無如何者也。

自倉北夾道而北。在西曰王駙馬胡同。入旗通志作王家胡同。卓芝南孝復觀察居之。有巴園。自號巴園老人。在東曰蔣家胡同。註一又北曰西送姑娘胡同。東送姑娘胡同。其東曰螞蜂胡同。曰山子石。順天府志作扇子市。註一又北爲海運倉。北新倉。註二朝陽大學居西。陸軍被服廠居北。倉之東曰弓匠營。曰庫司胡同。順天府志作褲子胡同。曰對嘴胡同。倉北爲雙井胡同。賂賸肘胡同。堂子胡同。今改爲堂子巷。東爲南水關。又北卽東直門大街。

註一 嘯亭續錄公宏曉宅在將家胡同。

註二 順天府志海運倉計百廩。在東直門內南小街宋姑娘胡同。北新倉計八十五墩。在東直門內南小街瓦
登胡同。明英宗實錄正統十年五月以在京居賢崇教二坊草廠築倉收糧。

自東直門大街東頭以北。北小街以東。註一中間南北小胡同。曰藥王廟胡同。稍東曰魏家大院。又東曰當鋪胡同。又東曰萬元胡同。順天府志作王院胡同。再東爲北水關。其北曰

西手帕胡同。曰東手帕胡同。再北曰羊管胡同。順天府志作羊館胡同。並云館或訛管。註二其東有俄國教堂。連延甚廣。北至於安定門東城根。東北一方亦至於東直門北城根。在俄國教堂以西羊管以北之胡同。南曰口袋胡同。稍北曰針線胡同。又北曰馬道胡同。又北曰案板胡同。又北曰四眼井。又北曰十根旗杆。又北曰胡家圈。順天府志俗訛作椒。又北曰北官廳。曰青龍庵。其東有四爺府。府北曰花園。在俄國教堂以東羊管胡同以北。曰羊尾巴胡同。曰鞋舖胡同。曰白衣庵胡同。曰前五岳觀。後五岳觀。再東曰安南營。又東曰馬勺胡同。又東曰化嚴寺。又東爲東直門北城根。

註一 宸垣識略回山裏敏貝子府在東直門內北小街。

註二 順天府志圓寧寺元刹也。在羊管胡同。舊聞考圓寧寺元時建。以僧圓寧得名。寺內尙存元時石碣。今寺額作元寧寺。乃書額者未之考耳。明嘉靖十五年僧朽庵宗林重修。有碑。又萬善寺亦在羊管胡同。明隆慶三年重修。有碑。趙貞吉撰。順天府志五岳觀。地以觀名。有碑云。創自宋元間。明萬曆八年重修。有碑。吏科給事中吳文燦撰。寰宇通志作宣德年建。誤。今觀已圯。按今其地尙有前後五岳觀之名。天恩偶開五岳觀今已圯。而觀外人家亦日少。故地最空闊。燕京訪古錄東直門內五岳觀。有漢朝綠石鐘一口。高五尺。上圍三尺八寸。下圍五尺。鐘鈕殘缺。石鐘刻陰文大篆字。精細工巧。篆文曰。惟大漢建武二十年春於上谷郡薊縣城內建


立大禹王廟銅鑄夏禹王神乘龍坐像高六十尺左右銅鑄皇陶伯益后羿明肱文武四像立身高五十尺兩耳銅鑄狂草虞餘黃魔紅赤庚辰董律大費應龍八將坐像高四十尺各執指掌權橫抓拿劈鐙八鋤其下有巫支祁天吳相柳氏稷獠封豨修堂改豸岡參巴蛇八怪亦銅鑄銅質精良彩色鮮麗其下有鐘文甚多字皆漫滅剝落難辨此觀疑即漢之禹王廟也惜立石者姓名無考。

按順天府志此地附近尙有韃皮廠關帝廟極樂庵駱駝圈昂邦章京胡同頭條二條三條胡同諸名今俱不見疑皆爲俄國教堂所併。又順天府志此地尙有馬棚胡同。今有馬勺胡同。而無馬棚胡同。又有東西寬街。宸垣識略履親王府固山誠貝子府俱在東角樓寬街。王諱允禩聖祖十二子。乾隆間任議政。諡曰懿。再傳無嗣。高宗以四子履端親王永城繼之。今爲懋公第。在後海南。嘯亭續錄府在北小街。今胡家圈之東有四爺府。當即此。但東西寬街之名亦不見。又順天府志有清涼庵。今其地有青龍庵。而無清涼庵。或即名經之訛。其安南營化嚴寺當舖胡同羅家大院樂王廟胡同白衣庵胡同鞋舖胡同羊尾巴胡同土地廟花園北官廳操場諸名。均爲順天府志所未載。

北

內四區簡明圖

內



五

界

東

內

六

區


界

內

二

南

號符中圖



城牆
城舊
城門
城樓
區界
鐵路
橋樑
小道
大道
河流

1:50,000
500
2里中

第五 內四區各街市

自甘石橋大街以北。曰缸瓦市。朗貝勒府在其東。註一又北曰丁字街。又北曰西四牌樓。順

天府志作西大市街。註二又北曰當街廟。又北曰新街口南街。新街口北街。註三其東有德貝

子府。以達於德勝門西城根。

註一 匏廬詩存有寄贈月華貝勒詩自序。橋叟約同。又點赴月華貝勒邸看梅。至則謝矣。貝勒以所著燕梅花候記見贈。即步卷中用東坡和秦太虛梅花詩韻作寄謝。按月華貝勒即貝勒。宣統中任軍機大臣。北地梅花。枝幹繁大者絕少。貝勒曾由南方運來百株。植諸庭宇。活者僅餘一株。然已絕無僅有矣。橋叟者吾師陳太傅寶琛也。

註二 順天府志西大市街有坊四。西曰行仁。東曰履義。南北曰大市街。俗稱西四牌樓大街。南接瞻雲坊大街。西有雙關帝廟。街心有小廟。俗稱當街廟。迤北曰新街口。有龍王廟。又北曰丁字街。祝壽寺即坊巷胡同集之響鈴寺。按當街廟於宣統末年建築馬路時。即已折去。予初來京時猶及見之。

註三 舊聞考西四牌樓宣武街西。額曰雙關帝廟。蓋兩像並祀也。不知何時所建。元泰定間修。廟內有元李用吳律二碣。又明碑三。一爲正統十年侍讀學士苗衷撰。一爲宏治十五年光祿卿張天駿撰。一爲嘉靖十九年通政司右參議蔡文魁撰。本朝乾隆三十二年重修。又龍神祠一在新街口。雍正七年奉世宗憲皇帝發帑朔建。

乾隆十八年奉旨易蓋琉璃瓦。三十八年奉勅重修。嘯亭續錄董太保詣賜第新街口。又謙郡王府在羊肉大街。順天府志王諱瓦克達。太祖孫禮烈親王四子。順治間授征西大將軍豫議政。追諡襄。府在五王侯胡同口。

自缸瓦市西四牌樓新街口大街以東。自大醬房胡同而北。曰羊皮市。又北卽朗貝勒府。其東爲禮王府。門在東斜街。今爲華北大學。又北曰頌賞胡同。又北爲西安門外大街。一註

其南小胡同曰良鄉胡同。又北曰太平橋。亦曰馬市大街。順天府志稱西馬市街。二註其北

有西安市場。其間小胡同曰集雅士。原名鷄鴨市。自太平橋而北之南北胡同。曰大拐棒

胡同。其西小胡同。曰小拐棒胡同。曰川堂門。其不行者曰大糖房胡同。順天府志作糖

坊胡同。曰小旃檀寺。三註其東小胡同曰大元寶胡同。曰弓弦胡同。曰警兒胡同。順天府志

作井兒胡同。又北曰紅羅廠。四註又北曰小口袋胡同。又北曰如意巷。又東曰小紅羅廠。又

北曰中毛家灣。曰太平倉。原有莊王府。今其西爲帕王府。其東爲李純家祠。其旁建築曰

太平里。俱莊王府地。其西小胡同曰菜兒胡同。又北曰馬狀元胡同。五註又北卽護國寺街。

六註周少樸中丞泊園在寺後。七註

註一宸垣識略岡山恒愍貝子府在西安門外南街西。嘯亭續錄公巴布泰宅在西安門大街。順天府志

巴布泰太祖九子。以功封鎮國公。諡恪僖。明史外戚傳。陳萬言。肅皇后父也。嘉靖元年。賜第黃華坊。明年。詔復營第於西安門外。費帑金數十萬。工部尙書趙璜。以西安門近大內。治第毋過高。帝怒。逮營繕郎翟璵。下獄。

註二 順天府志。西馬市街。元舊名。亦稱東大街。羊市右翼稅署在北。析津志。安富坊在順承門羊角市。鳴玉坊在羊市北。又羊市馬市牛市駱駝市。俱在羊角市一帶。人市在羊角市。至今樓子尙存。此是至元後。有司禁約。姑存此。以爲鑒戒。坊巷胡同。集安富坊六鋪。有燕山左衛。案衛久廢。順天府志。小旌檀寺。明嘉靖時建。有萬歷間御史蘇惟霖碑。

註三 順天府志。大小紅羅廠。有真武廟。坊巷胡同。集積慶坊四鋪。有紅羅廠戰車廠。太平倉。惜薪司。嘉興寺。半藏寺。興化寺。案戰車廠。惜薪司。無考。餘俱見後。

註四 順天府志。倉爲明太平倉遺址。嘯亭續錄。承澤親王府在太平倉。謹案王諱頌塞。太宗五子。以功封世襲。追謚裕。子博果。鐸襲封。後改號莊。薨無嗣。望祖以十六子莊恪親王允祿爲後。宸垣識略。三等誠毅伯。第在太平倉胡同。案乾隆時。大學士伍彌泰。襲誠毅伯。宛平王志崇。善寺在太平倉大街。

註五 順天府志。明初廷對第一者。有馬麒。馬愉。國朝順治壬辰科。分滿漢兩榜。滿榜則麻勒吉首選。時稱麻狀元。嘯亭續錄。謂其宅尙存。人呼狀元街。疑即在此。馬蓋麻之轉音也。天咫偶聞。馬狀元。胡同。順治中。滿洲狀元馬中驥所居。按滿洲科目。實始於養麟園先生圖。爲順治中解元。幼貧。常煮馬通讀書。尤好爲詩。自先生後。遂相繼而起。雖八旗多以勲業見長。不事乎此。然亦有少掇魏科。一生不試。而以文學名世者。如成容若。昌董齋。圖時。

泉法時帆博晰齋。皆卓然有聲。納蘭容若。大學士明珠子。康熙癸丑進士。官侍衛。少聰敏。過目成誦。十九成進士。二十二授侍衛。擁書數萬卷。蕭然若寒素。彈琴馭曲。評書畫以自娛。書學褚河南。閒出入黃庭內景經。幼善騎射。自入環衛。益便習。發無不中。以意製器。多巧。僮所不能到。嘗讀趙松雪自寫照詩有感。即繪小照。仿其衣裝。座客或期許太過。皆不應。徐健菴曰。何酷似王逸少。乃喜。尤工倚聲。所作有飲水詩詞集。通志堂文集。周易集義。粹言。禮記集說補正。所居名珊瑚閣。

註六 順天府志護國寺。舊稱崇國。元僧定演建也。在今西四牌樓大街東。其地稱護國寺街。又舊稱崇國寺。元僧定演所建。定演俗姓王。三河人。七歲入大崇國寺。事隆安和尚。元世祖時。賜號崇教大師。至元二十四年。別賜地大都。乃興建茲寺。故崇國有南北寺。此其北寺也。趙子砥燕雲錄稱。奉使官中書侍郎陳過庭。門下侍郎耿南仲。并文武官五十餘員。本在真定。丁未八月。遣詣燕山崇國寺安泊。則崇國寺金已有之。蓋南北二寺。北建。南則金之舊寺。今已迷其處矣。元皇慶延祐間。復賜鈔經營。明宣德己酉。賜名大隆善寺。成化壬辰。賜名自大隆善護國寺。正德壬申。敕西番大慶法王凌殿。巴勒丹。大覺法王。扎什。齋布等居此。明英宗實錄。番僧有數等。曰大慈法王。曰西天佛子。曰大國師。曰國師。曰禪師。曰都綱。曰喇嘛。俱光祿寺支持。有日支酒饌。一次二次三次。又支廩餼者。有但支廩餼者。上即位初。禮部尙書胡燝等議。減去六百九十一人。正統元年五月。燝等備疏。慈恩隆善能仁寶慶四寺。番僧富減去者。又四百五十人。寺爲元丞相託克託故宅。有託克託夫婦像。侍立殿中。在千佛殿。一幘頭朱衣。一鳳冠朱衣。又舍利塔二。又有明姚廣孝影堂。廣孝佐成祖靖難首勳。侑享太廟。嘉靖

九年移祀大興隆寺。俄寺災移此。木主題推忠報國協謀宣力文臣特普榮祿大夫上柱國姚廣孝。像露頂袈裟跌坐。上有偈。署獨庵老人題。獨庵少師號也。寺內有元至元二十一年聖旨碑。碑陰刻崇國北寺地產圖。大德二年轉長生藏經記小碣。皇慶元年崇教大師演公碑。趙孟頫撰并書。至治元年看轉大藏經長供記小碣。至正十一年重修碑。釋法植撰。侍郎葛禪書。至正十四年敕諭碑。又二十四年證慧禪師傳戒碑。危素撰并書。又明宣德十年大國師巴勒丹札什壽像碑。又成化八年敕碑。又十七年敕建護國寺看誦藏經碑。又天順二年二碑。其一西天大喇嘛桑噶巴拉行實碑。其一大國師智光功行碑。又正德七年敕碑。又梵字碑二。又嘉靖二十二年藏布嘉勒燦承繼祖傳住持碑。本朝康熙六十一年重修。有御製碑。又乾隆十二年臨幸。有御製護國寺詩。每月逢七八日有廟市。城西訪古記。護國寺記。寺在西四牌樓北街東。其地名護國寺街。寺在街之西偏。門南嚮。額曰大隆善護國寺。額爲石刻。已墮於地。近喇嘛李松岩。修寺門。乃復懸之。(第一層)門內路中有鐵座鐵鼎。上鑄大清康熙六十一年春月吉日欽造。鐵質不良。字已漫漶。較白塔寺明王琦鼎。遠不能逮。兩旁原有旗竿。今已無竿。石基尙存。皆破壞。淮爲金剛殿。前層中祀彌勒佛。(殿額在佛之上)兩旁爲金剛像。前各有小鐵爐。鑄字同鐵鼎。後層兩旁各一空屋。聞寺喇嘛王星垣說。蓋爲守殿者所居。(王星垣居千佛殿西。千佛殿見後。以後凡王所說。以王云別之)中有木屋。祀韋陀面北嚮。俗呼爲殿套殿。金剛殿後。東有木架鐵點。(即鐵磬。又謂之雲板)已破。鑄字曰護國常住。大清同治五年三月造。(第二層)東西爲鐘鼓樓。鼓樓尙存。已無鼓矣。進爲天王殿。每天王前。各有小鐵爐。式同前。(第三層)此三殿之承座。每一方板上。皆繪作原形。中爲花狀。六瓣一心。內皆有

梵字六瓣內爲六字真言。中一字音如「部林」。義爲大寶閣。各殿承塵皆然。天王殿後院中又有鐵鼎。狀同前。爲東文殊殿。（殿名除存額者外。悉王云。不備註。）已圮。西爲秘密殿。僅殿基尙存。正殿階下東西各一碑。均石座。東碑（第一）爲勅建大隆善護國寺僧衆職名。正德七年十月初一立石。碑陰（第一）爲京都大隆善護國寺新續臨濟正宗碑記。順治十八年中元日。海寬謹續。住持覺慈立。西碑（第二）爲藏文。碑陰（第二）爲敕重修大隆善護國寺四至並官員人匠職名。正殿爲延壽殿。祀三世佛。旁爲二十四諸天像。像立於石台。傾圮殆盡。石台刻花紋。頗精緻。像後壁上皆書佛像。極工。惜多剝落。其初必先有畫壁。諸天像乃後塑者也。左右殿頂已圮。中間殿頂自外視之。如小樓。內爲藻井。邊繪作八角形。中有木刻金龍。頭下垂。刻繪精巧。猶如新製。佛前有木座銅爐。上鑄大明成化年造。（此爲五供之一。於後數殿中皆見之。）桌上有鐵磬如鉢。上半周圍皆鑄藏文。未有漢字云。康熙二十三年七月吉日立。殿內東南角有木架鐵鐘。鑄字略云。大隆善護國寺國師。后着亂。（音伽）領占鑄。重一千五百斤。大明弘治七年四月吉日。此外尙鑄有內監名數行。此鐘之字。分上中下三層。上中層皆四格。上層藏文。中層藏漢文相間。（漢文即上所記者。）中層之上。有八卦。每卦下一格。皆梵文。院中有鐵鼎。狀前東。爲伽藍殿。今已圮。殘像尙存。此殿前有長方形鐵爐。四足有耳。身鑄花紋。西爲無量殿。庭中東西各一井。王云。東井中東南角深處。石上刻有日字。水淺則可見。西井內。西有石。如月牙形。汲者從東乃可施繩。從西往。往格於石。不遽下。名日月井。（非內月牙石。余曾見之。）井後各有碑亭。東亭碑（第三）石剝落。字將無幾。額曰。御製大隆善護國寺碑記。末行爲大明成化八年十一月初二日。碑陰（第三）無字。或疑此碑在亭內。何

以剝落若是。余意初必無亭。後康熙立碑於西建碑亭。因並建焉。此則懸揣之談也。西亭碑（第四）爲御製崇國寺碑文。康熙六十一年文爲滿蒙藏漢合璧。半爲塵封。碑旁方皆刻龍。此碑亭周砌短垣。不能入。余梯而入視。得見碑陰（第四）皆蒙文。書作數層。直至碑底。正殿階下。東西各一碑。碑坐方石。刻花紋如毼形。兩旁刻伏形小獅各一。獅前尙有極小獅。此石上復有一石。刻兩小獅。以肩承碑。又刻山石。與獅相間。極有奇趣。東碑（第五）爲修造之記。成化八年十一月初二日立。碑文內云。自七年九月初八日興工。至次年十一月初二日畢工。碑陰（第五）爲勅建大隆善護國寺看誦。欽頒大乘諸部藏經碑文。成化十七年四月初八日。僧錄司右覺義兼大隆善護國寺第二代住持臣僧定常謹述。西碑（第六）爲樂助善緣之記。成化八年十一月初二日立。碑文上下分刻。上層僅數行。以下皆人名。碑陰（第六）短文一則。無題目。爲皇帝御記修寺大略。其落成年月與東碑同（第五）。正殿爲崇壽殿。殿內祀三世佛。旁爲十八羅漢像。蓮井木刻龍三。有墮地者。殿後仍有抱廈。祀倒坐觀音。今亦無（第五層）殿後東爲大悲殿。已圯。原有殘像。西爲地藏殿。殿宇佛像極新。因重修也。正殿前平台。中有石坐鐵爐。上鑄八卦。爐已半壞。平台東南西南兩角。各嵌方石。上刻獅首。隆起。大小不一。東三獅有球。西只二獅。台東有碑三。前一後二。前碑亦無字。台西有碑四。前一後三。前碑亦無字。台東二碑（第七）爲大元大崇國寺佛性圓融崇教大師演公碑。趙孟頫撰並書。皇慶元年三月吉日建。住持講主小師德嵩（音貴）等立。此碑於寺中各碑較古。石質極佳。點畫皆完整。書法不在道教碑下。乃湮沒不傳。亦有幸有不幸耳（近已拓存數紙）。碑陰（第七）爲崇國北寺開山第一代宗派圖。西碑（第八）爲大元敕賜大崇國寺增主空明圖。

證大法師隆安選公特賜澄慧大師傳戒碑。危素撰並書。至正二十四年九月壬申。大崇國寺住持普明淨慧大師臣僧智學立石。碑陰（第八）爲劄付二道。行極短。長約全碑三分之一。其文雜蒙古語。前劄付之後。畫橫綫四層。每層長短不一。點畫粗細亦不一。廣則一律。第一層下。有印字。第四層下。右有押字。左有五押字。後劄付之後。亦有橫綫四層。下亦有押字。因模糊不可辨。此碑已破裂。以鐵鋸之。台西東碑（第九）爲皇元大都崇國寺重新修建碑。釋法禎撰。刑部侍郎葛禮書。至正十一年孟夏中旬有一日建。法主智密並三綱執事等立石（按龍龕。響音悟。寢覺有言。不知別有寄字。抑筆誤也。）碑陰（第九）爲祖師隆安傳嗣之圖。此碑額所刻兩龍頭下尾上。其中兩爪互握。爪之四隅。鑿透四孔。俗名透龍碑。中碑（第十）爲雜蒙語聖旨。至正十四年七月十四日。上都有時分寫來。文極可笑。曾載帝京景物略。余再錄一紙。別存之。碑陰（第十）爲大都南城護國寺常住莊田事產記。此碑額已墮。並屬之頭亦斷。西碑（第十一）爲勅賜崇恩寺西天大辣麻桑渴巴辣實行碑。天順二年九月九日。崇恩當代住持巴辣些納立石。喇嘛書作辣麻。於此僅見。碑陰（第十一）爲助緣人名。正殿即千佛殿。俗呼土坯殿。殿頂已圮盡。中祀三世佛亦無。三面牆上。皆小佛龕。祀小佛像共千。故名。今龕尙未盡毀。龕內像間有存者。大小不一。王云。三世佛旁。舊有元丞相託克託夫婦泥立像。高五尺。已無存。殿內西偏。有石碣。約高三尺。因殿閉不能進。字尙可辨。額有花紋。其文共二則。前爲劄付。至元二十一年二月十九日。後爲執照。至元二十一年二月二十七日。文中間有蒙古語。文後有衆官印押四字。王云。蓋爲寺產而出給者。故刊諸石。又云。此殿舊藏有姚廣孝畫像。綾質布褱。幅極寬長。上有題字。殿圮時微毀。因藏常住（此舊常住。今新建常住。在天王

殿東。後寺遇災。此像遂焚。又云。此寺建時。窮極工巧。窗櫺之紋。瓦當之式。均無同者。即如前殿（第四層）之頂。與此殿之硬朗漢。皆匠人炫巧處。凡寺宇殿外檐角。例以一木瓶承之。獨此殿外東南角。作一木偶。爲壯士形。騎馬式。兩手叉腰。以負檐角。俗呼爲硬朗漢。（硬朗者。俗語。壯健也。）殿圯墮地。今尙收存。（第六層。）由千佛殿兩旁。升階五級。至殿後。東西各有門。通廟外東西廊下。平日通行無阻。傳云。此寺原爲二廟。由是而分。王亦云。前爲緇衣。後爲黃衣。第二碑陰。載四至。惜無年月。不詳何時。中云。北至小巷。按今廟後無巷。若云。此處爲二廟所分。則東西通行者。爲小巷耶。再千佛殿以後之地。皆與千佛殿基同高。地勢實較高於前寺。似爲二廟。然千佛殿後。巷頗狹。豈兩廟分界。竟無一墻耶。書此存疑。中一蓮花門。前有石獸二。王云。是狻猊。旁復有角門。（第七層。）進門爲塔院。東西各一塔。西塔前嵌石。周刻花紋。中橫刻舍利塔三字。王云。東爲配塔。惟西是舍利塔。按景物略云。有舍利塔二。誤也。院中鐵爐。式同前。殿前西階下一碑。以石爲座。（第十二。）爲勅建大隆善護國寺藏下堅。參承繼祖傳住持碑記。嘉靖二十二年十月初二日。此碑石質極劣。多剝蝕。文乃不可辨。碑陰。（第十二。）額口續談聯芳。下皆刺麻名。殿前台東階下。有斷碑額。篆文曰。西天佛灌頂大師壽像。意碑身必不遠。覓果得之。在台東南角東邊。僅存尺餘。已砌於台。面向內。碑旁方刻花紋。碑陰有鏽痕。想此碑已破裂棄置。遂誤以之砌台。此尺餘亦不全。可惜也。正殿五間。中祀三世佛。旁有小龕。如千佛殿而少。龕內皆無佛。東西有畫壁佛像。王云。此殿內舊有五尺銅佛極多。庚子歲。乃失去。又云。此殿畫東一間。有姚少師木像。側戴毗盧帽。或有正之者。次日側如故。至爲神異。因門閉。未得見也。（第八層）殿後院中。有石應量器。石柱承之。狀如椀。沿之後。有圓孔。此器前。又有

石器似應量器而非。體較小。且刻花紋。應量器後。有石座鐵爐。上鑄道光二十七年八月吉日立。鼎腹鑄護國寺東禪堂香爐一尊。敬獻。其東北有石柱。高如人。王云。此日晷臺也。柱東有石座碑一。（第十三）爲藏文。碑陰。（第十三）無字。正殿前。有抱廈。廈三面皆有門窗。廈內殿門上。南向有康熙御筆額曰。寶蓮法地。字與御印皆隆起。御印在左方上角。廈內高處。徧懸畫佛像。極精細。大小一律。而新舊不同。王云。殿內祀長壽佛。（即無量壽佛。）因殿門閉。不能游覽。又有石刻梵文六字真言。立於殿外頂中。（第九層）殿後築賃居人。不能遊。據王言略記。東西各有樓。東樓已圮。西樓上。有佛龕佛像。正面亦有樓。樓頂已無。樓中有一塔。其頂如笏。自外可見。據云。原無此樓。昔塔影見於口北。蒙人因爲建樓。以誌敬仰。此與俗傳白塔無影。影照蒙古者。同一無稽。此塔東祀帕布喇嘛木像。（帕布。其名之譯音。）西祀自在觀音臥像。按行住坐臥。爲四威儀。此即臥相也。像爲銅質。出自土中。人以爲異。因祀於此。又云。清德宗及慈禧太后崩後周年。雍和宮喇嘛。來寺誦周年。有識藏字者。因讀藏文碑。（第十三）謂文爲帕布喇嘛事蹟。其言極詳。惜忘之矣。相傳樓中之塔。即帕布之塔。蓋喇嘛二品以上者。得賜塔也。（第十層）寺至此殿而畢。凡金石。殿宇。佛像。皆細記之。其閤房陳設。以及無關係與寄存之佛像。均從略。親身游歷。參以見聞。不畏寒暑。不辭登降。數年之久。始得大略。記必求詳。文不厭俗。挂一漏萬。當俟補遺。寺之沿革。說各有異。參考載籍碑文。益以己見。考證於後。欲求沿革。先採金石文字。茲將寺中各碑次序。與光緒順天府志所載者分別錄之。

寺中所有碑表（以朝代年月爲次序）

藏文碑

又

十三

壽像斷碑

光緒順天府志引寺院冊所載碑碣

元至元二十一年聖旨碑。碑陰刻崇國北寺地產圖。此疑爲千佛殿中小碣。碑陰有圖否。因殿閉不能入。無從見之。大德二年轉長生藏經記小碣。此碣不知何在。皇慶元年崇教大師演公碑。趙孟頫撰並書。此第七碑。至治元年看轉大藏經長供記小碣。此碣不知何在。至正十一年重修碑。釋法禎撰。侍郎葛禮書。此第九碑。至正十四年勅諭碑。此第十碑。又二十四年證慧禪師傳戒碑。危素撰並書。此第八碑。明宣德十年大國師巴勒丹扎什壽像碑。此疑爲塔院斷碑。成化八年勅碑。寺中成化碑共三。(第三、五、六碑。)皆無勅。惟第六碑陰似之。又十七勅建護國寺看誦藏經碑。此第五碑陰。天順二年二碑。其一西天大喇嘛桑噶巴拉行實碑。此第十一碑。其一。大國師智光功行碑。此碑不知何在。正德七年勅碑。此第一碑。梵字碑二。此即藏文碑。第二與十三碑。)世誤以藏文爲梵文。詳見後。嘉靖二十二年藏布嘉勒燦承繼祖傳住持碑。此第十二碑。本朝康熙六十一年重修。有御製碑。此第四碑。乾隆十二年臨幸。有御製護國寺詩。此不知爲碑碣否。問喇嘛亦不知。姑記於此。以上兩表。除相同外。互有闕訛。不再贅。世以寺爲託克託宅。又爲姚少師影堂。皆未符。不可不辨。景物略曾載此語。分錄於下。「寺爲元丞相託克託故宅。有託克託夫婦像。侍立殿中。在千佛殿。一樸頭朱衣。一鳳冠朱衣。」按寺建於元初世祖時。(

見後）託克託（一作脫脫）元末順帝時人。彼時已有此寺。萬無毀寺建宅之理。入明亦爲梵宇。地初未易。亦萬無改宅又爲寺之理。故事。大臣奉旨出都。及回京。例不至宅。皆寓寺中。俟覆命後。始回宅。竊以爲當時託克託丞相。必常假寓此寺。日久遂誤寺爲其宅耳。其夫婦之像。或爲自負。或爲貢諛。皆未可知。王云。昔有此像。裝束與所記無異。今已無矣（見前）或云。第六層以後。爲宅址。以爲垂花門不似廟。且門前有石獸。故然。以地址而論。其宅不應如此狹小。且萬不能建於殿後。蓋垂花門與千佛殿。僅數尺之隔也。又有明姚廣孝影堂。廣孝佐成祖靖難首勳。侑享太廟。嘉靖九年。移祀大興隆寺。俄寺災。移此。木主題雅忠。國協謀宣力文臣。特晉榮祿大夫。上柱國姚廣孝。像露頂袈裟。趺坐。上有傷。著獨庵老人題。獨庵少師號也。按此。明嘉靖時。始移像於此。且爲移祀。非改寺爲影堂也。王云。舊有畫像已焚。且有木像。（均見前）惜余未親見之耳。此記云像上有傷者。蓋指畫像也。既知寺非宅與影堂。乃可考寺之沿革。寺初名崇國。崇國又有南北之分。先考南寺。南崇國寺。雖不知建自何年。確知金時已有。趙子砥燕雲錄。稱奉使官中書侍郎陳過庭。門下侍郎耿南仲。並文武官五十餘員。本在真定。丁未八月。遣詣燕山崇國寺安泊。又澄慧碑。（第八）「記師生於金大定十五年。於壬子五月逝。年七十六。」按金大定十五年。爲宋淳熙二年。壬子爲元憲宗蒙哥二年。宋淳祐十二年。大定十五年乙未。至壬子。應七十八歲始合。又云。「師初在燕京永慶寺。我師伐金。轉徙平灤。師僅得還燕。閱忠崇國二寺。已俱爲兵毀。師經營締構。悉復舊觀。」此崇國即南寺。元破金後。由澄慧修復之也。元末順帝時。至正碑。亦有南北兩崇國寺之語。是寺彼時尙在。元以後則不可考。蓋久迷其處矣。此南寺。不詳成毀之時。可考者此。僅北崇國寺。即今之護

國寺也。建於元世祖至元間。演公碑（第七）云。師名定遠。俗姓王氏。世爲燕三河人。七歲入大崇國寺。事隆安和尚爲弟子。（隆安即澄慧大師。見第八碑。）世祖皇帝賜號佛性圓融崇教大師。至元二十四年。別賜地大都。乃與門人叶力興建。故崇國有南北寺焉。至十二年卒。壽七十四。按此云七歲入大崇國寺者。即南寺也。賜地大都。叶力興建者。北寺也。此云至元二十四年建。釋法禎撰碑（第九）則云。寺爲至元乙酉（二十二年）世祖所賜地。定演所開創。百有餘楹。千佛殿內小碣。則署至元二十一年。年雖各異。而二十一年者。較可信。迄今年（癸亥）共六百四十年。宋端平三年丙申。爲元太宗窩闊台八年。至元武宗至大二年己酉。共七十四年。此定演生死之年代。其七歲入寺時。澄慧尙在。故爲其弟子。又十年澄慧乃卒。自初建以迄元末。皆名崇國。（明初無考。至宣德己酉（四年）賜名大隆善寺。）景物略正統天順。皆名崇恩。（皆據第十一碑。此頗可疑。然又無證。）成化壬辰（八年）重建大隆善寺。加額曰護國。（據第六碑。及景物略。）此大隆善護國寺之稱。迄今不改。康熙碑（第四）署崇國者。蓋述舊名也。此寺爲兩廟所成。前已略言之。約有緇衣黃衣之分也。元初建寺者。爲崇教大師定演。元末時。爲淨慈大師智學。又見第八碑。是有元一代。皆爲僧徒可知。明時則崇奉番僧。英宗實錄。番僧有數等。曰大慈法王。曰西天佛子。曰大國師。曰國師。曰禪師。曰都綱。曰喇嘛。俱光祿寺支持。有日支酒饌。一次二次三次。又支廩餼者。有但支廩餼者。上即位初。禮部尙書胡濙等。議減去六百九十一人。正統元年五月。濙等備疏。慈恩隆善。能仁寶慶四寺。番僧當減去者。又四百五十人。（番僧所不分等級。第一碑僧衆職名。頗與之同。）觀此。可知當日待喇嘛之優。此四寺中之隆善。即護國寺。正統爲英宗年號。其時仍用隆善之名。故知

崇恩之爲可疑也。（見上）宣德時有大國師巴勒丹扎什壽像碑。天順時有主持巴辣些納爲西天大辣麻桑渴巴辣行實行碑。（第十一）成化時有第二代住持定常碑。（第五碑陰）弘治時有國師后着卮領占鑄鐵鐘。（第四層殿內）正德壬申（七年）勅西番大慶法王凌噶巴勒丹大覺法王札什藏布等居此。（景物略）

（第一碑僧衆職名即此也）（碑文大慶法王作領占班丹大覺法王作着肖藏卜）嘉靖時有藏卜堅參承繼祖傳住持碑。（第十二）以上所記多爲番僧。則明代爲番僧主寺。又可知也。獨第一碑陰爲順治十八年。乃有新續臨濟正宗海寬覺慈等名。此確爲僧。而康熙碑（第四）謂蒙古王公重修云云。想自康熙時易番僧後。遂至今不改耳。康熙碑又云「寺爲元大德時所建。至明正德間命大慶法王居之。爲僧香火地。」殆未之考也。今每月逢七八日有廟市。不知所始。傳言廟市始在西四牌樓廣濟寺。因修廟遷此。以廟地較廣濟爲大。皆不願遷回。遂以爲常云。寺內有藏文碑二。志作梵文。俗呼西藏字爲西番字。當是番訛梵耳。皇朝通志六書略六書爲滿漢蒙回藏托忒也。具載其字式。梵字爲印度古文。其字形正方。雖與藏文略似。惟較爲整齊。佛經皆從梵文譯出。今佛經中間有梵音梵字。完全梵文經。殊不多見。世又少習之者。久將失傳。寺內正殿多祀三世佛。俗誤呼爲三大士。三世佛者。過去未來現在三佛也。佛前二侍立者。爲觀世音大勢至二菩薩。三大士者。觀音文殊普賢也。以上二則皆世所習知。而不察其所以然。因附記於此。按寺自康熙時修後。想至今未經重修。大好梵刹。竟任其荒蕪。殊可惜也。寺中掌故古蹟。似尙不止此。然卽此淺淺者。再閱數十年。將亦無人知矣。是故樂爲之記。嘯亭

續錄張文和廷玉賜第護國寺街藤陰雜記。寺西先爲張文和。第後改西華門內。賜史文靖貽直。文靖薨。賜王文

莊際華文莊出文靖門下。師生接住。亦是佳話。沈初西清筆記王文莊際華住護國寺有二十四福堂。坊巷胡同集發祥坊七鋪有大興左衛崇國寺正覺寺宏善寺白米寺。天恩偶聞隆善護國寺俗稱護國寺。即元之崇國寺。趙松雪書演公碑。危太僕書選公傳戒碑。皆在殿東階下。月七八日有廟市。與隆福寺埒。而宏敞過之。

又張文和公賜第在護國寺西。後又賜史文靖公王文莊公。後爲漢軍李氏所居。今廢。

按俗稱隆福寺爲東廟。護國寺爲西廟。然西廟實不如東廟之勝。東廟古玩書畫花鳥鷹犬之屬。殆無不備。歐美日本士女亦多往游。西廟則僅有花肆十餘家。足資游賞。餘則零星日用品。雜要食攤之類。殊無足觀。

註七 沈濤園集有會周少樸中丞泊園詠蘭詩。荃馨余齋詩註泊園爲故將軍永隆宅在護國寺後。廟市攤賣及於園門。汴梁大相國寺之遺風也。

護國寺東曰東廊下。今改爲護國寺東巷。寺西曰西廊下。今改爲護國寺西巷。又西曰小楊家胡同。大楊家胡同。稍北曰百花深處。曰太平胡同。又北曰嚙嚙胡同。清宣統間改曰禁衛軍街。有禁衛軍司令處。嗣改爲航空署街。今復原名。又北曰正覺寺^註。其中間南北胡同曰葦坑。又北曰蔣養房胡同。順天府志作漿家房胡同。^註路南有小胡同曰堂子胡同。不通行。又北曰大半截胡同。曰大小火藥局。德貝子府棍貝子府在焉。又北曰板橋頭條板橋二條板橋三條。中間有小胡同曰小半截。又北曰大銅井。小銅井。以達于德勝門

城根。

註一 順天府志明成化四年御馬監太監韓諒賜宅一所。在宛平縣發祥坊。施於善人鄭道明。於成化三年春創建佛殿伽藍殿。僧房三十餘間。義井二。韓諒奏聞。敕賜正覺禪寺。有修撰陳鑑撰碑。

註二 順天府志漿家房胡同。漿或訛將。俗訛將登房。宛平王志有叢林寺。晴亭續錄誠親王府新府在蔣

家房。宸垣識略固山貝子宏景府在蔣養房胡同。順天府志宏景聖祖孫誠親王次子。王以雍正八年五月

獲譴。是月宏景由輔國公晉貝子。卽新府也。其舊府在官園。又土默特貝子第在蔣家房。案貝子瑪尼巴達拉尙

仁宗四女莊靜公主。道光八年賞郡王銜。舊行玉河水入府中。云係當年賜公主者。城中引水。獨此及成邸耳。

燕史浣衣局在德勝門西。俗稱漿家房。凡宮人年老及有罪退廢者。發此居住。天啓七年十一月客氏管死於此。

西河詩話張南士宮詞牆邊漿酒漱花綺。注云漿家房在皇城外。卽浣衣局。

自缸瓦市直達于新街口大街以西。昔日之大明濠以東。豐盛胡同以北。曰兵馬司胡同。

註一 中間小胡同曰新開路。曰狗尾巴巴胡同。曰南禧褌胡同。不通行。又北曰大院胡同。順天

府志作大院兒胡同。八旗通志作燕。其西曰三道柵欄。審計院院長莊思緘。蘊寬。寓于是。

曰小豬圈。今改小珠簾胡同。曰四眼井。曰甜水井。中間南北小胡同曰褲子胡同。不通行。

曰豬尾巴胡同。今改朱葦箔胡同。曰小院胡同。順天府志作小阮兒胡同。曰沙井胡同。不

通行。曰玉帶胡同。曰井兒胡同。曰北褙褙。曰三官廟。曰能仁寺。註二大院胡同以北曰磚塔

胡同。註三中間小胡同曰口袋胡同。曰南錢串胡同。北錢串胡同。曰川堂門。曰顯靈宮。註四又

北曰羊肉胡同。中間小胡同曰核桃礮胡同。曰南褙褙。曰財神廟。均不通行。又北卽阜城

門大街。中間小胡同。曰陰涼胡同。曰北褙褙胡同。曰炭廠。均不通行。

註一 嘯亭續錄貝子羅託宅在兵馬司胡同。

註二 頗天府志能仁寺元剎也。在兵馬司胡同。寺本元廷祐六年崇祥院使普覺圓明廣照三藏法師建。明洪熙元年賜額曰大能仁寺。正統九年重修。有胡燦碑記。

註三 順天府志神機營所轄右翼漢軍排鉞置廠於輒塔胡同。帝京景物略金元間有僧自稱萬松野老。居燕京從容庵。耶律楚材見之。參學三年。僧以湛然目之。著有從容錄。今甘石橋北輒塔七級高丈五尺。草榮其頂。人倚塔造屋爲酒食店。萬歷三十四年僧樂庵入而周視。有石額五字曰萬松老人塔。乃募貲贖而居守之。涿水亭雜識萬松老人。耶律文正之師也。其語文正王曰。以儒治國。以佛治心。王亟稱之。老人有萬壽語錄。釋氏新聞。又善撫琴。嘗從文正王索琴。王以承華殿春雷及種玉翁悲風譜贈之。見湛然居士集。順天府志塔在今大市街西。乾隆間重修。其北則輒塔胡同也。又萬松老人塔在民居中。原額無存。乾隆十八年奉敕重修。級仍舊制。塔尖則加合者也。天咫偶聞萬松老人塔。至今無恙。仍在居人屋裏。又白塔寺及廣濟寺今亦完。大抵西城多

元代舊刹。雖僅板屋數間。而問其名。則金元遺構也。若東城。則多創自勝國。無復古人遺跡。骨董預記京師勾欄。昔萃居磚塔胡同。俗通呼口袋底。嘗見塔西隨記三卷。上卷感舊二十五則。中卷証今二十二則。下卷雜記十七則。其雜記有云。曲中里巷。在西大市街之西。自丁字街迤西曰磚塔胡同。磚塔胡同之西曰口袋底。曰城隍菴。曰錢串胡同。錢串胡同之南曰大院胡同。大院胡同之西曰三道柵欄。其南曰小院胡同。三道之南曰玉帶胡同。曲家鱗北約二十戶。初時只三五家。多京畿人。今則半津門人矣。初有而今存者。天喜三喜。初有而今無者。天順三寶。初有而今易名者。雙順之舊爲聚鳳。萬升之舊爲西連升也。又云雙順天喜天順所居爲其世產。餘皆賃之。德小峰明芝軒車四。租賃特昂。餘所記甚詳。大約始於光緒初葉。一時宗戚朝士趨之若鶩。後爲御史指參。乃盡數驅逐出城。及今三十年。已盡改民居。語章台故事者。金粉模糊。尙一一能指點其處。卷末有萍迹子再識一跋云。烏呼盛衰之故。其殆有先機乎。余之爲是書也。其時方太平無事。無何而驅逐令下。歐鴻爲之一變。又無何而團民興。其不鞠爲茂草。幾希。甚而兵敗師喪。寇入都城。咫尺之地。阻而不通。風塵回首。黯然神傷。揆之澹心之作。先後若同也。豈非先機乎。嗟乎。余生三十年來。或越或燕。或汴洛。自謂甚奔波矣。孰意更增之以喪亂乎。而猶幸是書之不與劫灰同燼也。庚子閏中秋之下三日。天咫偶聞明代勾欄。皆在東城。故有勾欄本司之名。至本朝裁教坊。其地盡改民居。即迤南之泡子河一帶。所謂昔之歌舞場者。亦不可問。而正陽門外以西。則改爲花柳之窟矣。未幾西四牌樓左近。復變吹吹之林。始只磚塔胡同寥寥數家。繼則方以類聚。日變逾多。今則閭閻撲地。歌吹沸天。金張少年。聯騎結駟。揮金如土。殆不下汴京之瓦子勾欄也。舊京閒話曲中里巷。半在西大市街之西。

曲中所唱有三曰「時調大鼓。」曰「檔調。」曰二簧。人人習之。不必人人工也。女郎梳攏謂之「成人。」言成其爲人也。已成之人。謂之「渾官。」未成人者。謂之「清官。」女郎稱客曰「爾。」客之友曰「某爺。」客稱女郎曰「姑娘。」客稱假母曰「掌班。」女郎稱之曰「娘。」秤頭則統曰「夥計。」秤頭稱客曰「老爺。」稱女郎亦曰「姑娘。」狎客則統曰「師父。」狎客稱客亦曰「老爺。」茶話謂之「茶客。」張筵則曰「飯局。」留宿謂之「內局。」出門謂之「買賣。」過別家謂之「過班。」養女則曰「櫃上人。」合夥謂之「搭住。」時或有客訪豔。外僕隨之以入。至院中高聲以喚其內僕。內僕則掀簾肅客。獻茗催娘。此就不甚習熟者言之。若夫日狎熟之人。則直曰某爺來。內僕即直喚某娘。

按萬松老人塔民國十六年番禺葉譽虎恭紳總長鳩工重修。並闢一門於丁家街之西。題其額曰元萬松老人塔。至口袋底一帶。今已盡爲民居。無復鬢影衣香之迹矣。

註四 順天府志顯靈宮明建。崇奉薩真人及王靈官也。在四眼井。其舊門亦在兵馬司胡同。又宮建於明永樂中。初名天將廟。奉薩真人及王靈官。宣德中改爲火德觀。封薩真人爲崇恩真君。王靈官爲隆恩真君。成化初又改觀爲宮。加顯靈二字。又建彌羅閣。嘉靖中復建吳極通明殿。東輔薩君殿曰昭德。西弼王君殿曰保真。殿額俱燬。嘉靖三年告祭碑二並存。乾隆二十二年重修。殿宇宏整。周以石欄。有老松六。虬枝屈曲。蓋數百年物也。

春明夢餘錄倪文岳毅疏言永樂中於禁城西建天將廟及祖師殿。宣德中改廟爲火德觀。封薩真人爲崇恩真君。王靈官爲隆恩真君。又建一殿崇奉二真君。左曰崇恩殿。右曰隆恩殿。成化初年改爲宮。觀加顯靈二字。遞年

四季更換袍服。三年一小焚。十年一大焚化。又復易以新製。珠玉錦綺。所費不貲。每年萬壽聖節。正旦冬至。及二真君示現之日。皆遣官致祭。其崇奉可謂至矣。今就其言議之。薩真人之法。因王靈官而行。王靈官之法。因周恩得而顯。其法之所自。皆宋徽宗時林靈素輩之所傳。一時附會之說。淺謬如此。本無可信。況近年附體降神者。乃欽發充軍。願廷願綸之父子。其爲鄙褻尤甚。住年禱兩祈晴。杳無應驗。則其怪誕可知。但經累朝創建。一時難便廢毀。所有前項祭告之禮。俱各罷免。其四時袍服。宜令本宮住持。並庫役人等。於每年應換之日。仍會同道錄司掌印官照舊依期更換。如法收貯。不必焚化。永爲定例。伏乞敕內府衙門。以後袍服。宜令本宮住持製造。如此則國用不至於妄費。而邪術可以少貶矣。大政紀嘉靖三年二月。營龍虎殿於顯靈宮。以供奉真武。天咫偶聞。大德顯靈宮。今已廢盡。惟山門之在兵馬司胡同者。今尙歸然。而石額亡矣。

按今顯靈宮四周。俱已廢爲民居。僅正殿餘址尙存。老松亦已化去。又按順天府志。此地左近。尙有瞎子胡同。元寶胡同。單獅子府諸名。今俱不見。

阜城門大街之中間。駕於大明濠上者。曰馬市橋。註一今已平。其東爲中央醫院。紳商所公

建者也。頗壯偉。又東爲帝王廟。殿宇崇宏。註二廟之西曰西夾道。東曰東夾道。又東曰姚家

胡同。又東曰馬家頭條。馬家二條。曰六合大院。曰羅圈胡同。又東曰盒子胡同。澡堂子胡

同。不通行。又東卽廣濟寺。舊刹也。註三其北曰禮路胡同。鄧君守瑕之禮塔園在是。註四又北

曰帥府胡同。註五中間小胡同曰絨線胡同。曰新開路。今改新成路。不通行。又北曰報子胡

同。順天府志作甗子胡同。註六又北曰受壁胡同。順天府志作臭皮胡同。註七又北曰石老娘

胡同。註八王叔魯克敏總長居於此。其後張宗昌居之。又北曰南魏兒胡同。順天府志作衛

兒胡同。原註兒或作衣。又北曰太安侯胡同。又北曰武王侯胡同。順天府志作五王侯胡

同。又北曰車兒胡同。曰前車兒胡同。曰後車兒胡同。又北曰石碑胡同。註九其中間南北小

胡同。曰南下窪子。曰北下窪子。其東曰天一堂胡同。不通行。又北曰寶禪寺街。順天府志

禪或訛作善。註十昔有新豐市場。今已廢。其東曰口袋胡同。不通行。又北曰公用庫。曰後公

用庫。順天府志作前後宮衣庫。中間小胡同曰大帽兒胡同。註十一曰北帽兒胡同。曰中帽

兒胡同。曰前帽兒胡同。曰後帽兒胡同。曰八道灣。順天府志作八條灣。曰金絲溝。又北即

西直門大街。

註一順天府志阜城門俗沿元稱曰平則門。迤東爲馬市街。歷代帝王廟在北。故保安寺址也。東西有坊曰景

德。亦稱景德街。宏慈廣濟寺在廟東。臨大市街。舊爲西劉村寺。白塔寺在廟西。元爲聖壽萬安寺。明爲妙應寺。

宸垣識略禮多羅貝勒府在阜成門大街北。又二等宣義伯第在阜成門大街。順天府志伊勒德依封宣義伯。

嘯亭續錄劉文定繪賜第阜成門大街。

註二 順天府志歷代帝王廟在阜城門內大街南嚮。廟門三間。左右門各一。前石梁三。內景德門五間。崇基石闌。前後三出陛。中十有一級。左右各九級。左右各一門。景德崇聖殿九間。重檐崇基石闌。南三出陛。中十有三級。左右各十有一級。東西一出陛。各十有二級。兩廡各七間。燎爐各一。殿東御碑亭一。後祭器庫五間。均南嚮。景德門外東爲神庫。神廚各三間。宰牲亭。非亭各一。西爲承祭官致齋所。東西鐘樓一。圍垣周百八十六丈三尺八寸。廟門外東西下馬牌各一。凡正殿門廡均覆綠琉璃。門楹塗丹。梁棟五米。（乾隆十八年奏准帝王廟正門額書景德門。請增崇聖二字。）廟建於明嘉靖十年。（明典彙嘉靖十年三月歷代帝王廟成。先是中允廖道南請撤靈濟宮神改設帝王廟。禮部以所在窄隘。宜擇地別建。於是工部相度阜城門內保安寺故址。舊爲官地。改置神武後衛。地勢整潔。且通西墻。可鼎新之。詔可。遣工部侍郎錢如京督工。工完。上親詣廟。有蕭端蒙京師新建帝王廟碑。）本朝順治二年及康熙二十一年迭奉欽定增祀。雍正二年世宗憲皇帝親詣行禮。七年重修。御製碑文。歷代帝王崇祀之制。肇於唐天寶七載。始置廟京城。止及三代以前而已。明洪武六年始於金陵立廟。嘉靖十年乃建於京師阜成門內。當明初定制時。議禮之臣。不能通知大體。崇祀祇創業之君。從祀惟開國之臣。自茲以後。闕焉。我皇考聖祖仁皇帝秉大公之道。折衷百代。深惟祀典之宜修。康熙六十一年特頒諭旨。命廷臣詳悉從容確議具奏。逮朕紹緒之初。廷議始上。舊崇祀帝王二十一位。今增一百四十三位。舊從祀功臣三十九人。今增四十四人。朕遵奉先志。重書牌位。詠言入廟。行祭告之禮。仰惟聖祖仁皇帝用意之厚。立論之正。負乎不可及也。夫三代

以上。若夏啓之能敬承。殷之太甲太戊武丁。周之成王康王宣王。頌美詩書。光耀史牒。三代以下。英君哲后。或繼世而生。則德教累洽。或間世而出。則謨烈重光。皆能致海內之乂安。躋斯民於康阜。嘉言傳於信史。善政式爲良規。至凡蒙業守成之主。卽或運會各殊。屯亨不一。苟無聞於失德。咸帝命所寵綏。爰及歷代名臣。亦皆川嶽鍾靈。爲時輔佐。功在社稷。德協股肱。比諸從龍之彥。何多讓焉。而尙論未詳。明禋久曠。其爲缺略也大矣。夫欽崇往哲。景企前徽。明德可懷。羹牆興慕。睠流風之所被。間歷世而弗諉。若乃擴追遠之鴻規。破拘墟之臆見。自非忠厚立心。寬仁爲量。卓識超於千古。盛德冠於百王。未有能論及此者。典禮修明。有待今日。然則聖祖皇帝之重加釐定。公當周詳。誠千萬世莫及之仁心。而千萬世不易之定論也。廟貌旣新。敘述本末。鐫於青珉。用昭示久遠焉。乾隆二十九年又修。易蓋正殿黃瓦。高宗純皇帝親詣行禮。並御製碑文以記之。景德崇聖殿中一龕。供太昊伏羲氏炎帝神農氏黃帝軒轅氏位。左一龕。供少昊金天氏顓頊高陽氏帝嚳高辛氏帝堯陶唐氏帝舜有虞氏位。右一龕。供夏王禹啓少康杼槐芒洩不降扃陞孔甲皋發商王湯太甲沃丁太庚小甲雍已太戊仲丁外壬河亶甲祖乙祖辛沃甲祖丁南庚陽甲盤庚小辛小乙武丁祖庚祖甲廩辛庚丁太丁帝乙位。左二龕。供周武王康王昭王穆王共王懿王孝王夷王宣王平王桓王莊王僖王惠王襄王頃王匡王定王簡王靈王景王悼王敬王元王貞定王考王威烈王安王烈王顯王慎靚王位。右二龕。供漢高祖惠帝文帝景帝武帝昭帝宣帝元帝成帝哀帝光武帝明帝章帝和帝殤帝安帝順帝質帝冲帝昭烈帝晉元帝明帝成帝康帝穆帝哀帝簡文帝魏道武帝明元帝太武帝文成帝獻文帝孝文帝宣武帝孝明帝宋文帝孝武帝明帝齊武帝陳文帝宣帝位。左三龕。供唐高祖

太宗高宗睿宗元宗肅宗代宗德宗順宗憲宗穆宗文宗武宗宣宗懿宗僖宗後唐明宗後周世宗遼太祖太宗景宗聖宗興宗道宗宋太祖太宗真宗仁宗英宗神宗哲宗高宗孝宗光宗寧宗理宗度宗端宗位。右三龕。供金太祖太宗世宗章宗宣宗哀宗元太祖太宗定宗憲宗世宗成宗武宗仁宗泰定帝文宗寧宗明太祖惠帝成祖仁宗宣宗英宗景帝憲宗孝宗武宗世宗穆宗廢帝位。均南嚮。歷代配饗名臣。東廡風后蒼頡夔伯夷伊尹傅說召公奭畢公高召穆公虎仲山甫張良曹參周勃魏相鄧禹耿弇諸葛亮房元齡李靖宋璟郭子儀許遠李晟裴度曹彬李沆王曾富弼文彥博李綱韓世忠文天祥宗翰穆呼哩布呼密徐達常遇春楊士奇于謙劉大夏位。西廡力牧皋陶龍伯益仲虺周公旦太公望呂侯方叔尹吉甫蕭何陳平劉章丙吉馮異馬援趙雲杜如晦狄仁傑姚崇張巡李泌陸贄耶律赫魯呂蒙正寇準范仲淹韓琦司馬光趙鼎岳飛宗望幹魯巴延托克托劉基李文忠楊卒李賢位。乾隆四十九年諭朕因覽四庫全書內大清通禮一書。所列廟祀歷代帝王位號。乃依舊會典所定。有所弗愜於心。敬憶皇祖實錄。有敕議增祀之諭。今查取禮部原議紅本。則係康熙六十一年十一月內具題。爾時諸臣不能仰體聖懷。詳細討論。未免因陋就簡。我皇祖諭旨。以凡帝王曾在位者。除無道被弑亡國之主。此外盡應入廟。即一二年者亦應崇祀。焜煌聖訓。至大至公。上自羲軒。下至勝國。其間聖作明述之君。守文繼體之主。無不馨香妥侑。不特書生臆論。無能仰喻高深。即歷代以來。升禩議禮。未有正大光明若此者也。乃會議疏內聲明偏安亡弑不入祀典。而仍入遼金二朝。不入東西晉元魏前後五代。未免意有偏向。若仰承聖意。而實顯與聖諭相背。朕意若謂南北朝偏安不入正統。則遼金得國。亦未嘗有中原。何以一登一黜。適足啟後人之說議。則因

東西晉前後五代有因篡得國。擯而不列。如操。丕不得爲正統之例。殊不知三國時正統在昭烈。故雖以陳壽三國志之尊魏抑蜀。而卒不能奪萬世之公評。至司馬氏篡竊以還。南朝神器數易。如宋武帝崛起丹徒。手移晉祚。自不能掩其篡奪之罪。其他雖祖宗得國不正。而子孫能繼體承休。即爲守文中主。亦不可概從闕略。況自漢昭烈以至唐高祖。統一區夏。時之相去三百餘年。其間英毅之辟。節儉之主。史不絕書。又安可置而不論。至於後五代如朱溫以及郭威。或起自寇竊。或身爲叛臣。五十餘年。更易數姓。中華統緒。不絕如縷。然周世宗承襲郭氏餘業。憑有疆域。尙不失爲令主。此而概不列入。則東西晉前後五代數百年間。創守各主。正典缺如。何以協春秋公論。他如元魏。雄據河北。地廣勢強。太武道武勤思政。講學興農。亦可爲備安英主。並當量入祀典。以示表章。朕前命館臣錄存楊維禎正統辨。詳晰宣論。以維禎所辨正統。在宋不在遼金之說。爲是。所以在春秋綱目之義。見人心天命之攸歸。且檢閱孫承澤春明夢餘錄所載明代崇祀古帝王位號原本。不列遼金二朝。今通禮內崇祀遼金。而不入東西晉前後五代。似此互相入主出奴。伊于何底。是皆議禮諸臣有懷偏見。明使後世臆說之徒。謂本朝於歷代帝王未免區分南北。意存軒輊。甚失皇祖降諭之本意也。至明之亡國。由於神僖二宗。紀綱隳而法度弛。愍帝嗣統時。國事已不可爲。雖十七年身歷勤苦。不能補救傾危。卒且身殉社稷。未可與荒淫失國者一例而論。是以皇祖睿裁。將神僖二宗撤出。而愍帝則特令廟祀。褻貶予奪。毫釐不爽。實千古大公定論。乃諸臣於定議時。轉將漢之桓靈增入。豈未思炎漢之亡。亡於桓靈。而不亡於獻帝乎。從前定議。未將東漢全局詳審論斷。轉使昏闇之君。濫叨廟食。所議未爲允協。夫自古帝王統緒相傳。易代以後。饗祀廟廷。原以報功崇德。至於嚴篡竊

之防。戒守成之主。或予或奪。要必衷於至當。而無所容心於其間。方協彰輝之義。所有歷代帝王廟祀典。著大學士九卿更行悉心詳議具奏。並著於定議後。交四庫館恭錄皇祖諭旨。並朕此旨於通禮廟饗卷首。以昭殷鑒。歷朝垂示萬年之至意。隨遵旨議增祀晉元帝明帝成帝康帝穆帝哀帝簡文帝宋文帝齊武帝明帝齊武帝陳文帝宣帝元魏道武帝明元帝太武常文成帝獻文帝孝文帝宣武帝孝明帝唐明宗周世宗共二十三帝。又另單議請增祀唐憲宗金哀宗共二帝。奉諭旨大學士九卿等會議增祀兩晉元魏前後五代各帝王一摺。並聲請唐憲宗金哀宗應否一體增祀等語。唐憲宗處唐中葉。各鎮節度。憑陵跋扈。僭叛不臣。憲宗命將專征。削平淮西。厥功頗偉。在有唐一代中尙屬英主。其末年被弑。係禍變猝乘。與荒亂失德召變致衅者不同。至金哀宗處衰弱之時。國勢已不可問。推其致敗之由。實因海陵淫虐階厲。哀宗自縊殉國。與明之愍帝事同一例。自應一體增祀。餘俱著照所議行。每歲春秋仲月擇日致祭。

註三 順天府志宏慈廣濟寺爲金西劉村寺舊址。在歷代帝王廟東西劉村寺金時劉望雲建。明天順初僧普惠因其址重葺之。尙衣監太監廖屏以聞。賜額曰宏慈廣濟寺。按碑稱天順丙戌。丙戌爲成化二年。非天順矣。豈寺志訛刻耶。萬曆癸未彭城伯張守忠惠安伯張元善重修。寺東望西安門。西接平則門帝王廟。南鄰甘石橋萬松老人塔。北通大街。寺基二十畝。康熙三十八年奉敕重修。御製碑文勒石殿外。并臨米芾觀音讚及溱金釋迦觀音普賢像賜寺中。寺又有金佛像。及旃檀佛。又乾隆十二年臨幸茲寺。製詩一首。勒石殿西。康熙九年高珩重修金佛像碑記云。宏慈廣濟寺帝城古刹也。兵燹以來。漭漫剝落。工部尙書巡撫畿輔提督王公太夫人劉氏捐

資鼎新之。下至法筵供器。一切燦然。湖州嚴我斯旃檀佛記略康熙中王國弼與其弟國臣得旃檀香高數尺。寶而藏之。江南劉拱北良工也。爲刻佛像。三年像始竣。以辛酉之冬迎入廣濟寺供養。是年十月三十日聖祖臨幸。解白晝懸像左臂焉。宛廬詩有有閨浴佛節燕孫招同人陪木齋中丞廣濟寺雅集詩。中有句云。玉堂金馬總陳迹。仙索靈樅同證果。註燕孫甲午春闈出木齋門下。木齋時僦居寺中。其以廣濟爲花之。邵伯綱周退舟諸君。已証其誤。仙索靈樅。俱見廣濟寺志。荃齋余齋詩註京帥所謂花之寺。即南西門外三官廟。以南城曾燬題榜得名。近三水梁燕孫君少作浴佛日賦。有路迷蘭若。寺認花之等句。爲師所賞。因告以北京西四牌樓廣濟寺即花之寺。燕孫於乙卯四月八日宴集賓從於寺中。手書寺認花之四字張於客寮。亦他日春明夢餘錄上一樁公案也。按廣濟寺爲西城大叢林之一。民國十三年間陸君宗輿等集資重修。輪奐之觀。已漸恢復。道場亦頗興盛。且其間庭宇寂靜。花木幽深。一時士大夫亦恆藉以爲游觀燕集之所。梁公燕孫認爲花之寺以宴賓從。或亦因其便利之故。若花之寺固明明在南西門外。定庵集有憶豐宜門外花之寺董文恭公手植海棠詩。豐宜門卽右安門之舊名。南西門又其俗稱也。事較彰明。當無誤認之理。又按寺碑稱經始於成化丙戌。落成於甲辰。則順天府志所云碑稱天順丙戌者。亦誤也。

註四 宛廬詩存有題鄧守瑕禮塔園圖詩。註園爲徐尙書會澧故宅。荃齋余齋詩註。余居西四牌樓。在金元間爲西劉邨地。又吳印丞與余隔巷。自號松鄰。亦以近萬松塔也。宸垣識略三等威靖伯第在驢肉胡同。順天府志車爾布封威靖伯。按今無驢肉胡同。而有禮路胡同。當係後來所改。

註五 藤陰雜記西城帥府胡同。爲西林鄂文端爾泰第。海內名士多出其門。明憲宗實錄。成化二十二年冬十月復建大永昌寺。先是寺建於西市。已有成緒。及國師繼曉以星變被譴。寺亦隨廢。至是太監梁芳等請更擇地建之。乃命工部左侍郎杜謙等相度地基。得故廣平侯袁瑄宅。時瑄家已失侯。瑄妻固請以宅獻。而託芳請襲侯。芳言於上而許之。既又市其傍民居數十家。大興工役。武宗實錄。正德五年六月戶部言永昌寺舊址。改建爲倉。未有名。乃賜名太平倉。六年十一月以太平倉賜永壽伯朱德爲私第。八年三月改太平倉爲鎮國府。又欲毀城口爲府廳。工部奏祖宗稽古建官。府部具有定制。今改倉爲府。有乖舊典。況位屬乾方。乾天門也。且此地初爲永昌寺。再爲新石廠。又爲太平倉。屢改屢廢。推之地理。察之人事。俱未便。上曰。旣以此地爲天門。宜當通達。前此閉塞。何以不聞。其以實陳。工部再請罪。乃宥之。世宗實錄。嘉靖元年五月改鎮國府仍爲太平倉。命總督倉場官管理。兩京求舊錄。康陵先立鎮國府。後乃自封鎮國公。府在鳴玉坊。嘉靖初仍改太平倉。都人至今猶呼西帥府胡同。順天府志。今大市街東有太平倉。第北去帥府胡同相遠。疑非其舊址也。坊巷胡同集。鳴玉坊三牌一十四舖。有燕山前衛神武後衛淨妙庵古燈歷寶禪寺。普度寺。響鈴寺。萬歷沈志。有松樹觀音庵。常明庵。龍華庵。龍泉庵。萬壽庵。碧雲庵。廣慧庵。玉環庵。極樂庵。古亦脚李庵。龍鳳庵。順天府志。響鈴寺寶禪寺。今尙在。餘無考。神武後衛明一統志。無之。蓋置自天順後也。天恩偶聞鄂文端公第。在帥府胡同。卽明武宗威之大將軍府也。今已廢。按文端相業。在本朝要爲巨擘。後來惟阿文成曾文正。差堪繼武。而公之示滇南士子文。與文正之示直隸士子文。亦可並美。其所學具見於此。善學者正可卽二文以得學之指歸。

註六 順天府志。雹子胡同。或作報。今從宛平王志。有聖祚隆長寺。明漢經廠外廠也。又聖祚隆長寺。明萬歷四十五年敕建。有碑。碑今無存。乾隆二十一年修。又按沈進行國錄。稱漢經廠外廠。聖祚隆長寺。是今之報子胡同。明代亦設經廠于其地。以地安門內有漢經廠。故此曰外廠。

註七 順天府志。臭皮胡同。有王公橋。

註八 彭文敏公自訂年譜。己未移寓阜城門內石老娘胡同。

註九 天咫偶聞。光緒己亥五月初七日。石碑胡同軍器廠失慎。火藥庫被轟。時日纔加已。西城忽有大聲如地震。屋宇皆搖。闔廠房均震飛。地陷巨坑。右鄰尼菴禪房香積尺椽不存。惟佛殿僅在。四旁人家毀屋無算。傷人亦無算。奉旨確察。金吾僅以六人塞明詔。實則不止也。是日人家有從空墜人首足者。亦有礮子飛落屋上者。正值護國寺廟市。琉璃器碎無一存。其日廠兵黠卯甫畢。衆往食肆早飯。故免者甚多。考明萬曆中王恭廠火藥局災。爲五月初八日。今止差一日。亦奇。

註十 順天府志。寶禪寺。元普慶寺舊址也。亦在河漕西。今其地名寶禪寺胡同。元至大元年立大承華普慶寺。爲裕聖太后報德作也。又爲安御容之所。明成化六年內官麻俊即寺基復建。賜額寶禪。本朝康熙乾隆年間重加修葺。寺內有明尚書萬安學士彭華尚書甘爲霖三碑。又康熙年間大學士明珠乾隆年間大學士公傅恆先後修葺。立碑以紀其事。元仁宗紀至大四年十月賜大普慶寺金千兩。銀五千兩。鈔萬錠。西錦綵緞紗羅布帛萬端。田八萬疇。邸舍四百間。皇慶二年七月賜普慶寺益都田百七十頃。元英宗紀至治元年二月作仁宗神

御殿於普慶寺。泰定帝紀泰定元年四月作昭聖皇后御容殿於普慶寺。八月遣翰林學士承旨鄂齋爾祀太祖太宗睿宗御容於普慶寺。薊邸羅抄寶禪寺在崇國寺之街西。即元大承華普慶寺也。成化庚寅俱用庫內官麻俊買地治宅。掘土得趙承旨碑。始知爲寺基。乃復建佛殿山門。廊廡廚庫悉具。聞於朝。改賜額曰寶禪寺。寺既改額。趙承旨碑廢不復存。順天府志正覺寺舊名正法。明建也。在寶禪西。又正覺寺本名正法寺。明時敕建有碑。乾隆二十一年官因其舊修葺之。改額曰正覺寺。有明孝宗武宗二碑。爲內官黃高立。按樊山老人徵祥寓寶禪寺街大乘巷。

註十一 宛平王志大小帽兒胡同有威靈廟。

大明濠以西。南北直達之大街。曰錦什坊街。自武定侯胡同以北。其東曰扁擔胡同。曰麻綫胡同。註一順承郡王府在焉。其後歸于大元帥張作霖之所有。又北曰小麻綫胡同。又北曰丁章胡同。又北曰錫拉胡同。其西曰武衣庫。註二又西曰大乘寺。順天府志作大成寺胡同。中間小胡同曰狗尾巴胡同。又北東曰華嘉寺。順天府志俗訛花椒寺。註三西曰大喜雀胡同。中間小胡同曰驢蹄胡同。曰娘娘廟。針尖胡同。今改爲甄荐胡同。均不通行。又北曰牛八寶胡同。曰王府倉胡同。註四中間小胡同曰小喜鵲胡同。不通行。曰石杆胡同。曰羊腸胡同。曰香家院。順天府志作向家園。曰月芽胡同。快活林。均不通行。

又北曰大水車胡同。小水車胡同。中間小胡同曰橫水車胡同。曰烟筒胡同。今改源通胡同。曰趕麪杖胡同。今改爲廉讓胡同。曰馬勺胡同。又北曰巡捕廳胡同。註五小胡同曰追賊胡同。今改爲垂則胡同。曰小撒袋胡同。又北卽阜城門大街之西頭。其西爲阜城門南順城街。

註一 嘯亭續錄順承郡王府在麻綫胡同。順天府志按王諱勤德。溥太祖曾孫。顯親王薩哈璘之子。順治間

授平南大將軍。追諡恭惠。世襲。天咫偶聞麻綫胡同極東道北一第。爲彭尙書啟豐故居。石老娘胡同極東道

北一第。爲許文恪乃普故居。皆有山池花木之勝。今久易主矣。彭第尤華麗。

註二 嘯亭雜錄公某宅在烏衣庫。

註三 宛平王志華嘉寺胡同有崇寧庵。

註四 嘯亭續錄貝勒允禔宅在王府倉胡同。順天府志允禔聖祖二十子。諡簡靖。今爲賀公宅。按今王府

倉胡同有凱公府。疑卽是。

註五 天咫偶聞恩楚湘先生齡宅阜城門內巡捕廳胡同。先生於嘉慶間官江蘇常鎮道。慕隨園景物。歸而繞

屋築園。有可青紅綠黃澄碧山莊。晚翠樓玉華境杏雨軒紅蘭舫雲霞市湘亭畫窗十景。總名述園吟箋歌管。送日忘年。收廢亦最富。宋元名跡極多。元夕放燈於園。自撰玉華觀燈詞。命家姬習歌之。

大明濠以西。阜城門大街路北。有白塔寺。註一寺之東曰葡萄館。曰前抄手胡同。後抄手胡

同。順天府志作招子胡同。曰蘇蘿卜胡同。順天府志作酥蘿蔔胡同。曰塔院夾道。順天府

志作小塔院。寺之西曰老虎洞。曰宮門口。註二曰針綫胡同。曰橫三條。曰東三條胡同。曰糖

房胡同。曰箭杆胡同。曰南禪脚北禪脚。今改南北庫角胡同。曰頭條胡同。曰二條胡同。註三

曰西三條胡同。曰東四條胡同。西四條胡同。橫四條胡同。曰五條胡同。曰西橋杆。曰玉帶

胡同。曰清塔寺。順天府志作青塔寺胡同。註四又西卽阜城門北順城街。

註一順天府志妙應寺遼白塔寺舊址也。在阜城門街北。寺爲遼白塔寺舊址。塔在寺右偏。遼壽昌二年爲釋

迦佛舍利建。內貯舍利戒珠二十粒。香泥小塔二千。無垢淨光陀羅尼經五部。元至元八年世祖發視石函。銅瓶

香水盈滿。色如玉漿。舍利堅圓。燦若金粟。前二龍王跪而守護。瓶底獲一銅錢。上鑄至元通寶四字。帝后閱之。愈

加崇重。卽迎舍利。崇飾斯塔。角垂玉杵。階布石欄。簷掛華鬘。身絡珠網。制度之巧。蓋古今所罕有矣。十六年卽其

地建大聖壽萬安寺。設影堂。明天順元年賜額妙應寺。康熙二十七年修寺與塔。有御製碑文二。立石殿廷中。乾

隆十八年重修御書般若波羅密多心經一卷。及梵文尊勝咒。並賜大藏真經全部七百二十四函。以爲塔之鎮。

又製修妙應寺文與修白塔銘勒石於佛殿庭中。四十一年奉敕又修。寺僧藏有御製滿漢蒙古西番合璧大藏

全咒十套。西番首釋殿經一分。維摩詰所說大乘經全部。其寺西有宏慶寺。舊名黑塔寺。在水窖胡同。元時所建。

明正統二年成國公朱勇修武功伯沈清新之。正統八年賜額有二碑。一胡濙撰。一張益撰。均正統十四年立。宛平王志凡塔下豐上銳。層層甍拔也。白塔猶否。其足則銳。其肩則豐。如膽之倒垂。然肩以上長項。空節節而起。頂覆銅盤。盤上又一小銅塔。塔通體皆白。元世祖紀至元十六年建聖壽萬安寺於京城。二十五年四月萬安寺成。佛像及窗壁皆金飾之。凡費金五百四十兩有奇。水銀二百四十觔。二十六年七月幸大聖壽萬安寺。置旂檀佛像。元英宗紀至治元年七月奉仁宗及帝御容於大聖壽萬安寺。元文宗紀天歷元年十月幸大聖壽萬安寺。謁世祖裕宗神御殿。元祭祀志世祖帝后影堂在大聖壽萬安寺。裕宗帝后亦在焉。世祖影堂藏玉册十有二牒。玉寶一紐。元五行志至正二十八年六月甲寅大都大聖壽萬安寺災。是日未時。雷雨中有火自空而下。帝命百官救護。惟東西二影堂得免。此寺舊名白塔。自世祖以來爲百官習儀之所。其殿陞欄楯一如殿廷之制。成宗時置世祖影堂於殿之西。裕宗影堂于殿之東。月遣大臣致祭。析津志福田坊在西白塔寺。燕都游覽志成化元年於塔座周圍輒造燈籠一百八座。相傳西方屬金。故建白塔以鎮之。然同時元創有五色塔。而今僅黑塔在。其餘湮沒莫考矣。帝京景物略元初有童謠曰。塔兒紅。北人來作主人翁。塔兒白。南人作主北人客。事見草木子古今諺。元世祖時塔色赭赤。及明太祖兵起淮陽。塔白如故。歲元旦。士女繞塔。履歷相躡。至燈市盛乃歇。甲申傳信錄田太監亡其名。住白塔寺後。三月十九日自縊。命僕捲其囊以逃。餘書籍花盆在焉。後楊士聰居之。覽其中書多寫册。亦有手錄者。坊巷胡同集河漕西三牌十三舖。有廣平庫阜城廠揀果廠永清左衛北新草場普度堂白塔寺翊教寺。萬歷沈志有鷺峯寺正法寺寶禪寺普安寺妙應寺祝壽寺。順天府

志阜城廠永清左衛普度堂鷲峯寺。今無考。餘見後。骨董瑣記白塔寺白塔遼壽昌時所建。元至正更名大聖壽萬安寺。明天順始名妙應。今甲子六月重修。於最上層得銅牌。文曰靈通萬壽寶塔天盤壽帶大明萬歷歲次壬辰季春月重修。壬辰爲萬歷二十年。燕京訪古錄當明季有補缸匠某。居近阜城門白塔寺。而終日則在勝友軒飯館飲食。勝友軒在白塔寺前。補缸匠所入無幾。故積欠數十年。無以爲償。舖主索欠頻至。某無以應。遂之亦不去。主人計無可施。乃曰汝日居此。不事生業。果何爲耶。時白塔年久失修。中裂一縫。內府招燕京各大木廠往葺之。皆不能應。主人乃戲謂某曰。爾苟能補此破塔。我當不再索償。某曰諾。詰朝塔間果有七筍。非銅非鐵。灼灼耀目。而某自是亦眇焉去矣。城西訪古記白塔寺記。塔在阜成門內街北。宮門口之東。寺門額曰。勅賜妙應禪林。門內道旁。乘有旗竿基石。東西爲鐘鼓樓。進爲天王殿。像已殘壞。殿後東西各一井。院中有石座鐵鼎。上鑄萬歷三十八年八月吉日造。鼎腹後面鑄信士（易宗禹妻孫氏）。此鼎自腹以上質較舊。或後配鼎腹耳。再北。東西各有石臺。高大如几。七角形。平面中有圓孔。東西各有配殿。空閉不似曾有佛像者。元時寺曾設影堂。疑卽其處。莫能明也。（影堂事見後。）正殿前階下東西各一碑。護以石欄。欄多缺壞。東碑爲御製妙應寺碑文。康熙二十七年十一月二十日立。碑文內云。寺爲遼道宗四十二年建。距今五百九十二年。碑文爲滿漢合璧。碑陰爲妙應寺八韻詩一首。乾隆五十年仲春月下澗御筆詩。注塔高二十餘丈。西碑亦御製妙應寺碑文。文與東碑異。年月日則同。文亦滿漢合璧。碑陰無字。正殿爲三寶殿。祀三世佛。殿頂藻井三。皆繪龍。承塵所繪。只有六字。眞言。與護國寺略異。殿門內北嚮對佛。有御筆額曰。福緣應現。此額字印原隆起。今已無。只留字跡。殿後爲七佛

寶殿。殿前東西各一碑。亦有石欄。較前爲高。東碑爲乾隆御製重修妙應寺碑文。滿漢合璧。碑陰爲蒙藏合璧。西碑爲御製重修白塔銘。內記乾隆十八年七月重修。碑文滿漢合璧。碑陰蒙藏合璧。（此二碑文內均有余名。因拓下。以誌奇緣。）殿祀過去七佛。中一佛像獨大。非三均刻龍。北嚮。乾隆御筆額曰。祥輪光聚。字有剝落處。殿後北上階十級。門上有橫額曰。勅建釋迦舍利靈通寶塔。進爲塔院。有一殿。祀三世佛。中佛像後。南嚮。御扁額曰。具六神通。殿後北嚮。與殿相連。有燃佛燈小屋三間。屋東有小磚台。置鐵鑿如鉢。上鑄嘉慶丙子年（二十一年）造。小屋北。有石柱。高大如几。爲轉塔時設供之用。（轉塔事見後。）柱後有石座。鐵鼎。鐵極精緻。上鑄大明嘉靖元年歲次壬午十二月吉日造。鼎腹鑄字。東西各數行。文皆相同。其文云。「御馬監太監王琦。正德十六年歲次辛巳。因左右各三佛較小。莊嚴各異。旁爲十八羅漢像。殿頂藻井古剝白塔。乃觀佛殿前。以無香火瞻禮。謹發誠心。許造大鐵鼎爐一座。計重千斤有餘。嘉靖元年歲次壬午十二月吉日鑄完。施入勅賜妙應禪林。永遠供奉。晨昏祝延聖壽。永保皇圖。萬方寧謐。天下太平。時合穗稔。吉祥如意者。」（以上照錄原文。）後鼎即白塔。寺四隅各一屋。狀如小樓。想爲守塔者所居。塔巔銅塔共五層。四角繫以八鍊。承以銅盤。盤下周圍綠色鐵網。（一云銅製綠色鏤也。）網皆鏤空。玲瓏四垂。網後撐以鐵架。鐵網之狀。如世俗掛錢聯合而成。每掛鑄成陽文佛字。圍以花紋。又一掛花紋較密。中爲梵字。無挂佛字。間一挂梵字。下角均相連。每掛下。皆懸小鐘。傳云曾墮其一。余察之。在正面東南角佛字挂下。盤下前方置三物。東爲瓦刀。西爲灰抹。傳爲魯班顯聖修塔時所遺。中爲銅板。上刻佛像。（盤下塔上前方。亦祀佛像一尊。爲某喇嘛遺物。盤之前後左右。撐鐵條八根。塔上尖銳。以次漸豐。中方而行

方上層前有尖頂石碑，有字不可辨。方下層前又有鐵碑，狀如神主，亦有字。方層下正圓，以下復方，再下爲方臺。緣臺有短牆，緣牆皆鐵燈，亦多殘闕。臺周徑窄，僅容一人。台前一門，門外有階如橫橋，東西可下，循之以降。即塔下也。此塔形略如是。若求詳，則非繪不爲功。宛平王志所載塔形，與此不同，不識何據。傳云白塔無影，余嘗晨起往視，其影在近塔一帶屋上，初不在宮門口巷內，人不見之，故以爲無影也。或曰：無影者塔巔銅塔，爲承塔銅盤所遮，故無影。塔院後西去爲寺後門，又自天王殿後西廡穿出，往南折而西，有巷通宮門口。此巷內道北有門，爲寺西院。家君少時曾讀書其中，昔日極雅潔。庚子年，佛像盡毀壞，門內四面皆廊，中有一殿，殿外有聯額，爲同治九年倭仁書。聯云：甘露灑諸天，現清淨身，說平等法，慈航超彼岸。現自在力，顯大神通。額曰：大覺能仁。殿後北廊有穿堂，再北院中有石燈臺二，三面皆樓，樓上有居人，再後即塔院西垣外小佛院也。每年十月二十五日爲白塔生日，喇嘛對塔誦經奏樂，復繞塔一周，遊人縱觀，俗稱轉塔。轉塔時在午後，自增廟市（每月逢五六日爲市期）改於午前。寺雖經庚子之變，然未盡毀，且屢經修葺，殿宇完好，較護國寺爲幸多矣。寺中西康熙碑文云：「稽自元明間，工竣，皆勸真珉，詳厥本末。」又東乾隆碑文云：「歷元迄明，代加崇飾。」然除兩明四清碑外，初無古跡可尋。蔣一葵長安客話云：「寺爲遼白塔舊址。寺右偏（此語不知何據）遼壽昌二年，爲釋迦佛舍利建（遼無壽昌年號，按遼道宗共改元五次，清寧十一年，咸雍八年，大康九年，大安九年，壽隆十年，共四十七年。康熙東碑云：道宗四十二年建，當爲壽隆五年，即宋紹聖三年，迄今年癸亥，共八百二十八年。）元至元八年，世祖崇飾之，制度之巧，古今罕有。」舊聞考云：「至元十六年，即其地建大聖壽萬安寺，設影堂。」元世祖紀

云。「至元十六年。建聖壽萬安寺於京城。二十五年四月成。」五行志云。「寺舊名白塔。自世祖以來。爲百官習儀之所。成宗時。置世祖影堂於殿之西。裕宗影堂於殿之東。」世祖太子真金。追號裕宗。「二月遣大臣設祭。至正廿八年六月甲寅。寺災。惟東西二影堂得免。」燕都游覽志云。「明天順元年。賜額妙應寺。」據此。遼爲白塔寺。元初。卽其地建聖壽萬安寺。設影堂。後雖被焚。塔宮未毀。何時修復。又不可考。妙應寺之名。則起於天順。以迄於今。遊覽志又云。「成化元年。於塔座周圍。磚造燈籠一百八座。」按今燈俱爲鐵製。數則加多。每一面已有四十餘。沿塔種樹掩映。不能盡數。帝京景物略云。「歲元旦。士女繞寺。履屣相躡。至燈市盛乃歇。」知明末時。新年可遊寺也。按寺建雖年久。而地勢不宏。又無喇嘛述舊跡。僅就游歷所得者爲此。較之隆善。殊嫌不備矣。

註二 城西訪古記朝天宮記。阜城門內街南。錦什坊街對面。爲宮門口。東卽白塔寺。宮門口分東西兩岔。北行二巷合而復分。如叉子形。至極北。東至西者。東爲火神廟。西爲葡萄園。再北。由南至北共三巷。東爲東廊下。中爲西廊下。西爲苦水井。東廊下中有橫巷。曲折通西廊下。此橫巷中。又豎穿至東廊下南口內者。皆名中廊下。東廊下北口。往北爲獅子府。往西爲大玉皇閣。西口通西廊下。中間南去折而西。通西廊下者。名小玉皇閣。大玉皇閣道北。有元天觀。觀後一帶皆荒原。西廊下極北。折而西。通苦水井。此橫巷內。往北爲瓜園。卽通觀後荒原。苦水井極北。南嚮有關帝廟。由廟前西去。通南小街。此朝天宮形勢大略也。宮與白塔寺僅隔一垣。宮門口東西兩岔。卽三角門。兩岔之間。卽宮門也。東西廊下。其義甚明。中廊下者。別於東西。非中亦有廊也。按白塔寺建於朝天宮先。

(見後)當未移動。自白塔寺西垣。至今宮門口西岔道西。皆爲宮門舊地。而東西廊下各地。反較寬於宮門。意宮內前數重後。東西或有跨院。東跨院起於白塔寺後。至東廊下巷內地。以及獅子府一帶。西跨院則起葡萄園西南。至西廊下苦水井一帶。井必在跨院。今猶存。大玉皇閣之元天觀。即宮之後閣。觀西壁連住戶。東南之壁。北去曲折者二。再北始達後垣。惜不能入覽。故莫悉其內狀。小玉皇閣者。乃別於大。非又有一閣也。苦水井北之關帝廟後垣。與元天觀後垣齊。可證此廟必在宮內。觀後荒原名瓜園者。宮內圃也。推而至於苦水井南口之葡萄園。亦必昔日種有葡萄。蓋其地屬跨院內故也。自阜成門大街。至觀後瓜園。地勢極大。此一片地中。除關帝廟外。小廟尙多。皆宮內各殿燼餘。(被災事見後)就其址以葺成者也。東廊下北。元天觀之東。名獅子府。有一小廟。孤立於荒原。門東嚮。門前有一石獅。面南向。其地爲天師府舊址。(見後)因有石獅。故訛爲獅子府。凡遺址所存小廟。皆雜賃居人。不可遊覽。誠恨事也。僅取關於朝天宮事蹟。見於載籍者。摘錄數則。以供參考。(所錄載籍即春明夢餘錄諸書均見下)此云廟在西廊下。今在苦水井二巷之北。固相通也。廟今有門。不僅三楹大殿。所云甬道綿互者。余曾往視廟前。亦似有跡。蓋日久爲土掩也。據以上諸說。地在元爲天師府。明宣宗時。於其地建宮。成於宣德八年。有碑紀事。成化十七年重修。亦有碑。天啟六年。齊災。自成至毀。計一百九十四年。此後遂不修復。宮後爲天師府。亦有碑。今廢。此蓋就天師府舊址建宮。復以府附其後。以今地度之。約在宮東跨院內。所餘石獅南嚮處。卽府門也。至於所有名碑。皆不知何往。有遊元天觀者。謂僅見數碑額。聞碑身於庚子歲。爲洋人擄去。惜哉。宮門口東岔南首。東南去。有小巷。斜通大街。名老虎洞。若由南至北以觀。老虎洞及西岔。各一巷。東岔在

中直貫而北。中分西谷。亦直至北。狀如火字。故一帶屢遷回祿。後於交叉處。建房數重。以斷火字。又於東廊下南口外。西去道北之土地廟內。懸黑旗。取水能尅火意。此亦講掌故者所應知也。春明夢餘錄。朝天宮在皇城西北。元之天師府也。帝京景物略。宣宗徵南都之制。建朝天宮。有三清殿。以奉上清太清玉清。通明殿。以奉上帝。普濟景德總制寶殿。佑聖靖應崇貞文昌玄應九殿。以奉諸神。東西建具服殿。以備車駕臨幸。宮成於宣德八年。御製詩文勒碑紀事。成化十七年重修。亦有御製詩文碑。天啟六年六月廿夜十三殿齊災。宮後天師府有趙孟頫張天師像贊碑。大道歌碑。虞集黃籙大醮碑。長安客話。凡大朝會。習儀三日。國初或在慶壽寺。或在靈濟宮。宣德間建朝天宮於白塔寺西。始爲定所。舊聞考朝天宮本元代舊址。建於明嘉靖時。齋醮之及無虛日。考名山藏所紀。其崇奉與大高玄殿相埒。今阜成門東北雖有宮門口東廊下西廊下之名。周迴數里。大半爲民居矣。西廊下有關帝廟。乃土人因餘址而葺之者。正大殿三楹。殿前甬道彌亘數百武。砌石斷續。猶見當時規制。燕京訪古錄。平則門大街。妙應寺蓮東。有石獅一軀。向南睨視。半沒土中。上露二尺許。考之係元時朝天宮之遺物也。

註三 藤陰雜記。平則門二條胡同。爲武進劉文定公繪第。天咫偶聞。劉文定公繪第在二條胡同。今已無考。公

清正與劉文正公媲美。時稱二劉。爲相時。王述菴司寇以公事詣第。夜半天寒甚。公呼三公子具酒脯。廚傳已空。僅得白菜數枚。以侑酒。在樞廷園居。與于文襄公同院。喧寂懸殊。客至。恆手自拂塵。拱客立待取褥。前輩清風。倜然遠矣。按昔之先正大抵如斯。我生之初所間見者。尙能爾爾。

註四 舊聞碧青塔寺創自元延祐間。有萬曆三年張一桂重修寺碑。略云青塔寺者卽勝國時勅建大永福寺也。稍東爲白塔禪寺。相距里許。天順成化中嘗再新之。迄今殿宇僅存遺址。僧佛寶以興復爲己任。太監王喜等捐貲助之。工始于隆慶壬申。訖於萬曆乙亥。在皇城門四條胡同。順天府志宏慶寺黑塔寺相距里許。然皆無塔。亦皆無寺額。獨各有碑可考耳。

白塔寺之後。在東曰回子營。稍西曰火神廟。又西曰葡萄園。註一回子營之北曰小茶葉胡

同。曰秀娘胡同。又北曰大茶葉胡同。又北曰翠花街。順天府志有小翠花街。註二又北曰前

紗絡胡同後紗絡胡同。順天府志作沙喇胡同。中間之南北胡同曰翠花橫街。曰狗尾巴

胡同。今改高義伯胡同。曰烟袋鍋胡同。今改燕代胡同。又北曰祖家街。註三其東小胡同曰

東門樓。不通行。又北曰翊教寺。註四又北曰揀果廠。註五又北曰大脚胡同。順天府志作大角

胡同。其南小胡同曰頭巷。曰新開路。均不通行。又北曰大陳綫胡同。又北曰小陳綫胡同。

又北曰東觀音寺。註六又北曰北魏兒胡同。順天府志作北衛兒胡同。又北曰柳巷胡同。註七

北曰大後倉胡同。其南有小胡同。曰黃土坑大院。其北有天主教堂。又北卽西直門大街。

其由北而南者曰南草廠。註八順天府志作草廠胡同。

註一 宸垣識略果親王府在宮門口葡萄園。按果親王諱允禩。聖祖十七子。雍正初任議政。諱曰毅。今府在孟端胡同。

註二 宸垣識略一等英誠公第在翠花街。按清初揚古利封武勳王。加號英誠。世襲。子塔瞻降襲。今公明勳官散秩大臣。

註三 順天府志祖家街相傳爲祖大壽故宅。天恩偶聞祖大壽故居在祖家街。今改爲正黃旗官學。其屋全是舊制。聽事正寢兩廂別院。一一俱在。屋中裝飾皆存昔制。足令觀者興故家喬木之思。按今北京師範學校工業學校俱在祖家街。前清光緒中本爲端王載漪府。拳匪之亂。端王出走。八國聯兵入京。以王祖匪燬其宅。後遂改爲工業學校。

註四 順天府志翊教寺古刹也。在西城河漕西。寺相傳始于宋元。明成化八年重修。嘉靖三十一年司禮太監焦忠又修。萬歷五年僧心宗募修之。今爲戒壇下院。其西又有普安寺。明初建。嘉靖甲子司禮太監黃錦重修。有徐階撰碑。萬歷間慈聖太后發帑重葺也。又有萬歷三年葛守禮撰碑。析津日記載有李賢董份二碑。今李賢碑已佚。董份碑詞甚鄙俚。且份誤作汾。乃後人僞託。

註五 順天府志揀果廠胡同。明置揀果廠於此。隸河西漕坊。今廠廢而猶存其名。或訛鹽廠。八旗通志作堅廠。

註六 順天府志東觀音寺胡同。有彌勒庵又名十方禪院。唐北留庵遺址也。在西直門小街。院相傳爲唐北留庵。萬歷初有大力者奪之。于時五臺陸公捐資首倡歸其直。堂其址。畚築之餘。得殘碑尺許。有貞觀年月及北留

寺記等字。然後知其爲唐寺也。碑今無考。土人亦呼爲彌勒庵。其相近南小街扒兒胡同有妙清觀。正統十年太監陳日新以所居宅施爲五華觀下院。景泰二年賜額。並予官料以助興作。始於景泰三年五月落成。于六年十一月燬於崇禎十一年安民廠火藥局災。今存殿三楹。宛平王志有觀音寺。燕都遊覽志阜成門迤北三里許爲正義坊。坊北數武有十方禪院。相傳爲唐北留庵。

註七 冷然志笑巖德寶禪師生受都下。受法于玉泉明聰。萬歷初居西城之柳巷。人罕知者。一日有番僧來參。亞身翹袖。作種種相。師以拄杖畫地。隨方答之。僧作禮騰空而去。弟子問適來僧問何法。師曰此阿羅漢西天秘密語也。宛平王志明僧德寶京師人。錦衣世家吳氏子。披薙於都門廣慧寺。其傳燈弟子有天童磬山。世祖章皇帝詔舉天下高僧。如報恩日證昂溪者。皆其法裔也。著有南北集行世。

註八 嘯亭續錄果親王府在草廠胡同。今爲端親王府。順天府志果毅親王已見前。端王諱綿愉。仁宗四子。諱曰懷。子敏郡王襲。無嗣。以今惇親王子貝勒載漪襲。又坊巷胡同集有北新草廠。遺址疑當在此。按端王府今改爲工業學校。在祖家街。見前。

翠花橫街以西。火神廟葡萄園以北。南北胡同曰觀音庵。曰東廊下。中廊下。西廊下。曰苦水井。今改福綏境。其西之東西胡同。曰東弓匠營。曰太平街。順天府志作小太平街。曰官園。註一東廊下之北曰牛蹄胡同。今改留題胡同。曰下坡子。曰玉皇閣。又北曰豬毛廠。又北

即師範學校工業學校及操場地。又北曰前庫胡同。後庫胡同。順天府志作前後廣平庫胡同。^{註二}又北曰小後倉。又北曰半壁街。順天府志作小半壁街。^{註三}又北曰老虎廟。又北亦即西直門大街。

註一 嘯亭續錄誠親王舊府在官園。今為質親王府。按誠王諱允祉。聖祖三子。雍正中以罪除。乾隆二年追

復諡曰隱。質王諱永璐。高宗六子。嗣慎靖郡王允禧後。諡曰莊。今為齡公宅。順天府志官園菜園疑即坊巷胡

同集所稱官菜園遺址。按官園之名。今尚在。菜園已廢。工業及師範兩校操場。疑即其地。

註二 順天府志前後廣平庫。明置廣平庫於此。宛平王志有永祥庵。宸垣識略打磨蘇王府在廣平庫。

註三 天咫偶聞櫺貝子府在西直門內半壁街。貝子為成哲親王後人。此府昔為九公主所居。順天府志析

津志有半邊街。疑半壁街係沿其舊稱。

自東弓匠營而西。以達於西直門大街之北胡同。曰南小街。南小街之南。東弓匠營之西。

曰西弓匠營。稍北曰鞍匠營。又北曰冰窖胡同。黑塔寺在焉。^{註一}又北曰宗帽胡同。順天府

志作櫻帽胡同。又北曰前秀才胡同。又北曰中秀才胡同。又北曰後秀才胡同。又北曰椿

樹胡同。又北曰井兒胡同。又北曰魚眼胡同。今改魚雁胡同。又北曰安成胡同。又北曰西

觀音寺。順天府志作觀音寺胡同。又北曰陰涼胡同。又北曰弓絃胡同。又北曰弓背胡同。

又北曰喇叭胡同。又北曰永祥寺。曰鑰匙胡同。曰六個門。又北曰南扒兒胡同。今改曉安胡同。曰大扒兒胡同。今改大安胡同。曰八個門。又北曰中扒兒胡同。今改中大安胡同。註二
又北曰葱店。曰翠峯庵。又北曰北扒兒胡同。今改北大安胡同。又北即西直門大街。入西直門而南。曰西直門南順城街。註三

註一 順天府志草場口有萬福寺。亦呼黑塔。其胡同亦名黑塔寺胡同。然寺已無塔。亦無碑碣可考見。不知何以沿其稱也。按冰窖胡同有黑塔寺。草場口亦名黑塔寺。順天府志此條兩載之。當亦不能辨其詳也。

註二 順天府志扒亦作篋。妙清觀明璫陳日新故宅也。見前。嘯亭續錄泰郡王府在扒兒胡同。

註三 燕都游覽志月張園在阜城門內。傍城垣下。堂後枕一池甚修廣。倒影入屋楹。周遭菜畦。今屬再都尉。又宣家園在阜成門內。舊爲宣城伯衛公別業。傍多宅宇。外有菜園百畦。後屬焦鴻臚。稱焦園。又屬毛戶部。稱毛園。舊有射堂爲習武地。今廢矣。牡丹數種向爲京師第一。初朔時多奇石。石皆有名。曰隅虎。曰佇鵠。曰鷺羽。曰奮距。今不知所之矣。順天府志月張園有謂在下斜街者。疑未足據。宣園今無考。

按順天府志此地附近有興隆街、吉祥胡同、王府夾道、雙柵欄、柵欄胡同、四根柏胡同、前中後毛家灣、箭杆胡同、柳樹井、大園胡同、諸名。今俱不見。又舊聞考有獅子府。云朝天宮後向存舊殿三重。土人呼爲獅子府。蓋元天師府也。今廢。但今其名亦不見。又宸垣志略云。多羅恭勤貝勒府在南小街釣兒胡同。(貝勒諱永佑。清聖祖二十

二子。嘯亭雜錄云直郡王府在丁家井。今此處左近並無釣兒胡同丁家井之名。恭勤貝勒府直郡王府更無遺址。

自新街口西達於西直門。曰西直門大街。其中有橋曰橫橋。明于此置河漕西坊。今橋已平。漕亦久廢。註一自西直門大街而北。胡同頗爲複雜。由新街口北街之西而入之東西胡同。曰頭條胡同。二條胡同。三條胡同。小三條胡同。蘇八寶胡同。時刻亮。油炸果胡同。今改有果胡同。四條胡同。駱駝胡同。六條胡同。燒餅胡同。今改壽瓶胡同。菜園。菜園六條。羊圈。七條胡同。小柎棒。大銅井。順天府志迤西有太平橋。後大坑。自橫橋而北曰曹公觀。註二東新開路。陸軍大學校在焉。又北曰東校場。陸軍大學校之後。曰井兒胡同。曰雙柎欄。曰錢桌子胡同。今改潛學胡同。曰柎匠劉胡同。今改柎獎胡同。曰剃頭柎胡同。曰羊肉床胡同。今改洋溢滋胡同。曰張禿子胡同。今改長圖治胡同。曰槐樹胡同。曰小七條。曰賢孝牌。曰松樹庵。自曹公觀而西。曰達子館。曰柳家大門。均不通行。曰三官廟。自曹公觀而北。曰前張公園。中張公園。後張公園。又北曰弔子嘴。其西亦曰井兒胡同。曰教子胡同。順天府志教亦作轎。又北曰西校場。小胡同曰向茶胡同。今改綿長胡同。其東曰大四條胡同。又北

寬街。又北曰磚瓦胡同。又北曰小四條胡同。又北曰小五條胡同。又北曰小六條胡同。又北即小七條胡同。自三官廟以西曰高井胡同。曰北草廠。又北曰永泰寺。曰前牛街胡同。後牛街胡同。順天府志作前後牛犄角胡同。又北曰黑塔寺。註三稍東曰火匣子胡同。又北曰前營房胡同。後營房胡同。又北曰草料舖。自北草廠而西。曰馬相胡同。順天府志作馬香胡同。又西曰川堂門。稍北曰東黨家胡同。西黨家胡同。曰錢筒子胡同。又曰五根槐胡同。又北曰石碑大院。曰菜園。又北曰葡萄院。曰觀音庵。自川堂門而西曰醬房大院。不通行。曰樺皮廠。註四稍北曰前王子胡同。中王子胡同。後王子胡同。順天府志作八王子胡同。又北曰前桃園。後桃園。曰角樓。自樺皮廠而西。曰火藥局。曰蔡家大門。曰口袋胡同。又西即西直門內北順城根。蔡家大門而北。曰玉佛寺街。曰鐵獅子廟。曰西新開路。曰礮局。再北即德勝門內西順城根。

註一 順天府志橫橋一名洪橋。俗稱紅橋。南有枯渠。自西直門大街直達宣武門西城根。明之河漕也。有菜市。又廣濟寺明建。在西直門內新街口。明正德九年爲僧梅樂禪師敕建。有碑二。一沙門大勛撰。一梅樂禪師小傳。都穆撰。吳寬跋。其附近有祝壽寺。亦稱響鈴寺。嘯亭續錄恂郡王府惠郡王府具勒永璞宅俱在西直門大街。

順天府志恂王諱允禩。聖祖十四子。康熙時以貝子授撫遠大將軍。諡曰勤。今爲壽莊公主府。公主宣宗九女也。同治二年下嫁額駙德徵。惠王諱綿愉。仁宗五子。道光十九年晉親王。咸豐時授奉命大將軍。諡曰瑞。貝勒永璣。高宗十二子。早薨。嘉慶四年追封。以嗣子綿儂襲貝勒。今爲岐公第。析津志金城坊在平則門內。坊巷胡同集日中坊四牌十九鋪。有永泰寺。廣濟寺。延壽寺。明一統志有永清右衛。萬歷沈志有廣化寺。瑞聖寺。慈恩寺。彌陀寺。佑聖寺。延壽寺。永泰寺。永祥寺。萬壽寺。慈善寺。華嚴寺。彌陀庵。佑聖庵。延壽庵。三官廟。三清廟。天仙廟。三義廟。城隍廟。延福廟。藥王廟。順天府志案永泰寺延壽寺見後。餘無考。丹墀獨對。至元二十九年始用。御史中丞雀彥言。以明年正月營社稷於和義門內少南。以春秋仲月上戊致祀。順天府志案元祭祀志今西直門元之和義門也。社稷壇遺址無考。析津志驛河水門在和義門北。金水河水門在和義門南。又安濟橋在鐵平章宅後。高粱河由鐵平章橋流入元武池。燕石集安濟橋瀕危。俗呼捨命橋。順天府志案元大內在今禁城西北。安濟橋鐵平章宅。當在西直阜城二門間。集有渡安濟橋入史局詩。今遺蹟不可考矣。鐵平章者舊聞考以爲特格爾。其賜第在大明宮左。見元史列傳。天咫偶聞靖逆侯張勇第在西直門街。侯之勳已具國史。後裔尙能守世業。按其嗣侯張仁宗之配高夫人景芳。詩才清絕。張侯家財數百萬。以好客喜施。不二十年而罄。後其子襲職。貧不能支。太夫人示以藏鏹處。發之得三十萬。賴以濟。蓋侯在時。太夫人已預爲之地矣。賢哉。夫人。工駢體文。善詞賦。有集三十六卷。名紅雪軒稿。骨董瑣記禮親王昭連字汲修。號檀樽主人。著嘯亭雜錄。嘉慶二十年以擅用非刑凌辱朝臣等罪。革爵圈禁。三年後遷居西直門大街路北。後十三年卒。年五十四。予所寓街有

汕鹽店招牌福聚隆三字。下署禮親王。鈴有汲修齋印。筆勢高古。即其所書。

按自橫橋達於宣武門之河漕。即大明濠。今已夷爲馬路。廣濟寺在阜城門大街之西。順天府志云在新街口。當係另一寺矣。又陳太傅滄趣樓詩有九日節庵招飲廣化寺詩。當即在此。

註二 順天府志崇元觀在街北數十武。明璫曹化淳建。俗稱曹老公觀。歲元且自上元日有廟市。少東爲廣濟寺。西有崇壽庵。萬寧寺。舊聞考崇元觀門去通衢數十武。綽楔表之。上有三界聖境四字。有舊碑一。漫滅不可讀。乾隆二十三年重修御製詩立碑庭中。天咫偶聞崇元觀在新街口。明奄人曹化淳建。俗呼曹老公觀。正月廟市半月。近已傾圮無餘。而市依舊。相傳化淳於觀中多藏珍寶。以爲後人重建地。故俗有觀倒觀修之諺。然以此翻爲觀災。尺椽寸瓦。搜求殆遍。今倒盡更不能修矣。都市叢考崇元觀光緒庚子後廟址僅存。民國以來。即以此址改建陸軍大學校。

註三 順天府志草場口有萬佛寺。亦呼黑塔寺。其胡同亦名黑塔寺胡同。然寺已無塔。亦別無碑碣可考見。不知何以沿其稱也。按此條已見前冰窖胡同。

註四 順天府志樺或訛作化。右翼正黃正紅兩旗礮廠在西北。地以廠名。迤南有火藥局。明安民廠故址也。蕪史王恭廠災後。移建於西直門街北。賜名安民。會典事例安民廠在西直門內之北。收貯礮位。今尙貯廢礮。又八旗火藥廠鑲黃正黃二旗十有二間。在安民廠。今裁。廠亦廢。綏寇紀略崇禎十一年六月二日安民廠災。貼廠太監王甫局官張之秀俱斃。

骨董瑣記文瑞公鄂爾泰賜第大市口路北。蔣文肅公廷錫賜第李公橋。裘文達公曰修賜第石虎胡同。劉文定公綸賜第阜成門大街。劉文正公統勳賜第東四牌樓。汪文端公由敦賜第汪家胡同。梁文定公國治賜第拜斗殿。董文敏公誥賜第新街口。張文端公英賜第蠶池口子。文和公廷玉賜第護國寺。廷玉被譴後改賜史文靖公貽直。廷玉與貽直有隙。特賜貽直。所以示辱也。

骨董瑣記世傳清初八大家鐵帽子王。蓋謂世襲罔替耳。按八王。睿忠親王多爾袞。肅武親王豪格。鄭獻親王濟爾哈朗。豫通親王多鐸。武英郡王阿濟格。禮烈親王代善。順承郡王勒德渾。克勤毅郡王岳託。除英王外。皆配享太廟。肅王曾改顯王。豫王改封信郡王。鄭改簡。禮改康。克勤改禧。平。至乾隆時始復舊封。克勤爲禮烈王長子。初封成親王。降貝勒。崇禎十五年戰死山東。追封郡王。今豫王府爲美人購去。建協和醫院。克勤王府爲熊希齡所得。順承王府歸張作霖。鄭府即姚廣孝賜第。最宏敞。亦議出售。肅府庚子之難毀於火。

第六 內五區各街市

自地安門外而北曰地安橋。又北曰鼓樓大街。^{註一}又北爲鼓樓。又北爲鐘樓。稍西而北曰

舊鼓樓大街。^{註二}以達于德勝門內東城根。

^{註一} 順天府志地安門街迤北近鼓樓者。亦稱鼓樓大街。元稱十字街。鼓樓北爲鐘樓。街東有慈善寺。舊聞考慈善寺在鼓樓大街路東。莫詳所始。內有明萬歷十四年頒賜藏經並敕諭一通。又碑一通。通政司李琦撰。又高公庵胡同有慈隆寺。明萬歷二十二年太監高勳建。人呼爲高公庵。地亦因之得名。內有朱國祚撰碑。存素堂文集。嘉慶四年秋。余自楊柳灣移家鐘鼓樓間。朱壽人爲作移居圖。自移居後遠近以詩寵圖寄余者。又得二十餘家。爰附移居圖後。裝聯成卷。元一統志九年二月改號大都。遷居民以實之。建鐘鼓樓於城中。圖經志書鐘樓在金臺坊東。卽萬甯寺之中心閣。萬歷沈志慈善寺文昌宮在靖恭坊。有勅建碑。析津志米市麪市在鐘樓前十字街西南角。段子市皮帽市在鐘樓街西南。帽子市在鐘樓。窮漢市一在鐘樓後。鵝鴨市在鐘樓西。珠子市在鐘樓前街西第一巷。靴市在翰林院東。就賣底皮西甸皮諸靴材都出一處。柴炭市集市一在鐘樓。鐵器市在鐘樓後。霏雪錄危素爲翰林學士。居鐘樓街。會稽王山農冕游大都。嘗見其文而不相識。一日危騎而過山農所。與之坐。不問其姓名。徐曰。君非鐘樓街住耶。危曰。然。不出他語而罷。人問之。山農曰。吾觀其文有詭氣。目其人舉止亦然。料知必危太僕也。燕都遊覽志張公海棠二株。在鐘鼓樓東中貴張宅。元時遺物。叢本數十圍。

修幹直上。高數丈。下以朱欄陪之。參差敷陰。猶垂數畝。近易主不知其幾矣。天咫偶聞地安門外大街。最爲駢闐。北至鼓樓凡二里餘。每日中爲市。攘往熙來。無物不有。余居板場胡同時。暇嘗游此。其地西隣海子。行所必經。門外有酒家。二三知己小酌清言。直不知身在人海。予曾有四座了無塵事在。八窗都爲酒人開之句。飲罷小步湖濱。荷香柳影。致足撩人。按京師酒肆有三種。酒品亦最繁。一種爲南酒店。所售者女真花雕。紹興竹葉青之屬。肴品則火腿糟魚蟹松花蜜糕之屬。一種爲京酒店。則山左人所設。所售則雪酒冬酒。冰酒木瓜乾榨之屬。而又各分清濁。清者鄭康成所謂一夕酒也。又有良鄉酒出良鄉縣。都中亦能造。止冬月有之。入春則酸。即養爲乾榨矣。其肴品則羹鹹栗肉乾落花生核桃榛仁蜜棗山查鴨蛋酥魚兔脯之屬。夏則鮮蓮藕榛菱杏仁核桃佐米。謂之冰盃。別有一種藥酒店。則爲燒酒。以花蒸成。其名極繁。如玫瑰露茵陳露蘋果露山查露蒲萄露五加皮蓮花白之屬。凡有花果皆可名露。售此者並無肴核。又須自買於市。而諸肆向不賣菜。飲畢亦須向他食肆另買也。凡京酒店飲酒以半盃爲程。而實四兩。若一盃則半斤矣。疑宋人所謂一角者即此。又宋酒庫四月造酒。九月出賣。謂之開清。今猶沿此稱。蓋此等酒店其初必是金人由汴遷至者。余嘗曰於京酒店飲酒。自謂置身唐宋以上。以其何應規例。彷彿夢華錄所云也。京師士夫昔日酒人最多。道光中有大元帥二元帥之稱。聚飲以盃不以盃。或夜以繼日。罄瓶始已。蔗餘偶筆記前門某酒樓。有內城二客登樓索酒一罇。飲至暮而罄。疑爲酒仙。不知彼時實有此大戶。以余所聞鄂松亭學士恆即其一也。學士又善大書。或徑丈一字。與何緩叟相善。又楊幼雲繼振漢軍人。居舊鼓樓街。家有星鳳堂。富於收藏。賞鑒尤精。終日閉門不聞世事。但與古爲緣。所藏有夏承婁壽二碑。自

名承壽雙碑之節。秦誼亭爲作圖。又得蘇跡。自號又一蘇齋。所收古泉尤夥。余嘗見其所藏王廉州冊頁。上有幼雲跋。其印曰江南第一風流公子。又有黃氏去塵小印。其妾也。又地安門街西有火神廟。建於明代。國朝重修。聯額皆高廟御書。日下舊聞謂其後有水亭可望湖。亭久廢。地亦改爲染坊。道士不復知之矣。張江裁燕京訪古錄。後門外地安橋下有石刻三字。曰北京城。

註二 順天府志舊鼓樓街有清虛觀。明景泰間建。萬歷沈志清虛觀廣福觀俱勅建。在日中坊。明一統志中心閣在府西。元建。以其適都城。故名。析津志中心台在中心閣東十五步。其臺方幅一畝。以牆繚繞。正面有石碑刻中心臺。又雙青楊樹大井關帝廟。北去則昭回坊矣。前有大十字街。轉西大都府巡警二院。直西則崇仁倒鈔庫西中心閣。閣之西齊政樓也。更鼓譙樓。樓之正北乃鐘樓也。明北平圖經志書中心臺敵樓一十二座。窩鋪三百四十三座。舊聞考今舊鼓樓大街北城牆有中心臺之名。蓋元時都城偏北。以鼓樓大街之中心臺爲東西南北之中也。燕京訪古錄舊鼓樓大街之北。有頽殘花神廟。正殿照壁後。有黃漆門限一座。高三尺五寸。長六尺。厚一尺。中鐫金門限三大陰文篆書。左爲（長獄龍德宮）五篆字。右爲（工匠人燕用金鑄）七篆字。其東牆下。有殘缺石碑半段。惟餘大隸書二十字。文曰（大都鳳池坊北鐘樓西北相莊金兀朮第建翰林院）。按此金門限。當係兀朮由汴京宮內長獄龍德宮移此。所餘之半段碑。係元時立於翰林院內者。

自地安門外而東。有古兵將局遺址。註一 昔爲順天中學。今爲第十七中學。旁有小胡同曰

岔子胡同。又東爲東不壓橋。註二 其東澤公府在焉。澤公者前清度支部尙書。爲末葉親貴

之一。再東曰寬街。有僧忠親王祠。今為懷幼學校。再東即鐵獅子胡同。

註一 天恩偶聞慶似村公子。湖海詩傳稱其兩世平津。諸兄廬仕。即姻婭亦皆貴盛。當為筆帖式。避謝病家居。居相府後冰漿局。老屋數椽。軒窗枯槁。獨拓地數弓。種竹數十竿。並蜚西山沙土以植之。愛蘭而北地無蘭。取以自名。常為永歎。早亡無嗣。蓋其性情幽淡。非輒紅所得久羈也。然則似村之居。當在今地安門外冰漿局。而尹文端第在今定府大街也。第有絢春園。又名晚香。

註二 順天府志地安門外東城根有東步糧橋。宛平王志步作部。又澤公府在北皇城根。公以端惠親王支子推封。按澤公於今年六月卒。

自地安門外大街以東。東不壓橋以北。曰馬尾巴斜街。又東曰福祥寺胡同。註一北曰叢衣

胡同。註二又北曰雨兒胡同。註三又北曰帽兒胡同。註四又北曰井兒胡同。又北曰沙井胡同。其

間南北小胡同。曰南豆角。北豆角。又北曰方軛廠。註五曰黑芝蔴胡同。方軛廠之北。曰新寺

胡同。註六曰馬圈。曰小廠胡同。曰貫廠。又東曰下窪子。黑芝蔴胡同之北。曰前鼓樓院。後鼓

樓院。亦作鼓樓苑。曰南醋兒胡同。中醋兒胡同。西醋兒胡同。以達于交道口大街。亦曰鼓

樓東大街。註七

註一 順天府志福祥寺在今叢衣胡同。明宏治十一年勅建。正德三年修。萬曆四十一年再修。有明碑三。宏治

十一年黎珪撰文一。正德戊辰侍講沈濬撰文一。萬曆癸丑大學趙志皋撰文一。萬曆沈志寺在靖恭坊有勅建碑。

註二 順天府志坊巷胡同集有袈衣寺。其遺址疑當在袈衣胡同。蓋袈之訛。地以寺名也。

註三 嘯亭續錄公布舒宅在雨兒胡同。

註四 順天府志步軍統領署在帽兒胡同西北。舊爲禮部會同館。東有文昌宮斗姥宮。又步軍統領署在地安門外顯佑宮之右。步軍統領康熙十三年始行設立。無專署。雍正十二年以宣武門內京畿道胡同內務府官房爲之。乾隆三十一年管步軍統領事傅恆以衙署偏西南。奏准與地安門外帽兒胡同禮部會同館互易。又文昌帝君廟在地安門之東。大門三間。左右門各一。正殿三間。東西配殿各三間。魁光閣三間。御書碑亭一。鐘鼓樓各一。後殿五間。具服殿三間。配殿三間。明成化年建。國朝嘉慶六年重修。每歲以二月初三日及仲秋月。誦吉致祭。嘉慶六年定後殿奉文昌帝君先代神位。（原注嘉慶六年太常寺奏准文昌帝君三代姓名。查無確據。未爲請加封號。謹擬增製神牌一分。牌面書文昌帝君先代神位字樣。）嘉慶六年諭京師地安門外。舊有明成化年間所建文昌帝君廟宇。久經傾圮。碑記尙存。特命敬謹重修。現已落成。規模聿煥。朕本日虔申展謁。行九叩禮。敬思文昌帝君主持文運。福國佑民。崇正教。闢邪說。靈迹最著。海內崇奉。與關聖大帝相同。宜列入祀典。用光文治。著交禮部太常寺將每歲春秋致祭之典。及一切儀文。仿照關帝定制。詳查妥議具奏。嘯亭續錄湯敦甫金鈞任祭酒時。尙居地安門外文昌宮。無安宅也。萬曆沈志梓潼帝君廟在靖恭坊。有勅建碑。天咫偶聞步軍統

領衙門在帽兒胡同。按京城之所以司地面者不一。曰步軍統領。所以司內城盜賊者也。曰外營汛。所以司外城者也。曰五城巡城御史。所以司閭閻詞訟者也。曰街道廳。所以平治道塗者也。曰順天府尹。大宛兩縣。職在郊坰。城內無其責也。然相沿既久。漸至侵官。偶有違言。任人赴訴。時逢拘捕。聽官所爲。蓋其職不相統攝。民亦莫知適從。輦轂之下。肅清不易。亦半坐此。然步軍統領之權稍重。苟得其人。尙可爲理。

註五 天恩偶開洪文襄承疇第在南鑼鼓巷路西。門庭儼然。懸有順治乙未科進士第匾。其名則洪汝亨。當是文襄諸子。燕京訪古錄洪承疇府第在後門外方磚廠東口外路東。今已廢。惟府門外之二鐵獅巍然獨存。府後門在南鑼鼓巷。尙居洪氏之子孫云。

註六 順天府志靈顯佑宮在地安門外日中坊橋之東北。南嚮。繞以周垣。廟門三間。顯佑門三間。正殿五間。崇基石闌。三出陛。中九級。東西各七級。兩廡各五間。殿前左右碑亭各一。東南燎爐一。後殿五間。廟門內東西鼓樓各一。廟門外牌坊一。凡正殿門樓均黑綠琉璃。餘均甃瓦。門楹丹雘。梁棟飾以五彩。顯佑宮中奉眞武。永樂十三年創建。成化十五年修。俱有碑。本朝雍正九年重修。乾隆二十八年又修。有高宗純皇帝御碑。略云圖誌載眞武之神。爲靖王太子。受道祕於紫虛元君。入山修煉飛昇。從而著寶號。傳眞錄。疑於精英恍惚。足以聳動一世之耳目。而不能塞扶翊風教者之心。然禮不云乎。前朱雀而後玄武。釋者謂玄武卽龜爲祿有四旒。其星虛危。七星。其次元枵。蟊訾。凡注天官職方者。莫不徵引。蓋先王取象以節軍旅。疾徐進退之度。爲能應天而順人。即由此推之。命討告功。若禡機。伯禱。庸得謂非其所有事。而竟恥于無文之秩乎。今道家奉神左右。將曰龜曰蛇。正數典

不忘其祖。至改元武爲真武。則自宋時避廟諱。以真代元。始而羽士尊之曰北極元天。又取漢時五帝羲疏沿而襲之。其訓後爲北方。原出經解。匪彼氏侈譚尤信。京師顯佑宮建自明永樂十三年。以祀佑聖真君。正德中更署額爲靈明顯佑宮。成化碑記備詳。洪武及靖難間行陣呵護之應。雖語涉響像。尙不謬經文飾怨遺意。其後濫觴罔制。致內官陳善憑茲。援納左道。猥瀆明禋。宮猶巍然。神豈顧饗。惟是神宮地當坎位。稟元冥之令。符天一之行。佑國佑人。昭格融顯。有其舉之。亦莫可廢。乃以癸未孟春。出內帑之羨。鳩工庀材。匪增曰葺。其年十有二月。訖事云云。燕京訪古錄後門外帽兒胡同。有顯佑宮。宮門上嵌有白石一方。石紋隱顯如梅枝。枝梢缺月一痕。故居民名之曰梅梢月。按順天府志有真武廟胡同。今不見。考其地望。當在今之新寺胡同。

註七 順天府志順天府署在鼓樓東大街東北。元大都路總管舊署遺址建。西有天壽萬寧寺。又萬寧寺元刹也。在地安門北鼓樓東偏。元大德九年二月乙未建。大天壽萬寧寺。後以安成宗御像者。(元史泰定四年五月作成宗神御殿于天壽萬寧寺。)舊有穹碑二。碑長各二丈餘。西一碑國書不可讀。東一碑歐陽原功文。張起巖書。姚慶義額。題曰成宗欽明廣孝皇帝作天壽萬寧寺神御殿碑。明碑四。一爲馮祭酒夢禎文。一爲焦太史茲文。今存焦竑一碑。又相近有清虛觀。在舊鼓樓大街內。有明景泰五年胡濙撰碑。稍西爲大石橋。有雙寺。東曰嘉慈。西曰廣濟。明成化間建。萬曆中修。有碑五。又有廣福觀在鼓樓斜街。有碑一。已仆。上刻天順敕命。下刻成化誥命。蓋當時道錄司也。東華錄乾隆九年十月以京師錢價昂貴。令各當舖官借本銀收錢發市流轉。以正陽門外布巷市房一所。地安門外鼓樓東官房一所爲錢局。其收錢發銀造冊文票。俱用順天府治中印。陸繼駱崇

百藥齋續集黃墟感舊詩。自注完顏曙西太守舊宅在鼓樓東街。合歡作花特盛。花下小齋。余及潔士於丕申者。孟慈曾容保緒醉眠處也。天咫偶聞順天府在交道口之西。卽元之大都路總管署也。地極寬闊。堂亦宏壯。其私宅甚小。廳事中有秦小峴侍郎書額併堂記。考近代京尹以周小棠先生家楣稱首。惠政極多。光緒九年之水。爲之請帑於朝。不足又募助於各省。凡得若干萬。沿村設廠施粥。擇公正紳士司之。民得以不病。餘款未盡。設義倉積穀。令首事司之。惜後人不善守。公歿不數年。湮沒不可問矣。瓶廬詩稿有喜駕航以京尹內召詩。注云。黃壽臣林穎叔卞頤臣彭芴亭尹京時。觴客於後圃。宜晴快雨之閣。周小棠沈仲復尙修舊蹟。今改爲海棠院矣。

自東不壓橋而北之南北胡同。曰南鑼鼓巷。其東曰炒豆胡同。註一稍北曰板廠胡同。三六

橋多都護宅在焉。註二又北曰棉花胡同。前國務總理靳雲鵬居于是。又北曰秦老胡同。又

北曰前圓恩寺胡同。後圓恩寺胡同。註三中有小胡同。曰馬勺胡同。不通行。又北曰大菊兒

胡同。順天府志作大小局兒胡同。注云。或作橋。其西有小胡同。曰小菊花胡同。又北曰肅

寧府。註四又北卽交道口。路南有小胡同。曰太平胡同。不通行。稍西有小胡同。曰壽比胡同。

順天府志作臭皮廠。亦稱臭皮胡同。

註一 順天府志博多勒噶台親王府。在安定門內炒豆胡同。科爾沁郡王索特那木多布齊尙仁宗三女莊敬

公主。追贈親王銜。其子博多勒噶台親王僧格林沁。咸豐時以剿賊功。食雙親王俸。謚曰忠。配享太廟。今王伯彥

訥謨祜副府爲忠王所建。非公主賜第也。天咫偶聞僧忠親王邸在熗豆胡同。專祠在寬街。按王本蒙古科爾沁郡王。以功晉爵。生平忠節。可與定邊超勇親王並峙。其不可及者。則有數端。自兵民既分。遂不相入。雖節制之師。不擾民者有之。斷無民願兵之來者。惟王異是。聞山左人言。捻匪之亂。王駐兵於彼。凡數年。它將非養寇自重。即棄民不顧。惟王專以救民爲心。凡捻蹤所及。王必追蹤而至。首令保護百姓。故民皆仰之如父母。中丞設筵饗之。甫入座。忽喧聲沸於門外。命視之。云某村因捻至。赴訴於王。王從座起呼馬。中丞請少餐。王不及待。即席上懷饅首數枚而去。一日王師將至某邑。忽邑中餅師皆閉戶。有從買者。以無餅對。買者怪之。入視則積餅如山。且漚麪不已。買者責以妄言。則曰。此將以犒王軍。雖多錢不賣也。其得民如此。王之殉節也。師少匪衆。匪圍之數重。王乃下馬踞坐於地。示諸軍無退意。匪亦不知其王也。然圍之甚急。適諸將先發。左右無可以解此圍者。王恐爲賊所得。遂從容就義。及既死。賊見其冠服始知之。然無敢犯其屍者。一賊取冠獻之。其會。會問冠何來。以王就義對。其會曰。既王就義。此冠即不當持來。令速誅之。明日陳鎮國瑞求王屍。賊復圍之。陳凡三出入。呼曰。王之威德。爾輩所知也。豈可令其不返葬故鄉乎。今日不得王屍。吾必不返。賊相謂曰。彼既求王屍。不可困之。乃解去。陳卒獲王屍以出。其誠及寇又如此。王在軍與士卒同甘苦。軍不休不入帳。不食不進膳。寒者解裘被之。一日絕糧。止存胡蘿服數石。命充食。人不能下咽。王坐軍門。連盡數器。若有餘味。衆始不敢有言。及薨。百姓罷市巷哭野祭。靈輿返京城。萬民繼至七十餘柄。兵弁百姓皆迎祭。哭聲震地。亦有紙錢一陌奠於道左。竟不知其誰何者。沿途比比皆是。非其誠之感人也深能之乎。故至今山左人與關帝並祀。祠宇殆遍通省。不下城陽景王也。又德壯果

公第亦在熈豆胡同。其後人尙居之。公以平三省教匪功。爵爲通侯。而儉素如故。平賊歸來。囊橐蕭然。不亞曹武惠之圖書數百卷也。按伯彥訥謨祜菟。子阿穆爾靈圭襲。稱阿王。仍居炒豆胡同。今年薨。

註二 匏廬詩存有和樊樊山讌三六橋宅詩。原序云。六橋都護板廠胡同新居。相傳爲文文忠故宅。春日杏花盛開。招客讌賞。樊山前輩即席有詩。嗣復有一詩。序云。弢庵太傅謂文忠故宅在兵部窪。身後改爲家祠。外此更無別業。當係傳者之誤。太傅爲文忠門下士。較知其詳。六橋亦謂詢之鄰右。乃某文相國子姓嘗居之。非文忠也。復作是詩正之。

註三 萬歷沈志前後圓恩寺胡同關王廟有勅建碑。今無考。圓恩寺在昭回坊。又有廣慈庵。順天府志圓恩寺元刹也。在圓恩寺胡同。舊聞考寺爲元至元間建。有碑二。剝落不可讀。寺西有廣慈庵。庵內碑碣有建立十方院。圓恩是比鄰之句。

註四 天恩偶聞交道口西有巷曰肅寧府。明魏良卿封肅寧伯居此。至今巷口大石獅一。巋然尙在。第則不可問矣。

自舊鼓樓大街以東。鼓樓東大街西頭而北。曰寶鈔胡同。註一其西曰北醋兒胡同。曰草廠。有東西南北四口。越鐘鼓樓而西。曰鐘樓庫胡同。曰小鈴鐺胡同。曰鈴鐺胡同。曰牛圈。曰湯平胡同。順天府志作湯鍋胡同。至是而北曰趙府街。爲南北胡同。其西曰娘娘廟胡同。

稍北曰張帽胡同。順天府志帽或訛作旺。又訛望。又北曰酒醋局胡同。註二又北曰玉皇閣。

註三又北曰西縑兒胡同。又北曰菜園。以達于安定門西城根。其東曰豆腐池胡同。稍北曰

王佐胡同。又北曰高公庵胡同。註四又北曰國祥寺胡同。順天府志作國祥胡同。又北曰碾

兒胡同。又北曰中縑兒胡同。又北亦達于城根。

註一順天府志超勇親王府在寶鈔胡同。案王諱策凌。尙純懿公主。聖祖十女額駙也。配享太廟。按今其後

人那彥圖襲爵。府曰那王府。

註二寄園寄所寄酒醋局胡同。明酒醋局外廠也。

註三順天府志玉皇閣。明建。有順治間鼎一。

註四順天府志高公庵胡同。或訛古。有慈隆寺。明瑤高勳建。寄園寄所寄慈隆寺在金臺坊酒醋局外廠

東。

自寶鈔胡同以東。安定門大街以西。中間之南北胡同。曰北鑼鼓巷。其西曰大小佛寺胡

同。稍北曰扁擔胡同。又北曰法通寺胡同。註一又北曰琉璃寺胡同。又北曰淨土寺胡同。註二

又北曰紗絡胡同。順天府志作沙拉胡同。註三又北曰郎家胡同。註四又北曰千佛寺胡同。註五

又北曰東縑兒胡同。再北即城根。其東曰大經廠。小經廠。曰下窪子。曰西下窪子。又東曰

棹腿胡同。曰牛圈。均不通行。稍北曰分司廳胡同。順天府志或作粉子亭胡同。又北曰謝家胡同。又北曰車輦店胡同。順天府志作伽藍胡同。曰今訛作車輦店。輦又訛作碾。或作簾。又北曰柴棒胡同。又北曰姑姑寺。又北曰靈官廟。曰木樨園。中間曰蒙古府。曰花園。又北曰大桂子胡同。小桂子胡同。其西曰天仙庵。再北亦達于城根。

案大小桂子胡同天仙庵木樨園官房大院下窪子牛圈棹腿胡同諸名爲順天府志所不載。志有關營胡同三官廟財神廟。今不見。

註一 順天府志法通寺爲元遺剎。明曰淨業。康熙間改名淨因。舊聞考淨因寺舊名法通。在北鑼鼓巷法通寺街。寺原名法通。建於元至正間。明成化丁酉復建堂三間。曰淨業。宏治十二年學士汪諧爲之記。又修於萬曆四十年。有主事劉應詔撰碑。本朝康熙四十四年重修。改名淨因。侍讀學士查昇撰碑記。殿外額曰淨因寺。殿內額曰拈花正教。皆聖祖御書。

註二 舊聞考淨土寺在淨土寺胡同內。寺內有明嘉靖二十二年碑。

註三 析津志沙料市一巷皆賣金銀珍珠寶貝。在鐘樓前。順天府志沙刺即沙拉。國語珊瑚也。舊聞考譯改作蘇嚕。今沙拉胡同。疑沿元時舊稱。

註四 天咫偶聞八旗書院在郎家胡同路北。先是八旗各有官學。建自雍正中。然年久廢弛。徒存其名而已。八

旗子弟亦無入官學者。學舍皆圯。光緒十年因諫臣之請。整頓官學。以禮部尚書延煦。吏部尚書徐桐爲管學大臣。每學管學官一人。司事者三人。學師十人。皆由大臣辟舉。於是興工修葺。規模一新。教習之勤惰有賞罰。學生之優劣有進退。歲頒巨款以爲俸薪束修獎賞膏火紙墨書籍飲食之費。於是官學遂爲人才林藪。八旗子弟無慮皆入學矣。至近數科。每一榜出。官學人才居半。然費如許心力。所造就者舉業耳。於學之實固無當也。於是當事者又籌及書院。適經尙書奏。遂售其宅之半入官。開書院焉。分經義治事爲二。經義月作四書義一篇。治事月課通鑑論札記一冊。講書二日。選官學生住院肄業。

註五 順天府志寶泉局西作廠在千佛寺胡同東北。俗稱其地爲錢局。坊巷胡同集金台坊九鋪有惠寧寺。法通寺淨土寺千佛寺。順天府志千佛寺元遺刹。明正統間改名吉祥。俗仍舊稱。後因八步口別創千佛寺。乃稱小千佛寺以別之。

自地安門外循皇牆而西。爲西不壓橋。註一再西爲興化寺街。註二宛平縣署在北。西不壓橋

之北爲十刹海。註三其東曰白米斜街。註四張文襄之澗。故宅在焉。北曰馬家大院。南曰樂春

坊。地安橋之東北曰帽局胡同。不通行。

註一 順天府志西步糧橋俗稱西壓橋。以皇城跨其上也。玉河水由此入西苑。宛平縣署在北。迤東有白馬關帝廟。隋舊基也。藥王廟東瀕十刹海。俗稱南藥王廟。杜忠祠祀將軍明瑞等。賢良祠祀怡賢親王等。會典關帝

廟在地安門外。南嚮。繚以周垣。廟門一間。左右門各一。正門三間。前殿三間。三出陛。各五級。東西廡各三間。殿西御碑亭一。東廡燎爐一。廡北齋室各三間。殿後界牆重門三。內後殿五間。東西廡及燎爐與前殿同。殿後東爲祭器庫。西爲治牲所。各三間。石梁一。在廟門外。凡正殿門廡均覆綠琉璃。餘均甌瓦。門楹丹雘。梁棟五采。舊聞考廟建於洪武年間。至成化十三年重修。每歲春秋仲月。諷吉及五月十三日致祭。雍正三年封神曾祖爲光昭公。祖裕昌公。父成忠公。崇配後殿。明商輅闕帝廟碑。漢壽亭侯廟在都城西北隅。蓋洪武中建。太宗文皇帝嘉侯功烈。特頒龍鳳黃紵絲旂一面。揭竿豎之。以彰威靈。每歲正旦冬至及朔望祭祀香燭等儀。具有恆品。列聖相承。崇奉益嚴。第歲月滋久。殿堂門廡浸以頽圯。成化丁酉春二月初吉。皇上申命內官監太監宿政董衆工。發羣材。重加修葺。朽者更之。腐者易之。圯者正之。缺者補之。漫漶者增飾之。塗以丹漆。傅茲藻繪。於是正殿兩廊。重門。皆煥然一新。掄木植竿。內製暗花柳黃紵絲旂揭之。並製紵絲大紅絨金等袍服。青織金雲幡。被之。懸之。添設神桌神龕。黃綾帷幔。朱紅竹籬。黃銅香爐花瓶燭臺。凡供用之器。罔有不備。後嫌於窄隘。復命太監金輔賚內帑白金若干。僭宿政市民居房地展之。并付本廟永奉香火。內植松柏。外列垣墉。規模廣大。觀者起敬。等以竣事。聞上深嘉悅。命臣輅撰文。勒之穹碑。以示永久。臣輅頓首受命。謹按侯姓關氏。諱羽。字雲長。本河東解人。開涿郡先主。聚徒鄉里。匡扶漢室。遂往歸之。時與張飛翼德齊名。先主及二人寢則同牀。恩若兄弟。遂累建奇勳。三分天下。使炎鼎獲存。漢統復緒。侯之功居多。侯精忠大義。炳若日星。千載之下。凜然猶有生靈。祠廟之設。遍於天下。然涿郡發迹之地。順天爲涿之會府。郡城有廟。揆理尤宜。祭法曰。聖王之制。祭祀也。以勞定國者祀之。以死勤祀者祀之。

侯蓋兼之矣。歷代累封王爵。備極褒崇。我皇明重定典禮。忠臣烈士。一依當時秩號。此漢壽亭侯之稱。所以有合於先王之制也。(下略)成化十三年六月十三日。御製重修關帝廟碑記。(上略)考神生於漢之季。炳大節。錫奸回。本末具載志傳。要之超倫軼羣。其志在春秋。其氣浩然常塞乎天地。以故前代屢致褒崇。至我朝而愈顯。且神蹟不可殫記。而於行師命討爲益彰。自順治九年勅封忠義神武。迨康熙雍正間。詔晉三代公爵。增置五經博士。及朕臨御。以神原謚。因與陳壽舊史名義未孚。每慳於懷。我國家久仰威靈。近於西師之役。復昭蒙佑。朕因特加封曰忠義神武靈佑。並允太常議於地安門外神廟恭書新號神牌。門殿易蓋黃瓦。其巖險舊葺彫剝者。粟之髮之。俾稱茂典。以今年仲冬月訖工。(下略)舊聞考廟以白馬得名。元混一方輿勝覽以慕容氏都燕羅城。有白馬前導。因以爲祠。而廟碑載明英宗夢見帝乘白馬故名。所說不同。然神之昭布顯赫。益可想見矣。順天府志旌勇祠在地安門外半藏寺西。乾隆三十三年建。南嚮。大門三間。左右門各一。正中碑亭一。東官房五間。西庫房五間。二門一間。正屋三間。東西廡各三間。燎爐一。覆以黑琉璃瓦。繞以甃垣。閣以朱欄。祀誠嘉毅勇公諡果烈明瑞。配都統譚昭節。扎拉豐阿。護軍都統觀音保。總兵李奎。王玉廷。三十四年以總兵德福入祀。每歲春秋仲月。諏吉致祭。又賢良祠在地安門外白馬關帝廟旁。南嚮。以周垣。大門二門。各三間。左右門各一。正殿三間。東西廡各三間。東廡南煨爐一。後屋五間。兩廡及煨爐如前。左右門各一。東爲治牲所。西爲安牲房。二門外左右御碑亭各一。東正殿正門均覆琉璃瓦。餘均甃瓦。門楹丹雘。梁棟五采。雍正八年勅建。諭曰國家效忠宣力之臣。勳績懋著。必膺崇報之典。令其世襲烝嘗。雍正二年朕已敕建昭忠祠。自開國以來。致命立功。盡忠報國之儔。

皆得春秋妥佑。世世血食。顧念古者大烝之祭。凡法施於民以勞定國者。皆得並列祀典。永受明禋。則我朝名臣良弼。其經邦佐治。黼黻昇平者。皆祭法所必登。朕欲爲之建立祠宇久矣。即如怡賢親王之請。白一心忠誠體國。勳在社稷。澤被生民。其功德隆盛。又豈一切效忠宣力者之所可比倫乎。洪維太祖太宗創業垂統。厥有一德佐命之良。世祖撫綏萬邦。實多奮庸熙載之彥。迨我聖祖臨御。六十餘年間。良臣碩輔。後先相望。朕所深知者。舉其一二。如大學士公圖海。公賴塔。大學士張英。尙書顧八代。馬爾漢。趙申喬。河道總督靳輔。齊蘇勒。總督楊宗仁。巡撫陳瓚等。持躬正直。奉職公忠。或三節鉞之勳。或勵冰霜之節。俯仰無怍。爲朝野所共欽。終始無欺。無瑕疵之可指。此等靖共爾位。不愧古大臣之風者。正不乏人。旣樹羽儀於一世。宜隆典章於千秋。中略著於京城內選擇膏地。特建廟宇。命名賢良祠。春秋以時展祀。其應入祠之人。著大學士會同該部查明本朝滿漢文武大臣才德著聞。完名全節者。詳慎開列具奏請旨。將來續起之臣。亦並得沾被恩光。永爲盛典。又有憲宗世皇帝御製碑文。宸垣識略一等忠達公第在地安門外西城根。一等恭誠侯第在地安門外西北。順天府志案康熙時大學士定西將軍撫遠大將軍圖海道封忠達公。諱文襄。順治時二等信烏拉忒貝勒明安追封恭誠侯。諱忠順。今侯啟泰。官職秩大臣。黃富民禮部道稿先勤敏公賜第在地安門外。順天府志黃富民黃左田鉞之子。萬歷沈志宛。平縣在積慶坊。天恩偶聞自地安門橋以西。皆水局也。東南爲十刹海。又西爲後海。過德勝門而西。爲積水潭。實一水也。元人謂之海子。宋鑿訶所謂澄碧湖波雪澗。淡黃官柳煙濛者也。然都人士游蹤。多集於十刹海。以其去市最近。故裙屐爭趨。長夏夕陰。火繖初斂。柳陰水面。蘭扇風清。九席縱橫。茶瓜狼藉。玻璃十頃。捲

浪溶溶。菡萏一枝。飄香冉冉。想唐代曲江。不過如是。昔有好事於北岸。開亭蘇樓酒肆。看饅皆仿南烹。點心尤精。小樓二楹。面對湖水。新荷當戶。高柳搖窗。二三知己。命酒呼茶。一任人便。大有西湖樓外樓風致。余至湖上。必過之。乃以富豪所不喜。竟至閉門。未幾爲山左人所賃。改建連樓。宏窗霧閣。烹鮮擊肥。全是市井一派。而車馬盈門矣。若後海則較前海爲幽僻。人跡罕至。水勢亦寬。樹木叢雜。玻璃蜿蜒。兩岸多古寺。多名園。多騷人遺跡。詩書齋居其北。詩龕在其西。蝦菜亭楊柳灣李公橋十刹海皆萃此地。湖上看山亦此地最暢。昔翁覃溪先生曾集二十四詩人於湖上酒樓。每月有詩會。一時羣羨爲神仙中人。如法石帆何蘭士顧南雅王惕夫張南山宋芝山諸人皆與。事載張南山詩人徵略中。成邸故府即在北岸。舊爲大學士明珠第。鮑廬詩存有丁巳上巳樊山前輩同實甫書齋亞遜揆東穎人重集同人十刹海修禊詩。

註三 舊京閒話後門外十刹海。世傳爲小說紅樓夢之大觀園故址。燕市貞明錄亦稱之。予久居北平。閒嘗考之。此說亦不爲無據。特係附會之詞耳。蓋此說實源於下列二書所云而起。陳康祺郎潛紀聞二筆云。「先師徐柳泉先生云。小說紅樓夢一書。即記故相明珠家事……」又俞曲園小浮梅閒話云。「紅樓夢一書。世傳爲明珠之子而作……」按十刹海北岸。成親王邸。今爲醇王府。舊爲大學士明珠之第。見震鈞天咫偶聞。紅樓夢爲其家事。十刹海又密邇其第。謂爲大觀園。此說亦極近理。然主張紅樓夢爲明珠家事之說。胡適之已爲文證其非是。（見胡適文存卷三紅樓夢考証）然則十刹海爲大觀園之說。亦不攻自破矣。骨董瑣記積水潭稍南爲十刹海。所謂西涯也。李文正法梧門所居。已不可考。十刹無考。張文襄廣雅堂詩題爲石麟海。當

有所本。再南曰荷塘。方廣數十畝許。已半廢爲田。文襄舊宅在湖南岸。白米斜街。後人不恆居之。屋瓦多頽圯者。宅南有文襄庖人所設會賢堂。會賢遷於北岸築堤通湖南。沿堤植柳高入雲霄。自夏五迄中秋。堤上設茶肆及諸儺戲。游人佻達經過。唯前朝諸戚貴則凝粧坐會賢樓上。內家粧束。照映生姿。行人猶指目也。南豐趙聲伯賣字爲生。小楷稱當代第一。僦屋湖濱。疏簾竹几。望若神仙中人。湖東北慶雲樓在烟袋斜街。昔亦詩酒流連之地。今爲諸蕩子所趨。招致城中諸賣笑者。僞爲人家眷屬。謔浪笑傲。齷齪逼人。曩日流風掃地盡矣。桃花聖解。盡日記入官武門西安門過金鼈玉棘橋。朝日豔映。橋之兩岸。紅荷盛開。丹樓碧山。轟出水際。經神武門過高殿。明世宗所建大高元殿也。以奉三清。金碧巍煥。出地安門由鐘鼓樓迤西至十剎海。土名南河。實卽積水潭。明人所呼淨業湖者也。周回約三里許。荷花極盛。南岸樹陰夾峙。第宅相望。多臨街爲樓。或爲水榭。綠窗映之。西岸稍荒寂。惟故協揆麟文端第最華整。朱樓重闌。極似江南。高柳帶拂。尤爲佳勝。香濤肯夫廉生吳清卿顧緝庭及陸編修懋宗已先在。有新爲浙江糧道歸者。名奇克坦。太居其地。因借其樓憩焉。午後奇君以酒饌相款于別室。是日觀荷者士女填集。百貨列衢臨水。樹下居人各設几席賣茶。僭肯夫循隄柳周行湖邊。至麟氏樓而回。

註四 順天府志案坊巷胡同集有白米寺。今無考。白米斜街豈地以寺名歟。

自地安橋而西北。曰馬家樓。曰義溜胡同。曰興隆大院。曰萬匯大院。又北曰烟袋斜街。

一 註

曰石碑胡同。中間小胡同曰小石碑。其南曰銀錠橋。是爲十剎海後海六流入前海之門。

戶。^{註二}沿後海之北岸。界于鼓樓西大街之間者。曰侯位胡同。曰廣化寺。今爲協和修道院。

三 又西曰鴉兒胡同。龍華寺在焉。^{註四}又西曰甘水橋。有瑞應寺。^{註五}再西爲醇王府。^{註六}再西

爲心華寺。爲藥酒葫蘆。今改爲孝友胡同。爲段家坑。爲段家胡同。其北有廟曰十刹海。^{註七}

又北曰糖房胡同。稍西曰丁家街。再西卽德勝門大街。^{註八}

註一 宛平王志廣福觀在鼓樓東烟袋斜街口。

註二 順天府志銀錠橋橋以形名。海潮觀音寺在南灣。有明趙用賢碑。帝京景物略寺旁有英國公新園。今

無考。燕都游覽志銀錠橋在三座橋北。城中水際看西山第一絕勝處。橋東西皆水。荷菱菰蒲。不掩淪漪之色。

南望宮闕。北望琳宮碧落。西望城外千萬峯。遠體翠露。不似淨業湖之迫且障也。西陂類稿過銀錠橋舊居詩。

鼓樓西接後湖灣。銀錠橋橫夕照間。不盡滄波連太液。依然晴翠送遙山。舊時院落松槐在。仙境笙簧歲月閒。白

首鍊師茶話久。春風料峭暮鴉還。

註三 骨董瑣記德勝門大街。大石碑胡同協和修道院。故廣化寺也。有明懷宗賜曹化澐御筆草書碑。高丈餘。

字徑五六寸。筆勢挺秀。文曰明理記實。心領神會。五韻精嚴。八法清貴。周旋于規矩之中。超越乎萬象之外。有以

似其人乎。然也。若止于筆文焉。則未。司禮掌印化淳有作輒佳。特賜崇禎戊寅八月穀旦。上有敬天法祖親賢愛

民之寶。左右別有二碑。稍小。皆鐫所賜御札。陝西碑洞有懷宗賜楊嗣昌出視師碑。草書徑四寸許。上有方輿及

花押。旁一長圖書。文曰御筆之章。懷宗御書。海內當只存此兩碑耳。池北偶談記于京師見懷宗御筆書王維詩。松風吹解帶。山月照彈琴。筆勢飛動。上有崇禎建極之寶。又屈翁山詩外云。顧云美得懷宗書松風二字。因榜所居爲松風寢。石遺室詩話。蒼雪有憶廣化寺云。千金築館闢蒿萊。卻鎖重門未忍開。湖上清光餘幾許。春來風信又多回。事經變幻忘初意。士失雕鐫定不才。此局廢興爭屬目。寧論吾彼寸心灰。張廣雅管學部時。于廣化寺設編譯局。仁先蒼雪諸人與焉。

註四 順天府志。鴨兒胡同。鴨或作鴉。有廣化寺。萬善寺。海會庵。興善寺。舊聞考。廣善寺在鴨兒胡同。無碑。可考。左爲海會庵。右爲興善寺。寺內有崇禎七年太監曹化淳詩碑。又有萬善寺。亦在鴨兒胡同。

註五 順天府志。龍華寺。明建。康熙間改名瑞應。西有心華寺。又西舊有三聖庵。其前則十刹海也。又瑞應寺。舊名龍華。明成化三年錦衣衛指揮僉事萬貴自創。寺成。疏請寺額於朝。憲宗賜額曰龍華寺。萬歷五年重修。有明碑二。一僧道深撰。一萬歷重修碑。金陵宋一蕃撰。康熙五十二年奉敕改名瑞應寺。石刻聖祖御製文光果實詩。又有吏部侍郎湯石曾撰碑。碑云。康熙五十二年三月十八日爲皇帝六十萬壽聖節。而瑞應寺者。則左都御史揆公祝釐之所也。寺爲龍華寺舊址。公拓而新之。踰年訖工。以其事聞。天子乃錫之嘉名。親灑宸翰。蛟龍岌纒。炳在榜額。又書唐人七字詩。俾張殿柱。以四月七日于苑西禁廬宣賜。公再拜捧持而歸。左右莫不動色。右曾時侍直親睹之也。夏五月閏廣廷植木文光果實。忽駢帶駢顆。青瑩光澤。寺僧因驛騎寄公。時公方扈從塞垣。右曾亦至行在。相顧驚歎。上甫賜額。瑞卽應之。因爲公賜詩。明日上命中使取進。俯同原韻。御製一章。傳爲盛事云云。其

寺西有小龍華寺。蓋別於茲寺也。又有三聖庵在寺西路南。北臨稻田。春明夢餘錄稻田千畝。不減江南。燕都游覽志三聖庵後築觀稻亭。北爲內官監地。南人于此藝水田。稔穡分塋。夏日桔槔聲。不減江南。按今瑞應寺之西有龍華寺。卽小龍華寺也。

註六 嘯亭續錄成親王府在淨業湖北。係明珠宅。順天府志王諱永璉。高宗十一子。嘉慶初任軍機大臣。謚曰哲。府中有恩波亭。以恩賜分玉河水入宅也。今爲櫛貝子府。嘯亭雜錄云成親王府在淨業湖北。明珠舊居也。慶親王府在三轉橋。和坤舊居也。按明珠孫成安家世富厚。以迓和坤籍沒其產。珍物重器有大內所無者。成邸之封。恰在此時。或即因以賜之。然淨業北畔實無餘地。可供卜築。邊補石十刹海詩。平泉花木翠迴環。相國樓台占此間。又云雞頭池澗誰能記。淥水亭荒不可尋。天咫偶聞謂卽今醇邸。今成邸在西直門內半壁街。乃光緒初改賜者。和坤宅曾割其半以居豐伸殷德。及和孝公主。豐早卒于道光初。門戶式微已甚。咸豐時并慶邸改賜恭王。和坤花園名十笏者。賜成邸。在海淀。未久卽廢。道光初僅餘花神廟。綠野亭。山陽潘德輿四農爲賦水調歌頭。所謂一徑田山合。上相舊園亭。及綠野一彈指。賓客久飄零。壞牆下是綺閣。是雲屏者是也。按光緒十四年以貝子毓櫛府第賞給醇親王。而以西直門半壁街之房賞給毓櫛。醇王府在瑞應寺之西。面臨十刹海。當卽成親王故府。民國十三年宣統出宮後先止於是。嗣乃移居天津。

註七 宛平王志十刹海庵。在稻地西。舊聞考十刹海庵順治六年僧編融創修。編融卽帝京景物略云萬曆中三藏師也。康熙三十一年重修。閱微草堂筆記嘉慶丙辰冬余以兵尙出德勝門監營官射。以十刹海爲館

舍前明古寺也。殿宇門徑與劉侗帝京景物略所說全殊。非復僧住一房佛住一房之舊矣。寺僧居寺門一小屋。余所居則在寺之後殿。亦精潔。而封閉者多。驗之有乾隆三十一年封者。知曠廢已久。余住東廊室內。氣冷如水。蒸數爐不熱。數燈皆闇。黯作綠色。知非佳處。然業已入居。姑宿一夕。竟安然無恙。

註八 順天府志德勝門大街有德勝橋。玉河水由積水潭至橋下合流。南經李廣橋。東迤爲十刹海。有稟貨市。橋東有永泉庵。北有佑聖寺。唐遺刹也。少東爲壽明寺。舊聞考十刹海後即佑聖寺。在德勝門大街路北。有明嘉靖九年重修碑。嘉禾唐文憲撰碑。稱寺係唐咸通年建。稍東爲壽明寺。有明宏治四年及正德八年重修碑。又德勝門內有德勝橋。橋東不數武有永泉庵。內有康熙四十四年大學士張玉書撰碑。宛平王志有真武廟地藏庵。燕都游覽志積水潭水從德勝橋東下。橋東偏有公田若干頃。中貴引水爲池。以灌禾黍。綠楊鬢鬢。一望無際。客燕雜記德勝門水次稻田八百畝。以供御用。內監四十人領之。昭忠錄王家彥字尊五。福建莆田人。協理京營兵部右侍郎。崇禎甲申三月守德勝門。城陷。自投城下。不死。折臂及足。其僕扶入民舍。自縊死。順天府志按甲申傳信錄作安定門。或傳聞之誤。

自西不壓橋而北。十刹海前海以西。曰箭杆胡同。今改爲千竿胡同。曰南藥王廟。曰賢良祠夾道。曰東錢串。西錢串。曰龍頭井。曰羊角燈胡同。又西曰東官房。中官房。今改爲福壽里。西官房。今改爲五福里。曰貴人關。順天府志作鬼門關。今改爲旌勇祠。曰廠橋。又西曰

前鐵匠胡同。後鐵匠胡同。曰槍廠大坑。曰褒忠祠。今已廢。曰倉夾道。自貴人關而北。曰興化寺街。^一 曰扁担胡同。又北曰定府大街。今改爲定阜大街。^二 濤貝勒府在東。今已售爲孔德學校。慶王府在西。又北曰松樹街。^三 北達於羊房胡同。又北卽後海之南岸。松樹街之西。慶王府之北。曰散子胡同。今改爲鑿子胡同。曰張皇親胡同。今改爲尙勤胡同。曰劉海胡同。曰弘善寺。曰石虎胡同。平民大學在焉。又北有中藥王廟。卽羊房胡同。松樹街之東。孔德學校之北。曰銅鐵廠。曰新開路。曰小新開路。曰西口袋胡同。曰金家大院。又北亦卽羊房胡同。自茲而東。曰南河沿。李廣橋在其北。^四 有慶王府花園。自南藥王廟而北。曰三座橋。^五 再北曰毡子廟。右羅王府。恭王府。再北曰西煤廠。曰大小翔鳳胡同。^六 毡子房之東。曰東煤廠。^七 稍南曰鬻箕胡同。今改爲愼思胡同。再東曰南河沿。有會賢堂飯莊。名人雅集。恆於是。稍北曰南官房。^八 再北曰海潮庵。曰大金絲套。小金絲套。曰寶庵。^九 曰前井兒胡同。後井兒胡同。稍北曰西河沿。東曰北官房口。再東卽銀錠橋。

註一 順天府志宛平縣東半里許有興化寺。內有明嘉靖等年重修碑四。嘯亭續錄永職宅在興化寺街。

藤陰雜記興化寺街于文襄敏中第雨梧書屋。後貨蔡小霞廷衡。章約哲謙恆重過見藤花有感詩。東園當年未

敢窺。年來頻見紫雲垂。不知醉斃車茵者。誰向花前耐一卮。

註二 順天府志慶郡王府在定府大街。案慶親王諱永璘。高宗十七子。諡曰僖。今王奕劻初襲貝勒。光緒十年。晉郡王。府爲道光時大學士琦善故宅。按慶郡王於光緒末年晉封親王。世襲罔替。革命後王薨。子載振襲爵。按順天府志扁擔胡同之下。有製燬局堂子胡同諸名。今不見。今其地有濤貝勒府。係宣統間所建。或即其處。濤貝勒宣統之叔父也。今遷於山老胡同。

註三 宛平王志松樹街。有興福寺。舊聞考德勝門內有德勝橋。橋東有宏善寺。今其街即以寺名。明成化七年建。有敕賜碑。

註四 京塵雜錄後門外李廣橋一帶。明湖滌深。大似江南水國。每過其地。輒令人起秋風蘊轡之思。有慶龍堂。水檻迴廊。軒窗四敞。盛夏入其中。一望芰荷蘆荻。間與鳧鷖鷗鷺。上下浮沈。薰風淥涼。心清香妙。恍如置身海上。三神山。明時金鼈玉螭。深闕繁籟。諸臣得承恩直西苑賞花釣魚者。謂爲希世之榮。順天府志李廣橋亦作藜光橋。復初齋集錢籀石詩序。已卯春籀石自藜光橋移居宣南坊。存素堂文集煤廠爲李西涯故居。西則李

廣橋。宏治時太監李廣以符籙獲幸。橋或廣所造。好璫遺穢。橋亦蒙羞。後人易名藜光。又嫌文飾。不如直呼李公橋。余居距橋不數武。門外即楊柳灣。西涯屢至其地。嘯亭續錄蒙古法祭酒式善居淨業湖畔。集詩龕三間。凡投贈詩句。皆懸龕中。卷菴閣集法式善學士招飲詩龕。並至西直門看荷花詩。東頭詞宗白菊溪。宗伯宅復連街西。自註謂百侍御齡。鐵侍郎保。藤陰雜記府文肅廷錫第在李廣橋。枕淨業湖。御賜秀寫蓬壺額。燕都遊

覽志德勝橋下泛舟東行轉而南得慕光橋。徑僻岸無行人古槐濃樾。覆陰如罨畫。天恩偶聞英煦齋協揆居在李公橋北後海之西岸。原居史家胡同。此係赦歸後所移居。公爲德定副侍郎之子。而石東村之孫也。滿洲索綽羅氏。少年善第六室文衡。門生半天下。任司農時創行海運。實爲本朝行海運之始。又奏請官米搭放折色。至今行之。著有盤京賦。卜魁城賦。恩廟堂筆記。恩廟堂詩集。又工書。得法於諸城相國。曾彙刻趙文敏真跡入石。名松雪齋法帖。

註五 噴亭續錄。徽郡王府在三座橋西。寔垣譚略云在龍頭井。順天府志。濫貝勒府在三轉橋西。又據王諱永禩。聖祖十九子。諡曰恪。後爲鍾郡王府。鍾王諱奕裕。宣宗八子。諡曰端。無嗣。以恭親王子貝勒載濬爲後。按其地有恭王府。當即濬貝勒府。順天府志。越橋俗稱三座橋。越或作月。座或作轉。舊名海子橋。見燕都遊覽志。噴亭續錄。慶親王府在三轉橋。係和珅宅。又云慶位親王諱永璘。純廟十七子。乾隆末年或有私議儲位者。王曰天下至重。何敢妄覬。惟冀他日將和珅邸第賜居。則願足矣。故睿廟籍沒和珅。即將其宅賜王。以酬昔言。順天府志。慶親王府今爲恭親王府。王爲宣宗六子。同治初任議政。後復任軍機大臣。宛平王志真武廟在三座橋。供用廠內。舊史織染所堂內承渾庫所用色絹。總勝門三座橋有空地堪爲園圃。此所工部亦有監庫。有所大使。不隸內織染局。天恩偶聞恭忠親王邸在銀定橋。舊爲和珅第。從李公橋引水環之。故其邸西牆外小溪清駛。水聲雲然。其邸中山池亦引溪水。都城諸邸惟此獨矣。珅敗以賜慶親王。相傳乾隆之末。親王相聚語及和珅。爭欲致之法。王獨無言。按恭王府在三座橋稍北。此云銀錠橋似誤。

註六 骨董瑣記大小翔鳳胡同。清恭王別邸在焉。清時禁令頗嚴。聲伎等事不得入邸。故王于此創別業以爲招致聲伎之所。院臨後湖。座設明鏡。以攬山色水光之勝。民國後爲吉林宋小濂鐵梅所有。題曰止園。鄧守瑕荃察于齋有詩賦之。澄臨一水接西涯。舊是先朝帝子家。闔戶不嫌山突兀。面城漸隔古翼譚。邊籌到老何曾展。州宅逢人且自誇。此是題糕重九宴。春來還與賦梅花。

註七 宸垣識略一等武毅謀勇公第在煤廠胡同。順天府志定邊將軍兆惠封武毅謀勇公。諡文襄。又阿拉善親王府在煤廠胡同。非賜第也。不常居。淶水亭雜譚李長沙別業在北安門北。集中西涯十二詠。程登墩和之。有枯樺亭。楊柳灣。稻田。菜園。蓮池。而響驕。鐘鼓樓。慈恩寺。廣福觀。皆在十二詠中。今遺址不可聞。當在越橋相近。舊聞考東海集詰命碑陰記云。曾祖洪武初以兵籍隸燕山右衛。始居白石橋旁。後廓築城。其地已入北安門之內。則移於慈恩寺之東。海子之北。又云遷居海子之西涯。集中重經西涯詩甚多。蓋其幼時所居之地也。懷清堂集喬莊簡跋文衡山西涯圖云。慈恩寺後曰西涯。又云西涯公嶽降地。公詩有淚痕應共水俱流。憫哭兒童釣遊地。等句。今法華庵。意即當時之西涯。存素堂文集。全綜諸說。與地址印証。蓋廣福觀之南。慈恩之西。月橋之北。海潮寺之東。地名煤廠。文正故第當在是。順天府志法華庵即今匯通祠。湯說似未核。西涯十二詠見懷麓堂集。淶水亭所舉九題外。尚有海子西山飲馬池三首。

註八 順天府志官房一作關防。嘯亭續錄貝子允祿宅在關防口。順天府志允祿聖祖十子。初封郡王。雍正二年以罪除。乾隆二年封輔國公。六年薨。以貝子禮葬。

註九 燕京訪古錄古槐在十刹海西北隅。有寺曰淨海寺。俗曰槐寶庵。爲前明天啟時建。後爲清初達天和尙
挂錫之區。內有古槐一株。其幹南傾而枝北向。樹心已空。葉猶茂盛。其勢蜿蜒。宛若龍蟠。上繫鐵鍊如綆。詢諸土
人云。因達天參修時。此樹嘗爲人祟。故製巨鍊以制之。今仍存。

地安門外廠橋而西。曰前後鐵匠胡同。曰槍廠大坑。曰褒忠祠。曰倉夾道。卽太平倉之夾
道。稍北卽護國寺街之東頭。又北曰藕芽胡同。曰棉花胡同。曰麻花胡同。曰前後羅圈胡
同。曰花針胡同。曰鬪鷄坑。曰三不老胡同。曰菠蘿倉。曰草廠大坑。註曰羅兒胡同。曰馬神
廟。再北卽蔣養房胡同之東頭。又北曰梅竹胡同。不通行。其間曰鐵香爐。曰水車胡同。曰
豆腐巷。均爲南北胡同。又北曰抄手胡同。今改爲鈔手胡同。註曰府菜園。又北曰高廟。註
曰普濟禪林。曰高廟後身。以達於積水潭。註潭之北曰淨業寺。註其間有小胡同曰豬尾
巴胡同。今改爲淨業寺夾道。潭之中爲匯通祠。註其北曰太平橋。曰西小關。註是爲泉流
入城之總匯。積水潭之東。德勝門大街以西曰錢家胡同。曰馬家大坑。曰水章胡同。曰銅
局胡同。曰井兒胡同。今改爲景爾胡同。以達於德勝門城根。

註一 坊巷胡同集朝天宮有西城草廠。舊聞考今蔣養房胡同有隙地。猶有是名。或卽其遺址。

註二 順天府志金剛寺在鈔手胡同。又名般若庵。興德寺。今改名興隆寺。宛平王志云寺在德勝橋灣。燕都

遊覽志金剛寺在興德寺東。有石勒金剛經。前小閣。後靜室。紙窗棗几。殊有幽趣。後乃改創大殿高閣。左右翼樓數十楹。往昔清涼幽趣之致。盡化於沙磧間矣。帝京景物略金剛寺卽般若庵也。背湖水。面曲巷。舊有竹數叢。小屋一區。萬歷中。僧省南大之。前立大殿。後建高閣。寺西廡石刻金剛經。署宰官名。僧人筆也。士大夫看蓮北湖。每一憩寺中。燕都遊覽志寺西廡舊有石刻金剛經。今無存。惟有碑二。姚帝孟募緣歲碑。一順治十年高去奢碑。後有興隆禪林。舊稱興德古刹。左傍地俱舊之般若庵。逼人不能容步。右傍多僧舍。修篁綠籜。叢木青柯。相望楚楚。後有平臺。大可畝許。解帶臨風。開襟敞水。向不滅在濛濛間也。

註三 順天府志普濟寺俗稱高廟。有正德間重修碑。按今根貝子府德貝子府在高廟後身。去答余齋詩註丁巳復辟。兵事多在南城。予故安拏高廟。以避其衝。廟中自海棠高數丈者五六株。花時繁英綴玉。他處所無也。

註四 元史河渠志海子岸上接龍王堂。以石鑿其四周。海子一名積水潭。燕都遊覽志積水潭東西亘二里餘。南北半之。或因內多植蓮。名蓮花池。或因水陽有淨業寺。名淨業湖。內官監向嚴魚禁。今稍弛矣。每年三伏日。錦衣衛率御馬監官校。浴馬湖干。如濯雲錦。北京歲華記六月十二日御廐洗馬於積水湖。導以紅氍。中有數頭。錦帕覆之。最後獨角青牛至。諸馬莫能先也。一統志元時既開通惠河。蓮船直至積水潭。自明初改築京城。與運河截而爲二。積土日高。舟楫不至。是潭之寬廣。已非舊觀。故今指近德勝橋者爲積水潭。稍東南爲十剝海。又東南者爲蓮花泊子。高宗純皇帝御製匯通祠詩註。河流分腫灌輸。紆徐瀦蓄。前人經理實善。旗民夾岸而

人煙輻輳，因築牆爲之限制，以禁汙穢。順天府志案，積水潭亦稱北湖。元明以來，環湖古蹟甚多，附著於後。

燕都遊覽志：舊城巋然傑構，云是元時舊址。中作鐵溝，昔時以車運水上流者。今尙堅緻，寒蘚荒苔，遙映林泉翠溝，殊可憑高弔古。帝京景物略：立淨業寺門前，目存水南。坐太師圃，瞭馬廠鏡園蓮花庵。劉茂才園，目存水北。東望之方園也。宜夕，西望之漫園。湜園，王園也。望西山宜朝。燕都遊覽志：定國徐公別業，從德勝橋下，右折而入。顏曰：太師圃，前有堂，堂後紆折至一沼，地頗疏曠，沼北廣榭，後擁全湖，高城如帶，堂左右書室，西築高臺，目望最遠。瀕湖園爲第一。又孝廉劉百世別業，堂三楹，南有廣除，眺湖光如鏡，故名鏡園。下有路，委折臨湖，門作一臺，臺下地最卑，眺湖較遠。今屬冉都尉。從興德寺折北而西，爲蓮花庵，疏林朗榭，合吐餘清，後一臺瞰湖陽諸寺，若列眉。案鄒有火神祠，可眺遠。劉茂才園，三楹北嚮，無南榮，東纍層級而降，下作朱欄小徑，北軒二楹，南有小沼，種蓮。北扉當湖，東有書室，上作平臺，地居湖中，乃南北最修處，所以獨勝。漫園在積水潭東，米仲詔萬鍾所構，中有閣三層，湜園太守苗君穎別業，西面望湖，楊園在湜園稍南，楊侍御新翔。蓮花社有亭在水關西，今傾圮。蝦菜亭在蓮花社西，一藩隔之，水部戴大圓建，相國方公園在水關西。春明夢餘錄：元石湖寺在德勝門北湖旁，後爲方閣老園，案諸亭園及石湖寺俱無考。惟蝦菜亭居人頗能言其遺迹，亦與遊覽志所云在水關西者不合。方園在太平庵東，見明崇禎閒碑記。舊聞考謂蓮花庵即今地安橋北之火神廟，蓋據遊覽志庵鄰火神廟語，然相隔遼遠，核以景物略所言方址，殊未足據。又元好問集有臨錦堂記，爲幕府從事劉公子作，云在御苑之西，其地當亦與積水潭相近。李彰九先生遺稿：游淨業湖詩序，淨業湖在北京德勝門內，周廣二里許，圍以長隄，沿

隄植葦。隄外有溝。狹而深。溝外萬柳交陰。憑高下視。若三環相襲。而平置青銅鏡面者也。王小航先生卜居湖之西岸。復起高樓于湖東。登樓可望西山諸勝。故取柳州故事。顏之曰爽襟。丁巳中伏。大雨初晴。湖水平闊。鴻春訪先生於水東草堂。先生呼弄小舟。相將游湖一匝。詩中景物。皆當時耳目所覩記。無虛構者。湖北淨業寺古刹也。湖由寺得名。骨董瑣記都中北城三湖。北通玉泉。南達三海。極北曰積水潭。卽淨業湖。爲明代沈馬處。湖上隴通寺。乾隆時所建。御碑尙存。寺後一石高丈許。所謂落星石。實則雲頭皴皆雕琢而成。或謂石有金星。故名。湖水澄淨。夏無蚊蚋。荷蓋掩抑。柳條分披。實塵氛中一清涼勝地也。己未十月桂林梁巨川投水死於此。予居城北時。輒凌晨往弔之。畏廬文集有淨業湖泛舟記。略云。乙卯八月二十九日。同人觴桐城姚叔節於湖上。招同朱仲我。姚仲實。馬通伯。集於陳明侯寓齋。臧瀾秋病足新愈。徐又錚強之登舟。是日到者十七人。彭翼仲最後至。而座中年最少者。則林奏丹。張仰韓也。燕京訪古錄。燕京有四水鎮。西北德勝門右之積水潭。東北地安門左之後海。西南宣武門西之太平湖。東南崇文門右之泡子河是也。相傳此四水各據一隅。名義各殊。金元後建城者爲之。其詳不可考矣。按民國五年。梁君巨川濟憤國事之日。非自沈於積水潭。學者私認爲口口先生。

註五 順天府志。迤東有太平庵。又東有淨業寺。舊爲智光寺。又淨業寺在德勝門西。寺西爲智光寺基址。寺門臨水岸。去水尺許。其湖或以寺名爲淨業湖。卽積水潭也。潭之東卽德勝門。潭上有隴通祠。舊名鎮水觀音庵。乾隆二十六年改建。賜今名。高宗御製詩碑立庭中。

註六 燕都訪古錄。積水潭上隴通祠。四周亂石參差。若磴然。石下雕一石螭。長八尺。肩寬二尺二寸。北岸卽水

關。寺後立石一層。疊如雲。相傳爲隕星所化。高六尺五寸。下承以石座。石之陽有天然一雞一獅。雞左嚮右走式。獅右向下伏式。石頂高處另有鐫刻一大雞一大獅。雞大四寸。居左嚮右走式。獅大七寸。居右嚮左臥式。此二雞獅亦係天生形貌。後有鐫刻家加以摹刻。愈覺形像逼真。堪稱奇古。俗呼雞獅石。

註七 燕都游覽志水關在德勝門西里許。水自山經高梁橋來。穴城址而入。有關爲之限。下置石螭。迎水倒噴。旁分左右。既噴復吐。淙淙然自螭口中出。長安可游記。水口爲石犀以當之。遏衝突緩水勢也。而庵在其上。曰鎮水觀音庵。順天府志案石犀即石螭。舊聞考分爲二。似誤。觀音庵舊名法華寺。乾隆間改名匯通祠。祠據高阜。俗名積水灘。水木明瑟。消夏尤宜。高珩水關竹枝詞德勝門前菡萏鋪。漫誇江上有西湖。阿誰更作長堤主。與種垂楊一萬株。酒家亭畔喚漁船。萬頃玻璃萬頃天。便欲過溪東渡去。笙歌直到鼓樓前。燕京訪古錄德勝門內積水灘西。大銅井。井泉芳液。有黃銅井口一眼。外方內圓式。四週方八尺八寸。厚八寸。由口至邊。寬二尺。裏口圍圓三尺八寸。銅面上鐫。(大元至順辛未秋七月。賜雅克特穆爾自用。)十七隸字。下(鐫鐵平章大銅井)六隸字。皆爲陰文。

自鼓樓西大街而北。舊鼓樓大街以西。曰清虛觀。曰大小黑虎胡同。曰鑄鐘廠。註一稍西曰

四位胡同。曰果子觀。稍北曰前馬廠。曰後馬廠。註二再西曰新開路。曰醬房大院。再北曰小

石橋大石橋。註三中間曰雙寺胡同。註四曰半壁街。曰八步口。註五曰別簪胡同。北曰藥王廟。大

石橋中間有小胡同。曰郭家大院不通行。其北曰東繚兒胡同。其南曰井兒胡同。曰壁峯寺。曰八道灣。順天府志作八條灣。又西卽醇賢親王祠堂。民國以來改祀關岳。又西曰西繚兒胡同。註六曰鐵影壁。順天府志作鐵影背胡同。曰扁擔胡同。其南曰果子市大街。與西鼓樓大街相接。以達于德勝門。

註一 順天府志鑄鐘廠有碧霞元君廟。又有真武廟。春明夢餘錄華嚴鐘廠在德勝門內。舊鑄高二丈餘闊二丈餘者尙有十數。仆地上。皆楷書佛經。順天府志案鐘僅存其一。舊懸萬壽寺。今移德勝門外覺生寺。俗稱大鐘寺。按周退庵子幹作大鐘考甚詳。

註二 長安客話海子橋北舊有海印寺。宣德四年重建。改名慈恩。今廢爲廠。舊聞考今海潮寺碑云海印寺東爲廣福觀。西爲海潮寺。又龍華寺碑云。輔碧峯與海印。則今之馬公廠。殆卽長安客話所云寺廢爲廠者歟。

順天府志案海印寺舊有鏡光閣。明人題詠甚夥。宸垣識略云海印在廣福海潮之間。今銀錠橋東南沿湖隙地。疑卽海印廢址。故有鏡光閣以臨水寺。若碧峯寺在今小石橋胡同。與銀錠橋相去約二里。前後無水。未可以馬家廠證長安客話所云也。按王書衡式通先生寓後馬廠。

註三 順天府志大石橋有雙寺。東曰嘉慈。西曰廣濟。明成化時建。萬曆中修。有碑五。按大石橋北有小胡同。名雙寺胡同。

註四 順天府志小石橋南有碧峯寺。萬歷沈志寺在日中坊。有勅建碑。案碧峯寺今或訛作壁峯寺。

註五 順天府志拈花寺明爲護國報恩千佛寺。孝定太后建也。在德勝門北八步口。舊聞考萬歷九年明司禮太監馮保承太后命特建。內有諸天阿羅漢銅像。有明碑二。一長沙楊守魯撰。一安陽喬應春撰。俱番禺林潮書。雍正十一年敕修。賜名拈花寺。爲玉琳琇禪師修。有御製碑文。舊聞考妙緣觀舊爲真武廟。明景泰三年擴而新之。賜名妙緣。內有成化十年修。碑二。俱胡濙撰。又乾隆五年重修碑。刑部尙書張照書。又觀中有虛靖真君大道碑。碑陰則冲元亭書養心百字。又寺之南一里有小千佛寺。卽吉祥寺。有紀事碑二。一嘉靖丙申順天府學生馬經撰。略云吉祥寺卽元之千佛寺也。在都城坎地金臺坊。舊有石刻云元貞丙申建。至宣德癸丑。凡百三十有八年。因故址而新之。遂爲精藍焉。正統戊午五月敕賜爲吉祥寺。而俗猶以千佛寺稱之。萬歷九年另建千佛寺。德勝門北八步口。遂稱小千佛寺以別之。荃晉余齋詩註鼓樓後拈花寺。明以來大剝也。蓮池大師曾爲知客。李自成入城累日。寺衆閉門禪誦。竟無聞知。至今傳戒講經。宗風不替。按拈花寺今尙完好。明清碑均存。有虬松一株甚假蹇。

註六 順天府志鼓樓西斜街迤南甘石橋有果子市。國史安親王岳樂傳。康熙十二年冬京師有自稱三太子朱慈滿者。僞署廣德元年。糾衆京城內外舉火作亂。擒其黨於鼓樓西斜街。及燈市口。詰以朱慈滿。云卽楊起隆。已遁矣。瀛洲道古錄元時翰林院以金烏珠第爲之。歐陽楚公詞翰林老屋勢深雄。猶是金家兀朮宮是也。舊聞考元翰林國史院屢經遷徙。至順間賜居北中書省舊署。析津志稱院內古木繁陰。蔚然深樾者是也。

地在鳳池坊北鐘樓西。鐘樓又在中心閣西。俱見析津志。志又云南省北省乃金時二稅賦宰相之莊。曰南相莊北相莊。據此則元之北省。後改翰林院者。爲金時北相莊。烏珠亦稱北相。可互證也。道園學古錄。鼇峰者國史院庭中石名也。伯寧御史爲僕言。自其先公時與諸老名勝賦詩者。蓋數百篇。今玉堂無本。而御史家具有之。析津志玉鉉坊在中書省前相近。鳳池坊在斜街北。燕史馮保之弟佑宅在果子市街南。惠安伯張元善住街北。拜爲義父。果子地租從街心分南北。佑憐元善貧。以街南租併歸之。且爲新其居。又客氏私第在正街迤西。席市街北。魏忠賢亦有第在街南斜對不遠。順天府志案席市街今無考。其地當在後門外。姑附此。

北

界

區

五

內


內六區簡明圖

內

四

區

界



內三區界內

東

一

內

二

區

界南

界

區

第七 內六區各街市

昔日皇城今俱改稱黃城以內均屬內六區管轄區域。宮禁景山三海諸處業已載入第一編茲

不複叙。

天安門之西。皇城之南面。有門三。俗稱南豁子。其中額曰南長街。民國元年所新闢也。入

門而北。為南長街。又北為北長街。南長街南口之東。曰南花園。註今已盡為居民。中山公

園關門於是。未開行。稍北曰四條胡同。曰三條胡同。曰二條胡同。曰頭條胡同。再北曰大

悲院胡同。再北曰真武廟。註再北曰北河沿。其東為東河沿。今已闌入中山公園內。北河

沿之中有橋。曰織女橋。逾橋而北。為南長街之北段。其西為鹿園。今亦在中山公園內。又

北為經租庫。今為民有。再北而北嚮者為關防衙門。註今改為內六區自治公所。其西即

西華門。註四 宮禁之西門也。

註一 金慈退食筆記。南花園在西華門迤南。東嚮。明時曰灰池。種植瓜蔬。於炕洞烘養新菜。以備春盤。薦新之

用。立春日進生蘿蔔。名曰咬春。本朝改為南花園。雜植花樹。凡江寧蘇松杭州織造所進盆景。皆什灌植。秋時收

養蠶。至燈夜則置之。鷺山燈。內樂罷。忽聞蛩聲。自鷺山出。其餘雜花琪樹。不可名言。按時昇送各宮殿安放。

春明夢餘錄西苑門迤南。向東曰灰池。燕史寶鈔司造草紙。備宮人使用。祖宗時造鈔印板及紅印。聞在庫中。其署左臨河。後倚河。有泡稻草池。池中石灰瀘渣。積成臥象形。名象山。作房七十二間。各具一竈突。名曰七十二凶神。

註二 舊聞考織女橋南真武廟。有明萬歷八年重修寶鈔司真武廟碑。則廟即寶鈔司故址也。灰池象山作房竈突久廢。今其地猶有七十二烟洞之名。順天府志內務府所屬掌儀司署在織女橋南。

註三 順天府志西華門外南長街。俗稱南池子。內務府所屬管理三旗納銀莊署在東。署向隸會稽司。雍正元年始設專署于西華門外南長街胡同。路東廨舍三十有五。專掌畿輔各莊歲納糧銀之屬。掌內管領關防署在南。署在西華門外路南。廨舍共二十有一楹。所屬曰官三倉。曰饌餼房。曰酒醋房。曰傢伙倉。曰冰窖。曰恩豐倉。萬壽興隆寺在西。明季兵仗局即在此地。兵仗局設佛堂。內有米漢燹重修碑記。明職官志兵仗監掌印太監一員。簽理掌器庫太監一員。管理簽書掌司寫字監工無定員。掌製造軍器火藥之屬。康熙二十九年勅改爲萬壽興隆寺。其殿額皆聖祖御書。又有墨刻心經寶塔一軸。

註四 香祖筆記米紫來漢燹遷侍講。賜第西華門。茶餘客話張文端英以諭德賜第西華門後。將揚孫查聲山皆賜第西華門內。

南長街之西。南曰猪肉下坡。今改爲西大街。又西曰昇平署。註今爲華北大學。稍北曰後鐵門。再北曰大烟筒胡同。今改爲大宴樂胡同。曰土地廟。再北曰西大街。再北即織女橋。

曰北河沿。律師公會在此。又北曰苦水井。曰九道灣。曰百子門。曰甜水井。曰玉鉢廟。註二曰良家胡同。曰槐樹院。稍東曰東大坑。又北曰黃羊胡同。曰靈官廟。亦曰老爺廟。昔李君釋戡宣。寓於是。有海棠一株甚茂。故李君自稱曰雙棠館主。今爲中美文化辦事處。又北曰羊圈。再北卽西苑門。與西華門東西相對。

註一 鞠部叢談校補南府本爲吳駙馬府第。後改爲昇平署。習俗相沿。仍呼南府也。昇平署置總管一人。首領四人。所部太監并能演劇。但以時唱宴差一齣而已。南巡後伶人始得供奉。乃增外學首領二人。舊有之四首領。則別其名爲內學首領。并隸於總管。於是太監伶人同時供奉矣。然伶人不住府中。雜居於鄰近之官房。每人例得掣眷占官房三間。領十名之口糧。及錢糧四兩。嘉慶中有首領號王拐棍者。最得寵。以事得罪宣宗。及帝即位。乃革去首領。自是而後無外學首領矣。同治以還。伶人多移居南城。官房則爲總管據爲己有。或以出賃。每年隨意給原主稅金若干。伶人莫敢與較也。

註二 舊聞考御用監今爲玉鉢庵。卽明眞武廟。南有關帝廟。爲御用監南庫舊址。皆有碑。人海記西華門外西南一里許。明御用監在焉。又南數十步爲眞武殿。庭前有老檜一株。下有元時玉酒海。承以石牀。順天府志。玉鉢庵康熙五十年重建。以玉甃得名。乾隆十年移玉甃置承光殿。燕史自西上北門過西上南門。則御用監也。明職官志御用監掌印太監一員。裏外監把總二員。典簿掌司寫字監工無定員。凡御前所用圍屏牀榻諸

水器及紫檀象牙烏木螺甸諸玩器皆造辦之。水部備考御用監承造五色雕填剔漆龍牀頂兜袍匣服櫛寶箱及壇廟供器。上用兜羅絨袍。應用魚牙杯箸。安置各宮牀櫃。檯棹天燈。萬壽燈。日月仙燈。曹曰瑛重修真武廟碑記。西華門外西南里許。乃前明御用監舊址也。房舍盡爲民居。惟真武廟存焉。殿前有古玉鉢一口。大可容二十石。山龍海馬。雲容水態。備極雕鏤之巧。且露處庭中。久歷年所。沐日月之精華。經風雨之號潤。珠爛光彩。奪人心目。以故文人墨士。時共訪觀。憶余于曠置之暇。亦曾摩挲數匝。徘徊久之。深歎有器如此。而竟散置於禁近之地也。辛丑春僧生龍過訪云。住此二十六年。一瓦一木。咸出行乞。至康熙五十年。庀材鳩工。重建真武殿三楹。復建前殿三楹。供康熙像。移玉鉢於座下。壘石爲山。貯水於玉鉢。以示普陀南海之意。左右增修僧堂各三楹。雖殿宇不多。而鐘鼓不缺。更喜落成之日。適值今上御極六十年。甲歷初周。香燈佛火。朝夕諷禮。仰祝我朝寶鼎萬年之盛云云。順天府志乾隆十六年重建是庵。別製石鉢以存舊名。蕪史石作閣。又西曰乾明門。迤南曰兵仗局。每年七月兼供乞巧針。亦稱小御用監。曰舊監庫。曰尙膳外監。曰甜食房。造虎眼糖松餅。曰西上北門。東則西下馬門矣。順天府志今街西興隆寺即明兵仗局佛堂。其西直房舊監庫尙膳外監甜食房皆當在北長街。遺跡俱無考。吳長元稱今玉鉢庵西關帝廟爲舊監庫餘址。蓋誤以御用監爲舊監庫也。關帝廟在西華門外西南。與蕪史所稱西上北門之北者不合。明史永樂二十二年十二月作觀天臺於禁中。蕪史御用監又南向。西則銀作局也。再南過橋曰靈臺。亦有觀象臺。銅鑄渾天儀以測星度觀雲氣。其占候書曰觀象玩占流星撮要等。皆鈔錄騰授。不敢傳布於外。教法極嚴。比司禮監書堂較勝。每年歷樣造歷。皆靈臺欽天監同管。順天府志

靈臺明遺址。在織女橋南。今尙存俗稱觀星臺。順天府志明嘉靖癸丑修南庫碑記。御用監初立爲行在作房。次改御用司。宣德朝更爲監。各庫作東則外庫大庫。西則花房庫作南庫冰窖。左右四作曰木漆。曰碾玉。曰燈作。曰佛作。案油漆作疑即明漆作遺址。餘諸作當亦在御用監左右。舊聞考以冰窖爲御用監之冰窖。恐誤。按玉鉢庵今尙存。興隆寺在北長安街。當即順天府志所云明兵仗局佛堂之地。與此地無涉。各庫作今均無可考。地安門內之油漆作。與此無關。

自南長街而北。過西華門與西苑門之間。爲北長街。註一其東爲都虞司署。註二爲營造司署。

註三爲房租庫。註四今俱改爲民居。稍北爲福佑寺。註五今爲班禪住平辦公處。其西爲奉宸苑。

註六苑之東有小胡同。曰木椅子。稍北曰牛兒胡同。均不通行。又北曰會計司胡同。註七又北

曰靜默寺。註八曰喬道士廟。又北曰雷神廟。註九今爲教育會。其北小胡同。原曰雷神廟夾道。

今改爲教育會夾道。又北曰喬道士廟。又北曰前宅胡同。後宅胡同。曰興隆寺。曰慶豐司。

註十今改爲三時學會。以講佛學。又北曰興隆胡同。再北曰關家胡同。再北爲慎刑司。註十一

今爲巡警分駐所。再北即東三座門。註十二爲東往神武門。西接金鰲玉螭橋之孔道。

註一今白華堂詩鈔大庾師晉陟端揆。招過其寓邸詩。自注公賜第在西華門外北池子。程侍郎遺集時余

寓西華門外。入直退直必過金鰲玉螭。內務府冊乾隆三十八年創置活字版。錫名聚珍。置局西華門外北長

街之東。排印各書。湧幢小品。余過西華門馬足恰恰有聲。俯視見石骨黑。南北可數十丈。此真龍過脈處。

註二 順天府志都虞司署在西華門外路北。南嚮。五重。廡舍共四十間。其東爲箭亭。內務大臣挑甲驗看於此。都虞掌陞補武職。咨行俸餉。及供應畝漁等事。初名尙膳監。順治十八年改爲採捕衙門。康熙十六年改今名。

註三 順天府志內務府所屬營造司署。大堂五楹。二堂後有魯班殿。前後凡四重。廡舍共七十間。掌理工作。兼司薪炭。初名惜薪司。順治十八年改爲內工部。康熙十六年改今名。管轄番役處在東。雍正四年奉命設立。舊署在東華門外南池子。乾隆三十六年移建西華門外長街之北。西嚮。廡舍共三十九間。其番役專隸內府捕緝各案。暨逃走太監等。由三旗人選充。屬慎刑司。

註四 順天府志內務府營造司所屬官房租庫在東。

註五 舊聞考福佑寺在東。雍正元年建正殿。奉聖祖仁皇帝大成功德佛牌。東案陳設御製文集。西設寶座。大門外有東西二坊。皆世宗御書。癸巳存稿伏讀聖祖御製文集。康熙六十年諭令王大臣等爲朕御極六十年。奏請慶賀行禮。欽維世祖章皇帝因朕幼年時未經出痘。令保母護視於紫禁城外。父母膝下未得一日承歡。此朕六十年來抱歉之處。孝陵告祭文云。伏念臣昔在冲齡時防出痘。遂令保母居於禁外。父母膝下未承一日之歡。此臣六十年來深疚負歉者也。故正月初七日二月十一日因念忌辰之前。慶賀皆不敢受。聖製文如右。今西華門福佑寺。傳爲雨神廟。質梵宇也。後殿奉神牌書聖祖仁皇帝大成功德佛九字。背面書聖製五律一首。其寺當日本爲保母護御之邸。見恩福堂筆記。當由內務府記載與御製禁外文合。日下舊聞考不記其所由耳。

註六 順天府志奉宸苑署在西華門外西苑門之旁。廡舍十有五楹。總理苑囿河道稻田之屬。初隸尙膳監。康熙二十五年設奉宸苑。鑄給印信。會典奉宸苑兼管苑事。大臣特簡無定員。卿二人。掌苑囿之政。所屬郎中二人。員外郎四人。主事一人。分管苑囿諸事。筆帖式十有六人。南苑郎中一人。員外郎二人。主事一人。暢春園郎中一人。圓明園兼管大臣無定員。協理二人。或郎中或員外郎主事一人。清漪園兼管大臣無定員。員外郎一人。靜宜園員外郎一人。苑丞四十五人。苑副六十九人。庫掌一人。筆帖式三十九人。分置禁苑。各備典守。

註七 順天府志會計司署東嚮。前後五重。廡舍共四十間。掌內府戶口地畝徵收莊糧等事。初名內官監。順治十七年改宣徽院。康熙十六年改今名。

註八 順天府志福佑寺南有靜默寺。寺爲明季關帝廟舊處。康熙五十二年重建。寺門有敕建靜默寺額。

註九 順天府志昭顯廟在興隆寺南。雍正十年敕建。以祀雷神。

註十 順天府志慶豐司署東嚮。廡舍共二十三間。掌牛羊廐暨口外牧羣。所屬有南苑鹿圈。卮牛圈。槐房。卮經板庫。南海。淀各牛圈。豐臺羊圈。舊聞考慶豐司所屬各圈牛羊。皆大內所用。其犧牲所喂養牛隻爲祭祀之需。向隸太常寺。乾隆二十六年奉旨簡總管內務府大臣一員。值年經理。每歲派內務府司員專司其事。以昭敬慎。

註十一 順天府志慎刑司署東嚮。前後三重。廡舍共五十三間。掌內府之刑罰。初名尙方司。順治十二年改爲尙方院。康熙十六年改今名。

註十二 順天府志北長街俗稱北池子。西北有三座門。明之乾明門也。迤西爲承光殿。又西爲金鼈玉螭橋。

過東三座門。經團城。越金鰲玉螭橋而西。爲西三座門。出門爲西安門內大街。註一街之南

爲國務院。舊爲蠶池口。註二嗣改名集靈園。宣統間建攝政王府。民國肇建。改爲國務院。徐

總統時改爲總統府。段合肥執政。海陸軍兩部居之。今爲河北省政府。院之西曰新開路

胡同。其後有小胡同。曰後胡同。再西曰永佑廟。註三今爲秀貞女學校。又西曰光明殿。順天

府志作光明殿胡同。俗僅呼爲大光明殿。註四又西有大樓。軍隊駐焉。又西爲惜薪司胡同。

註五其西有小胡同。曰西岔。稍北曰桃枝胡同。再北曰土地廟。再北曰槐樹胡同。再北曰圖

樣山。註六即明代免兒山之轉音。再北曰朝陽洞。曰後大坑。今改爲厚達里。曰石版房。曰炭

廠。註七曰頭條二條三條胡同。以達于皇城之南面。後大坑之東。曰達子營。曰小菜園。曰井

兒胡同。曰西椅子胡同。東椅子胡同。再東爲府右街。北與新開路胡同相接。南達于皇城

南之豁子。在府右街西首各胡同。在北曰電燈公所。不通行。稍南曰盤頭作。曰妞妞房。曰

三眼井。曰罇罇房。曰棗林街。罇罇房之西。曰轉馬台。今改爲興羊巷。曰觀音堂。再西即與

頭二三條胡同相接。

註一 寄園寄所寄康熙辛酉都城西安門內有內監治宅掘地。誤發古墓。中有瓦罇一。瓦罇一。墓石二方。廣各

一尺二寸。一刻下氏墓誌四字。環列十二辰相。皆獸首人身。一刻誌銘。題曰大唐故濮陽卞氏墓誌銘。文曰貞元十五年歲次己卯七月癸卯朔夫人寢疾卒於幽州薊縣薊北方。以其年權窆于幽州幽都東北五里禮賢鄉之原。

註二 舊聞考三座門街南曰蠶池。有雲機廟。久廢。明時宮人織錦之所。又蠶池口內西爲天主堂。又西苑東北隅有蠶壇。東南爲親蠶殿。又有具服殿齋宮及蠶室繭館。皆近仁壽宮。明世宗所始建者也。金鼈退食筆記親蠶殿在萬壽宮西南。有齋宮具服殿蠶室繭館。皆如古制。明典禮志嘉靖九年樂親蠶壇於安定門外。禮部言皇后出郊親蠶不便。十年三月改築壇於西苑仁壽宮側。壇高二尺六寸。四出陛。廣六尺四寸。東爲採桑壇。方一丈四尺。高二尺四寸。三出陛。鋪養如壇制。臺之左右樹以桑。東爲具服殿。殿北爲蠶室。又爲從室。以居蠶婦。設蠶官署於宮左。置蠶官令一員。丞二員。擇內臣謹恪者爲之。十四年皇后親蠶於內苑。舊聞考明時先蠶壇在仁壽宮側。已廢。蔡文升紀恩集有居蠶池養疾恭紀詩。茶餘客話處山將文肅廷錫以庶吉士侍直內廷。賜第西華門蠶池西。御題扁曰揖翠堂。

註三 順天府志永佑廟在蠶池口內草廠西。廟祀城隍神。雍正九年建。廟西爲大光明殿。金鼈退食筆記萬壽宮在西安門迤南大光明殿之東。明成祖潛邸也。或曰卽舊仁壽宮。明世宗晚年愛靜。常居西內。今朱垣隙地。雜居內務人役。間藝黍稷及堆官柴草。南曰草廠。北曰柴園。荃營余齋詩註瀛台西內。本明世宗玄修之所。按今永佑廟在國務院之西。是該地確爲當日之蠶池口。亦卽明代之親蠶壇地。惟仁壽宮或云卽萬壽宮。在大

光明殿之東。又舊聞考云先蠶壇在仁壽宮側。則仁壽宮當在西苑之西北。順天府志所云西苑東北隅者殆誤。又按蔣景瑤華集雲機廟故基。當時有毛家灣巧機營等名。今俱無考。

註四 舊聞考光明殿明萬壽宮。嘉靖間建大光明殿。本朝雍正十一年修。乾隆四十八年重修。殿內奉玉皇。又太極殿內奉三清四御。又天元閣內奉斗母后土寶月光元君。其太極殿兩旁添建三星殿。三星殿慈佑殿慈濟殿後有方丈三。亦添建。又迤南爲拜斗殿。本稱壽明殿。乾隆三十九年修。殿基二重。高丈餘。殿三楹。中奉斗母。今其地亦稱爲拜斗殿。明世宗實錄嘉靖三十六年大光明殿工成。金鼈退食筆記大光明殿在西安門內萬壽宮遺址之西。地極廠豁。中祀上帝。相傳明世宗與陶真人講內丹於此。卽大元都也。今仍設內監道士守之。順治十八年正月世宗章皇帝升遐。願命大臣索尼鼈拜蘇克薩哈輔政。共來焚香盟心於此。各街門亦次第設誓。余賜第在左側。江村集有賜居西苑自城北移家詩。茶餘客話高江村以侍講賜第西華門。其先以詹事主簿賜第。嘯亭雜錄湯敦甫金釧官詞林時寓光明殿左廊房。授讀蒙童。無異冬烘。西河詩話。舊西內有大光明殿。亦曰圓殿。是明世宗鍊真處。

註五 順天府志惜薪司胡同。有土地廟。迤南歧路曰西叉口。又南曰倒堂。有雙節寺。舊聞考寺爲明惜薪司太監所立。其地稱惜薪司胡同。西安門內街南之極西地。寺內有鐘一。正德元年造。上鑄惜薪司佛堂字。明史職官志惜薪司掌印一員。總理僉書掌道掌司寫字監工及外廠北廠南廠新南廠新西廠各設僉書監工俱無定員。掌所用薪炭之事。燕史南曰惜薪司。正西則西安門也。惜薪司管宮中所用柴炭。及二十四街門山陵等

內官柴炭。金鼈退食筆記我朝悉除明制。惟內廷柴炭於此關支。荆筐亦不刷紅土。明武宗實錄正德三年八月司禮監劉瑾傳旨改惜薪司外薪廠爲辦事廠。營府舊倉地爲內辦事廠。京師謂之內行廠。比東西二廠尤酷烈。

註六 兔兒山旋磨臺。俗名轉馬臺。春明夢餘錄引明宮殿額名作旋波臺。日下舊聞引爲旋坡臺。鈴山堂集小山在仁壽宮西。入清虛門。磴道盤屈。甃甃皆肖山龍文。疊石爲峯。巉巖森聳。元氏故物也。順天府志案旋磨臺嘉靖二十八年更名仙台。明英宗實錄天順四年作西苑亭軒成。苑中蓬萊山頂有廣寒殿。金所築也。西南有小山。亦建殿其上。規制尤巧。元所築也。蓬萊山。卽萬歲山西南之小山。疑卽兔兒山。明時爲重九登高之地。明故宮考旋波臺卽兔兒山顯揚殿也。酌中志李默游西內記。綠堤稍南。樹益密。林端望見昭光殿。常侍曰此兔兒山昭光殿。宮史作顯揚殿微異。金鼈退食筆記兔兒山在瀛臺之西。由大光明殿南行。疊石爲山。穴山爲洞。東西分徑行。折至頂。殿曰清虛。俯瞰都城。歷歷可見。砌下暗設銅甕。灌水注池。池前五盆。內作盤龍。昂首而起。激水從盆底一竅轉出龍吻。分入小洞。復由殿側九曲注池中。喬松數株參立。古藤縈繞。懸蘿下垂。池邊多立奇石。一名小山子。又小蓬萊。其前爲曲流觀。甃石引水。作九曲流觴。皆雕琢奇異。布置神巧。明嘉靖時復葺鑿戒亭。取殷鑒之義。又南爲瑤景翠林二亭。古木延翳。奇石錯立。架石梁通東西兩池。南北二梁之間。曰旋磨臺。螺盤而上。其巔有甃。皆陶甃雲龍之象。相傳世宗禮斗於此。臺下周以深塹。梁上玉石欄柱。御道繫團龍。至今堅完如故。考監云明時重九。或幸萬歲山。或幸兔兒山。清虛殿登高。宮監內臣皆著重陽景菊花補服。吃迎霜兔菊花酒。西河詩

話曾見山東徐登瀛一詩。其領句云。結客曾回梁父轍。求仙不上堽兒山。人不識堽兒山所出。後予入都。相傳舊西內有大光明殿。前有假山。名堽兒山。卽世宗焚籙瞻斗之地。則意堽兒者堽兒之誤。前有旋磨臺。如磬帶圍繞。由庫而登。逐步漸登。恍履平地。舊時高畫處。猶蕉心中凸。聳以重臺。今亦亡矣。老宮監住此者云。客魏時宮人忤意者。安置此地。死相枕藉。洞中骨髮穢積。此又在酌中志之外者。第締構過整。洞必雙穿。峰不單峙。則宮殿規制。與外稍除耳。張江裁堽兒山記。余旅北平久。嘗讀戴褐夫先生文集中。堽兒山記云。山在西安門內。光明殿之右。山上有紅亭。明世宗好道術。嘗修煉於此。每歲九月九日。在亭中食迎霜兔。余以爲此山必尙在此間。然問之都人。竟無知者。未幾。余於西安門內府右街之側。得光明感。爲明季所建。今改爲培根女學校。有廢閣一椽。椽翼張。丹纒宛然。猶宮禁遺制。殿以外。皆民居。仍不見有山也。一日有友人來寓云。徙居圖樣山。余聆其音。與堽兒山相似。亟往訪之。則適當光明殿右。乃悟所謂堽兒山者。不知何時剗去。今所稱圖樣山。卽此山耳。余週覽近地。無他寺觀。無二百年以上之古樹。而廢地甚多。有巨石若杵。若甌。若象鼻。若龍之半身。皆委置荆莽間。蓋當時山上紅亭中物。無可疑矣。先生遊此山時。在康熙十四年。山中故物。經鼎革之後。尙未盡摧剗。今讀其遊記。若有不勝痛惜之意。豈知閱時未久。並此山亦無存理。山猶不能久存。而謂安重不如此山者。尙可望長留於人世哉。

(下略)

註七 蕪史宮中用炭。皆易州產。按尺寸截鋸。編小圓荆筐。用黃土刷筐盛之。名曰紅靈炭。順天府歲貢糯米十五石一斗。永平府歲貢紅棗一萬五千五百七十斤。於紅籬廠交納。廠中香匠製香餅。燻炭。造將軍等像。高三尺。

許名曰彩粧。臘月二十四日安宮殿中旁。次年二月仍歸本司。

西安門大街路北。參謀部在焉。今爲警備司令部。其東胡同曰酒醋局。註一又東曰養蜂夾

道。註二中間有小胡同。曰扁擔胡同。再東曰小馬圈。其南曰上駟院。均爲明玉熙宮舊址。註三

今其北爲紅十字會醫院。其西空地建爲國立圖書館。尙未落成。小馬圈之北爲北海之

水西門。其西爲清涼庵。庵之北西曰四棵槐。北曰剪子巷。又北曰旃檀寺。註四光緒庚子燬

於兵。最古之旃檀佛已失去。清末建爲禁衛軍。今仍更迭爲駐軍之所。參謀部之西曰眞

如鏡。註五又西曰劉藍塑胡同。註六再西曰西什庫。註七法國天主教堂在其北。又北曰仁慈堂。

又北曰陸軍部砲礮庫。又北有農務學校。第四中學校。又北曰財政部鐵庫。又北卽皇城

之西北隅。天主教堂以東曰西什庫夾道。槐柳陰森。地極幽寂。劉藍塑胡同之北曰草嵐

子。又北曰川堂門。曰天慶宮。曰口袋胡同。曰牛圈。又北曰保守學。又北曰毛窩胡同。又北

卽禁衛軍操場。又北曰妞孃房。曰蕪花胡同。曰當舖胡同。曰棗院。曰西街。曰盒子胡同。曰

楊家大院。曰後庫。稍東曰贓罰庫。今改爲永祥里。曰北炭廠。自西街而東曰南炭廠。又東

曰虎城。註八稍南曰佛倉胡同。今改爲府藏街。稍北曰玉石井。又北曰繩子庫。其東爲操場

九 註 上年法人購其地建道明大學。未久而廢。

註一 金鼈退食筆記。西酒房西花房牲口房舊虎城皆在樞星門西北。今盡廢。舊聞考酒醋局巷內有真武殿。至今稱爲酒房。蓋卽西酒房舊址。柯鳳孫藜園詩存。西安門外酒醋局爲立山故宅。

註二 順天府志。羊房夾道俗訛爲養蜂夾道。舊聞考延壽庵在羊房夾道路西。明司禮監經廠之佛堂也。

大政記。正德八年五月詔建延壽僧寺。堂釋殿於西內經廠。明職官志。司禮監提督太監一員。掌司太監一員。秉筆太監隨堂。太監書籍名畫等庫。掌司內書堂掌司。六科廊掌司。典簿。無定員。提督掌督理皇城內一應儀禮。刑名及鈴東長隨當差聽事各役。關防門禁催督供應等事。掌印掌理內外章奏及御前勘合。秉筆隨堂。掌文書照閣票批硃。掌司各掌所司。典簿。典記。章奏。出納。號簿。有鐘一。嘉靖六年製。上鑄延壽庵及內府安樂堂。佛堂。永遠供奉等字。其院牆南面有康熙中重修碑記。庵西卽經板庫。燕史由金海橋玉熙宮迤西曰樞星門。迤北曰羊房夾道。牲口房虎房在焉。內安樂堂在焉。凡宮人老病或有罪。先發此處。待年久再發外之浣衣局。成化間。萬貴妃專寵。孝穆紀皇后託疾居此。誕孝宗。牲口房收育異獸珍禽。有虎。城羊城。春明夢餘錄。羊房夾道舊有真慶殿。萬歷三十一年八月折去。爲大山子工所用。案大山子卽萬歲山。

註三 順天府志。西安門大街東爲金鼈玉螭橋。南爲西苑福華門。北爲陽澤門。門內傍北海地名小馬圈。燕史。金海橋之北。河之西岸。向南曰玉熙宮。神廟於此。選近侍三百餘員。學宮戲。金鼈退食筆記。玉熙宮在西安裡門街北。金鼈玉螭橋之西。明世宗嘉靖四十年十一月辛亥。萬壽宮災。暫御玉熙宮。神宗時。選近侍三百餘名。

于玉熙宮學習宮戲。歲時陞座。則承應之。各有院本。如盛世新聲。雍熙樂府。詞林摘艷等詞。又有玉娥兒詞。京師人尙能歌之。名御製四錦。他如過錦之戲。約有百回。每回十餘人不拘。濃淡相間。雅俗並陳。又如雜劇古事之類。各有引旗一對。鼓吹送上。所扮備極世間調局俗態。并拙婦驢男。及市井商賈刁賴詞訟雜要諸項。蓋欲深宮九重之中。廣識見。博聰明。順天時。恤民隱也。水嬉之製。用輕木雕成。海外諸國及先賢文武男女之像。約高二尺。彩畫如生。有臂無足。而底平。下安卯筍。用竹板承之。設方池。貯水令滿。取魚蝦萍藻實其中。隔以紗障。運機之人皆在障內游移轉動。一人鳴金宣白題目。代爲問答。惟著天白畫作之。以銷長夏。明愍帝每宴玉熙殿。作過錦水嬉之戲。一日宴次。報至。汴梁失守。親藩被害。遂大慟而罷。自是不復幸玉熙宮矣。康熙三十年五月於此設席殿。停孝仁皇后梓宮。集百官舉哀。今改爲內廐。象養御馬。又土穀壇在陽澤門外西南數十步。明嘉靖中因給事王璣言建壇於此。今廢。梅邨詩。先皇駕幸玉熙宮。鳳紙簽名喚樂工。苑內水嬉金傀儡。殿頭過錦玉玲瓏。一自中原盛豸虎。煖閣才人罷歌舞。即詠此。東塘有琵琶名小吟蟬。上鐫玉熙宮三字。蕪史大藏經廠。司禮監之經廠也。金鰲退食筆記。大藏經廠在玉熙宮遺址之西。貯經書典籍及釋藏諸經。今仍舊制。燕都游覽志藏經廠碑記。言廠隸司禮監。寫印上用書籍。造制勅龍箋。庫則堆貯經史文集。三教番漢經典。及御製御書詩文印板。建自正統甲子。歷嘉靖戊午。世宗造元都宮殿。將本廠大門拆占。隆慶改元。元都拆毀。其後內監展拓舊基。重加修飭。始萬曆二年二月。落成於五月。順天府志案庫今廢。其地尙仍舊名。

註四 順天府志旃檀寺即宏仁寺。舊聞考宏仁寺在太液池西南岸。地最爽朗。爲明清馥殿舊址。康熙四年

改建爲寺。有御製碑記。寺前建二坊。寺門內有白石方池。上跨三梁。池西作龍首。自牆外汲太液水灌注之。綠荷出水。朱魚吹藻。池北天王殿。殿東西峙鐘鼓樓。再進爲慈仁寶殿。左曰彌教。右曰翊化。又進爲大寶殿。左曰普慧。右曰覺德。康熙四年移鷲峯寺旃檀佛像於寺之正殿。寺因是並有旃檀之名。金盞退食筆記。旃檀佛像高五尺。鶴立上視。後瞻若仰。前瞻若俯。衣紋水波骨法見其表。左手舒而直。右手舒而垂。肘掌皆微弓。指微張而膚合。三十二相中鵝王掌也。勇猛慈悲。精進自在。以意求之皆備。相傳爲旃檀木。叩之聲鏗鈞若金石。入水不濡。輕如霧縠。晨昏寒暑。其色不一。入抵近於沈碧。萬歷中慈聖太后始傳以金。聖祖御製旃檀佛歷代傳記記（上略）按元翰林學士程鉅夫旃檀佛像記。佛道成。思報母恩。遂昇忉利天。爲母說法。優填王欲見無由。乃刻旃檀爲像。佛自忉利復下人間。見所刻像。摩頂受記曰。我滅度千年後。汝往震旦。廣利人天。自是像在西土一千二百八十餘年。龜茲六十八年。涼州一十四年。長安一十七年。江南一百七十三年。淮南三百六十七年。復至江南二十一年。汴京一百七十六年。北至燕京供聖安寺十二年。又北至上京大儲慶寺二十年。南還燕宮內殿五十四年。元丁丑歲三月燕宮火。復還聖安寺。五十九年。至元十二年乙亥迎供萬壽山仁智殿。二十六年己丑還大聖壽萬安寺後殿。又按明萬歷間釋紹乾瑞像來儀記。明初自萬安寺遷慶壽寺。嘉靖十七年寺焚。遷鷲峯寺。一百二十八年。康熙四年創建宏仁寺。自鷲峯寺迎供。至今又五十七年矣。計自優填王造像之歲。當周穆王十二年辛卯。至康熙四年辛丑。凡二千七百一十餘年。昭昭瑞像。肇自西方。流傳中土。光明瑩潔。今古常存。考歷代之往蹟。昭新創之宏規。勒諸貞珉。以記盛事云。乾隆二十五年又發帑重修。有御製碑文。其寺後爲明虎城基址。舊聞考旃

檀寺東爲仁壽寺。寺大門乾隆二十六年建。上懸御書仁壽寺額。殿中間外方。中央及八方供長壽佛。中有複壁。壁上悉懸諸佛。東西南北各闢一門。甃以白石。

註五 蕪史經廠又西曰洗白廠。曰果園廠。曰西安裏門。條作即洗白廠。造兜羅絨各色五毒等條。兜羅絨傳自西域。無敢私造者。甜食房并此廠皆屬御用監。最寒苦可憫。金盞退食筆記果園廠在樓星門之西。明永樂年製漆器。以金銀錫木爲胎。有剔紅填漆二種。剔紅盒有蔗段蒸餅河西三撞兩撞等式。蔗段人物爲上。蒸餅草花爲次。盤有圓方八角繚環四角牡丹瓣等式。匣有長方二撞三撞四式。其法朱漆三十六次。鏤以細錦。底漆黑光。針刻大明永樂年製。比元時張成楊茂劍環香草之式。似爲過之。填漆刻成花鳥。填彩綢漆磨平如畫。久而愈新。其合製貴小。深者五色靈芝。淺者回文餞金邊。價數倍於剔紅。二種皆廠製也。又果園遺址。今爲內務府人所居。舊聞考真如境廟內。隆慶戊辰御用監造廠碑云。本監洗白廠成造上用兜羅絨袍。公廡又有隆慶辛未修廠碑。稍西地名劉鑿塑。真武廟中有萬歷癸巳修洗白廠條作碑。云條作初置公廡於果園廠前。機作等房俱聚於此。後擇果園廠隙地。建茲條作。則洗白廠果園廠俱在此地。按今真如鏡名尙存。洗白廠果園條作均無考。註六 骨董實記虞集劉正奉塑記略云。至正七年建護國仁王寺。詔求天下奇工。造梵天佛像。得黃冠劉正奉名元。字秉元。寶坻人。先事青州杞道錄。傳其藝。及被召。又從阿尼哥國公學西天梵相。遂爲絕藝。兩都名利有塑士范金搏換爲佛者。一出正奉之手。賜兩宮女爲妻。以昭文館大學士正奉大夫秘書監卿官之。嘗敕正奉非有旨不許擅爲人造像。梵佛多秘不得觀。所見上都三皇廟尤古粹。造意得三聖人之微。大都長春宮都提點馮道

願始作東嶽廟于宮之東。正奉親造仁聖帝象炳靈公象司命君象及佐侍諸神。正殿仁聖帝兩侍女兩內侍四丞相兩介士。其西炳靈公兩侍女兩侍臣。其東司命君兩道士兩仙官兩武士兩將軍。初欲造侍臣象。適閱秘書圖畫。見魏徵象。矍然曰。得之矣。非若此莫稱爲相臣。遽走廟中爲之。即日成。所謂搏換者。漫昂士偶上而稜之。去其土。猿吊儼然。其象昔人嘗爲之。至正奉尤好。搏換又曰脫活。京師語如此。按元史工藝傳阿尼哥尼。婆羅國人也。至元十年授人匠總管。今每訛劉元塑爲劉監塑。張船山有天慶宮觀劉鑿塑像歌。又訛作鑿矣。順天府志天慶宮舊爲元都勝境。在宏仁寺西。舊聞考元都勝境建於元代。因內有劉鑿塑像。今其地即名劉鑿塑。乾隆二十五年重修。賜名天慶宮。前殿曰泰鈞。後殿曰統元。又劉鑿塑有真武廟。廟有萬歷癸巳修洗白廠繡作碑。析津日記京師像設奇古者曰劉鑿塑。說者疑鑿與元音近而誤。考郝伯常陵川集。燕有四賢祠。其像塑自劉鑿。則鑿別自一人。著於正奉之先者也。燕京訪古錄。西華門劉蘭塑胡同天慶宮。係羽士所居。元名元都勝境。宮中之像爲正奉大夫劉元手鑄。右殿奉天師降妖像。棹上設一尺六高生金方印。卜篆書「九宮八卦五雷神印」八字。此印重八百斤。乃元至元物也。又劉監者。元朝人以塑神像著名一時。故都有劉監塑胡同。卽其舊居地以人傳也。劉塑像重在傳神。往余在平。觀某關帝廟。有劉塑之關公像。關公之目視周倉。而周倉目毗視馬夫。馬夫之目。則視其馬。故其神氣如生。蓋劉監所塑也。

註七 順天府志西十庫隸內務府。丙丁戌三庫兼屬工部。舊聞考慈雲寺在西安門內街北十庫前。卽明之王天殿。殿前有修庫題名碑。又修廟碑記。康熙五十二年改爲慈雲寺。十庫西鴿子房有二聖廟。卽內府鴿子房。

土地祠也。有萬歷十九年重修碑。金齏退食筆記。西十庫在西安門內。嚮南。舊設掌庫太監一員。貼庫數員。簽書數十員。本朝三十餘年。十庫封錮不開。塵土堆積。庫後古木叢茂。居人鮮少。衆鳥翔集。作巢以數萬計。上常游幸至此。命內務清察立擋案焉。會典事例。戊丁二庫在西十庫內。收貯弓刀箭弦鳥鎗等項。丁字庫今貯硝磺。明會典天財庫。凡正陽等九門并各鈔關本折錢。及皇城各門鎖鑰。俱送本庫收。舊聞考慈雲寺修庫題名碑所記。十庫與蕪史合。而冠以司鑰庫之名。其修廟碑記。則云禁城西北隅。有司鑰庫。而天財庫亦屬焉。是司鑰庫乃十庫總理。天財庫其附焉者也。再考明職官志所記十庫。止詳九庫職事。獨闕廣積一庫。今依明會典增入。明史職官志。十庫甲字掌貯銀朱黃丹烏梅籐黃水銀諸物。乙字掌貯奏本等紙。及各省所解肝襖。丙字掌貯絲綿布疋。丁字掌貯生漆桐油等物。戊字掌貯弓箭盔甲等物。承運掌貯黃白生絹。廣盈掌貯羅紗諸帛匹。廣惠掌造貯巾帕梳籠刷。抵錢貫鈔錠之類。職罰掌沒入官物。已上各掌庫一員。貼庫簽書無定員。明會典廣積庫收焰硝硫黃等物。閱微草堂筆記內務府一官言。西十庫貯硫黃處。亦有二鱗。皆首蟲一角。鱗甲作金色。將啓鑰必先鳴鈺。其最異者。每一啟鑰。必見硫黃堆戶內。磊磊如假山。足供取用。取盡復然。意其不欲人入庫。人亦莫敢入也。或曰。即守庫之神。理或然歟。山海經載山之神。蛇身鳥首。種種異狀。不必定作人形也。骨董瑣記。光緒十六年。以庫地及帑金三十五萬。予天主教。易蠶池口教堂舊址。擴充西苑。開當時掘得漆蠟類百桶。他物稱是。獲利無算。西巡大事本末記。天主教堂在京者共四處。分東西南北。東堂北堂均係天主教大掌教法維爾所募建。建造北堂一事。故實甚繁。在一千八百六十四年北京內城。祇有天主教教堂一座。該堂與皇宮相近。教堂毯頂高。

處。可以望及宮庭。頗爲宮禁所增惡。既建高牆以蔽之。後復商之法使。將此堂遷住他處。至一千八百八十六年。在內地賜地二十英畝。復給英金七萬五千鎊。故此堂在四堂中爲最新。光緒庚子該堂爲義和團圍攻二月未破。按今西十庫爲天主堂。僅餘財政部鐵庫及陸軍部備積二庫。至臧罰庫乃十庫之一。今旃檀寺西北胡同。猶有臧罰庫之名。則臧罰庫之地。在十庫極北。又按明史言司鑰庫俗名天財庫。積有歷代古錢。此天財庫之所由名也。又言乾清午門東華等門鑰匙。皆本庫監工。於五更三點時。自宮中發出。分啓各門。後卽繳回。其言與明會典合。是天財庫卽司鑰庫無疑。舊聞考分爲二。似誤。

註八 燕都游覽志虎城在太液池西北隅。睥睨其上而阱其下。阱南爲鐵門關。而竇其南。爲小阱。小阱內有鐵柵如籠。以檻虎者。虎城西北隅有豹房。百獸房。在虎城之後。連檀南嚮。明武宗實錄正德二年八月造豹房。七年添修豹房二百餘間。上朝夕處此。不復入大內。金鼈退食筆記騰禧殿在旃檀寺西。明武宗以居晉王樂伎劉良女。俗呼爲黑老婆殿。傍有古井曰王媽媽井。舊聞考騰禧殿久廢。其地當與豹房毘連。稍南有北極廟。相傳亦明代古刹。順天府志案明武宗實錄言建鎮國寺於豹房。今遺址亦無考。野獲編補遺武宗南幸。至楊文襄一清家。有歌童侍焉。上悅其白皙。問何名。曰楊芝。賜名曰羊脂玉。命從駕北上。明史武宗本紀正德二年八月丙戌作豹房居之。酌中志河之上游有倒影入水如城闕龍宮者。曰乾德殿。卽俗稱北臺是也。高出雲表。下瞰衢陌。建自萬歷年間。天啓時毀之。卽其處爲嘉樂殿。明神宗實錄萬歷二十九年六月新築大內乾德殿。御史林道楠劾其工。至三十年四月道楠上言三殿南宮高不過一十二丈。今臺高八丈一尺。加以殿宇。又復數丈。

其勢反出宮殿之上。禁中豈宜有此。閩史掇遺乾祐閣宮中謂之北臺。高八丈餘。廣一十七丈。磴道三分三合而上。俯臨閭井。繁猥畢見。欽天監言風水不利。議毀之。天啓元年十一月十三日工部疏請得旨。時高工部道素初授虞衡司主事。於次日始督折北臺。明宮殿額名萬歷三十三年八月更乾德殿爲乾祐閣。天啓元年八月毀之。四年五月添建嘉豫殿。按嘉豫殿當即嘉樂殿也。

註九 順天府志教場地極軒廠。迤東爲內宮監胡同。又東則地安門也。明世宗實錄嘉靖三十年上更定營制。命更舊內教場曰內戟營。欲以團操內使。次年二月工部請營建祀所并營舍。中立一臺備御視。舊聞考內教場今名教軍場。在宏仁寺東北。其地有三聖祠祀火神。碑云禁旅之設。遴拔監局諸司內員精健者三千人。統以總提。分治以中軍。領以總牌。次設明甲硬弓隨武等官。於大內西北二處。分場訓練。後皆并練於此。野獲編初穆宗好觀武事。時江陵爲末相。遂於條陳疏中特列一欸曰實武備。請上每次大閱。躬詣校肄。上大喜。褒美舉行。自是而內教場習射等事起矣。順天府志案明武宗特設東西兩官廳於禁中。視團營。又自領閹人善騎射者一營爲中軍。晨夕操練。事見實錄。其教場當亦在此。案教場當即今模範團操場地。

自北長街北頭而東。達於神武門。南面紫禁城。御河繞之。每當夏日。荷芰盛開。馨芬遠襲。路之東爲太高元殿。註一明世宗齋醮之所也。有牌樓甚壯麗。民國六年以南向一坊。傾斜特甚。折去之。今惟餘東西兩面。其題額相傳嚴嵩所書。殿西有小胡同曰牛犄角。不通行。

又西曰小石作。曰大石作。註二其北曰雪池。註三冰窖在焉。註四西為北海陟山門。東為景山西

街。又東即景山西門。亦曰北上西門。註五雪池之東有小胡同。曰魏家胡同。註六稍北曰房錢

庫。再北曰高臥胡同。再北曰三柱香。順天府志作三座箱。再北有橋二曰白石橋。俗曰西

板橋。自石橋而東。為景山後大街。其北為內宮監。註七今改為恭儉胡同。南北直達于地安

門西皇城根。中間有小胡同曰十字街。北頭路西有小胡同曰四眼井。內宮監之西。曰太

平街。註八貢王府在焉。貢王名貢桑諾爾布。字樂亭。蒙古科爾沁旗人。工書畫。又西曰地安

門大街。東西列屋數十楹。曰雁翅樓。今改為乞丐收容所。及工程隊駐所。街之西有上駟

院。今改為民居。稍北曰米糧庫。予所居淑園在焉。註九又北曰油漆作。註十又北即地安門內

西夾道。註十一今皇城盡拆。與十刹海之南接壤矣。

註一 野獲編西苑齋宮。獨大高元殿。以有三清像。至今崇奉尊嚴。內官宮婢習道教者。俱於其中演唱科儀。

舊聞考。真閣焗靈軒象。一宮皆供奉釋道處。又有始陽齋。無上閣。桂洲集。始陽齋在無上閣左。象一宮在無

上閣右。舊聞考。殿門前有二亭。制極巧。中官呼為九樑十八柱。其殿之北。則裏冰窖也。日下舊聞。萬曆中。皇

三子生。鄭貴妃即乞憐於上。欲立為太子。北上西門之西。有太高元殿。以祀真武。貴妃要上詣殿行香。設密誓。御

書誓詞。緘玉合中。存貴妃所。後廷臣敦請儲。慈聖又堅主立長。上始割愛立皇長子。既立。遣人往貴妃處索玉合。至。封識宛然。內所書已蝕盡。止存四腔素紙而已。上悚然異之。骨董瑣記、棗林雜錄中集。京師西苑高元殿。檜一松四。並金時植。嘉靖中封松指揮使。俸米專給孤貧。按即衡山西苑詩所稱爲數百年物。予甲子四月過之。已槁其半矣。爲低徊久之。

註二 蕪史大高元殿稍西。曰石作。有閣。

註三 藤陰雜記西華門內雪池。康熙中賜蔡升元飭內府司員冰雪施工。尅期告竣。令同僚陳元龍送歸新第。按蔡升元爲康熙時狀元。今北海有狀元府。當即賜蔡之第。周退舟有狀元府考甚詳。

註四 蕪史內官監所管十作。曰木作。石作。瓦作。土作。搭材作。東行。西行。油漆作。婚禮作。火藥作。并米鹽庫。營造庫。皇壇庫。裡水窖。金海等處。順天府志舊聞考以水窖爲御用監所屬之水窖。據蕪史所言則裏水窖屬內官監。與御用監相去。地頗遼闊。疑當時本有兩水窖也。大清會典事例。紫禁城內設冰窖五。山西門外冰窖六。德勝門外冰窖三。正陽門外冰窖二。分藏京河通州龍王蓮花池等處之冰。

註五 金蠶選食筆記。大高元殿之東。卽北上。西門有橋。登輒石各半。謂防車輪耳。順天府志迤東爲大高元殿。又東北爲景山西門。與景山門相值者爲西苑陟山門。稽察內務府衙門在焉。稽查內務府御史衙門。雍正四年設。在景山西門路北。房四十有六楹。以都察院滿監察御史二員稽核其事。迤北有樂部公署。會典乾隆七年創建樂部。所屬有神樂和聲二署。掌儀司旗守衛什榜處樂並隸焉。樂部管部大臣亦曰典樂。以禮部滿尙書

一人兼之。又王大臣知樂者。簡用無定員。神樂和聲二署設署正署丞等官。

註六 蕪史過北中門迤西。則白石橋萬法寺等殿。明世宗實錄嘉靖四十四年十月定新建萬法寶殿。一作

萬德。又作萬福。中曰壽憩。左曰福舍。右曰祿舍。春明夢餘錄萬法寶殿燬。萬歷二十九年添蓋佛殿連房。三十

年佛殿添額名祖師殿。舊聞考今白石橋西魏家胡同有萬法殿。地基頗狹。似非其舊矣。

註七 順天府志內官監胡同口火神廟。橋二曰鴛鴦橋。明之白石橋也。蕪史北安門內黃瓦西門之裏。則內

官監也。舊聞考監今廢。其地猶名內官監胡同。內有大佛堂。其碑記備列黃華門、營造庫、米鹽庫、油漆作、外鐵

作、婚禮作、東行、西行、西瓦廠、石廠、黑窯廠、神木廠、鑄鐘廠、供應廠、備用廠、金殿、殿稻田、蜂窩廠、東花房、馬鞍房、

琉璃局、外水窖等名目。與水部備考明史所載多合。慈書紫禁城有護城河。河外即御溝也。河自北開口分流。

經內官監白石橋大高元殿之東。北上西門之外。至紫禁城下。而東而南。經太廟之東。玉芝宮飛虹橋之西。而其

在西一派。則自太社太稷壇西至靈臺寶鈔司之東。合流於湧福河以出。池北偶談金忠潔公鈇。甲申三月以

兵部主事巡視皇城。盡節玉河。時有中官呂胖子同死。二公骨不可辨。其家人遂同葬玉河之岸焉。天問閣集

鉉聞變大呼號。痛哭拜母曰。兒職在皇城。死皇城爲正。遂冠袍束帶帶牙牌。趨大內。宮女俱湧出。乃往皇城西北

隅。臨海子河。卽投。長班驚相挽。鉉搏長班躍入死。三垣筆記鉉初以駕部巡皇城。每過玉河。輒留連不能去。歸

語其弟錄曰。吾一見玉河。若依戀不忍舍。何也。竟投玉河死。順天府志案金忠潔死節之所。明史云在金水河。

據天問閣集則在皇城西北隅。甲申傳信錄亦同。其地當去內官監不遠。日下舊聞叙於皇城外玉河橋者誤。

誤。燕京訪古錄、御河堤側。有明金兵部及內監呂胖合骨塚在焉。兵部名鉉。字伯玉。號在六。武進人。以順天籍領解。成崇禎戊辰進士。官兵部主事。鼎革之交。兵部分守皇城。已而李闖亂作。兵部上書陳辭。上皆不能用。已而賊兵入燕。平城將陷。兵部知不可救。痛哭別母揮泣曰。兒職守城。今城亡。當與亡。請從母乞身以殉國。其母厲聲曰。嗟呼。昔謂汝讀書知大義。今始向我乞身耶。趣之出。城即陷。崇禎帝殉國難於煤山。內監王承恩從之。兵部喟然曰。不謂若輩尙有能知義者。我反後之愧矣。乃躍身御河死。有呂胖者闖人也。行至御河。視兵部屍浮水面。呂心有觸。嘆曰。若輩向薄視我。渠能死節。我獨不能耶。乃投抱公屍而死。其後有知其事者。欲拾而葬之。兩屍已腐。不能辨矣。乃藁葬之於此。名爲合骨塚。

註八 順天府志太平街迤西曰獅子衙門。今無考。

註九 順天府志米糧庫疑卽明之米鹽庫。又東北則地安門也。按順天府志此地尙有黃瓦西門。當卽米糧庫胡同東口之門。民國十六年內務部拆賣皇牆。已被拆卸。予居胡同東口。名曰淑園。自有記。其東皇牆則個人出資購得。保存至今。附淑園記於下。陳蘓衷淑園記。予之先居金陵者。十有二世。有宅於城南水左營。地廣數畝。洪楊之亂燬於兵。先大夫子身避地。餬口四方。而漸而贖而闔。不遑暇食。雖晚景稍裕。而曾無一椽之居。予生十五而孤。習於貧困。壯歲幸通籍。遂以闔爲鄉。然闔中實未有田廬焉。旅京二十年。節衣縮食。薄有餘積。歲癸亥。乃擇地於地安門之左。曰米糧庫者而居焉。地廣十畝而強。闔其南爲門。左右爲楹六。以爲園廐庖藏之所。入門數十武。築待客之楹七。是爲南室。又十餘武。築居孥之楹七。是爲北室。兩室之間。其東爲楹三。以備朝食。是爲朝

室。其西爲楹三。以備夕食。是爲夕室。夕室之後爲楹三。以居吾姊及外姑焉。其他廊榭庖溷廁踰之所皆稱是室之外隙地數十弓。大木數章。蔭可蔽畝。間以松竹桑槐榆柳楓楸之樹。桃李栗梨棗葡萄萍婆櫻桃之果。海棠玫瑰薔薇玉簪木槿紫薇芍藥之花。有餘土積以爲山。闢小池實以芙蓉。後有圃雜植瓜壺蔬韭之屬。風雨有蔽。星月有輝。室麗于園。而園爲主。因名之曰淑園。淑者善也。非徒景物清淑之謂。因將以自淑其身。且以淑吾子孫。思予先祖父世有恆產。徒以遭際離亂。不恆其居。予小子生逢時會。幸博徵祿。朝乾夕惕。以母隕厥宗。輪奐匪整。閔閔是紹。念創業之不易。知負荷之尤艱。則所以繼續前徽。保世滋大者。當更有在。豈徒耽居處之安適。聘歲時之游觀已哉。嗚呼。世道陵夷。神州蒼莽。生斯世者。羣有其何能淑。戴胄及溺之憂。而予猶斤斤于謀田園。長子孫。欲以淑己而淑人。其不爲時流之所嗤。亦且爲達人之所誚也。是又可以無言已。

註十 順天府志明內官監所屬油漆作當任此。

註十一 順天府志地安門西夾道迤西有漕閘。在西天梵境後。其外有西步糧橋。按西步糧橋又名西不壓橋。今此面皇城均已拆卸。北海公園北門在焉。

天安門之東。皇城之南面。有門三。曰南池子。註一 民國元年所新闢也。入門左右曰東銀絲

鈎。西銀絲鈎。稍北有河曰菖蒲河。註二 御河之水所從出。循舊皇城内折而北曰南河沿。民

國六年復辟時。張定武上將軍守於是。註三 又北曰北河沿。以達於東不壓橋。南池子大街

以西。最北曰官猪圈。稍北曰小蘇州胡同。大蘇州胡同。又北曰飛龍橋。註四又北曰南井胡

同。又北曰冰窖胡同。又北曰門神庫。註五今闢為西通太廟之門。改曰氏聲胡同。又北曰石

縫胡同。註六均不通行。再北即東華門。南池子大街之東。曰南庫子。北庫子。順天府志作南

北庫司胡同。再北曰皇史晟。註七俗稱表章庫。其東曰官豆腐房。關穎人之墓園在焉。註八又

東曰十達子廟。今改為歐美同學會。註九稍北曰南灣子。再北曰武備院。自皇史晟而北。曰

表章庫夾道。再北為南灣子之西口。再北曰裏新庫。俗稱緞匹庫。註十再北曰扁擔胡同。不

通行。裏新庫之北曰後胡同。其東曰鴨蛋井。再北曰前胡同。東胡同。西胡同。曰磁器庫。南

岔。又北曰普度寺。註十一其東曰東夾道。其西曰西夾道。再北曰捷報處。曰葡萄園。其東曰

對子圈。不通行。又東曰北岔胡同。曰磁器庫。註十二以達於南河沿。其南有太平巷。金鈞胡

同。均不通行。葡萄園之南。有小胡同。曰羊圈胡同。曰北月胡同。曰箭廠胡同。註十三均不通

行。葡萄園之北。即東安門大街。西為東華門。註十四東為東安門。註十五有橋曰望恩橋。亦曰

皇恩橋。民國十二年改建。橋上有廟。今移於西北。

註一順天府志東華門外南長街。俗稱南池子。今從俗名。內務府所屬外養狗處在西。又有管轄番役署。後移

西華門外北長街。鷹房狗房。舊俱在東華門內。其在南池子者。外署也。嘉慶壬戌內署亦移于東華門外。按鷹房狗房今俱無存。

註二 蕪史。蕪蒲河再東則追先閣。欽天閣。勒世廟。欽天頌於碑。再南則御作也。順天府志今大院子地臨蕪蒲河。即明之御作。按今追先閣等處。俱已夷爲民居。

註三 蕪史。自皇史。歲東南有門通河。河上有湧福閣。俗所謂騎馬河也。舊聞考今普勝寺東北有馬鞍橋。當即騎馬河舊址。荃察子齋詩存云。丁巳復辟兵敗。主兵者宅第燼焉。諸軍將卒遷其重器。黃詠裳君惟取焚餘殘畫爲題二絕。舟車集詠南河沿詩夜半人語喧。汽車雜奔馬。奮門爾何爲。震驚遍野。孺子故昏憤。神器宜可假。由來竊人國。住往利孤寡。朱溫與董卓。擁立本苟且。豈真忠故君。謬欲支大廈。所嗟南河沿。一夕覆千瓦。按今朱艾卿太傅居南河沿。皇史。歲尙存。湧福閣。普勝寺均無考。

註四 順天府志。飛龍橋。舊爲飛虹橋。明英宗實錄。初上在南內。悅其幽靜。既復位。數幸焉。因增置殿宇。其正殿曰龍德。正殿之後。鑿石爲橋。橋南北表以牌樓。曰飛虹。曰戴盞。蕪史。飛虹戴盞二坊。姜立綱書。燕都游覽志。自東華門進至麗春門。凡里餘。經宏慶殿。歷皇史。歲。至龍德殿。隙地皆種瓜蔬。注水負甕。宛若邨舍。過此則飛虹橋。石刻巖虎禽獸狀。傳爲西洋僧載而來。案麗春門。明南城中路門也。見春明夢餘錄。長安客話。引陶從政詩。中官三寶下西洋。載得仙橋白玉梁。則橋石爲三寶太監鄭和下西洋時所得。蕪史載其事亦同。游覽志言西洋僧所獻。傳聞異詞耳。按今橋固在。而石則尋常。不知何時已易去矣。橋南關門一。卽名南池子。

註五 順天府志工部製造庫所屬門神庫在南池子西。因以名。案野獲編世宗初建獻皇帝廟。既而廟稱宗。遂閉舊廟不復祀。嘉靖四十四年舊廟柱產芝。上大悅。改名玉芝宮。舊聞考玉芝宮久廢。以大禮集議所地畧考之。當在南池子西北。今之門神庫。或即其地歟。

註六 順天府志石縫胡同。舊名石頭縫胡同。內務府北鞍庫所屬鞍作在焉。今無存。

註七 匏庵詩存。德宗景皇帝實錄。尊藏皇史。歲禮成恭紀詩。注皇史。藏舊藏永樂大典及經史諸書。康熙朝高。搓客待詔直內廷。嘗奉敕入箴檢書。賦檢書行。述規制甚悉。今箴中只藏列聖實錄。其永樂大典據乾嘉諸老考證與翰林院所藏者。別是一部。不知後移何處。又奉命大將軍印。乃太宗授睿親王以入關者。亦藏於此。咸豐已未。以授惠親王督師畿輔。嘗繪授印圖。遍徵朝士題詠。今印亦不知所在。

註八 荃譽余齋詩註。關唐麟。穎人穉園。在官豆腐房。匏庵詩存。有關穎人重葺穉園落成詩。

詩九 順天府志南箭亭有十韃子廟。原名普勝寺。清初番僧惱木汗駐錫北京。順治八年勅建三寺。居之。此實爲三寺之一。康熙九年重修。有勵宗萬所撰碑。書濛滿漢三體文字。今尙在。按十韃子廟俗作石達子廟。今改建爲歐美同學會。南灣子迤南爲皇史。俗稱爲表章庫。爲尊藏實錄聖訓玉牒地。

註十 順天府志戶部所屬緞疋庫在南池子東。與大庫顏料庫通謂之三庫。南小胡同曰鴨蛋井。正白旗侍衛教場在小南城。嘯亭雜錄緞疋庫舊爲睿忠親王府。即明南宮故地。王諱多爾袞。太祖十四子。順治間稱輔政。皇叔父王。後以罪除。乾隆四十三年特旨昭雪。復舊封。世襲。追諡忠。燕史重華宮之東曰洪慶宮。供番佛之所。

也。又東則內承運庫。再東則崇質宮。俗云黑瓦殿。景泰間英廟所居。舊聞考明英宗北還。居崇質宮。謂之小南城。今緞疋庫庫神廟有雍正九年重修碑云。緞疋庫爲戶部分司。建在東華門外小南城。名裏新庫。則裏新庫亦小南城也。東南爲普勝寺。寺前沿河。尚有城牆舊址。順天府志明南城本東苑舊地。英宗復辟後大加修拓。遺址甚廣。

註十一 順天府志普度寺舊名嗎囑喇廟。初爲睿親土府。癸巳存稿墨爾根王當時稱爲台星可汗九王。見毛奇齡後鑿錄。其舊府據恩福堂筆記在東安門內之南。明時南城今嗎哈囑喇廟。吳偉業讀史偶述詩云。與今地址悉合。元史泰定帝紀至治三年十二月。塑嗎哈囑喇佛像於延春閣之徽清亭。梵書言嗎哈囑喇佛有十二。皆文殊觀音化身。及護法神也。明南城有洪慶宮。供番佛之所。見夢餘錄。明宮史諸書。嗎哈囑喇佛蓋其遺製。天咫偶聞明之南內。今已拆盡。按行遺跡。惟普勝普度二寺。似猶是舊殿之僅存者。普度寺殿宇極宏。佛像極奇。皆西天變相。手執戈戟。騎獅象。陳設多寶物。沈香長及丈。雕鏤花紋。明成化中番僧板前達所貢。七寶佛座。卽仿其規式造。今尙供寺中。完好無恙。乃木雕加漆者。疑湧幢小品記所云南內最後一殿。俱佛甚奇古者。或卽指此而言。國初睿親王曾作府邸。吳梅村詩所謂十載金麟歸掌握。月明車馬會南城者也。今殿極東一間北墻下。番佛五。皆乘獅象。南窗下懸王之甲冑弓矢。甲長七尺餘。黃緞繡龍。鮮好如新。冑徑九寸餘。護項亦黃色。刀劍弓矢長於今三之一。弓無箭。而一人之力不能開。旁二護衛像。著甲執兵皆真物。王之二巴圖魯也。殿外作龍尾道。直抵山門。道旁古松林立。清蔭甚美。荃馨余齋詩註。南池子卽明南宮故地。清初爲攝政王府。今嗎囑喇廟殿基高

峻。蓋其遺趾。舊傳壁間挂有多爾袞弓箭。亦久無考。前清開國及禪國。皆由攝政王。亦異事也。燕京訪古錄嗎嘎喇廟在舊都東安門內磁器庫後。爲元代所建。正殿供歡喜佛。供品用人骷髏一具。今猶未改。清順治初。攝政王多爾袞薨後。命人用魚皮造像。尙存廟中。又傳該廟舊有女佛像一尊。其陰部亦係機械所構成。清制皇后每成婚日。則由內官導之入廟參拜。其意亦與參拜正心殿之意同。

註十二 順天府志內務府所屬磁器庫。在南池子東。地因以名。燕史內承運庫在東下馬門。職掌庫藏。在宮內曰東裕庫寶藏庫。謂之裏庫。其會極門寶善門迤東一帶。及南城磁器等庫。則謂之外庫。舊聞考綴疋庫神廟東。地名磁器庫。巷口石獅二。臨河。巷有南北兩文。內有黑琉璃瓦房。蓋即庫房未燬者。

註十三 箭廠胡同。內務府氈庫所屬箭廠在焉。

註十四 匏廬詩存有月夜過東華門詩。註丙午會議官制朗潤園。撤後移就項城私邸。又兩月始畢。街南舊有黃酒館。老屋數間。僅可容膝。潘文勤在南齋下直常過飲。間或留宿。榜以壺天。李文正再直樞廷。亦嘗賃此爲憩息之所。常以白事至其處。囂塵湫隘。極不可堪。而諸老處之怡然。可想見其風度矣。

註十五 順天府志東安門大街有東安橋。亦稱皇恩橋。曠亭續錄武英親王府在東華門。今爲光祿寺署。藤陰雜記署爲英親王故邸。規模宏敞。今半空閒。謹按王諱阿濟格。太祖十二子。初封武英郡王。晉親王。順治八年以罪除。燕史過東上北門中東門曰彈子房。曰學醫讀書處。曰光祿寺。曰篋頭房。曰東安裏門。過橋即東安門也。

順天府志光祿寺在東安裏門。今仍明舊。餘無考。翰林記宣德中賜楊溥第於東安門。客窗偶談中官初

入選。進東華門。門內有橋曰皇恩。謂從此即受皇恩也。俗呼曰忘恩橋。以中官既富貴。必讐其所生也。東安門俗亦稱外東華門。偶談蓋仍俗稱。天咫偶聞左文襄入都。僦居東安門內。盾鼻餘瀝自記。有石鼓閣。即此。公入軍機。銳意欲有爲。曾聞一章京云。公雖欲有爲。而成例具在。絲毫難於展布。陳奏發行。急於星火。無暇推敲。且有明日拜章。而今目甫定稿。了無更正之暇。有所建白。亦多中輟。所以文襄入直未幾。即力疏求去。有以也。然而京官之鉗制堂官。亦見於此。

按此宅文襄公出都後。擢子致相國居之。其後遷居於弓弦胡同內之牛犄角胡同。今其哲嗣免之先生購爲瞿氏所有。晨夕諷詠其中。繼先志也。東安門已拆卸。僅餘門洞三。橋亦改建。其北有真武廟。本在橋上。改建時遷焉。

南池子之北曰北池子。註一路西有武備院舊署。近歲改爲民居。稍北有小康家胡同。不通

行。又北爲日人大倉住宅。林木頗盛。路東在南之胡同。曰文書館。不通行。稍北曰頭條二

條三條胡同。又北曰雲神廟。今爲警察分駐所。又北曰騎河樓。註二張遠伯總長志潭故居

在是。今爲清華同學會。又北有小胡同。宣統間徐東海總統曾居之。又北曰盤頭作。徐幼

錚上將故宅在焉。又北曰草粲胡同。又北曰風神廟。今爲衛生試驗所。再北曰沙灘。昔日

有三座門。今已拆除。北池子南頭而東。東安門大街之北。曰萬慶館胡同。又東曰光祿寺

胡同。前清時有光祿寺署。註三後爲宗人府署。民國十六年改爲孔德學校。其北爲禮器庫。

東曰東夾道。西曰西夾道。今改爲孔德東西巷。再北曰箭杆胡同。其東舊爲譯學館。今爲北京大學第三院。門臨北河沿。再北曰孟公府夾道。吳光新故宅在焉。東口有橋曰光新橋。其西曰姪姪房。曰悶葫蘆罐。今改稱蒙福祿館。其東曰承侯大院。註四又東有岐公府。再北即騎河樓。又北曰五所胡同。曰廟兒胡同。註五曰門鷄坑。曰馬圈胡同。註六曰新開路。其東有八旗先賢祠。今爲北京大學第三宿舍。又北曰銀閘。再北即沙灘。其東曰漢花園。

註一 順天府志東華門外北長街。俗稱北池子。宣仁廟龍風神。凝和廟祀雲神。俱在東。內務府所屬武備院署。俄羅斯文館。又有小胡同曰文書館。萬慶館。俱在西。按武備院署原改爲中一區警察署建築基址。去歲售爲民居。建築始竣。文書館萬慶館俱在東。志似誤。

註二 順天府志騎河樓舊有內務府所屬三旗參領署。後移白米斜街。南鞍庫所屬熟皮作。與樓相望。舊聞考以騎河樓爲明涵碧亭遺址。北箭亭爲崇德殿遺址。按騎河樓之名尙存。樓則無可考矣。

註三 順天府志查嗣琛查浦詩鈔。長連牆接短連牆。紫禁滄洲列兩廡。催取四時花釀酒。七層吹過竹風長。長連短連兩街名。在仁智殿西南御酒房後。見蕪史及西河詩話。此大內之御酒房。非光祿寺御酒房也。查詩似未晰。藤陰雜記引西河詩話系於光祿寺者誤。紫滄滄洲額在光祿寺署中。明黎維敬所題。按今光祿寺已改爲宗人府署。上年又改爲孔德學校。

註四 順天府志騎河樓迤北曰城隍大院。亦作成侯大院。胡書農年譜甲戌三月移居東安門內成侯大院。宅爲英煦齋相國別業。宅止老屋數楹。庭前有丁香二株甚茂。按成侯大院今訛爲承侯大院。吳光新居宅甚壯麗。其東口河上有橋曰新安橋。亦光新所名命也。

註五 順天府志廟兒胡同舊名煖閣廠。有關帝廟。廟有鐘一。鑄煖閣廠關帝廟康熙四十九年孟秋虔造字。

註六 春明夢餘錄內承運庫外馬房在御馬監南。燕史過外馬房餘宅數區。所謂河邊者也。順天府志今驛圍當即明外馬房遺址。按今此處有馬圈胡同草垛胡同而無驛圍。春明錄所云河邊當即馬圈胡同。

註七 順天府志神營機幼丁隊左廠在銀閘。燕史御馬監聽事之南。曰裏草闌草塢。永樂初建。收料豆。宣德間將中府草塢之草分受。始立塢有倉廩也。舊聞考今御馬圈旁地名銀閘。有真武廟。即明御馬監裏草闌舊址。廟內有天啟三年碑記可考。燕京訪古錄東華門內御馬監南爲元時之御水河。今已剗平爲地。土埋有白銀鑄水閘一座。橫樑長四尺八寸。寬五寸。厚三寸。兩旁豎柱高三尺。寬三寸。厚三寸。爲長方式。中間八豎柱。四稜式。厚三寸。橫樑正中鑄銀閘二大篆字。上首鑄（大元元統癸酉秋奉旨鑄銀水閘一座）十五小字。下首鑄（太傅左丞相薩敦監鑄）九小字。當元時用純銀鑄此水閘。莫詳其故。按今左廠及草闌均無者。內六區警署在銀閘。燕京訪古錄所云以銀鑄閘之說。恐不足信。但言之鑿鑿如此。姑錄存之。

自北池子北頭而東。爲沙灘。其西達於景山東大街。東南兩面間以紅牆。牆之內曰老虎洞。西老胡同。東老胡同。孟家大院。又東曰操場大院。昔爲大學堂操場。民國七年建爲北

大第一學院。北曰景山東街。亦曰馬神廟。一 註北京大學在焉。是即光宣間之京師大學堂。

今為北大第二學院。中間有小胡同。曰大學堂夾道。其東曰松公府夾道。兩夾道之間。有

南北橫胡同。曰東高房。二 註再東即松公府。其北曰嵩祝寺。三 註稍西曰嵩祝寺夾道。曰二眼

井。其間有南北小胡同。曰橫柵欄。再西曰三眼大院。又西曰三眼井。稍北曰吉安所。四 註今

已售為民居。所之東曰東夾道。西曰西夾道。其北曰鐵匠營。其東曰東板橋大街。街之東。

南曰內府庫胡同。今改為納福胡同。曰蠟庫南岔。曰鐘鼓寺胡同。五 註曰西橋子胡同。再北

曰蠟庫中岔。曰蠟庫北岔。其東曰後局胡同。曰馬糞居。曰水簸箕。其西曰酒醋局胡同。六 註

不通行。曰織染局胡同。七 註再北曰河沿。有橋三。曰頭道橋。二道橋。三道橋。再北曰火藥局

胡同。八 註其北有頭條二條三條四條五條六條胡同。再北為北箭亭。為皇城之東北隅。頭

道橋之北有小胡同。曰火神廟。曰如意胡同。均不通行。東板橋大街以西。鐵匠營以北。曰

黃化門。九 註中間路南有南北胡同。曰司禮監。十 註其西曰碾兒胡同。昔不通行。今南面皇城

已拆卸。可達於景山後大街。黃化門中間路北有南北胡同。曰簾子庫。其東曰錐把胡同。

曰西妮房。曰東吉祥胡同。其北曰吉祥胡同。不通行。其西曰慈慧殿。十一 註曰南月牙胡

同。北月牙胡同。順天府志作北月偃南月偃。故友徐君容光恩元之故居在焉。又北曰安樂堂。註十再北卽地安門皇城根。亦曰東夾道。註十

註一宸垣識略一等忠勇公第在馬神廟。順天府志乾隆時大學士傅恆封忠勇公。諡文忠。其子福隆安尙

高宗四女和嘉公主。賜第在舊宅東。今公果齊遜製。封官散秩大。臣府西卽其家廟也。乾隆間勅建。蕪史又南曰

尙膳監御馬監。舊聞考馬神廟卽明御馬監馬神舊祠也。明職官志。御馬監掌印監督提督太監各一員。騰驤四

衛營各設監官。掌司典簿寫字。拏馬等員。象房有掌司等員。廟基舊在街之稍北。乾隆二十年移建。有碑。其廟設

舊額曰明霞館。爲聖祖御書。廟內大鐘一。有正德十一年鑄。御馬監馬神廟供奉十三字。小鐘一。上有勅建馬王

廟。康熙四十二年造十二字。殿前大鐘一。上有康熙四十二年造御馬監馬神廟供奉十五字。殿內小鐘十五。上

有康熙丁亥造御馬監馬神廟供奉字。迤南爲御馬圈。其地蓋仍明舊。野獲編內市在禁城之左。過光祿寺入內

門。自御馬監至西海子一帶皆是。每月初四二十四日設爲貿易。賄之內使云。此三日例令內中賤役糞糞

穢出宮棄之。以故各門均啓。因之陳列器物。借以博易焉。案內市之制。亦見明徐克駿姝由筆。舊聞考云無考。以

野獲編所言核之。御馬監今爲馬神廟。西海子卽太液池。其地猶約略可稽也。按和嘉公主賜第。及傳文忠祠

今尙在。但祠已傾圮。馬神廟今爲北京大學。

註二蕪史新房之北。則司禮監也。南則御馬監也。東西一街。南北一連二連三連四連。連之路口各有井。順

天府志高房胡同當卽新房遺址。蕪史連之十字路口各有井。今東西高房胡同之間。有二眼井三眼井。當卽一

連二連三連四連之地。

註三 順天府志嵩祝寺章嘉胡圖克圖所居。東有法淵寺。西有智珠寺。又東爲三廠遺址。明置番經廠。漢經廠。道經廠於此。寺東廊下有銅鐘一。鑄番經廠字。西廊下有銅雲板一。鑄漢經廠字。舊聞考燕史番經廠念習西方梵唄經。凡有佛事。本廠內官易番僧帽衣紅袍黃領黃護腰。一日或三晝夜。漢經廠念習釋家諸品經。僧伽帽袈裟緇色衣與僧人同。惟不剃髮耳。佛事畢。仍易內臣服色。明陳棕天啓宮詞注番經廠內官遇萬壽元日等節。於英華殿作佛事。卒事之日。一人扮韋馱。抱杵北面立。披瓔珞。鳴鑼鼓。吹海螺。諸樂器。贊唱經呪。至夜五方設佛會。立五色繖。數十人魚貫行其間。有所謂九連環者。其行逾疾。至九連環變則體迅若飛鳥。觀者目眩矣。天啓辛酉後。奉旨以宮人爲之。寺之大殿及後樓。其聯額爲高宗御書。法淵寺有銅鼎一。高六尺有咫。有張居正番經廠記。大清會典事例。嘉慶十一年上諭。現在章嘉呼圖克圖之呼畢勒罕轉世。着仍賞給香山法海寺五台山普樂院等寺居住。所有國師印信。及金頂黃轎。九龍黃坐褥。黃繖等項。着在松竹寺內妥爲供貯。俟轉世之呼畢勒罕勤習經卷後。能維持黃教時。再加恩賜。

註四 國朝宮史吉祥所凡宮監薨逝殯於此。

註五 順天府志鐘鼓司胡同。司亦作寺。有鐘鼓寺。明鐘鼓司。即其地也。舊聞考鐘鼓司掌印太監一員。僉書司房掌藝官無定員。掌管出朝鐘鼓。及內樂傳奇過錦打稻諸雜戲。殺城山房筆塵內官諸署。指鐘鼓司爲東街門。賤而弗居。野獲編內廷諸戲劇。俱隸鐘鼓司演習。相傳院本沿金元之舊。故其事多與教坊相通。

註六 順天府志酒醋局胡同神機營幼丁隊右廠在焉。(神機營幼丁隊分左右二隊。額設官兵五百名。)有興隆寺。乃酒醋局太監立也。局廢後。其胡同仍存其名。寺中有爐一。上刻酒醋麪局佛堂供奉字。燕史酒醋麪局掌宮內食用酒醋糖醬麪豆等物。與御酒房不相統轄。

註七 順天府志織染局胡同有華嚴寺。內織染局太監立。有宏治嘉靖二次重修織染局佛道碑記。明職官志內織染局掌印太監一員。管理僉書掌司監工無定員。掌染造御用及宮內應用疋緞。舊聞考織染局原建嵩祝寺後。乾隆十六年移萬壽山之西。與稻田毗近。立石曰耕織圖。原機上織染局三字。今改爲耕織圖。燕史織染局有外廠。在朝陽門外。又有藍靛廠。在都城西。皆本局之外署。

註八 嘯亭雜錄火藥局胡同迤東臨河。有鑲黃旗侍衛教場。燕史火藥局即兵仗局之軍器庫也。

註九 曝書亭集康熙癸亥。予入直南書房。賜居黃瓦門之東。又有賜居禁垣詩。順天府志案茶餘客話謂彝尊賜第在西華門內者誤也。燕史自北安門裏街。東曰黃瓦東門。門之東。街南曰尙衣監。街北曰司設監。舊聞考黃瓦門之名。見於大佛堂碑刻。俗呼爲東西黃華門。晉之訛也。尙衣監司設監今廢。黃瓦門之東。迤南有玉皇廟。即尙衣監舊廨。迤北曰慈慧殿。稍東南爲簾子庫。有真武廟。稍東爲織染局。有華嚴寺。其碑文碑額皆有司設監名。按今黃瓦門又訛爲黃化門。慈慧殿華嚴寺簾子庫均尙在。

註十 燕史再南曰新房。曰都知監。曰司禮監。司禮監門嚮西。門內稍南有松十餘株者。內書堂也。公廳大門外嚮西有二井。遞封汲之。西井之西一小門。東井之東一小門。其內爲提督監官典簿各書房掌司所居。

註十一 順天府志慈慧寺慈俗訛菇。慈慧寺莫詳所始。明司設監以寺爲私廨。其地向呼司設監。監廢後。以寺得名。曰慈慧殿。寺中有碑二。一明碑。其篆額司設監二字。餘即模糊不可識。一卽康熙間重修碑。碑文有云明宮監以梵宇爲私廨云云。

註十二 春明夢餘錄。安樂堂在地安門街東。蕪史北安門街西曰安樂堂。內官有疾者徙此。山陵及外廠九門官則不送也。舊聞考安樂堂在街東。蕪史作街西誤。今堂額雖存。並非內官養病之所。彤史拾遺。明孝穆紀太后者。憲宗妃孝宗母也。廣西賀縣人。本蠻土官女。上嘗行內藏。后應對稱旨。悅之。一幸有身。萬貴妃知而恚甚。乃謫居安樂堂。久之生孝宗。使門監張敏溺焉。敏驚曰。上未有子。奈何棄之。藏之他室。至五六歲。未敢剪胎髮。上一日召張櫛髮。照鏡歎曰。老將至而無子。敏伏地曰。有。但恐不能保耳。上即日幸西內。遣使迎皇子。后抱孝宗泣曰。事已覺。吾無生矣。兒去。見黃袍有鬚者。卽兒父也。皇子衣小緋袍。乘小輿。擁至階下。髮披地走。投帝懷。帝置之膝。撫視久之。其六月妃暴薨。

註十三 茶館客話勵文恪杜訥。以編修賜第厚戟門。按順天府志以此條屬於地安門內東夾道。文恪賜第當卽在此。

八旗官學 鑲黃旗在前圓恩寺胡同 正黃旗在西直門大街新街口公用庫後改設報子胡同嗣又改在西

城祖家街 正白旗在東四牌樓南小街新鮮胡同 正紅旗在朝天宮西廊下後改在阜城門內報子胡同

鑲白旗在朝陽門南小街方家園胡同後改在東單牌樓觀音寺胡同象鼻坑 鑲紅旗在宣武門內舊刑部街

後改在頭髮胡同 正藍旗在崇文門內新開路 鑲藍旗在宣武門內甘石橋東口內後改設西斜街

八旗左右翼義學 鑲黃旗在安定門大街 鑲白旗在觀音寺胡同 正白旗在豆腐巷 正藍旗在新鮮胡

同 正紅旗在武定侯胡同 鑲紅旗在兵部窪 正黃旗在石虎胡同 鑲藍旗在榆錢胡同

七修類稿

郎 暎

酌中志

劉若愚

戒庵漫事

李 詡

霏雪錄

劉 績

明水軒日記

高太素

雙槐歲鈔

黃 瑜

懿書

蔣德璟

明工部志

朱長芳

甲申傳信錄

錢士軾

冷然志

徐 善

湧幢小品

朱國楨

詞林典故

張 位

兩京求舊錄

朱茂曙

蒼霞草

葉向高

藝苑卮言

王士禛

眞珠船

胡 侍

穀城山房筆麈

子慎行

居易錄

王士禛

水東日記

葉 盛

薊邳雜鈔

王嘉謨

馬氏日鈔

馬 愈

世廟識餘錄

徐學謨

桂州集

夏 言

三垣筆記

李 清

耳談

王同軌

典故紀聞

余繼登

三朝野紀

李遜之

頌天臚筆

金日升

劉忠愍集

劉 球

甲申小紀

無名氏

帝京景物略

劉 侗

詹事府題名紀略

黃 錦

匏翁家藏集

吳 寬

彭惠安集

彭 韶

長安客話

蔣一葵

昭忠錄

吳 寬

大政記

雷 禮

燕都遊覽志

孫國權

析津志

野獲編

沈德符

燕史

劉若愚

以上明代書籍

雪廬焚餘稿

趙維寰

宛署雜記

沈 滂

綏寇紀略

吳偉業

天下郡國利病書	顧炎武	瓊談	高位重	帝京歲時紀勝	潘榮陞
玉堂薈記	楊士驄	京畿金石考	孫星衍	今白華堂詩鈔	童槐
青箱堂集	王崇簡	藤陰雜記	戴璐	忠賢軼紀	徐懋賢
畿輔人物集	孫承澤	人海記	查慎行	躬恥齋詩鈔	宋稷辰
春明夢餘錄	孫承澤	寄園寄所寄	趙吉士	菽園雜記	陸容
燕北雜記	武珪	禮部遺稿	黃富民	茶餘客話	阮葵生
簷曝雜記	趙翼	青門旅稿	邵長蘅	甲乙彙略	許重熙
瀛洲道古錄	朱彝尊	卷菴園集	洪亮吉	子齋集	陳儀
陔餘叢考	趙翼	懷清堂集	湯右曾	露書	姚旅
讀史方輿紀要	顧祖禹	西教入中國考	毛奇齡	都門雜記	
日下舊聞	朱彝尊	西河詩話	毛奇齡	都門紀略	
北京歲華記	陸啟滋	彭文敏自訂年譜	張鑑等	瓶廬詩稿	翁同龢
客燕雜記	陸啟滋	雷塘庵主弟子記	張鑑等	析津日記	周贊
識小錄	朱茂曜	金陵對泣錄	談孺木	坊巷胡同集	張爵
朔記	沈暉日	改蟲齋雜疏	高層雲	金齋退食筆記	高士奇

西陵類稿

宋 榮

查浦詩鈔

查嗣璜

壬癸詩存

孫 雄

翠經室集

阮 元

查氏烈女記

荃察子齋詩

鄧 璠

天問閣集

李長祥

嘯亭雅錄

禮親王昭槤

三海見聞誌

李景銘

宸垣識略

吳長垣

復初齋集

翁方綱

京塵雜綴

瞿宜穎

彤史拾遺

毛奇齡

癸巳存稿

余正燮

骨董瑣記

鄧誠之

池北偶談

王士禛

京塵雜錄

楊寧生

李彰九遺稿

李鴻春

香祖筆記

王士禛

桃花聖解齋日記

李慈銘

城西訪古記

振 生

道古堂集

杭世駿

翁文恭日記

翁同龢

舊京閒話

芸 子

太乙舟詩

陳用光

廣雅堂詩

張之洞

中華地理通志

林學衡

關徵草堂筆記

紀 昀

香雪巢詩鈔

徐兆豐

若缺居漫載

林傳甲

綠水亭雜記

納蘭成德

天咫偶聞

震 鈞

庚子雜記

于景枚

郎潛紀聞

陳康祺

匏廬詩存

郭曾圻

西巡大事本末記

張江裁

頤道堂詩集

陳文述

畏廬文集

林 紆

燕京訪古錄

故宮博物院

查浦輯聞

查嗣璜

黎閣詩存

柯劭忞

故宮考

故宮博物院

存素堂文集

法式善

以上清代書籍

以上時賢書籍

燕都叢考第一編勘誤表

頁 數行數 字數正

誤 頁

數行數 字數正

誤

林序 四 二三四 巾應作圍

全 上 八一〇 振應作悵

擢序 二 二 六 變應作奔

全 上 八二〇 者應作著

凡例 二 三一 樓字衍

一 一〇三四 他應作地

全 上 一一二九 場應作場

二 四三〇 徒應作徒

全 上 八二 元字下落年字

三 一一〇 折應作析

九 四十二 而應作西

一〇 一一三 國字衍

二 六十五 度應作都

六 一〇二九 爲字下落國字

九 九 一 五應作七

二〇 六二八 此應作北

二一 三一五 彰應作和

二四 二二七 改應作攻

二五 四 五 今應作令

二六 一一 徑應作經

全 上 一一八 經應作徑

二九 二一九 今應作令

全 上 九二九 十二應作二十

全 上 九三一 百字衍

勘誤表

三四 三二七 景應作暈

三九 六一 梁字下落一字

四三 三一二 云應作五

四四 一〇二四 紅應作江

四七 四三一 註一衍

四九 二五 籍應作藉

五二 一四 請應作講

全 上 六十九 陸應作陸

全 上 一一三一 藉應作籍

五三 一二五 三應作之

全 上 一〇八 鄰應作鄉

五四 五一 秋應作杖

全 上 八三五 藉應作籍

全 上 一二一七 曾應作曹

五五 五三二 職字下落時字

全 上 一二七 藉應作籍

五六 二一九 水應作冰

全 上 五一六 又應作又

全 上 一三二二 藉應作計

五七 一一二四 扁應作扁

五八 一二三六 宗應作宋

五九 一 二 鑿應作鑿

六二 一〇七 隆應作清

六三 六二一 闕應作闕

全 上 七三四 引應作列

全 上 一二二 有應作爲

六四 一二二六 又字下落南字

六六 九二 亦字下落非字

六八 五七 附應作拊

全 上 六三一 政應作致

六十一 三三 楹神二字衍
上 十二 三四 司字衍

七〇 一〇 二九 近應作迎

七一 一 一至 清畫至舊
十七 鎖兩句衍

七一 一三 三四 卽字衍

七三 四 一六 月字下落建字

全 上 五 二九 香應作青

全 上 七 二三 閨應作閨

七六 一〇 一七 卽字衍

七七 一二 一五 口應作日

八〇 一一 二三 響應作響

八一 八 一七 宮應作奇

八二 五 一七 皆字衍

八三 一 二一 心字衍

八四 五 九 復應作後

全 上 六 二二 非應作北

八五 五 一三 威應作咸

八八 五 四 春字下落左字

全 上 全 上 一七 又字下落右字

八九 一 一三 陰應作險

全 上 五 三五 辱應作辰

全 上 六 三七 藉應作籍

九二 一 三七 者字衍

全 上 一 九 聲應作散

九三 十 二二 僂應作纒

九四 三 一一 姓字衍

全 上 四 一一 清字下落姓字

九七 七 一二 社稷二字衍

全 上 九 一七 應作旃

九九 一 三五 花字下落社字

勘誤表

一〇〇 一三 三五 應字下落橋字

一〇一 七 三四 舊應作沿

一〇二 一 一一 勤應作勤

全 上 六 二〇 勤應作勤

一〇三 一一 六 文應作父

一〇五 八 四 其隨應作隨其

一〇六 七 一三 淚應作淚

一〇七 九 一一 日字衍

一一〇 二 三五 修字移正

全 上 三 二六 按字衍

全 上 五 一六 卜應作下

全 上 一〇 三四 國應作園

全 上 一一 一一 正應作五

全 上 全上 二三 賞新應作賞親

全 上 一二 一八 悖應作悖

全 上 二三 一 次應作此

全 上 一三 一九 曉應作時

全 上 一三 二二 頭應作頤

全 上 全上 三〇 頭應作頤

一四 六 七 間字衍

一六 二 七 門應作內

一九 二 一三 稽字下落核字

二二 一三 二一 統應作德

二六 六 六 介字下落福字

二九 四 三二 淑應作元

三〇 一 三三 令字下落遠字

全 上 九 二六 便應作使

三二 一 一四 芭應作苞

三四 九 三五 拄應作柱

全 上 一七 崩字衍

一三六 三 六 向應作而

一三八 一 三五 夢字移正

全 上 七 五 期應作朝

一四〇 七 二 韻應作韻

全 上 二 二 西字衍

一四一 二 一 巍字下落煥字

一四四 七 一九 以應作火

全 上 九 三一 着應作者

全 上 一 一八 擊字移正

一四八 四 三三 日應作日

全 上 〇 五 記應作禮

一四九 二 二八 輝應作華

全 上 九 三三 撤應作徹

一五一 二 八 而應作西

一五二 三 八 期應作朝

全 上 四 九 所應作行

一五三 三 六 位應作右

一五四 四 二 王應作玉

一五七 八 八 籍應作藉

一五八 四 〇 丙應作丙

全 上 七 九 圓應作園

全 上 全 上 二 園應作園

全 上 八 二八 祭字下落器庫二字

全 上 全 上 三四 三應作庫

一五九 六 一 至字下落神字

全 上 六 八 神字衍

一六一 二 三五 利應作利

一六二 七 七 位應作禮

一六四 三 一 夏字上落孟字

全 上 全 上 三 和應作孟

勘誤表

一六六 二二三四 祝應作視

一六七 五二四 未應作鞭

一七〇 八二七 兩應作雨

一七一 二二一 公字上落辦字

一七二 八一九 以字下落齊字

全 上 九三三 鏡應作鏡

中華民國十九年十月出版

燕都叢考
第二編

不許

複印

編纂者

閩侯陳宗蕃

發行所

北平後門內米
糧庫一號陳宅
電話東局五五三

印刷所

中華印字館

分售處

北平東四牌樓小
北平隱齋文藝社
北平中慈山商園
各埠商商店

郎潛紀開初筆、京師諺云、翰林院文章、太醫院藥方、光祿寺茶湯、鑾儀衛轎杠、又云吏科官、戶科飯、兵科紙、工科炭、刑科皂隸、禮科看、蓋各舉其職守也。又御史巡城諺云、中城珠玉錦繡、東城布帛菽粟、南城禽魚花鳥、西城牛羊柴炭、北城衣冠盜賊、蓋各舉其所巡之地、華樸喧寂迥不同也。吏部四司、世稱喜怒哀樂、蓋文選司掌升遷除受之籍、故曰喜司、考功司掌降革罰俸之籍、故曰怒司、稽勳司掌丁憂病故之籍、故曰哀司、驗封司掌封贈蔭襲之籍、故曰樂司。

郎潛紀開初筆、乾嘉間詩人多賦都門八古蹟、一爲法源寺甄塔、相傳安祿山史思明建、一爲太醫院銅人、在署內藥王廟、作於宋天聖時、世以爲從海湧出非也、一爲報國寺密變觀音像、高尺餘、寶冠綠幘、手捧梵字輪、一爲潭柘寺妙嚴公主拜輒、公主元世祖女、削髮居寺中、持觀音文、禮六十拜、痕入輒額、手足五體皆具、歲久輒壞、獨兩足痕、明萬歷壬辰孝定太后匣取入覽、藏之一、爲疊生寺大鐘、明永樂間鑄、萬歷間從大經廠移置萬壽寺、乾隆八年移覺生寺、一爲崇國寺姚少師影室、露頂袈裟跌坐、一爲慈壽九蓮菩薩像、九蓮菩薩明孝定皇后夢中授經者也、覺而一字不遺、因作慈壽寺建九蓮閣、塑菩薩像、跨一鳳而九首、相傳菩薩爲孝定前身、又長椿寺有黃綾紵軸繪九朵素蓮花、題曰九蓮菩薩之位、即孝定也、一爲刑部楊忠愍公平植、植在北所、康熙按都門古蹟、唐以後明以前見之載紀者甚夥、此八者殆偶然寄興、或當時尙在者也、審變觀音像、昔高宗臨幸、曾鑄銘詞、見

上海图书馆藏书



A541 212 0017 4910B

